

alexandra.ahlamontada.com

مكتبة أليس كوندرrib

رواية

العنبر

يوسف القعيد



لبن العصفور

يوسف القعيد

alexandra.ahlamontada.com
مكتبة الإسكندرية
متعدد

هذه رواية

" كان ياما كان، يا سادة يا كرام، ما يحلى الكلام إلا ذكر النبي، عليه الصلاة والسلام. كان فيه ملك ولا ملك إلا الله. خلف بنتا وسمها ترتر ."

كلمة من هنا. ودمعة من هناك. تروي لنا ترتر حكايتها مع زوجها عبد الضار والولد غزاله الذي لقي لقيمة ذات ليلة، وجد شنطة فيها مليون جنيه. وما جرى لهم مع هذا المبلغ الذي يفوق حتى قدرتهم على الحلم.

في هذه الرواية أمور جديدة على مؤلفها: الرواية تحكيها امرأة، رغم خشونة عالم المؤلف السابق، والأحداث تجري في أحزنة البوس التي تحبط بالقاهرة، على أن الأهم هو أن النص مكتوب بلغة الهوامش البشرية. الذين لا يملكون سوى قاموس الحد الأدنى اللغوي.

ربما كانت مغامرة أو نزوة. ولكنها من حق المؤلف، خاصة أنها نرحب بالعامية شعراً. ولكننا نرفضها قصة وحكاية، ويعتبرها البعض مؤامرة على وحدة الوطن العربي.

من حق الروائي، بعد أن ينتهي من وضع أسلس بناء عالمه الروائي. أن يجرب أحياناً أن يحاول الخروج على ما هو سائد.

"لين العصفور" تجربة جريئة. سبقتها محاولات من قبل. من أجل اكتشاف لغة قص عامية، أثارت العديد من ردود الأفعال حتى قبل أن ترى النور. ونخرج إلى الوجود.

الله واحد
أشكى لمين همي
 وكل الناس مجاريح

أودّي وشي م الناس فين، كل اللي سمع حكاياتي،
ضرب كف على كف، وقال: هيء أيام الأصول راحت فين؟
ربنا ما يكتب على عدو، ولا على حبيب، يشرب اللي
شربته، ولا يشوف اللي شفته.

أنا عاوزة، أفش غلي، وأحكي اللي جرى لي.. ربنا
يقدرني وأقوله.. بركتاك يا أم هاشم، يا سنت يا ظاهرة، لما
الواحدة مننا ينكتب عليها تفرد جسمها في حضن راجل غير
راجلها، وتعرّي نفسها تحت عينين، كات غريبة عليها، يا
دوبك لحد إمبارح، والراجل الثاني، حتى ما يكونش جوزها،
على سنة الله ورسوله.

دا ولا شرب الزرنيخ، ولا أكل سم الفيران.

كنت اسمع الناس تقول، إنه صعب إن الواحدة، تغيّر
عيبتها، وتبدل فرشتها، وتطلع من دنيتها وتدخل دنيا تانية،

ويا ريت دا اللي حصل لي. عتبتي ضاعت، وفرشتني
احرقـت، وما لقـيشـي فرشـة تـانيةـ. ولا حـيقـى لي عـتبـةـ جـديـدةـ.
يعـنىـ كـدهـ بالـمـفـشـرـ، طـيرـتـ العـصـفـورـ الليـ فيـ ايـديـهـ،
عـشـانـ شـفـتـ شـوـيـةـ عـصـافـيرـ وـاقـفةـ عـلـىـ جـدـارـ الـبـيـتـ الـليـ
قدـامـنـاـ، دـاـ وـلاـ خـلـعـ الضـفـرـ منـ اللـحـمـ بـكـماـشـةـ، وـلاـ طـلـوعـ
الـروحـ منـ جـتـةـ الـبـنـيـ آـدـمـ.

زـمانـ قـالـواـ: إـيهـ الـلـيـ صـبـرـكـ عـ المـرـ، قـالـ الـلـيـ أـمـرـ
مـنـهـ. وـالـلـيـ شـوـفـتـهـ، مـاـ شـفـوـشـ حـدـ قـبـليـ، وـيـاـ رـبـ مـاـ يـنـكـبـ فـ
دـافـاتـرـ حـدـ بـعـدـيـ، وـبـالـعـنـيـهـ وـلـادـ بـطـنـيـ. يـاـ بـوـ خـيـمةـ زـرـقاـ. نـجـيـ
وـلـادـيـ. وـاـكـتـبـ لـهـمـ فـيـ كـلـ خـطـوـةـ سـلـامـةـ. قـادـرـ يـاـ كـرـيمـ.
كـلـ وـاـحـدـ بـيـقـولـ الـيـوـمـيـنـ دـولـتـ، إـنـ عـيـشـتـهـ أـمـرـ مـنـ
الـمـرـارـ، إـنـمـاـ كـلـهـ كـوـمـ، وـالـلـيـ حـصـلـ لـيـ كـوـمـ، حـكـاـيـاتـ
وـحـوـادـيـتـ وـبـلـاوـيـ وـمـصـايـبـ. كـلـ بـكـةـ شـمـسـ كـتـ بـتـجـيـبـ
وـيـاـهـاـ الـلـيـ مـاـ حـدـشـ سـمـعـ عـنـهـ.

سوـاعـيـ، أـقـعـدـ أـكـلـمـ نـفـسيـ، زـيـ بـتـوـعـ السـرـايـةـ الصـفـرـاـ،
أـخـطـرـفـ وـأـلـطـمـ وـأـنـوـحـ، كـانـ مـسـتـخـيـ لـكـ دـاـ كـلـهـ فـيـنـ يـاـ بـتـ؟ـ
كـانـ مـنـشـالـ لـكـ فـيـنـ؟ـ كـتـيـ فـيـنـ وـدـاـ فـيـنـ؟ـ

وأنا لساتي ظغيرة، ويا ربتي فضلت ظغيرة زي ما
كت. سمعت أبويا وأمي. كانوا بيقولوا. إن البنى آدم، أول ما
ينزل من بطن أمه. ينزل معاه دفتره. مكتوب فيه كل اللي
حايحصل له. من أول ما يطلع من ضلعة بطن أمه، لغاية ما
ينزل ضلعة التربة الأخرىانية. يعني من طقطق لسلامو
عليكوا.

والمكتوب ما منه مهروب. تلفص فين؟ مين يقدر
يهرب من اللي ربنا كاتبه له في دفاتره من قبل ما يخلقه
وينزله الدنيا؟ مين قدر كده يهرب، مين حايقدر بعد كده
يفلت؟

كل واحد وياد دفترين، دفتر شاليه ملاك ودفتر
ماiske شيطان، الملاك يفضل واقف على يمين الواحد مننا،
والشيطان على شماليه. كل الواحد ما يعمل حاجة كويسيه.
يكتبها الملاك في دفتر الحاجات الكويسيه، وأول ما يعمل
حاجة شين. يعني وحشة. يروح الشيطان كاتبها طوالى.
زمان. زمان، كان الملاك بس هو اللي بيكتب،
صفحة الحاجات الحلوة كت تتملي لحد آخرها. فيروح واحد
دفتر الشيطان منه يكتب فيه.

إنما ليام ديت، الشيطان بس هوه اللي بيكتب، حتى لو
الملاك اتحايل ع الناس، وقع في عرضهم، ما حدش يقدر
يعلم حاجة كويسة. وعشان كده الملاك بيسلم دفتره للشيطان
من أول يوم.

والأطفال اللي بيموتوا قبل ما يخطوا العتبة، يبقوا
 زي الأنبياء، دول بس اللي بيروحوا الجنة حتف، أما كل
 واحد، مشي على رجليه، ولو خطوة واحدة، حايروح النار
 طوالى.

وكل دا بيحصل، عشان يوم القيمة قربت ساعته
مننا. بقى يادوبك فركة كعب ونوصل له. ين肯 يكون بكره
 واللا بعده. وبالكتير خالص. بعد بعده.

أقول ليه واللا ليه؟ والله مانا عارفة، دي حكاية
 صعبة؟ كنا عايشين كافيين خيرنا شرنا. لحد ما طب علينا
 اللي كان السبب. لأه، ربكم والحق هوه ما كانشي السبب.
 كت فيه فضيحة تانية، بعيدة عننا، هيه اللي عملت
 جرستنا. اللي بكره يعملوها غناوي وتنقى حكاية.. اللي ما
 يسمعشني بيقرج.

قليل البحت يلاقي العضم ف الكرشة، ويتكعبل في السديري. الفضائح على قفا من يشيل، الناس مداريالها الحيطان. وورا البيبان والشبابيك والبلكونات بلاوي متنالله. وكل واحد عاوز يداري على بلوته.

جتنا نيلة في بختنا الهباب. فضيحتنا على عينك يا تاجر والفرجة بيلاش أصل الناس العدلة خلصت. وما بقاشي غير الناس الكسر. الناس النقاضة، الناس اللبط، هوه بيفضل ع المداود غير أوسخ البقر. دي الناس بقىت أكثر من النمل بالنهر والناموس بالليل. ومر الكترة اتعودوا على الحاجات الوحشة ونما الناس تأخذ على الوحش. تنسى ان الدنيا فيها حاجات حلوة.

دي أيام الأصب، الزعازيع هيء اللي فوق الشواشي، إنما السكر والمكرر. دا بيقى في الجدور من تحت، والجدور ما تبقاشي بابنه من الأرضية. هو فيه أهيف م الزعزععة. إنما هيء اللي بيقى شاليها عود القصب فوقه. أهي دي أيام القصب تمام.

ما علينا، آني عايزه دلوقتي ألم الحكاية في عقل
بالي. قبل ما ابتدئ القول. نوبة واحدة راهن واحد تاني. قال
له:

- تيجي نملا ستasher زكيبة كلام؟
- وحائملهم مثين؟
- هو فيه أكثر وارخص م الكلام في البلد دلوقتي؟
- ياللا بينا
- نحط في الزكيبة الأولانية الكلام ده.

مالوش تانى

مین عرف مبتداه

هان علیه منتهاه

معقوله حد حايصدقني؟ أنا عارفة إن ديت مش راحه
 تدخل دماغ حد. أنا عمرى ما عرفت اسم الواد اللي قلب
 حياتنا. وخلى عاليها واطيها. كل اللي عرفته اسمه لولاني
 بس. غزال. وكت أنا لوحدي أقول له: غزاله. اسم دلع
 يعني. وهوه نوبة قال عن نفسه. ف ساعه روكان بال: غزال
 البر سأله: بر إيه؟ قال لي: بر مصر.

إنما لحد دلوقتني، تقولي: ونقبه إيه؟ أقول لك الكدب
 على الله خيبة. اسم أبوه إيه؟ أقول ما اعرفش، وعيته مين؟
 والنبي ما كان يتعز. ما اقدرشي أرد عليك، أهو غزال بس،
 والاسم كان عاجبني موت. وكت أحب أناديه بييه. وكت
 زعلانة علشان خلفت وسميت وخلصت، وكت بأقول لنفسي
 لو إني خفت من تاني. وجت الخلفة ولد. بيقى لزمن يكون
 اسمه: غزال. ولو جت بتبقى غزاله. بس حكاية البر دي.
 ما دخلتشي دماغي، علشان تطلع منه بعد كده.

شفتيه إمته يا بت يا ترتر، الواد اللي كان بابن عليه
تنوس عين أمه، شفتـيـهـ فـيـنـ أولـ نـوـبـةـ ياـ بـتـ ياـ تـرـتـرـ؟ـ هـوـهـ أـنـاـ
عـقـلـيـ دـفـرـ.ـ أـنـاـ مـشـ فـاكـرـةـ الـيـوـمـ انـمـاـ لـسـهـ فـاكـرـهـ جـيـهـ زـيـ ماـ
يـكـونـ دـاـ حـصـلـ اـنـبـارـحـ.ـ أـوـ يـنـكـنـ دـلـوقـتـيـ أـهـ،ـ هـدـومـهـ كـتـ
لـازـقـةـ فـيـ جـتـتـهـ.ـ عـرـقـهـ مـرـقـهـ.ـ وـرـيـحـةـ عـرـقـهـ زـيـ رـيـحـةـ الـخـلـ.
وـبـقـهـ مـنـنـ.ـ وـسـدـرـهـ زـيـ قـفـصـ الـفـرـاخـ الـفـاضـيـ.ـ جـرـيـدـةـ جـنـبـ
جـرـيـدـةـ.ـ وـلـاـ حـتـىـ حـمـةـ لـحـمـةـ بـيـنـ الـجـرـيـدـةـ وـالـثـانـيـةـ.

جـابـهـ اـلـدـعـيـ جـوزـيـ وـيـاهـ سـاعـةـ مـغـرـبـيـةـ،ـ دـخـلـ عـلـيـ
جـوزـيـ بـيـتـسـحبـ جـتـبـ الـحـيـطـةـ زـيـ الـلـيـ عـامـلـ عـملـةـ،ـ أـوـ
سـارـقـ سـرـيقـةـ.ـ اـيـدـهـ الـيـمـينـ كـتـ فـيـهاـ لـفـةـ.ـ وـاـيـدـهـ الشـمـالـ كـتـ
سـاحـبـةـ حـاجـةـ وـرـاهـ.ـ الـحـاجـةـ دـيـ طـلـعـتـ ضـيـفـ جـايـهـ وـيـاهـ.
ناـولـنـيـ الـلـفـةـ،ـ وـقـالـ لـيـ أـعـمـلـ لـهـ لـقـمـةـ،ـ عـشـانـ هـمـهـ
مـيـتـيـنـ مـ الـجـوـعـ،ـ خـدـنـيـ فـ دـوـكـةـ،ـ خـتـ الـلـفـةـ مـنـهـ وـأـنـاـ بـأـقـوـلـ فـيـ
سـرـيـ،ـ يـاـماـ جـابـ الـغـرـابـ لـامـهـ،ـ لـوـلـاـ عـصـافـيرـ بـطـنـهـ
صـوـصـوـتـ،ـ مـاـ كـنـشـيـ الـأـكـلـ جـاهـ عـلـىـ بـالـهـ.

نـمـاـ فـتـحـتـ الـلـفـةـ.ـ النـقـيـتـهـ جـايـبـ أـكـلـ يـاـ دـوبـكـ عـلـىـ قـدـهـ
هـوـهـ وـالـضـيـفـ الـلـيـ سـاحـبـهـ وـرـاهـ.ـ وـهـوـ كـدـهـ جـوزـيـ،ـ غـاوـيـ

فشرة، اتمتع وعمل حساب نفسه واللي وياه، إنما اللي في
الدار، ما يهموشي خالص، أنا والعیال ناكل بعضينا.
بصيت للضيف، لقيته ولد ظغطوط، حاجة يدويك
أكبر من عيالنا. قلت في عقلي. إيه اللي لم الشامي ع
المغربي. قلت حائتب نافوخي ليه، بكرة نقدر جنب الحيطنة
ونسمع الظبطنة.

الواد، يا عيني عليه، كان في نص هدومه، عينيه ما
نشالتش من ع الأرض، ونما بيجي يكلم يتهنه، مش عرفه ليه
كل ما كت أبص له. أحس انه عطشان، عايز يشرب. أروح
جاييه القلة — التلاجة البلدي بتاعتتا — ما هو حمارتك
العرجة ولا سؤال العويل. ياخدها مني ويشرب بيجي نصها،
يرجعها ووشة بيصبح، وهو بيقول "من ييد ما نعدما".
الناس قرف. والواد كت قرفته بайн عليها كويسة.
مع إن حاليه كت عدم. سعت ماجه عندنا. دقنه لسه يا دوبك
مخضرة، وضوافرة الطويلة شالية وساخة الدنيا كلها. كان
جلد على عضم.

اللفة اللي اداهالي جوزي، كان فيها أربع بيضات
وورقة زبدة، وجبنه ضاني من بتاعت البقالين واحنا طول
عمرنا بنأكل جبنة قريش وبس. اللي بتتابع خرط، خرط،
الجبنة الضاني عمرنا ما هوينا نواحبيها. عشان بتتابع زي
الذهب. صحيح إن الجبنة القربيش. بقت الخرطة بشلن. ما
هو أصل الغلا والكوا. خلوا التراب له سعر. مين عارف
ينكن تتابع الجبنة القربيش بالوزن بعد كده.

اللفة كان فيها حلوة طحينة. وست رغفة بيض،
تسمع ضحكتها، وتشوفي وشك فيها بdal أكلها. من كتر
البياض والحلوة.

جوزي كان طلع م البيت من العصرية، ما معهوش
لا أسود ولا أبيض. ايد ورا وايد قدام. جايز قلب رزقه في
الحصة ديت. تاهت ولقيناها. هوه اتلم على الوله. والولد هوه
اللي اشتري الحاجات من وياد.

حاكم جوزي ما يقولشي للواحد "سلامو عليكو" إلا ان
كان وراه مصلحة يعني دفيان بالفلوس، يفضل وراه لحد ما
ينحل وبره. ويخلية زي سعت ما نزل من بطن أمه. أنصاف
م الصيني بعد غسله. ويزقه ع الخلا وهوه بيقول له: "أمه

ف العش والا طارت" وبيها ضحك. حاجة كده ضحك
ونصب على مخلائق ربنا..

خت اللفة، ودخلت على جوه العيال اتموا عليه.
الجوع كافر يا ناس. والعيال كانوا على لحم بطئهم من سعت
الصبية. قلت لهم دي عزومة وإكرام الضيف واجب..
حانودي وشنا منه فين.

لقيد إيدين العيال الطغيرة بتتمد وتأخذ حتى من
العيش، يأكلوه حاف. رحت قاسمة البحر نصين، نص ليهم
ونص لينا.

حطيت شوية سيرتو في بابور الجاز ، وكبست الهوا
جامد فيه، وأنا خايفة يطلع كباس البابور صوت. عيب
يعرف اننا ما عندناش بوتجاز زي كل مخلائق ربنا.
الشاهد. الفنية طلعت جاز ، شطّيت عود كبريت، ونما
ولع، فربته م البابور راح هايب نوبة واحدة. أنا دايما باوله
قدام الدار من برة. عشان الهباب ما يسودشي الجدران، هوه
احنا لاقين اللضا عشان البياض والجير والألوان، وهوه مش
كافية ان عيشتنا مهيبة عشان نهيب الحيطان كمان.

لو طلعت البابور قدامه بره، حاتبقى ليالي سوده من
سي عبد الضار. أقرع ونرهي، فجري بق. يحب بيان قدام
الناس ياما هنا.. ياما هناك.. وأنا كنت باسكت وأقول لنفسي،
يا بت يا ترتر الدنيا ماشية كده. كلها مظاهر وكله بيضحك
على كله..

الناس كلها جوه بيوتها. حياتها تقلب غم. عينيها
بتشر دموع، وأول ما يطلعوا في الحواري ينسوا البلاوي.
 وكل واحد بيقى عاوز بيان مفرفش. ويلضم مع اللي يقابله
ف كلام وحديت. وهات حكايات اللي ف القلب ف القلب.
 وأننا باقلبي البيض وداني راحت لهم، سمعت جوزي
بيقول له. يا سلام يا غزال، لو كنا جبنا نص كيلو بسطرمة
مع البيض. كت بقت أكله أنجف. الواد قال له: إنت عارف
كيلو البسطرمة بقى بكم؟

مش بسكت جوزي، راح فايل له. واللا نص كيلو
عجوة تتطش في الزبدة مع البيض. الواد رد عليه. عجوة، يا
داهية سوخة، أول هام، إحنا فين والعجوة فين، دي عايزه
سفرية. وركوب أتوبيسات من هنا لحد السيدة واللا الحسين

والواحد يرجع بكره. تاني هام، أنا نفسي بتعوم من أكل
الحلو.

نقولشي ابن سرايات المحروس، قلت بس، بيقى الواد
صيده.. صايدة المعدول. وحايفضل وراه لحد ما بيقى ع
الحمد المجيد. ويقول له: وربني عرض كتافك. وفرجنى
على مشيتك. طريق السلام يا خويما. السكاك اللي تودي.
عملت أكلهم لأول. أنا عرفة جوزي بيحف في
الأكل، وداليا يأكل من قدام اللي بيأكل ويأه، وزمان كان
بيجي ع الأواخر، ويروح تافت في الماعون عشان أسيبه له.
إنما بطل الحدوته ديت. بعد ما بقى أبو عيال.

لو كنت عندي مواعين.. كنت قسمت أكلهم. وحطيت
لكل واحد لوحده. طلعت لهم الأكل قدام البيت. وجوزي قطع
الرغيف نصين، وقال "بسم الله" ضحكت في عبي. مؤمن
ع الآخر، دا يأكل مال النبي.

الواد زغر لي زغرة عرتي من هدومي. زغرة
تجمد المية في عز الصيف وتخليها تلجم. بص لي بعيون
 مليانة حنية، والدموع مرغرغة فيها، بتلمع زي نجوم السما
ف انصاص الليالي. دموع غريبة، لا عايزه تنزل، ولا تخش

جوه زي ما كانت. واد غريب، اللي بتقوله عينيه. ينطق بي
لسانه بعد كده.

عينيه كت بتترعش، رعشة حلوة موت زي السكر.
قال لي: ما تجاري الأكل ويانا، عشان يبقى عيش
وملح.

قلت له: كلو انتو بالهنا ولشفا، مطرح ما يسري
يمربي.

الكلام بتاعي سطل الواد. طس ف نافوخه. قاللي إنه
عمره ما سمع الكلام ده غير من أمه.. الواد قعدته تلذ،
وكلامه مش مهرجل. مترب الواحدة ما تشبعش من
ملافظه وتبقى مش عاوزه تقوم من فريحة.

همه كلوا بره، واحنا كلنا جوه، بعد ما قلت للعيال.
حسко عينكو يعرف أبوكم. انكوا أكلتوا. دا لو عرف،
حايختي الدار، تضرب تقلب بعد الضيف ما يمشي.
إنما الضيف ما مشيش خالص. لحد ما مشيت وياء.
رجل على رجله.

الأكل خلص ما افترشى أقول إن حد شبع، إنما
الأكل خلص وبس. جوزي قال. يا سلام الأكلة ديت عاوزه
براد شاي وعلبة سجائر نحبس بيها.

الواد من الكسوف راح جايب شاي وسجائر. وقال:
مين اللي ببيبع السكر في البلد دي؟ جوزي كان قاعد
مجعوص. مش على بعضه. مين قده، قال: السكر مش مهم،
كفاية إن ترتر تحط صوابعها في الشاي، يبقى أحلى من
العسل.

ربنا سترها. كان عندنا شوية سكر من بتاع التموين.
حليت بيهم.. وحوالين زردة الشاي. الكلام خدنا. وهات يا
حديت، فتحنا محدت.

الواد كان صناعي بيشتغل في أيها حاجة، بيلاقط
رزقه. زي احنا ما بنقول عن السريح.
والرزق يحب الخفية. البلد ما فيهاش شغل دلوقتي.
يشيل أنابيب بوتاجاز يطلعها العمارات بالبتشيش بس. هوه
وشطارته. ضحك وقال يعني مش حاتحملوا هم الأنابيب م
النهاردة.

إن كنت أنت رديت عليه من بعيد. نكون إحنا رديننا.
ف الليل بيشتعل سنكري عربيات. سنكري من غير محل.
سنكري تل طوار. بيشتعل عند أيها واحد ضاربه السلاك.
وعاوز يصلح بلوشي، يعني بمللين.

ساعتها قلت يا خوفي يقول، يعني ما تشيلوشي هم
العربية اللي عندكوا يبقى لازم نضحك. واحنا لا ضحكتنا ولا
هوه قال أيها حاجة عن عربيتنا.

الواد كان شغال ف سبع صنائع. سألت نفسي: وبخته
صنيع برضك زي جوزي كده؟ قال إنه في الجهادية. بيروح
هناك الصبح بدري. يحضر الطابور، ويطلع سلاكي سعت
الضهرية، يحط هدومه عند مكوجي قريب من وحدته، في
مدينة ناصر، يروح عليه. يغير هدومه. ويرجع ف الليل
بيات في محل المكوجي هوه وزملاته. الليلة بنص جنیه
يناموا جنب بعضهم. تحت ترابيزة المكوة، والدفع آخر
الشهر.

الواد ما جبشي سيرة أبوه ولا أمه. مع أنه لزمن
يكون له أب وأم. ينكن ربنا افتكرهم. طب خواته البنات

وحواته الصبيان، مين همه؟ يا خير بفلوس بكره يبقى
بيلاش.

مع الشاي والسجاير الكلام حيصلهال. ونص الليل
بقى قريب. واحنا لسه قاعدين نكلم. وراح جوزي رامي عليه
يمين طلاق بالثلاثة لا بيات عننا والواد كان عين ف الجنة
وعين ف النار. الود وده بيات عندنا.. إنما كده بابن عليه
مكسوف. زي البت البنوت. كان عايز يمشي. ومش عاوز،
آهي درانا أحسن من دكان المكوجي برضك.

جوزي قاله: آهو توفر النص جنبه كل ليلة. دا انت
بتدفع خستاشر جنيه في الشهر، تقدر تكري بيهم أحسن
مطرح. يكون بتاعك لوحديك. سأله: طب كت بتتسير فين
الصحيحة؟ رد عليه: كت باعملها في أنها حته خلا بعيد عن
الناس، دكان المكوجي ما كانش فيه غير حنفيه ميه وبس.

فعدوا يتعارض حصة من الليل. والعيل كانم فرحانين
بالنص بطن. اللي اتلموا عليها. ما هو نص العمى ولا العمى
كله. وجوزي ماسك في الواد. والواد قال إن الحكاية مش
مبلوغة. وفي الأواخر. قال انه حيانام عندنا الليلة ديت وبس.

إنما مش حايكررها تاني، عشان المطرح يدوبك مكفينا
بالعافية.

عبد الضار قاله. الدنيا حر. والصيف حصيرته
واسعة وآهي ليلة وفراها الصبح. وابتديت أوضب النومة
لينا وللضيف. سحبت جلابية نصيفة من جلايب جوزي.
وحيت شبشب وفوطة واديتهم له عشان يغير هدومه.

جوزي كان كريم وياه ع الآخر حلف عليه بالطلاق
يمين ثلاثة. لا بنام وياه في أوضة النوم. وأنا آخذ العيال في
حضني في الصالة. غزالة قال: "ودي تيجي" عبد الضار
فهمه أنه لو ما سمعشي الكلام، حايطلع دلوقتي في انصاص
الليالي يطلقني. وهوه ما يخلصوش خراب البيوت العمرانة.
و عموماً هي الليلة ديت ويس. وبعد كده حلينام ويا الولاد في
الفسحة.

سألت نفسي. هوه عبد الضار قلب وبقى بتاع عيال
واللا إيه؟ ينكن الواد حايدفع له، نظير ما يكيفه الليلة. والله
اليومين دولت. كل شيء جايز.

العيال أول أبوهم ما دخل الأوضة مع الضيف. ناموا
حواليه. رحت عدلاهم ع المخدة وقعدت أعد نجوم الليالي.

كيلوا اللحمة بقشى عشرة جنبه حته واحده. العشرة
جنبه معروفة. عشر ورقات كل ورقة تتضح الثانية. إنما
الكيلوا اللحمة يا إما يغشك الجزار في الوزن. أو يكون تلات
تربيعه عضم وشغت وجلد وعروق. وبتاع الفول. ما يبعش
بأقل من حته بربع جنبه. ورغيف العيش الحاف اللي يوحد
ربه بقى سعره حته بخمسة ساغ. دا ولا يوم القيمة ذات
نفسه.

جدتي كت بتحسب بالملين، وأبويَا كان بيتكلم
بالقرش، وجوزي أول ما خذني، كان بيحلف بالجنبه. إنما
دلوقتي بالعشرة جنبه حته واحده، والله ما نى عارفة ولادي
وولاد ولادي حايحسبوها ازاي. دي أسعار بقىت بالغالا
والكوا.

في يوم من ذات ليام. سألت عبد الضار عن حكيوه
الغلا. قام انشال وانحط، وقال: دي حاجة إلهية كده، ونا قلت
له. طيب والحكومة تروح من ربنا فين. قام ظغر فوقه
وتحته وحواله. وقاللي "الحيطان ليها ودان، واحنا ناس
كسيبة على باب الله والميه عمرها ما طلعت في العلي".

ما جاليش نوم. قمت، وقعدت ع الحصيرة، وفررت
رجلية على آخرهم، وقميص النوم ما يوصلشني إلا لحد
فخادي وبس. وأول ما أُفعد العقدة ديت، بيبان نص فخادي
التحتانية. قعدت أحمس على رجلية وعلى فخادي، وكل
دراع حسس ع الثاني، واروح باليسة ايديه وأقول يا خسارتك
في الفقر والبهلة يا بت، يا خسارة حلوتك في اللضا اللي
انتي عايشة فيه.

أحسس على وسطي، الأقيه ملين، أمسك سدرى
وأرفعه ل فوق وأقول الرمان طاب واستوى وطلب الأكالة،
أبص حواليه وأقول هيه فين بس الرجاله يا خواتي. أنا
عارفة آني حلوة. أول ما مشي في الشارع. حتى النسوان
يعاكsonي. واحدة منهم قالت لي : "هأه يا نقاه" وقفتي وقالت.
فيه نسوان ما عندهمش رباع طعامتك والواحدة منهم نما تفتح
فخادها. تلم الفلوس بايديها وهيه لسه نايمه. ولزمن تجيip
مكنة تحسب بيه الفلوس لأن العقل يتوه م الكترة. ما هي
الكترة بتودي العقل ف داهية.

كل ما اطلع، اسمع حكايات زي ديت، وارجع البيت
وابص لفخادي وأقول، قليلة البحت ما تاخدش من فخادها
غير البص ليهم.

راحت أيام. وجت أيام. لحد الليلة ديت، نما لقيت
عينين بتبعن لي م بعيد بعيد. قلت يا حسرتي عليه. جت
الحزينة تفرح، طلع اللي حايفرحها واد كحيان عايزني أشيله
فوق كتافي. بدل ما يخليني أتعب من عد الفلوس. يعني أكدب
وأقول إن النعنة والعز كانوا جولي على بال؟
وأنا في الليل، وفي النهار بأقول، يا سابل سترك،
عمر ي ما طلبت منك غير الستر وبس.

والتالثة تابتة

زرعت صجرة هلبت

وسقيتها بميه يا ريت

طرحت ما يحيش منه

السؤال اللي طول عمري. ما لاقيتوشي جواب، هو
شغل جوزي. نما واحدة تقولي، وانتي جوزك بيشتغل إيه يا
شابة؟ كت أحثار. هلترى أكتشف البير وخطاه قدام الغرابوة،
يعني أقول لها، سبع صنایع والبخت ضایع سبع صنایع
وبنکمل عشانا نوم.

كت باكديب، والكدب بحوره ما لهاش شط تاني.

الكدب حباله دايه. زي حمال المحبة اللي تقلب جواز،
الكذاب نساي. كت أقول لواحدة شغلانه. وانتي وأقول ليها
بعد كده شغلانه تانية. وأول ما تكعبيل ف الكدب.. اتصرف
طوالى. هوه آني ما فلتلکيشه.. ما هو جوزي ساب شغلانه

السبوع اللي فات ومسك واحدة تانية، الناس بتحسد لعمى
على عماء، والمكسح على كساحته.

يقولوا: دا جوزك بيلاقي الشغل مستبيه ع السكاك.
قسم وأرزاق.

اسم جوزي. كل واحد سمعه، يسألني هوه ملاقاش
غير لسم ده. دي الأسامي ف بلدنا بلوشي، الأسامي لا عليها
ضرائب ولا جمارك. وكل واحد حر يسمى زي ما هو عاوز.
أروح قايله لهم: هوه فيه حد بيسمى نفسه. أهله همه
اللي سموه وهو ذنبه إيه؟

كل ما يمسك جوزي شغل. لزمن ينكرش منه. لو
طُوْل جامد في الشغلانة بيقى شهر. هو شهر وشهير والتالت
ما يجيش، كان دايما يقول لي إن دمه حامي وطبعه واقف،
وانه ما يعرفش شغل الملحسة ومسح الجوخ.

والناس بتقول إن ايديه طولية، وذمته يرمح فيها
القطر ما يجبش آخرها. وأنا قلت ف عقل بالي، يا بنت يا
ترتر آدي احنا عايشين وهو في الآخر بيتصرف. بيقى إيه
لزمت السؤالات اللي بتخرب البيوت.

الناس كت نازلة عليه مألسة ونأورة. والعبال تطلع
وترجع دموعها زي مية السوافي. عيال الجيران، بيعايروه
إن أبوهم شيخ منسر، وأنه حرامي، أقول لهم، دول عيال
بيأكلوا في قفة م Hollow. عشان كده. مال لهمش شغلة غير
إنهم يجيبوا في سيرة الناس.

جوزي بيشتغل أيها شغلة. إنما بيحلم، وما فيش
حاجة بعيدة على ربنا. إنه يفتح معرض عربيات. بيع فيه
العربيات الجديدة لنج، اللي لسه طالعة من الفبريكا. ولللي
كاونتها لسه كتابة بلاده باليه عليه.. ما تمسحتش. وأنه
حايسمى المعرض: "سيارات ترتر".

أقول، طيب ابتدى بمعرض عربيات شغالة. نص
عمر، خرج شغل اللي بيتدى صغير يكبر بعد كده. إنما اللي
ييدي كبير ينكن يظفر. يقول لي يا عبيطة. الظغير يفضل
ظلغنطوط، والسمك الكبير بيأكل السمك الظغير بيعمله مزة
ويدوسه ويدهسه. ما فيش حد بيساعد حد.

تخاريف، دا لعمى بيحلم بقفة عيون. والجعان بيحلم
بسوق الدرة، إنما كت أسمع تباتيش كلام إن جوزي بيتجار

ف جنت الميتن اللي في الترب. اللي ف النواحي الثانية من
بيتنا.

وانه بيروح قدام البنوك اللي ف نص البلد، وأول ما
يلافي فلاخ طالع ومعاه قرشين. بيعرف عليه، يمشي ويأه،
يسايره ف الكلام، ويعزمه على كباية عصير حاطط فيها
دوا، أول ما يشربه الجدع، يروح في النوم أسبوع بحالة.

يقوم من النوم، يلافي نفسه متل恢 تحت كوبري.
مقطسط. أنصف من الصيني بعد غسله. قالوا: بينشل الركاب
في الأنوبيسات، آهي ماشية، أيام بنشرب عسل وأيام بنشرب
خل. ليالي نقف على ضواهرنا. وليلي نسكت عصافير
بطوننا بالضرب. وإن ما سكتشي يبقى بحفل الطوب.

كنت أقول له: نفسي تشغله شغلانة عليها القيمة.
تضمن ماهية أول كل شهر، زي ولاد الناس اللي ملو
هدوهم. يكشر ويقولي: همه بتوع الحكومة لاقين اللضا. كل
واحد فيهم عامل فردة ف شغله ع الناس اللي محتاجة له.

كل واحد بيعد إيده للحرام، عيني عينك، ف عز
الضهر، الماهية ما تأكلش نملة. ولا تفتر عيل لسه مفظوم

من بز أمه. وكل واحد ماسك شغلانة غير بتاعت الحكومة
بعد الضهر.

جوزي كان كبير عنى، ستین بيئي وبينه، بس عمرى
ما حسبتها، وعشان الناس خوفتي من اسمه. كت دايماً أقول
له يا راجلي يا سبعي يا جملـى. وف سواعـى كـت أـقول لهـ:
يابا بـس دـي كـت بتـرـفـه يـرـوح فـايـلـى: "بو لـما يـتـفـخـكـ".
وفـضـلـ وـرـأـيـا لـما بـطـلـتـ حـكـاـيـه يـابـا دـيـتـ.

عمرى ما شفت له أهلـ. وكلـ ما سـأـلـه عن أبوـه وأـمـهـ
وـخـواـلـه وـخـوالـهـ وـعـامـمـهـ وـخـالـاتـهـ. يقولـ أولـ حـالـتـهـ ما تـعـدـلـ
حـانـرـوـحـ نـزـورـهـمـ، وـدهـ عمرـهـ ما حـصـلـ. عـشـانـ حـالـتـناـ عمرـهـاـ
ما انـعـدـلـتـ. هـمـهـ يا دـوبـكـ قـرـشـينـ بـيـجـومـ، وـبـعـدـينـ يـطـيرـمـ زـيـ
الـسـبـرـتوـ. وـلاـ نـوـيـهـ شـفـتـ مـعـاهـ كـيـسـةـ فـلوـسـ زـيـ كـلـ النـاسـ
وـعـمـرـهـ ماـ قـالـيـ. خـدـيـ القـرـشـينـ دـولـ شـيلـيـهـمـ يـنـفعـواـ وـقـتـ
عـوزـةـ، حـاـكـمـ الـفـرـشـ لـبـيـضـ، يـنـفعـ فـيـ الـيـوـمـ لـسـودـ، وـاحـناـ كـلـ
أـيـامـنـاـ سـوـدـاـ غـطـيـسـ، مـاـ فـيـشـ يـوـمـ طـلـعـتـ لـهـ شـمـسـ.

أشـربـ نـارـ عـيـالـيـ إـنـ كـتـ باـكـدـ. عمرـىـ ماـ عـرـفـتـ
لـيـهـ أـهـلـ، فـتـحـتـ عـيـنـيـهـ عـ الدـنـيـاـ، وـأـنـاـ وـيـاـ جـوـزـيـ دـهـ. عـشـتـ
معـاهـ فـالـحـرـامـ وـلـوـلـاـ اـنـهـ اـتـعـارـكـ معـ الـجـيـرانـ، وـهـدـدـونـاـ، مـاـ

كاشي خندي وراح على واحد مأدون في انصاص الليالي،
عشان يكتب عليه.

المأدون هوه اللي أجر لينا، اتنين عشان يشهدم ع
العقد، رجعنا الحنة لاقينا الجيران عاملين جرسه وفضيحة،
وكتابين بلاغ للنقطة، إن احنا عايشين وياب بعض من غير
جواز، رجع قلبه أجمد من الحديد، حط صوابعه في عين
التخين منهم. وقال لهم: أعلى ما في خيلكو اركبوه، وأول ما
جاب ورقة الجواز راح وراها اللي يسوبي واللي ما يسوashi.
إنما اللي أنا عارفاه، زي مانا عارفة نفسي، إن الواد
لا ولادي، واللي فوق راسه، حبلت بنابيهم وولدتتهم، قبل
حكاية كتب الكتاب ديت، ولا انعمل لي فرح ولا ليلة دخلة
ولا صبحية ولا جوزي خد وشي زي ما باسمع أنه بيحصل
لكل البنات البنوت.

هوه قال للناس، إننا كنا متجوزين على سنة الله
ورسوله من يوم ما عشنا مع بعض، إنما في ساعة شيطان —
والله ما شيطان إلابني آدم — رمى عليه يمين الطلاق. وكان
لزمن يرجعني لعصمته تاني. وكتب الكتاب من أول وجديد.

عشت ويا جوزي. وكل ما نقول يا رب فرش، بيجي
بداله كرش. المسعودين فلوسهم بتزيد. والمعوسين عيالهم
بيه اللي بتزيد. ويا ريت الكروش بيتجي زي ما إحنا
عاوزين - اللي غطى ووطى - إن همه بيجوا غصبنا عننا.
حاجة كده إحنا مش عاوزينها. هوه أنا حاكر واللا إيه يا
رب؟ دي الناس بتقول: كل اللي يجيء ربنا كويس.

دا الإمام في الجامع. كان بيقول كل يوم جمعه، إنه
ما فيش بعد الكفر ذنب. والكفر ده تهز ليه العواميد اللي
شاليه السماء، وينهز له العرش الكبير ف السما اللي قاعد
عليه ربنا يقسم لرزاق بين الخلق كلهم.

من زمان، وأول ما شفت وشي في المراية، بعد
خراط البنات ما خرطني وأنا أقول لزمن يا بت. تجيبي بت،
تشيل جمالك ده. وحللونك اللي الرجال حايجنوا عليها. بس
كت عاوزه لا ولاني ولد عشان جوزي. وعشان كمان نما
يكبر بيقى ابني واخويا.

بعد كده كت أقول دائمًا المثل اللي طلعنَا سمعناه من
ابهاتنا وأمهاتنا. اللي ما اعرفش همه مين، ولا فين أراضيهم

الوقتي. المثل كان بيقول "اللي بسعده زمانه بيده الواد ويابا
البت".

الواد الأولاني فرحت بيها، وقلت أنا اتحرم من إني
بيقى لي أخ. أنا لسه ظغيره وهو حاييقى لي أخ، وأنا لسه
في دم الناس، سمعت عبد الضار عاوز يسميه على اسمه.
عشان بيقى عبد الضار عبد الضار. مش كفاية من الدست
معرفة.

كت تعبانة. والحس بيطلع مني بالعافية، ومع كده
قلت له حرام عليك. من حلاوة اسمك عاوز تكره في العيلة.
دا الواحد لو صور في أسامي الناس كلاتهم. ما يلاقيش واحد
تاني اسمه زي اسمك.

قاللي عشان اسمي يفضل واحد من العيال شايله. دا
احنا خلاص ياللا حسن الختام. قلت له: دا انت اسمك لوحده
معيرة. عاوز تخلي البكري بتاعتني يطلع للدنيا وهو شايل
معيرته وياده. وكفاية إنه حاييقى ابن واحد اسمه عبد الضار،
دا قليل إن ما غيرشي اسمه واتبرى منك. عشان الناس ما
تاكلشى وشه من السؤالات عن لاسم.
أنا كت أحب قوي اسم حسن، ما اعرفش ليه.

و صممت، و قلت حالم هلاهلي و كراكيبي و أشيل حته
اللحمة الحمرا على ايديه، و امشي م الدار، إن ما سمعشي
كلامي. أهو بلاد الله خلق الله.

قاللي اسمعي يا بت الناس، بقى اللي أوله شرط آخره
نور، من دلوقتي وطالع، أسامي الصبيان أنا اللي اسميهها.
عشان رجاله في بعضينا وفهم، في سوق الأسامي، ايش
دخل النسوان في حاجات الرجاله. وأسامي البنات، انتي
تشاوريني فيها. وأنا برضك اللي اسميهم، دولت شايلين
اسمي أنا مش اسمك، دا انتي حياله أمهم، والناس بتتادي
الواحد بابوه مش بامه.

لقاني غضبت وزعلت، والناس قالوا له، إن الزعل
فياليومين دولت بعد الولادة، مش كوييس، دا يقصف عمر
الولية، كز على سنانه وسماه حسن، قاللي إن حسن ده، كان
في باله قبل ما أقوله، وعشان كده وافق عليه. إنما هو مش
مشي كلمتي زي ماني فاكره.

كان يقوله، يا واد يا بو علي، إنما آني كت بادلעהه
زي الناس الغناي، بتوعات العلاي. وأقول له يا سنسن.
وكان عبد الضار يتخايف ويأيا، ويقول لي، كده حايطلע الواد

بنوته في أيام مش عاوزه غير الرجاله. اللي واكلين كبدة
الديابة نيه وشاربين دم الأسود.

وأول ما فطمتو الواد. كت عايزة أشيل تاني. عشان
البت اللي مستياها: البت اللي حاتبقى أحلى مني، وحاتحفظ
سري، ولاني بأتوجه عليها، كذت بالف واجيب صورم
الجرانين، آخذهم من البقال والطعمجي وأعلقها ع الحيطان.
وأقعد ابص ليها، عشان البت تطلع صنيورة. وتبقى حاجة
زي بتوع السيماء.

لما كت أشوف بت حلوة في الشارع، أوقفها قدامي
وأقعد ابص لها لحد أهلها ما يخافو مني، ويخطفوها من
قدامي. يفتقروني خطافة بنات.

سألت سبات كبار. ازاي يعرفوا اللي في البطن، إن
كان ولد واللا بت. قالوا إن الولد وهو في بطن أمه رفسته
تبقى خشنة، وعصامه ناشفة وشيله في البطن تسع شهور يهد
الحيل.

البت تبقى حنينة. تنقلب بدلع وتمد رجليها زي ريش
النعام. كل حاجة فيها حلوة زي حنة القشطة. إنما الواد بيقى
معصعص. عملت الكلام ده حلقة في ودانى. وقعدت مستيبة

البت. اشتريت ليها الفساتين، والحلقان والغوايش، والخلاليل
وبنس الشعر الطغضوطة، وعملت ليها على إيديه مخدة على
قدها. وحنة ملية وحنة بطانية. كل حاجة ظغيرة، حاكم أنا
أموت في الحاجات الظغيرة خالص.

بعدما نزلت مني، سمعت الداية بتاعت الحنة بتقول
لعبد الضار: مبروك ولد. كتمت غيظي، دي خلقة ربنا
برضك، واللي يقول ليها لأه، تخطف من وشه، قلت: كل
الل يجيئه ربنا كوييس.

النوبة دي أنا ما اتكلمتش في حكاية الأسامي، وهوه
قعد يومين يفكر حايسميه إيه، وراح مسميه نافع وبقى أخوه
حسن، بعد ربنا ما نتعني بالسالمة. ما اقدرتش انسى حكاية
البت اللي باحلم بيها.

ما كنتش عايزه حد يقوللي، يا أم حسن، ولا يا أم
نافع. كت عايز اهم يسموني أم ستونه بنتونه. الناس بتقول، إن
الواد بيطلع لأبوه عدل. والبت لأمها طوالى. والبنت اللي كت
عايزها كت مسمياها في عقل بالي من قبل ما تشرف. وكت
ونا نايمة أحلم إن الناس تنادي عليه: "يا أم نزاهة" وأرد
عليهم طوالى، وكت عايزه أدعها بنزاهة.

عبد الضار من نواحه كان عايز عيال كتار. كان
بيحضور على عزوة وعيلة كبيرة، كمان العيال أول ما يقدروا
يُمشم يشغلهم ويُساعدونا ع المعيش.

من هنا لها، جبت لثالث نوبه، ولا سألت ولا
عملت، وقلت لله حاجييه ربنا كويس، بس أبا، بيبي
وبناتكم، كت عايز اها بت.

قبل ناييجي معادي، كبست العساكر بيبيتا، وخدوا
جوزي، وكت أول نوبة أعرف عيني عينك إنه بيعمل
 حاجات بطالة، انمسك وسعت ما طلعوا بيده والكلبسات في
ايديه. على باب الدار، كت حأموت ف هدومي الخلايق
وافتين ترش الملح ما ينزلش، ما تعرفش الناس دولت جم من
أيها عب واتلموا من أيها تربه.

كل واحد قال الكلمة اللي قدره عليها ربنا، اللي قال
دا ق قال فتلته، اللي قال دا شيخ منسر، اللي قال دا يسرق
الكحل م العين، اللي قال دا هجام أتوبيسات، اللي قال دا
بيحتاج في البرشم. اللي فاللي عمرك ما حشوفي له طريق
جره. ياه شديله أبوكاتوا بالفلوس اللي سايبها ويأكلها. وأنا
حلفت آني ما معايا ولا مليم واحد.

كام يوم وطلع. طلع يوم ما ولدت بالظبط. آني الطلق
جاني من هنا والناس اتلموا عليه. قالوا دي وحدانية مالهاش
حد غير جوزها المحبوس والواد نزل من بطني واق، واق،
وهوه داخل الدار، والناس بتقوله: كفارة يا عبد الضار،
السجن للجدعان، الحبس للرجاللة، النوبة ديت لا سأل ولا
عمل، أول ما عرف إنه واد راح مسميه يحيى، عشان ربنا
نصره على الأنجلاس ولاد الكلب اللي كانوا عاوزين يلبسو له
تهمة وهوَّ مظلوم.

وبكده، قلت كفاية عليه تلات صبيان، آني مش
مكتوب لي أخلف بنات، واحدة غجرية بتشوف البخت
وتضرب الودع في السوق، قالت لي آني مكتوب ليه مع
جوزي صبيان على طول. ومش حأجيب بنات إلا نما أغير
فرشتني وأبدل عتبتي.

سألتها. يعني إيه يا خالتي. قالت يعني تتجوزي
راجل تاني، قلت لها، ربنا ما يكتب عليه ده. ولا يحصل ولا
يكون. ولا نام في حصن راجل تاني. غريب عليه. بقى
أحب أبص للبنات الظعيرين. ومن يوميها باحث الحاجات
الظعيرة، سمكة ظعيرة. حمار ظغير ماشي ورا امه. جدي

لسه نازل من بطن امه. معزة لسه ما طلعش ريشها، بيت
محذق، أي حاجة ظغيرة، ينکن عشان اتحرمت من بت
ظغيرة تتداي وتنقولي: يا نينه، والناس تتداي عليه "أم نزهة
" ينکن آني كت نفسي، يكون اسمي نزاھة لو سمیت نفسي.

أربع تربع

غزاله: أصله وفصله

يوم ما طب علينا عبد الضار . زي القضا المستعجل .
وف إيده غزاله ، قلت هو مكفيانا عيش حاف من غير غموس .
عشان رايح يحيب لي حنك وزور وبطن تانيين . حنك فيه
ضبيين . كل ضب له صفين سنان يطحروا الظللط .

الواد سعت ما جه ، كان لسانه مشقق م العطش ،
وريحة حنكه ولا ريحه فبر لسه مدفون فيه ميت جلد على
عضم ، والواسخة خطوط خطوط على جنته ، وهدومه لازقه
في جسمه من العرق ، بصيت اللواد من فوق تحت قسته
بعينيه ، كان لحمة يغرق في شبر ميه . الواد كان فله . له
تحت ، بس مالوش فوق ، وأنا الراجل اللي يدخل مزاجي
ويكيفني لزمن يبقى له تحت ، ويبقى له فوق ، يبقى فرخ ، زي
عود السرو ، اللي مزروع ف أيام الرخا .

قلت وأنا مالي ، هوه أنا حاججوزه ، آني خلاص ،
خدت تصيبي من الدنيا ، واتمددت في حضن راجل ، ما
اخترنوش ، وتلاقيه لا اختراني ولا غيره تلاقينا طسينا ف

بعضنا في يوم زحمة على شريط سكة حديد، واللا ينken
لطشني من أهلي.

الشهادة الله، غزاله عمره ما شال عينيه فيه، بعد أول
يوم جه عندنا فيه، وبص لي البصبة الطويلة الأولانية اللي ما
تهاشي، هوه باین عليه متربى ومتائب. حاجة كده، الله في
له. وعمره ما بص لي بصبة كده واللا كده. ولا طلع العيبة
من بنات شفافيه.

عارف إنه ضيف. ضيف مين يا عم. دا بقى صاحب
غريف والدار مكانتش سايعانه. رحنا جينا واحد كمان ويانا،
آنى واحدة، ست وما يفهمشي الرجال غير ست. الواد كت
عينيه مني.

كان بيحبني بعنيه. جته وكسه، فيه اللي بيحب
بشفافية اللي بيحب بأديه. حب غزاله كان سكيتي. من بعيد
لبعيد، عمره ما سمعني كلمة حلوة وعمره ما مد إيديه عليه.
جايزة ما جتلoshi الفرصة، وينكن تحت السواهي دواهي.
كت حاسة إن الواد ده روحه فيه. جايزة خايف على
لقمته وغسيل هدمته وفرسته اللي بينام عليها كل ليلة. ينكن
أنا قاعدة. وحاطة إيدي على خدي مستظرها، إنه يخطي

العتبة هوه لول. آني ما رمبيش نواحیه حبل الود ولا وريته
حاجة، ولا سمعته كلمة، مش جايز فاكرني متهنية ويَا بختي
المهبيب وراضية بيَه وميسوطه وكافية خيري شري.
بس نما كان الواد يطغرلي. كنت أحس إن ظغرته
بتقول كلام وحكايات. حاجات تفهمها الواحدة من غير ما
تنقال. إنما الحكاية عمرها ما زادت عن كام ظغرة وكام
تهيدة، قلت جايز هوه عاوزني في حل رينا، وانه ما
يحبش المشي البطال ولا الحرام.

كل شيء جايز. دا يبقى انطس في نواضره الأبعد،
مع إن رينا مدبله عينين تتدبر فيها رصاصه. وهو شايفرني
مشبوكة في راجل، جايده منه كوم لحم، لسانه قدامه سنين
طويله، عبال ما يتربى شايله وساحبه ومحمله.

صعب علىّ أقول، إن جوزي اتفق مع غزاله، إنه
يعيش ويانا، وإنه يدفع لينا أجرة. إنما هوه اتسحلب واتدخلب
وقد ويانا، إزاي. مش عارفة، ويوم ف التنين ف تلاته.
وليله جرت وراها ليلة وللترين شدوا ليله تالتة. وخد عندك.

القصد، ده كان أحسن له من عيشته اللي كان عايشها
قبل كده، وجوزي بص لقى إن الواد ظغيور وشاطر

وصوابعه تتلف في حربير . يقدر يخلي الفسيح شربات ويتحول
التراب دهب فغمضة عين .

ربكم والحق الواد غزاله ، أول ما جابه جوزي ، ما
كتش هضماه ولا بلعاه ولا مدialeه ريق حلو من ناحيتي . كت
حاسة إنه واحد غريب ، لا هوه من أهلانا ولا من لحمنا أو
دمنا ، دخل بيتنا وانكشف على سرنا ، وعينه وقعت ع السرير
اللي بنام عليه .

ينكن يتسحب وأنا مش موجودة ويدخل الأودة
بتاعتي ، وي Shawf فميص نومي . والكومبولوزون بتاعي ،
والستيان والكلوت ودا عمره ما كان يحصل جوزي قايلي ،
دي حياله ضيافه ، يوم والا يومين ، الواد ف زنقة ومسيرة
حايمشي آهو قفل على الشهر ، وشهر وشهير ، والثاني ظغير ،
وليام بتجري ولا حد حاسس ، لغاية ما بقى واحد متنا ، وما
عدتش أحس إنه غريب .

هوه كان دايما ، يقول عنـي ، اختـه الكـبـيرـة ، وكان
بيقول إنه انحرـمـ إنه تكونـ لهـ أختـ تـبلـ رـيقـهـ وـربـناـ حـقـ لـهـ
منـاهـ .

أنا كنت باسمع الكلام دا كلبيه، وأقول في عقل بالي.
والعقل يوز للواحدة، ويوسوس ليها بحاجات وحشة خالص.
أقول تلاقي أبوه شيخ منسر، وأمه غزية م النور، وجده قتال
قتله، وأخته اللي أكلت دراع جوزها.

لحد دلوقي، مش عارفه، الواد غزاله، نما جانا،
وعاش ويانا، كت إيده واخده ع البطال. بيسرق جيوب وينط
حيطان، والا جوزي خلى الكلام ده حلقه ف ودانه؟
حاكم جوزي ف طبعه الخوانة، والغدر سارح ف
دمه، البعيد كان خدار، ما كنش يعرف يفك غير ف الحيلة
والملعوب، وملاغعيه ما لهاشي آخر.

عموماً، ما حدش بيخلّي حد يعمل حاجة، ما كنشي
عاوز يعملها. جوزي قعد يودود في ودانه. والزن ع الودان
أمر من السحر، والواد بيسمع. آهو لقى بيت، وهدمته
بتغسل بليدين واحدة ست، ولقمنه بيتي. بعد أكل المحلات
اللي مش ولا بد. وتلاقي بطنه زرعت من أكل الفول
والفلاف والكري صباحه ومساه.

غزاله كان من طبعه، إنه يحب يجيب لقمنه بعرفة.
كان يقول إن القرش الحال بيعمر، ونما الحكایة تشف يمیل

على واحد، بستلف منه، دلوقتى ما حدش بيسلف حد، كل ما
يطلب من واحد، يقول له: السلف تلف والرد خساره.
كره الكلمة دي، ودعا على اللي فالها. حس إن
الكلمة ديت نقرها من نقرة. واقفة له. زي العضمة في
الزور، ابتداء يمد إيده للحرام، يعمل إيه؟ ما كانشى يقدر
يشق جيوب، ولا يهجم ع الشقق.
صور الحكايا وقلبها. وفي الوقت ده. جه عندا،
وجوزي ادبه واستمله، وهات يا كلام. الشهادة لله، الواد كان
معافر وياه. عشان قعدوا ياخدوا ويدوم كام يوم.. إنما عمر
ما حد وقع في قرابيز جوزي ونفده منه.
الواد غزاله، كت العربية لعبته. ما فيش باب أيها
عربية، يقدر يقول له لأه. يسرق اللي فيها. راديوهات،
مسجلات، شنط، هدوم. طب يوديها فين؟ وبيعها لمين؟ دا
المخبرين والعساكر، وألقها واحد. يقدر يسحبه قدامه ع
الحجز. وأول ما يعرف إنه هربان من الجهادية، تبقى يا
داهية دقي هوه معقول بطلع كل يوم بتصرير؟ دالو كان
متجوز ومعاه قسيمة جواز كان عمل مبيت وبقى كل ليله
بره.

هوه فين والجواز فين؟ كان سعت ما بهظر يقولي،
دوري لي على واحدة أكتب عليها.. كده وكده. جواز ع
الورق. عشان يطلع نوتة مبيت. وكل واحد يروح لحاله بعد
كده. قلت له، ما فيش واحدة تتجاوز ف الهوا، وبلوشي كمان.
راح مأجل حكاية فتح العربيات في انصاص الليالي،
هوه ما يعرفش اللي يصرف له البضاعة، وبيبيع السرقة من
غير ما تجر عليه البلاوي وده أهم من السرقة.
في الوقت ده دخل جوزي ع الخط. عمل فيلم، غز الله
قاله إنه يقدر يسرق الكحل من إزار العربيات، بس مين بيبيع
له. راح جوزي مفتوح فيه طوالى: ومخبي عليه كل المدة
ديت، روح يا شيخ منك الله.

جوزي قعد يزن على ودانه زي الدبور. يقول له
هات وأنا أصرّف لك البضاعة، وقال إنه بيعرف بياعين
حاجات من دي. في العتبة. يفكوا الراديو ميت حته، وبييعوا
كل حته لوحديها. أنا قلته. جوزي بتاع كلام وبس. يخلي لك
لبحر طحينة، إنما إيدك منه والأرض. يعني معّار، أبو لمعة،
واللي بيتعشم في كلامه، يبقى زي عشم إيليس في الجنة.

منه الله جوزي، عمره ما عرف يعمل أيها حاجة،
وطول عمره يلبد في الجمر زي التعبان، ويخلّي غيره
يعرض نفسه للبلاوي، وهوه بيتفرج، إن جت سليمه. يقول
لك نصيري. وان وقعت الفاس في الراس، يسرخ طوالى:
وأنا مالي، ويطلع نفسه زي الشعرة من العجين، شيطان
متصور في صورة بني آدم. والله بайн الناس كلها شياطين
حمر، والملائكة سابوا الدنيا وراحوا دنيا تانية، ينken ما
لهاش وجود حوالينا.

أول ما قلت لجوزي، وحاتروح من ربنا فين. حرام
علياك سيب الواد ف حاله، شخط فيه، حرمت عليكي عيشتك،
من يوميها بقى ياخد الواد ع الغرزة، ويأخذوا سهرتهم هناك
يرجعوا وش الفجرية ع النوم. قلت يا بت انتي مالك. ابعدي
عن الشر وغنى له.

القرش جري في إيد جوزي، وهوه لا شغله ولا
مشغله، صايعد زي ما هوه قلت بيقى شغل الواد في الكار،
اللي شغال فيه، كل اللي ساكنين هنا..

الواد كان لقطه. ما فيش حد من البوليس عارفه.
الفيش والتشبيه بتوعه نضاف، مالوشي أيها ورق في نقطة

البوليس، ويتوعد المباحث ما يعرفوش طريق جرة. والواد
ميري، معاه عدة شغل معتبرة. اللبس العسكري، أول ما
يلبسه، عسكري الدوري يضرب له تعظيم سلام، أول يوم جه
جوزي قال: يا سلام لو ركبت عليه ضبورتين عيرة. ولا
الحمدار نفسه، يقدر يشيل عينيه فياك.

الواد غزاله، أهله كانوا فلاحين، هوه اللي قال لينا
كده، من عب بعيد خالص. مش لاقفين للضا، وزي ما تقول
إنه هربان منهم، وعمره ما سافر ليهم، حسته. قلت طيب،
يبقى لي أهل ف آخر الدنيا. وأنا ما يرتاح لي بال، إلا نما
أروح لهم. وما ارجعش من عندهم أبداً. جاته ستين نيله دول
الأهل ستر وخطا للواحد مننا.

كترت المونة علينا. بس أنا كت آكل ينزل الأكل
جوايا زي السكاكين، تقطع في جوفي. أكل حرام، بدل
مطرح ما يسري يمربي، كان مكان ميسري يهري، يدخل
زي السم تمام. يعمل إيه في البن؟ تقولوش بنشرب زرنيخ،
اللي الناس بتموت بيها؟

قلت ف عقل بالي، أكلم مع الواد غزاله. أحوشه عن
سكة الحرام والبطال، دي فيها تأبيدة، ويبقى مالوش مستقبل،

طب جوزي ووشه بيقول إنه رد سجون، الدنيا إداته الطريحة
اللي هي، إنما يا نصري الواد ده ذنبه إيه، قبل ما يشطح
حايطح، وأخرة النطح السجن، مهما طولت الحكاية، وجابت
فلوس، دا جدوننا قالوا: امشي عدل يختار عدوك فيك. هوه
فيه أحسن من العدل؟

أنا جيت إيه؟ جيت أكلمه عشان مصلحته.. قلت مرة
كده استقرد بيها. وابقى عملت اللي عليه. وريحت
ضميري اللي كان بينفتح عليه. بدل ما يروح في الرجالين.
ربك والحق آني خفت. خفت ليه ومن إيه؟ أول هام أنا كت
واحدة جنب عن الواد غزاله. عشان هوه كت عينيه مني. من
يوم ما قعد عندنا، وأنا العصفورة، بتقولي، يا بت يا ترتر، دا
منظـر منك. عينـيه علىـكي.

أنا كـت فـرحـانـه بـعـيـنـيهـ الليـ عمرـهاـ ماـ اـشـالتـ منـ
علـيـ. فيـ الرـايـحةـ وـالـجـالـيـةـ، إنـماـ كـتـ بـأـقـولـ لـفـسـيـ. وـآخـرـتهاـ؟ـ
داـ أـنـاـ عـلـىـ ذـمـةـ رـاجـلـ. بـيـعـارـكـ دـبـانـ وـشـهـ، وـمـخـلـفـهـ مـنـهـ كـوـمـ
لـحـمـ، وـبـاـيـنـ عـلـيـهـ، كـاتـبـهـ وـرـقـةـ معـ الـفـقـرـ، وـحـايـفـضـلـ مـعـاـيـاـ لـحـدـ
آخـرـ يـوـمـ فـعـمـرـيـ اللـيـ كـلـهـ لـضاـ.

ويعني إيه، لو مشيت ويا الواد غزاله، المشوار لحد
خره، مش حلينوني غير آني أبقى زي الغراب اللي زعف
على خراب عشه، قلت برضك أكلمه، ومطرح ما ترسى
دقلاها كت خايفه.

تاني هام، ليروح يقول لجوزي، وتبقى يا داهية
دفي.. سر الواد مش وياليا، سره مع جوزي، والوشوشه مع
جوزي، وهوه مدي ودانه لجوزي لما كت باتمدد ف الليل.
جنب جوزي، وغزاله ينام جنب العيال ف الفسحة. وأول ما
بيجي النوم، كت باحلم. كت أشوف نفسي هربت وياه. ويا
غزاله.. بلاد الله. خلق الله.. وآخره المتمة كتب علىه. بس ما
عشناشي في النبات والنبات، وخلفنا صبيان وبنات.

كت باعطي طوالی عشان عالي، ضنایي اللي سبتهم
مع جوزي. مش عارفه ليه ما خدتهو مشي معايا. الحجة
الثانیة اللي كت بتموتني في جلدي. إني بقيت على ذمة
رجلين نوبة واحدة. بقيت أشوف نفسي والكلابشات الحديد
في إيديه، وأنا لابسه أبيض ف أبيض، ورايحة سجن النساء،
وأيشي عسكري قدامى، وعسكري وراليا، يعني تشريفة واللا

زفة. وبكده أكون ضيّعت اللي ورابة اللي قدامي ف شربة
مية.

ابتدت أنا وغزاله ناخد على بعضينا. حاكم أنا سرت
محرومة. دنيتي كلها، ما فيهاش ولا مروحة حنيه توحد
ربها. عمر ما حد، حايسدقني نما أقول، إن جوزي عمره ما
باسني، دائمًا كشر، ويوزه طوله شبرين. كان يرجع البيت
دائمًا في انصاص الليالي. يزغبني ف جنبي، أو يرفضني
برجله، يصحيني مفروعة من أحلاها نومة.

أكون نايمه على جنبي الشمال، يعدلني، يخليني أنام
على ظهري يروح شايل قميص النوم. يرفع نصه التحتاني،
يغطي بييه نصي الفوقاني. مع إنني حلوه كلي على بعضاي.
إنما هوه كان بيقول إن نصي التحتاني هو اللي يهوس وبس.
وأنا نص نايمه، ونص صاحبه، يروح عامل اللي
هوه عاوزه. نوبة لقاني نايمه بالكلوت. راح نازل من فوقي،
وطلع على وسط الدار، ورجع ومعاه عصاية، نقرش بيها
جتنى حته حته، خطوط الضرب كت باينه خط خط. زي
كراريس العيال بتاعت المدارس.

قال وهو بيضربني، السـت اللي تمام لابـسـه للبسـاسـ
مع جوزـها، تـبـقـى مش عـاـيزـاهـ. والـليـ ماـ تعـوـزـشـيـ رـاجـاـهــاـ
تـبـقـىـ عـنـدـهـاـ وـارـدـ منـ بـرـهـ الـبـيـتـ. وـديـ مـلـهـاـشـ غـيرـ العـصـاـيـهـ،ـ
لـحدـ ماـ تـنـوـبـ.

منـ يـوـمـ ماـ كـلـتـ العـلـقـةـ السـخـنـهـ دـيـتـ. وـأـلـأـ أـلـأـ مـاـ
أـحـسـ إـنـ جـاـيلـيـ نـوـمـ فـيـ السـكـهـ. أـرـوـحـ قـالـعـةـ الـكـلـوـتـ،ـ وـمـعـلـقـاهـ
عـلـىـ حـبـ الـهـدـوـمـ كـمـانـ. عـشـانـ يـشـوـفـهـ بـعـيـنـهـ أـلـأـ مـاـ يـدـخـلـ
عـلـيـهـ.

بعدـ حـكـاـيـةـ الـكـلـوـتـ دـيـتـ. بـقـىـ أـلـأـ مـاـ يـدـخـلـ يـعـبـطـ فـيـهـ،ـ
زـيـ مـاـ يـكـونـ خـاـيـفـ مـنـ حـاجـةـ. أـوـ زـيـ مـاـ يـكـونـ كـلـبـ نـايـمـ عـ
الـثـلـ طـوارـ، دـاـسـتـ جـنـبـيـهـ رـجـلـ مـاـشـيـهـ وـيـنـكـنـ الرـجـلـ دـيـ
داـسـتـ عـلـىـ شـعـرـاـيـهـ مـنـ شـبـهـ. فـرـاحـ هـاـبـ فـيـهـاـ مـنـ غـيرـ إـحـمـ
وـلـاـ دـسـتـورـ.

عبدـ الضـارـ كـتـ سـنـاتـهـ صـفـرـاـ،ـ وـمـسـوـسـةـ. كـأنـهـ دـكـانـ
مـلـيـانـ دـخـانـ وـمـقـوـلـ عـلـيـهـ وـنـفـسـهـ مـكـرـوشـ،ـ زـيـ مـجـرـرـوـرـ
الـكـنـيفـ. أـلـأـ مـاـ يـشـيـلـوـاـ الغـطاـ مـنـ فـوـقـ وـشـهـ. عـشـانـ يـنـزـحـوـهـ.
أـلـأـ مـاـ أـصـحـيـ،ـ يـطـلـعـ عـلـىـ جـتـتـيـ الـبـلـاـ.ـ تـقـولـشـيـ
عـفـريـتـ رـاكـبـهـ وـمـدـلـلـ رـجـلـيـهـ.ـ وـبـيـقـولـ لـهـ شـيـ يـاـ حـمـارـ.ـ يـاخـدـ

جوزي مزاجه، ويتكرع ويتأوب وجايزة بعمل حاجات أو حش من كده.

إنما الواد غزاله، كان حاجة ثانية، وبعد ما قعد ويانا.
بقى آخر قيافة. الزاكتة لسه من شاله من عليها مكوة الرجل
البلدي. اللي تخلی القماش ولا ورق الدفاتر. ينكتب عليها.
ودي عشان يتفسح بيها مع عبد الضار بعد الضهر.

وف جيب الزاكتة اللي على سدره، منديل بتهف منه
اللوانضة، تقول شي كان مبيته في إزارة ريحه من العشا لحد
الصبية، قعدت غزاله كت تلذ الوادحة، كلامه مسبب مش
مهرجل. أقعد، ما ليقاشي عاوزه أقوم من فريحة، وف البيت
الجلابية العربي، ياقتها وعراويها مشغولة دايرن داير
بالحرير اللصفر المطلني بمية الذهب.

ابتدت احتار وأنصار وأقول يا حيرتي بين لتين
رجاله، اللي مكتوبين لي ف دفترى. نما كان الواد غزاله ينده
عليه. كت أحس إنه بيمشي اسمى علشان يحطى بيه بقه. إنما
جوزي كت الشياطين بتتعارك على وشه، زعله على
طراطيف مناخيره. دول اللي قالوا ضل راجل ولا ضل
حيطة. كانوا ولا عارفين حاجة. أهو الراجل، كان جنبي،

إنما لا فيه ضل ولا غيره. نفحة الشمس، وطل الليل بهدلوا
عمر ي كليته.

بصينا لقينا نفسنا بنهظر مع بعضنا، هوه بطرش
الميه عليه. وأنا طسيته ف وشه بشوية ميه، لقيت وشه
اتعكر، وفقت خايفه، قاللي: أصل رش لميه عداوه.

ابتدا ياخد علي. قاللي: اللي يشوفك. ما يصدقش إن
بطنك شالت وحبلت وخافت كذا بطن. وان سدرك رضعت
منه عيالك لحد ما انفطموا. سدرك مرفاع فوق وكأنك بت
بنوت، لسه خراط البنات خارطها انبارح بس أنا كنت بافرح
من معاكسة الود غزاله.

كنت فاكره إن جوزي، حاتاخده الجلاله، ودمه مش
حاليطيق ويقوم يرقع وشه بقلمين، ينقرش له بيهم سداعه،
واللا يروح فالع المركوب اللي ف رجليه. وهات يا ضرب
بيه، وفين يوجعك. أو يتنق له شعر راسه المسبب، اللي
بيتعايق بيه ع البنات، وبعدين يهفه بوكس ف منأخيره ويديله
شلوت في محاشمه.

أثاريه نخ وجاب ورا، وسكت وطاطا رأسه.
وساعتها عرفت إن الود غزاله بقى عكايز جوزي، اللي

بيتسند عليه، أنا كنت مستريحة لمعاكسة الواد غزاله ليه. بس
والله ماني عارفة ليه. إنما الواحدة منينا تحب إنه يكون فيه
رجل بي حاجي عليها. ويتعارك ويسيح الدم عشانها.
دي حاجة تلذ الواحدة وتسعدها. إنما يا حسرة دا ما
حصلشي من جوزي. وابتدا يحصل من واحد ما هواشي
جوزي. حيا الله غريب قاعد حدانا.
هوه أنا كنت عارفة. إن الواد ده. حاييقى البريمو
بناعنا. الكومي اللي حايقش الورق اللي ع الطرابيزه كلته،
ويوصل للفورة واحنا لساتنا بنتكعبيل ف أول السكة. إنما بابن
كده والله أعلم إن كلينا حانتكعبيل.

خمسة و خميسة

ايش بعمل الترقيق في التوب الدايب؟!

كنا خمسة عايشين. كافيين خيرنا شرنا. بقينا سـت
نـفار. انقلبت حـالتـنا. النـوم تـخـاطـيفـ، والـلـقـمةـ ما بـقـشـيـ مـكـفـيةـ،
دا فـيهـ حـنـكـ زـيـادـةـ بـقـىـ وـيـانـاـ.

أولـ ما لـاقـيـ نـفـسيـ لـوـحـديـ. كـتـ اـدـعـيـ رـبـناـ. زـيـ ماـ
سـمعـتـ منـ أـمـيـ. وـقـبـلـ ماـ اـدـعـيـ زـيـهاـ كـتـ أـفـتـكـرـهاـ. دـانـيـ لـوـ
شـفـتهاـ فـيـ الشـارـعـ ماـ اـعـرـفـهـاشـيـ.
حـاجـةـ كـدـهـ طـشـاشـ فـ عـقـلـ بـالـيـ.

إـنـماـ كـتـ مـتـأـكـدـهـ آـنـيـ لـزـمـنـ يـكـونـ لـيـهـ أـمـ. زـيـ كـلـ
مـخـالـيقـ رـبـناـ.. أـمـالـ يـعـنيـ اـتـولـدتـ شـطـانـيـ. طـلـعـتـ كـدـهـ مـنـ
نـفـسـيـ. كـتـ أـعـزـيـ روـحـيـ وـأـقـولـ مـسـيرـ الحـيـ بـتـلـاـقـيـ. وـالـلـاـ يـاـ
هـلـتـرـىـ هـيـهـ مـاتـتـ عـلـشـانـ اـدـعـيـ لـهـاـ بـالـرـحـمـةـ مـنـ عـنـدـ رـبـناـ.

كتـ أـقـولـ، يـاـ مـنـ أـمـرـهـ بـيـنـ الـكـافـ وـالـنـونـ. خـلـيـ
حـالتـناـ تـبـقـىـ أـحـسـنـ. جـوـزـيـ يـلـاـقـيـ لـهـ شـغـلـانـةـ حـلـلـ، زـيـ كـلـ
الـنـاسـ اللـيـ بـتـشـتـغلـ، وـتـقـبـضـ المـاهـيـةـ أـلـوـلـ كـلـ شـهـرـ. يـصـرـفـواـ
مـنـهـاـ عـلـىـ طـلـبـاتـهـمـ طـوـلـ الشـهـرـ، لـحدـ مـاـ يـهـلـ شـهـرـ تـانـيـ.

أبص حواليه، ألاقي كل واحد، بيجيب رزقه حلاله
من عند ربنا. كت بادعي للواد غزاله. إنه يفارقنا
بالمعروف. قبل ما يهد علينا بيتنا. ويضور على نفسه
ويشوف حاله. ويجوز ويتم على واحدة ويفتح لنفسه بيته،
زي كل مخلائق ربنا.

كت أدعى لعيالي، قبل كل هام. إن ظروف حياتهم
ما تباقاش صعيبة زينا. وانهم يعرفم يعيشهم. أدعى ليهم بالعلم
والشهادة والوظيفة الميري اللي هي. زيولاد الناس، اللي
عايشين ف مدينة ناصر، اللي بنشوفهم وهمه معدين
بالعربيات نازليت سعت الصبحية، رايحين البلد. ونلاقاهم فـ
حصة الضهرية والعصارى راجعين م الشغل لبيوتهم، وكل
واحد حاطط في العربية بتاعته وشليل ومحمل كل الحاجات
والاحتاجات اللي بنسمع عنها، وعمرنا ما شفناها ولا أكلناها.
احنا خلاص. راحت علينا، يعني حنخد زمانا وزمن
غيرنا، إيه الطمع ده؟ ما هو الطمع أقل ما جمع والبني آدم،
ما يملاش عينه غير التراب، كفاية اللي انكتبلينا. إنما
العيال دولت زنبهم إيه، همه يعني كانوا عملوا إيه ف دنيتهم.

أني كت حافظة من صغر سني، إن بيت النشاش ما
يعلاش. مهما بنى وعلا. ما دامت مش بالحلال، يبقى كله
ينهدم قبل ما يبنيه.

سواعي العيال كانوا يسمعوني وأنا بادعي. يقولوا
لي، هوه انتي بتحدى روحك، تبقى حاتروحي السراية
الصفراء، أقول لهم اسكتوم، أنا بادعي أبو خيمة زرقا. يررحم
سألين عن الخيمة وصالبها، أشاور للسماء العليا. أقول ليهم
أنا كده سمعتها من أمي. ما هي من الناس اللي كانوا عارفين
ربنا بصحيح.

أهو دا بقى حالى، طول النهار بادعي ربنا. وفي
الليل. أول عيني ما تغمض تيجي المنامات، حلم ورا الثاني.
قابلت راجل كبير، النور حاييك من حواليه، ما كانشى بابين
من الضي. قلت له زي ما باسمع:
- اظهر وبيان عليك الأمان.

سرخت بعلو الصوت:

- إنس واللا جن.

قالى، انتي مش عارفاني يا بت يا ترتير. أنا أبوكي،
كبش باليديه من حواليه. حلقان مخرطه، دهب وألماظ وياقوت

وجواهر، حاجات زي اللي بنشوفها ف السيماء، قلت ف
خطري: آهي زينه وتحويشه، ورحت لابساها طوالى.
الشعر مسبب وأنا لابسه أبيض ف أبيض، زي
الملايكة اللي ف السما وقدامي يمامبني وحمام أبيض، كل
وليف يناغي وليفه، وغز التي رايقة. وسدري فيه مية
المحليا، اللي ياخد رضعه واحدة منها، تكتب له الحياة
طوالى. ما يهوبش الموت نواحية طول عمره. وما تقدرش
تعد السنين اللي حاييشها بعد كده.

سألت نفسي وأنا طايرة فوق الجنة، هوه حلم واللا
علم يا بت يا ترتر، كت خايفة تكون باحلم، وأول ما فرست
نفسى، صحيت من أحلاها نومة، وألذ حلم شفته ف حياتي.
قلت دا أنا، بعد الحلم اللي فات ده. حابقى ياما هنا،
ياما هناك. زي نسوان الحواديت. حلوة تقول للقمر قوم، وأنا
أقدر مطرحك، حاجة كده زي نسوان التصاوير اللي بيعلقوها
ع الحيطان، يعني بالمفتش كده الواحدة الحلوة تتوجه عليها
عشان تجيئ بت على كسمها.

جريت ع المرابي، لقيت نفسي زي سمعت ما نمت ما
فيش ولا حاجة زادت عليه، تعبت على بال ما نمت من

تاني. ولقيت نفسي ماسكة مقشة في المنام. أكنس في دارنا
ناحية اليمين، تطلع فلوس ووياها فضية كيمان، كيمان. أكنس
ع الشمال، يطلع دهب، حاجة قد الجبل العالي اللي ورا الحنة
بتاعتني.

انطربت وأنا لسه ف الحلم، قلت ألاقي فين طاسة
الخضة بس يا ناس، شفت نفسي في بيتنا سعت العصرية،
إنما كان حاجة ولا سرايات البهوات وع الترسينة قله وإبريق
فخار وإبريق نحاس بيضوي، القلة نزلت ف بير ف وسط
الدار، وطلعت مليانة شهد لحد البزبوز، على وشه قشطة
عايمة، والشهد من اللي يشفى العليل، من علته ف غمضة
عين.

ولبريق الفخار فيه عسل من بتاع الجنة، ولبريق
النحاس مليان ميه من بير زمم تبل روح العطشان، القلة
قالت لي، أنا طالعة الجنة، اللي ف السماء السابعة، يدوبك
مسافة السكة، وأكون هنا تاني.

ولبريق النحاس اللي بيضوي. قاللي. أنا رايح لغاية
بير زمم. ولبريق الفخار قال لي أنا نازل يدوبك لحد

الأرض السابعة. تحت أرضنا.. اللي عاش فيها أبونا آدم
وأمنا حوا.

قلت لنفسي، يا منت كريم يا رب، دنا كت لساتي
بادعي قبل ما نام طوالى. ينكن أبواب السما كت مفندقة
سعت الدعا. وعشان كده طلع الدعا طوالى على هناك،
واستجابت السما لدعايَا. عشان أنا دعيت ف سمعت إجابة.

جريت على طول وراهم. لقيت القلة لسه ماشية على
قدھا. قلت لها خوديني وياكي. مطرح ما انتي رايحة يا قلتي
يا حلوة، ياللي حاجبي وياكي السعد والهنا. واحنا رايحين
الجنة أنا كت متعركة، عشان نسيت أجيوب العيال ويایا،
وحتى كت سببthem هناك، أبقى ضمنت ليهم الجنة.

فكرت أرجع أنا والقلة من تاني، عشان أجيوب العيال،
قلت للقلة ترجع معاليا، عشان أجيوب ضنايا، والضنى غالى.
القلة قالت لي، هيه ما تعرفشي تمشي إلا لقدمها. عمرها ما
رجعت لورا. والنوبة الجاوية ناخدهم وييانا.

والنبي القلة واحداني على قد عقلي. دي الجنة يا
ناس، والواحد بروح لغاية عندها نوبة واحدة، بقى دا معقول
الكلام ده.

مشيت ويابها، دا اللي بطعم ضئلايا بلحة، تنزل
حلوتها في بطني، أول ما طلعننا من حنتنا، بصينا لقيننا
انتين، القلة قالت لي، واحد منهم الحق والثاني الزور. سألت
هوه معقول الحق يمشي مع الزور؟

القلة اتعصت وانشرطت عليه، من دلو قتي لحد ما
نرجع م الجنة، او عي تسائلي. أي سؤال. خلي سؤالاتك
جواكى. كان الزور والحق ماشين عاوزين يوصلن للناس،
والزور تعب م المشي ما هو زور بقى، لزمن يتعب.

إنما الحق ماشي ف سكته زي الحديد، دوغري، قلت
ما هو عشان هوه الحق. لزمن يعرف سكته غميسبي، الزور
وقف وطلب من الحق إنه يركب فوق صهره. راح الحق
موطي له. عشان يعمله ركوبه، وراحوا ماشين بصيت لهم.
لقينت الزور راكب ومجموس، إنما الحق هوه اللي ماشي.

نما صحيت من النوم، زعلت أول ما افتكرت إن
إيدي كان فيها مقشة، وكت باكنس الدار، مرة اكتنس شمال،
ونوبة اكتنس يمين. كل الناسوين بيقولم، إن الكنس في المنام
شر. معناته الخراب يا ساتر استر يا رب.

قالت لنفسي أنا ادخل الكتبف. وأفسر المنام جواه.
يقوم ببطل مفعوله، وما يحصلش الشر اللي جاي من وراه.
دخلت الكابنيه. ويدال ما اعمل زي الناس، فسرت المنام،
وبطلته عشان أحمي ولادي وجوزي من شره.
أحسن حاجة ليه من الوقتي، إن الواحدة تمام وهي
صاحبه، يعني أنام وعيئه مفتحة. أحسن من منamas النك
ديت.

اعمل إيه ف بختي المايل؟ دانا يا ناس عايزه أعيش
قبل ما أعجز. قبل الواحدة ما بيقى وشها زي الغربال. كله
خطوط. وجلد بطنها مرخخ ورجلها محنيه، عاملة زي
سكة التعبان، كلها لولوة وعينها من غير رموش، وفي وسط
راسها حنة صلعة، بلينة زي الرجاله تمام.
هيه الواحدة متنا يا حبة عيني. مهما عملت لزمن
تلافي الأولخر، واقفة ليها في آخر كل سكة زي العمل
الردي.

ست الستات

اللي سترها في الأول بسترها لحد الآخر

اشغلوا مع بعضهم، اشتغلوا ليه؟ والله ما نا عارفه.
لا سؤال سألت، ولا جواب جاويوني. في حكاية الفلوس..
جوزي ما يحبش يكلم خالص يقول ليه، داري على شمعتك
تقيد، لو سبتيها للرایح والجاي، هبو الناس يتنه مطفيها.
الجاي على قد الرایح. جابوا كتير، جابوا قليل، والله
ما اعرف، راح يامه، راح شويه، إن كت انت البعيد عرفت،
أكون أنا القريبة عرفت برضك آني كت عاملة زي لطرش
ف الزفة.

كتت باقول دايما، الله جاب، الله خد، الله عليه
العوض، كت بضحك على نفسي. دي لو كت السكة عدلة،
كنا عرفناها. واللي بيجي من عند ربنا لزمن يكون حلال.
إنما اللي بيجي بلاش لا بد يروح بلاش.

جوزي كان بيقول ع الحاجات ديت إنها يدويك
تسليك زور. حاجة تفتح النفس لغاية الضربة اللي هيـه.
حاتهل الفلوس اللي مش حانقدر نعدها. فلوس زي رمل

الصرا اللي جنينا، حد قدر يعدها؟ وإن كان الكلام ف
الليل، يتطلع للسماء ويقول: مين يقدر يعد النجوم؟ أقول ولا
حد، يقول لي: أهي الفلوس اللي حاتيجينا. تبقى كده. قلت اتلهم
المتعوس على خايب الرجا.

كانوا يروحوا مع بعض، ويرجعوا مع بعض، وعبد
الضار قال للناس فـ الحنة، إن غزاله قريبي، وأنه راضع
عليه، أخويا بس من بعيد، هو عمل كده، عشان الناس ما
تتكلشى وشه بالكلام.

بقى يقولحكاية ديت لحد أنا ما قربت أصدقها،
قلت ف عقل بالي. ليه لأه. جايز، سألت غزاله نوبة، بيني
وبينه، على حكاية القرابة ديت، قاللي: هو حد يصدق جوزك
يا سنت ترتر، قاللي: إنه ما يحلمشى يكون من قرايبى، إنما
الكمب مالوش رجالين.

في ليلة، من ذات الليالي، رجع جوزي لوحديه. ما
كانش شادد وراه الواد غزاله. خفت أسأله عليه، عقله يروح
حتة كده واللا كده، حاكم دا جوزي، واني عارفاه.

هوه اللي قال ليه، إن غزاله عنده نبطشيه في
العسكرية، وحايرجع وش الفجرية، وخالي باب السكة
موارب، أول ما بيجي يدفعه يا دوبك، يروح مفتوح.
قلت له: دا الباب المقول يرد الرجل المستعجلة،
والدار اللي من غير باب تعلم السرقة.

هز كتابه. وقال: هوه إحنا عندنا حاجة تتسرق يا
عيطة، طيب تيجي الحرامية وأنا أربطهم هنا في الدار،
أفعهم هدومهم، وأخذ منهم اللي همه سارقينه، ويقوم جم
يسرقوني. طلعتهم بلايص، مش الناس بتقول تيجي تصيده
يصيدك.

الفار كان بيلعب ف عب جوزي، ولفكر كان بحور،
موجه تاخده لآخر الدنيا، وموجة ترجعه لحد عندنا، ما
استحملشي يشيل الفكر لوحديه. قام راح سألي:
— ينكن الواد حب يشرخ ويستغل لوحديه.

قلت له:

— غزاله ما يعرفش يكذب.

طلعت مني خصب عنِّي.

قال ليه:

— مانا عارف يا معدولة. دا أبیض لسه. إنما
الاحتیاط واجب.

هوه الواد غزاله، ربک والحق، کت له نبطشیات إنما
كان بيزوغ منها، وكان بيدفع فلوس لعساکر فلاحين،
مقطوعين من صجرة، يمسکوا النبطشية بداله. ومن يوم ما
قعد معانا. عمره ما بيت ليله بره الدار. حاجة توغوش.

كت عاوزه أسأله، تفتکر الواد حالي اخد ف وشه ويقول
عدولي. يمشي ف سكة اللي يروح ما يرجعشي، سكة
الندامة، بلعت سؤالي جوايا. لو سمعه جوزي مني. تبقى يا
داهية سودا. عمري ما حاخلص منه. إنما هوه معقوله إنه
يمشي بلاد تشيله وبلا د تحطه، من غير ما يقولي. آنني
ماشي.

دي حاجات تتحس من غير كلام، والواد حاسس بيه
وانني حاسة بيه، سكريتي، من غير ولا كلمة انقالت، إن کت
منه والا مني، والإحساس الحلو دا، كان من ورا ضهر
جوزي. اللي ما كانش واحد باله، غير من الفرش. جه منين
وراح فين. وكان ضاحك ع الواد غزاله، ويقول له إنه

بيحوش له نصبيه، عشان يبقى له قرش معاه يكون بيه نفسه
ويفتح بيت. وتبقى له شغلاته.

أنا كت عارفه إن ده عشم إيليس ف الجنة. إنما آدي
السماء وآدي الأرض. هوه عمر حد خد ملين أحمر من
جوزي قبل كده، دا يأكل مال النبي، ولا يتزله رمش.

سعت ما كان، المكرفون اللي فوق الزاوية، بيوكبر،
عشن الناس تقول تصلي الفجر حاضر، والوكمبره ديت، كت
تفزعنا وتطلعنا من أحلاها نومة، جوزي عمره ما صلى، لا
الفجر ولا غيره، إنما لزمن عينيه تفتح على خروشه
المكرفون، وهمه لسه بيجربوه قبل الوكبة والأدان.

كل الناس في الحنة، كت تصحي من أحلاها نومة.
إنما مين يقدر يقول البغل في لبريق. اللي بيروحم الجامع
معروفين، والزريطة والزمبليطة ديت ما كنهاش أيتها لزمة.
إنما اللي ينطق يا ويله وسود ليله م الجنائزير والمطاوي
والسنح اللي وياب العيال أمهاهات دقون، اللي ماليين البلد اليومين
دولت. اللي بيقولوم عليهم السنية.

لو أيها حد اتكلم، كت العيال، أمهاهات جلاليب بيضا
يقطعوه حتى ولا حد يعرف له طريقه جره، ومن شاف

القتيل عيني عينيك، لو فتح حنكه، وقال ع اللي حصل،
يحصل المقتول تاني يوم.

كل ليله، اصحى ف الوقت ده، إن كت محوشه ميه
أفكها، واصحي العيال عشان يصيرم، بدل ما يعملوها على
الفرشة، وأنا أغسل وانشر، والهدوم بتذوب من كتر الغسيل،
وارجع أنام من تاني لحد الصبحية وأفضل طول النهار،
شواكيش بتدق ف عضمي، عضم راسي وعضم جتنى من
تحت راس صحيان سعت الفجرية.

أول ما طليت ع الفسحة، لقيت مكان غزاله، زي ما
هو، فرشته تقولشي لسه مفروشه دلوقتي. قلت بيقى ما
رجعشى ولا حنا نعسانين. تلاقيه فين؟ تلاقيه اتلم على مرة كده
واللا كده. ضحكت عليه. يا حبة عيني. دا لسه ما دخلشى
دنيا، وما شمش ريحه قميص نوم نتالية ولا شافشى كلوت
واحدة ست.

حاكم إني عارفه العيال دولت، والواحد منهم يرمح
ورا فستان بت متعلق ع الشماعة وشايله وماشي بييه صبي
مكوجي، أي حاجة من ريحه الحريم، تخلي برج من عقله
يطير، ربك والحق، النار شعللت جوايه. الله هو أنا حاًغير

عليه واللا إيه؟ أمال لو مكتش على ذمة راجل، كت عملت
إيه؟

شوية وراح داخل عليه. وأنا واقفة ف وفقي ديت،
عليه طل الليل، وتعب السهر، كت ف إيديه اليمين شنطه
تخطف العين طوالى، أول ما تبص لها، ما تقدرشي ترجع
عينيك تانى، وف إيده الشمال الهباب اللي بيلبسوه. عدة
الشغل يعني. عشان صوابعهم ما تعلمشى في أيها حته يحطوا
أيديهم عليها.

أني عارفاه، لما كت باغسله ويا الغسيل. وكت
عارفه وساكته. يبقى الواد اشتغل لوحديه، خدله جنب، هوه
جوزي بتعاشر. دانا حارروح الجنة حتف عشان مستحملاه
وشاليه بلاويه كل السنين ديت.

بصيت له، بس ما كتش شايفه غير الشنطة، تقولشى
الواد اشتغل دكتور واحدنا ما نعرفش، يكونشى من بتوع
المباحث. جاي هنا، مستخبي ورا حكاية عايز يوصل
لقرارها، ويحجب التایيه فيها. والله كل حاجة جايزةاليومين
دولت.

رمى عليه الصباح. وأنا رببت عليه، وحط الشنطة
وقد.

الكلام أخذ وعطًا. جر جرت الحديث وياده، اللي جوه
تلقيه صاحي وعامل نايم. وهو حتى نما ينام، يمكر، يقوم
يقل عين، ويفتح العين الثانية. تقولشي شيخ منسر، واللا
أدهم الشرقاوي ف زمانه.

أنا مش كدابه، نما أقول. إن ديت أول نوبة يكلم فيها
ويايا، واحنا لوحدين، ظغر للشنطة المرزوقة ع الأرض.

وقال لي:

— رزق بعنه سيداك.

وابتدى يحكي اللي حصل.

هوه كان كنجي ف النبطشية. حاكم النبطشيات ف
الجيش تلات تتواع: لولاني: برنجي، والثاني: كنجي،
والثالث: شنجي، وهمه. نما يلموا دا على دا، تبقى: بكشن.

مسك النبطشية عشان العيال ولاد القراونات اللي
جايين من ورا الجاموسه، انقووا مع بعضيهم وغلوا الأجرة.
ضربوها في أربعة. وهو ما معهوش فلوس وخاف يطلب
قرشين من عمه عبد الصبار، يقوم يحرن ويفض الشركة اللي

بناتهم والشركة زي اللين الحليب أقلها حاجة تتعكرها وأول ما
تتعكر. عمرها ما ترجع زي ما كانت تاني أبداً.

طلع م المعسکر، وهو أنصف م الصيني بعد خسيله،
والوقت ما فيهوش أتوبيسات. كان لزمن يسنتي ساعتين
عشان يركب أول أتوبيس، وأول أتوبيس ولا اللي لابس
طافية لخفا ذات نفسه، يقدر يزوغ م الكمساري التزويع داف
الزحمة وبس. وان زوغ من الكمساري، يروح فين من
المفتش. قال ما بدھاشي يا واد خدھا كعابي لحد البيت ونسمة
الفجرية حلوة، والشوارع ما فيهاش حد، والفجر رزقه واسع.
قام لقى في السكة إيه؟ لقى عربية واقفة، ما يعرفش
إيه فيها نده له. هوه الرزق كده. ينادي صاحبه دائمًا، غز الله
بيحلف انها كت أو حش عربية في العربات. ومع كده. حاجة
فيها ندھت عليه. ولللمدة بتنادي أكالها، آم رايح نواحيها.
حسس عليها من بعيد لبعد الأول، لا تكون فيها صفارة تلم
عليه الناس وتصحى النائم من سبع نومه، ويتمسك وتبقى
جرسة وفضيحة.

لقاها نصيفه. بصل ع الكتبة الورانية ملتقايش إيه
حاجة. زغر ع الكرسيين القداميين. التقاهم يا مولاي كما

خلقتنى. قال تتقى الشنطة اللي ورده. راح لابس عدة الشغل
وابتدأ يفتح الشنطة. كان فيها الكوريك والصلبية والعجلة
الزيادة، وكان في الشنطة كبود وصاحبها كسل يغطيها. لأن
العربية لسه يا دوبك واقفة وريحة البنزيم كت لسه طالعة
منها، ونما جس الماتور بإيديه لفاه لسه سخن.

يعني بالعربي كده. العربية لسه واقفة دلوقتي، بص
حواليه كويس، ما كانشى فيه بيوت قريبة منها. والقريب منها
كت الترب اللي الناحية الثانية م السكة البيضا.

العربية كت قديمة وداييه. خرج بيـٰ يعني. وعشان
كده الشنطة ما خدتـٰ ف إيديه غلوة. وبعد ما قلب الشوية
كراكيب. بص التقى الشنطة المعترنة. نايمة وآخـٰه راحتـٰها فـٰ
النوم، وسط شنطة العربية.

قعد يحسبها. الحاجات اللي كـٰت مـٰتـٰورة، والـٰلا
الشنطة. شال الشنطة لقاها خف الريشة، المهم يتصرف
بسـٰرعة. ده اللي علمـٰه ليـٰه عـٰمه عبد الضـٰار. وـٰدي أصول
الكار. فـٰكر بـٰسرـٰعة زي فـٰسيـٰة العـٰفـٰريـٰت، أول هـٰم، شـٰيل العـٰجلـٰة
والـٰكـٰوريـٰك والـٰصـٰلـٰبـٰة والـٰكبـٰود صـٰعبـٰ، أي واحد يـٰقابلـٰه لـٰزـٰمنـٰ

يشك فيه تاني هام. إن الشنطة حتى لو كت فاضية ينken
تجيب أكثر، غير إن شيلها أسهل وأمن ف الحصة ديت.
ضربها ف مخه طوالى: مسك الشنطة. من تاني حب
يوزنها. رفع إيده بيها ونزلها.

ما كانتشى فاضية، وما كنتشى فيها حاجة تقىله.
معقوله يكون اللي فيها فلوس يا ولد، ده لو كان.
تبقى لقيه. كنز م السماء، من اللي بيسمع عنهم. وهو معقول
واحد يحطه لقيه زي دي في الشنطة، ويُقفل عليها ويروح
ينام، دا بيقى لساته طالع م السراية الصفرا.

لزمن الواحد بيقى قلبه حديد وشجيع ف الحاجات
اللي زي دي. هوه عمره ما فكر إنه يعمل حاجة لوحديه.
إنما جوزي قال له، إنه لو قابل حتى نتفة حاجة معقوله
حاليسيها وييجي يسأله وهيه حانفضل مستياه؟!، بيقى
يتصرف منه لنفسه، وبعدين يحلها ألف حلل.

قام خد الشنطة. وقفل شنطة العربية زي ما كانت.
وخد نفسه وته جاي ع البيت. وكويس إنه عمل كده، لو
اتآخر شوية كانوا اللي طالعين م الصلا قبلوه، وين肯 تيجي

الطوبة ف المعطوبة ويمسكه، وما يسيبو هوشى إلا عند
الظابط في النقطة.

عبد الضار اللي كان عامل نفسه نعسان، وكان
شخيره واصل لحد السما، أول ما الكلام وصل لحد كده. كان
ووسطينا. تقولشي الأرض انشقت وطلع منها. وع الشنطة
عدل، أنا كت لسه عاوزه أوشوش غزاله واللا أشاور له. إنه
يأخذ الرزق اللي بعنه ليه ربنا ويهرب بيها. إنما طلوع عبد
الضار سبق كلامي.

سبعة

الظاهر لنا

والخافي على الله

عبد الضار لافرak النوم ف عينيه، ولا كان بيتأوب،
 ولا كان بيتمطع ويفرد حيله بعد النومة الطويلة. ولا طس
 وشه بشوية ميه، ولا فاك ميه زي عوایده. ما كانش نعسان.
 دا كان مفتح وعينيه مفجلة. وصاحب وسامع كل كلمة قلتها
 لغزاله. وكل كلمة غزاله قالها لي.

سمع كل اشي ان كان. وته جاي طوالى، تقولشى
 كان عارف إن فيه شنطة. راح رايح عليها عدل. ومسكها
 وقعد يفتح فيها. وغزاله بده يكمل بقىت حكايتها. ويحكى اللي
 حصل. إنما عبد الضار ما كانش شايف م الدنيا بحالها غير
 الشنطة وإزاى يفتحها.

الشنطة كت من اللي ليها نمر. وكت نوفي لسه.
 ونمرها سرية، يشيلها لو احد ف عقل باله. وطبعا النمر ديت
 ما يعرفهاشى غير صاحب الشنطة، إنما صاحب نصيبيها

حايعرف نمرها منين؟ غزاله قال نجرب النمر. والنمر اللي
نجربها وما تفتحش نكتبها ف ورقة. واللي تفتح يا لا
السلامة.

عبد الضار قاله حيلك. دا احنا لو قعدنا نجرب النمر
يذكر يوم القيمة يقوم، وما نكنش فتحناها. لزمن نكسرها
وبعد ما نطلع اللي فيها: نتاويها تحت سابع أرض. عشان
وجود الشنطة ديت عندنا معناته إن إحنا اللي أخدنا اللقيه اللي
فيها.

قبل إيد عبد الضار ما توصل للشنطة. كان غزاله
للقها ومسكها. وقفوا في وش بعض. كل واحد منهم لزمن
يقتل الثاني. عبد الضار قاله: خبر إيه يا حلاوة. مش انت
بتجيبي وأنا اتصرف في المونه. هو إيه اللي تغير؟
غزاله قاله: لا تفرق. المره ديت لا كنا مخططين ولا
متقفين ولا فيه أيها كلام. دي حاجة انحطت كده في سكتي.
وأنا ماشي. يمين بالله تلاته، ينهزله عرش ربنا في علاه. لا
فكرت فيها ولا حتى جت على بالي.

عبد الضار قاله: ودي تفرق. انت حاتاخذني ف
دوكة، وتعمل لي شوية همبكة. غزاله رد عليه طوالى. وكان

الرد كان جاھز على طرف لسانه، تفرق م السما للأرض.
دي أول شغلانه اعملها لحساب نفسي. لا انت اللي قايل لي
عليها، ولا انت اللي مفكر لي فيها. ولا احنا شاربینها من حد
ولا محند باليهالينا. أنا كت ماشي كافي خيري شري، لا
شعلة ولا مشغلة. لحد ما طلعت ليه من ذات نفسها.. بتقولي:
خدني يا غزاله.. اعمل ليها إيه؟ اكسر بخاطرها. دا جبر
الخواطر على الله، رحت واحدتها.

غزاله كان تعبان بصحيح وهو بيقول: وأنا راجع أهم
حاجة بافكر فيها. آني أريح جنتي من هدة السهر، واعرف
ألم على نفسي وأنام شوية: أخذ لي تعسيلة تخاطيف. قبل
النهار ما يطلع. وتبتدى الرجلين تدب على الأرض.

اشاحنم، والعیال صحيوا مفزوعين، وأنا أضرب
بالصویط كده وكده. اتفاهم بالراحة يا جماعة لحسن
الحیطان ليها ودان. والسكك ليها عينين والبني آدمين
مرشقين زرع بصل في كل حته، وحاتو دم نفسكم في ستين
داهية انتوم لتنين. ويبقى لا جوزي استقاد. ولا غزاله استقاد
هوه لآخر. استهدوم بالله يا جماعة، واخزم الشيطان، وروقتم
بالكم شوية.

رحت عملت لهم كبابيتين شاي، وتقاتهم، لقمت ف كل
كباية بيجي معلقتين شاي ناشف، التأقيمتين خدوم في وشهم
بакو شاي بحاله. الناس دايما بتقول إن الشاي الكشرى
بيروق الدم. إنما الشاي المغلى بيجيب، الشر بره وبعد، العيا
الوحش، اللي بيأخذ عمر الواحد معاه.

جيـت الشـاي، وـهمـه قـاعـدين مـفـرـهـدين، عـرـقـانـين، وـما
فيـش وـاحـدـ فيـهـمـ علىـ بـعـضـهـ. الـوـادـ غـزـالـهـ. كـانـ قـاعـدـ وـعـامـلـ
الـشـنـطـةـ كـرـسـيـ تـحـتـيهـ. وـفـوقـ كـدـهـ، مـاسـكـهاـ بـإـيـدهـ. تـقـولـشـيـ
خـاـيفـ عـلـيـهـاـ منـ نـسـمـةـ الـهـوـاءـ.

نـماـ جـاـ الشـايـ. جـوزـيـ قـالـيـ، اـقـعـديـ يـاـ تـرـتـرـ
احـضـرـيـناـ، يـاـ دـيـ النـدـامـةـ يـاـ بـتـ. دـيـ أـوـلـ مـرـةـ يـغـلـطـ وـيـعـملـهـاـ.
بـلـسـانـ حـلوـ قـالـيـ. خـلـيـكـيـ مـعـانـاـ. وـغـمـزـ لـيـ بـعـينـيـهـ. يـعـنيـ أـجـيـ
معـاهـ. عـلـىـ الـوـادـ غـزـالـهـ. لـأـنـهـ هـوـ بـرـضـاـكـ جـوزـيـ وـأـبـوـ
عـيـالـيـ. وـعـمـرـ الدـمـ مـاـ يـبـقـىـ مـيـهـ، وـالـضـفـرـ عـمـرـهـ مـاـ طـلـعـ مـنـ
الـلـحـمـ.

فـعـدـتـ وـيـاهـمـ. حـسـيـتـ إـنـهـ عـاـوزـنـيـ عـشـانـ يـكـسـرـ بـيـهـ
مـقـادـيـفـ الـوـادـ غـزـالـهـ. مـاـ هـوـ حـاـكـمـ جـوزـيـ دـاـ يـعـملـ أـيـهـ حاجـةـ
طـولـ مـاـ فـيـهـاـ مـصـلـحةـ وـالـلـاـ قـرـشـ حـايـيـجيـ مـنـ وـرـاـ الحـكاـيـةـ.

الشاهد. قعدت متعصبة. ما هو حاكم أنا ما أقدرش ما
اقعدش. وأن ما قعدتش، وباظ الموضوع، حليندار عليه،
وتبقى الحكایة باطلت علشان ما قعدتش. ولو قعدت ما
كانشي باطلت، ولو اتكلمت ورميت الواد غزاله كام رمش،
واديته شوية حنية، طقم مراوح على قلبه يعني، كانانا
المراد من رب العباد.

أمال، ما هو حاكم جوزي، أول ما تبوظ ف إيديه
حاجة، يصور ع السبب، السبب لزمن ما يكونشي هوه
يكون حد ثاني. ويا داهية دقي عليه على طول طوالی.
جوزي ابتدأ بسحب ناعم. ويقول إن إحنا وغزاله
أهل، واحنا لميناه وبيتنا بيته، وحاجتنا حاجته.. وهدمتنا
هدمنه، ولقمتنا لقمنه، واحنا نما بنحلم نما بننام ف انصاص
الليالي، بنحلم سوا. ونما بنشتغل بنطلع على الخير سوا والر
سوا. وإن جوزي لو جت له حاجة. رزق يعني، وكان
لوحديه، كان حايدyi غزاله نصيه من غير ما يفتح بقه بكلمة
واحدة.

غزاله قال: إن اللي أوله شرط آخره نور. والشغالنة
دي بره كل حاجة، دي جت مع العور طابات، وهيie جت له

من السكة م الباب للطاق، وخد من ده عندك كلام ما لوش
آخر.

أنا ما اعرفش، ربك والحق، إيه اللي خلاني نطق،
وقلت يا جماعة، مش تعرفم إيه اللي ف الشنطة الأول، مش
جايزة بتعاركم على حبه هوا، لا يودم ولا يجي بم وتخسرم
بعضيكم. دا أنتم عزوة لبعض.

غزاله فالى براوه عليكي، يا ست ترتر، وجوزي
قالى كت تايهاه متنا فين دي يا ترتر، قلت لهم:
— تاهت ولقيناهما. نفتح الشنطة الأول، وبعد ما
نفتحها ونشوف إيه اللي فيها. يبقى لنا كلام ثاني.

جبت لهم سكينة المطبخ وشنطة عدة قديمة شايلها
جوزي. كان بيتهياً لي، إنه شايلها لوقت عوزه، عشان يستغل
في يوم من ذات الليام، أتاريها عدة الشغل اللي باللي بالك.
شغل نص الليل. اللي بيعملوه وياب بعض من ورا ضوري.

قعدوم يتحايلم ع الشنطة، إنها تنفتح، وهيه راسها
وألف سيف، حفت بالإيمانات ما هي مفتوحة. وجوزي
يعزم، ويتمتم بكلام مش فاهميته. عايز يعمل له منظر،

ويوشوش الشنطة، ويقول للي جواها: اظهر وبيان عليك
الأمان.

وغزاله يقول: حاسب ع اللي جواها. من هنا لها.
ودا يقول له حاسب، ودا يشمسم ف الشنطة، ويقول دي
ريحة الفلوس طالعة من جواها، ترد روح اللي مات وشعب
موت. وترجعه الدنيا من تاني.

أني كت رايحة جاية، أروح بكباليات الشاي والبراد
فلاضيين، وارجع بيهم مليانين، والله ماني عارفة كم نوبة
عملت الحكاية ديت، أصل العدد ف اللمون، تقولشي باجي بـ
شاي م الحنفية بتاعت الحكومة.

السمس طلعت، والرجل ابتدت تدب قدام البيت،
اصطبخنا واصطبخ الملك الله. ولا ملك إلا الله. اللي رايح
شغله. وحا يا حمار وشى يا حسان. إنما كله ده تقولشي
بيحصل في بلد تانية. كنا مشغولين لحد شوشتتا بالشنطة
واللي ف الشنطة.

العيال قاموا من النوم بدرى. كل يوم ناموسيتهم
كطى، همه وراهم إيه، والأيام الفاضية فايدتها النوم. العيال

فعدم بفركم عينيهم، مش مصدقين اللي شايفينه. عمرهم ما
قاموا لقوا المنظر ده.

فين وفين نما افتحت الشنطة، دي ما افتحتشي إلا
بطلوع الروح، ونما كسروها وبقيت حنت. بس اللي كان
جوها، حاجة ترد الروح خالص فلوس، أموال، ورق، وربط
فلوس عمر الواحد متنا ما يعيش عشان يشوفها مع بعضها
في وقت واحد.

احنا صحيح بنمسك فلوس ف أيدينا، إنما حنت
طغنته، ملايين، قروش، ساعات، نص أفرنكات. شلنات،
برايز، اربع جنيهات. انصاص جنيهات، وأقله جنيهات
صحيحة، جنيه ورآه واحدة. ويوم ما نتمطع تبقى حته بخمسة
ولا حته عشرة. إنما الورقة أم عشرين والورقة أم ميه،
نسمع عنها وعمرنا ما شفناها، ولا حسستا عليها.

جوزي قال: دي رزم فلوس جديدة لنج، بريحة البنك
وريحة الفابريكة اللي بتدق الفلوس، جوزي خوف الواد
غزاله، وخلى الفار يلعب ف عبه، وقاله تلاقيهم مسحوبين
من البنك ف نفس يوم ما خدمتهم، وجائز صاحبهم عنده النمر
بتاعتهم. لزمن نبقى حوطين جامد لتنمسك، يعني لا بد نكن

يومين، لأن صاحبهم حابعرف السريقة النهاردة. يا إما
الصبيحة يا إما الضهرية وع الكتير خالص. نما الدنيا تليل.
وبيلغ والباحث تشتعل طوالى، جوزي قاله وهو بيعد على
صوابعه إنا قدامنا تلات تيام طوال عراض.

غزاله رد عليه، يعني قدامنا اتنين وسبعين ساعة،
جوزي أكد على كلامه أيوه تمام اتنين وسبعين ساعة بحسبة
الجيش. وكل ساعة فيها ستين دقيقة. وكل دقيقة فيها سنتين
ثانية، وكل ثانية تحصل فيها بلاوي مئتانة وبعدها نشوف
راسنا من رجلينا. ونعرف حانتصرف ازاي في المبلغ ده.

جوزي خوف غزاله. إنما يا روحي ما بعدك روح.
غزاله قاله: الشرط قبل الحرت أحسن م التزاع بعدين. انت
تشتعل، وأنا أديك أجرتك، إنما الشغلانة دي كلها على
بعضها شغلانتي، وإن شفت منك خوانه. أروح أسلمهم
للبوليس. وأطريقها عليه وعليك. وعلينا كلنا.

جوزي طمنه: يا غزاله مش حانختلف. بس المهم
توصل لبر الأمان وما تتمسكشي الفلوس. إحنا غلابة والحة
كلها عارفة إن إحنا بنكمel عشاننا نوم، وعمرنا ما عدينا غير
القمل في الفرشة، والأكلان ع الجدران، ولو بانت الفلوس

معانا. حايروحم يبلغم عننا. لو كان فيه مطرح بره البيت.
كت شيلتها فيه، بيتهيألي إن كده أمن.

عاليز الحق والا ابن عمه؟ آني غمرت للواد غزاله،
عشان جوزي حاييتدى يلعب بدille، وبينيم الواد ويرقد له
ويروح مدبله الهدر اللي هوه. غزاله قاله: الفلوس حاتفضل
ويانا هنا، تبقى في السليم. ونحاجي عليها ونحفظها وتبقى في
الحفظ والصون.

غزاله ابندًا يكلم ويَا نفْسِهِ وَمَعَنَاهُ طَيْبٌ مَا هُوَ
صاحبها كان شايلها ف شنطة العربية، وقافلها عليها يعني
خد إيه. أهو انضحك عليه. هو بيقع إلا الشاطر احنا نخليةا
هنا. بس كل واحد يحط عينه في وسط راسه.

حاولوا يقفلوا الشنطة من تاني. إنما هو بقى لسه فيه
شنطة ولا ديماولوا جبت ملأية من جوه. ولقيت فيها الشنطة
المكسرة. وجواها الفلوس. والواد غزاله قعد الأول فريجهما
وحط إيده عليها. إنما ما كانش متطمئن، راح قائم وقاعد
فوقيها. عملها كرسي وبقت الفلوس تحت مقعده عدل، وقعدنا
في وش بعض.

الواحدة من زمان كت تقول: بس هيه فين الفلوس.
إنما ما كتش عارفه إن الفلوس بيتجي تخرّب البيوت، وتبؤظ
النفوس، وتجيب ويها كل بلاوي الدنيا.

حياتنا اشقلبت، الواد غزالة قعد ع الشنطة ما قامش
من قعدته. ينكن محصور عايز يعمل زي الناس، رجليه
نمّلت والدم وأف في عروقه. وجوزي ما عبيش باب الدار،
وهو اللي طول عمره ما يطيق قعدة الدار، يحس إنه مكتوم
وانه حايموت. لزمن يهج ويسرح ويطفل ويُلْف ويدور. إنما
النهاردة ما هويش بره عتبة الدار. ومسك العيال والعصاية
فإيديه. قالهم. حسکوا عينکوا تقولوا أيها حاجة عن اللي
شفتوه. اللي حايقول حاجة حاتاویه وحاویة الترب حتف.
العيال اترعب.

وفوق كده وكده خلى العيال ما يشوفوش الشارع
طول النهار. قعدنا بجوعنا وخوفنا. خايفين م اللي معانا
وخايفين من نفسنا. وكل واحد خايف م الثاني. ومش مدبله
أمان خالص.

صحيح الفلوس جت. فلوس بالهيل، فلوس بالكوم
فلوس لو ولعنا فيها النار ما تحرقهاش. فلوس لو قعدنا نعدها
ما تقدرش نجيب آخرها ولا بطلوع الروح.
الفلوس جت، إنما يا هلتري حايحصل إيه؟!
دا الجواب بيان من عنوانه وكل واحد آهو قاعد على
أعصابه. دي الفلوس جت وجابت ويابها الغم، زي زعابيب
أمشير. ولسه ياما حانشوف.

تمنيه

كل شيء دواه الصبر

لكن قلة الصبر مالهاش دوا

شويتين، بصيت، لقيتا فاعدين. بوزنا ف بوز بعضينا، لا شغله ولا مشغله، والإيد البطالة إيه؟ الإيد البطالة نجسة. والشيطان يبقى شاطر نما يوزوز في عقل اللي ما عندهوش شغله. قلت ف خاطري. بقى يا رب حانقعد التلات تيام والتلات ليالي كده. ده احنا نطق نموت ونموت بعضينا، وناكل بعض بالحياة، لزمن نشغل نفسنا حاجة، أينها حاجة، دار المثل بيقول: افلعي منديل رأسك وفليه كله فوتان في النهار.

طيب وان فلت النهار. نعمل إلية في الليالي. اللي ما لهاش أول ولا آخر ينken النهار فيه مخلائق ربنا، وله حس، وضيه بيملأ الدنيا، إنما الليل ضلمة، هس هس، والناس بتلبد جوه بيومتها.

خاطري فالى، ما نتيجي يا بت بتتر نلعب
كورشينه، وآهو دور في دور، وعشرة ف عشرة، ونوبه
يكتب واحد ويخرس الثاني، ونوبه تطلع باطه، الوقت يجري
ويغوت، وتعدي المهلة اللي عملها لينا عبد الضار. منه الله.
عمره ما يعمل حاجة عليها الطلا.

ربك والحق. رجعت في كلامي. قلت لو جت
الكورشينه، وصوابعهم لعبت، مين أدر اكي يا بت إنهم يلعبون
لعب تقاريح الأول، ويقولوا فهو تقويت للنهار والليل. إنما
الملعونه دي جايز تجرهم للعب بالفلوس. يضحكوا في
الأول، ويقولوا دور واحد بس، إنما جايز شنطة المالية ديت
تنقل بصنعة لطافة من إيد غزاله لا بد عبد الضار.

يروح غزاله قيام، يجيب أجل عبد الضار بضربة
واحدة. ما هو عفي ولسة بخيره. ويبقى أنا خسرت الرجالين
اللي متعمزة عليهم جوزي، والراجل اللي بيحبني من بعيد
لبعيد، وابقى طلعت من المولد، مولد إيه؟ طلعت من الدنيا
كلها من غير حاجة ولا محتاجة، وابقى مرة وحدانية، وما
قادميش غير سكة المشي البطال، اللي لزمن يكون آخرها
السجن.

تقولشي عبد الصار كان بيقرأ اللي أنا بافكر فيه، بعد
شوية كده. وبعد ما فلتاتهم إن الشاي خس ويليا، وإن السكر
بقى قله، وإنهم لزمن يمسكم حنكthem شوية، والسيجار اللي
قاعدin يعفروا فيها، ومناخير كل واحد بقت عامله زي
المدخنة، ما فاضلشي منها غير كام واحدة.

عبد الصار قال ما يضرش، إحنا نلعب كورشينة،
قلت لأه.. كله إلا الكورشينة، فاللي ليه يا بت الناس. قلت لأه
وبس، المهم نشوف حكاية الشاي والسكر والسيجائر. قال آهو
تبعد العيال يجيروا سجاير وشاي العقدة الحرير ف السكر.
اللي عمره ما يتبع عند البقالين، زغرلي وقالي تستافي من
أبيها جارة كباتين سكر على بال ما نجيب التموين، ونمسمك
إيدينا جامد في حكاية السكر. عبد الصار قال وأهـو إحنا
معانا قرشين فكة يمشوا الحال لحد المهلة ما تخلص ونتطمن
حالـنـ.

إنما عبد الصار، أبو التفانين بحق وحقيقة، بالله
رأيق، قال طيب ما نقضي الوقت اللي فدامـنا في إن إحنا نعد
الفلوس، الولد ما كانش مـآمنـ، وعبد الصار عـايزـ يعرف
الخميرـةـ قد إـيهـ. عـشـانـ بعدـ كـدـهـ يـاخـدـهـ عـلـىـ خـوانـةـ.

أنا قلت دا العدد يقل البركة. نسيبهم كده، دا إحنا
فاكرينهم كل مالية الدنيا باللي فيها، أجلوا الحكاية دي شوية.
إنما عبد الضار حط الفكيرة في دماغ الولد. والفكيرة ابتدت
ترن، وتودي وتجيب. وشوية وشويتين غزاله وافق.
غزاله قال: بس نبعث العيال يجيم الحاجات لول.
وبعدين يرجع، ونقول علينا من جوه بالضبة والترباس
ونتبت جامد، ونقول الشبابيك، ونسد أيها منفذ يودي على بره
ونبدي في العدد.

عبد الضار نما الولاد غزاله هاود. قاله: تعرف إنّه
فيه مكنة في البناك بتعد الفلوس دي ف غمضة عين، بتشتعل
بالكهرباء. أول ما تغمض عينيك. وقبل ما تفتحها تاني، تقول
لّك الفلوس اللي معاك كام، ولعلّك بيأجروها. غزاله قاله:
كده ثقى رحنا للموت برجلينا. وأهو جالك الموت يا تارك
الصلا وتنقى سلمنا اللي حداها للحكومة ذات نفسها. لا يا عم.
يفتح الله. احنا نعد على إيدينا وصوابعنا أحسن من حكاية
المكنة وعدها.

سألت عبد الضار: والم肯ة بتتباع؟ غزاله قاله:
وحانجيها على إيه يا حسرة، هيّه المرة ديت الأولانية

والأخرانية، الحكاية دبت بتحصل في العمر كله نوبة واحدة.
وبعدين نما نروح نجيب المكنة، حانلقت النظرلينا، ونقول يا
للي ما شفتش شوف.

العيال زي الفريرة، راحوا اشتربم اللي احنا عايزيته
من أقرب دكان، أبوهم قالهم طيران في المرواح، وطيران
في المجي، وعشان يجريهم قالهم يشترم لبان لهم من الدكان.
العيال كانوا مش مصدقين نفسهم، وهموا بيسمعوا الكلام ده.
هيء القيامة حاتقوم واللا إيه، حطوا ديلهم في سانهم وهات يا
جري.

اني طلعت، بقىت عاملة زي كلاب السكاك، إنما دي
مش أول نوبة، استلفت تلات كبابيات سكر. كل كباية من عند
جاره شكل. وكل واحدة أكدت علىي إنني أرجع السكر أول
ربنا ما يفرجها. مش اضرب عليه عوافي، زي غيري ما
بيعمل.

الواد غزاله طلب مني الصحارة، اللي شاليه فيها
حاجاتي ومحاجاتي، جبت الصحارة وفتحتها وطلعت
الهلاهيل اللي فيها. حط الشنطة على شماليه، والصحارة على
يمينه.

عبد الضار اتشاهد، وقال: محمد نبی وموسى نبی
وعیسی نبی. وكل من له نبی یصلی علیه. فلنا علیه الصلاة
والسلام، عبد الضار كان ییجرب فینا عدة الشغل.

غزاله قعد یعد. واحنا عنینا لتناشر لایده وياده، تروح
مع الفلوس کده وترجع کده. والواد کان ببعد، تقولشی مخه
دفتر ابتداء یعد. بل طرائف صوابعه. من تفاف بقة وابتدا
بعد.

احنا قاعدين، تقولشی متصررين، وهوه الواد قاعد،
یروح مسلحب ومدخلب ربط الفلوس. یخلص ربته ویجیب
ربته، یروح مطلع منها طوالی الأستاك اللي رابطها، ویدخله
في رجله. ویبتدي بعد: الله واحد، ما لوش تانی. ولا تالت
وف نوبۃ تانية: موسى أول النبیه. وعیسی تانی نبی ومحمد
خاتم النبیین. وكل من له نبی یصلی علیه. آهو بیقلد جوزی
وحايفضل ماشي وراه لحد ما یجیب له الكفیة.

هوه یعد. واحنا نازلين هسهسة. وهو هات يا عدد،
وتو ما یخلص الربطة، یسلک لستك من رجليه ويرجعه زي
ما كان، ویلفه لفتین ع الفلوس، ویروح حاططهم فریح

خواتهم في الصحارة. ويسمى عليهم ويکير.. جائز کمان يقرأ
الصمدية في سره.

كان الولد غزاله مخي النصاحة دي كلها فين. تلاقيه
كان لا بد لعبد الضار وعامل صبي عنده. وعامل عبد
الضار معلم. عشان يشرب منه الكار. كان لا بد له في
الدرة. زي ما بيقولوا.

إنما هو واد ناصح وعارف الكفت ذات نفسه. إحنا
قاعدin ننش الدبان من على وشنا وهو ببعد. كان عبد
الضار ببعد هوه لآخر. بس عد عن عدى يفرق، غزاله
بيحسس، ببعد بصوابع إيديه ولسانه ويشم ريحه الفلوس
الحلوة. وعبد الضار ببعد من بعيد بعيد. ببعد بعيينيه.

عبد الضار كان بيقول. إنه يقدر يحسبها وهيّه
طایرة، ويقدر بعد حب الرمل ف الصحرا. والنجوم ف السما
الواسعة. إنما لا هوه قال للولد حاجة، ولا غزاله قال لعبد
الضار أيها كلمة.

العدد خد وقت طويل خالص. واحنا قاعدin
متصرين. الباب خط مرتين، واحنا ولا هنا، الناس اتكلمت
من بره بره. وقالوا تلاقينا نايمين، وقالوا على عبد الضار:

نوم الظالم عباده. ولا حس ولا خبر. وينكن لو انت رديت.
نكون احنا رديننا على الكلام ده. واحد قال: جايز هجوا
وطفشوا، رد عليه واحد ثاني: جايز راحم يشموا هوا.
حتى لو شتموا من هنا لحد الصبحية. ولا حنا
سامعين، مش جايز شموا خبر وعايزين يعرفوا إيه الحكاية،
وإيه الرواية، والسر إن طلع مننا ما بقاش سر، وحاتبقى
فضيحة بجلجل.

ما اقدرش أقول الواد غزاله سعت العدد، كان فرحان
واللا زعلان. هوه كان ملهي في العدد وخلاص. سواعي
كان يتصور لي إن غزاله كان حايتجن من كتر العدد، وإنه
حبيجي له لطف ف عقله وحايمشي بكلم الهوا ويعاكس
النسمة ويحكى لنفسه ويقول، ويأخذوه ع السراية الصفرا.
وعبد الضار هوه اللي حايقعد على تلها. هوه بيفضل ع
المداود غير شر البقر؟!

عجبية. سواعي يفوت اليوم كله، من غير ما حد
يهوب نواحي باب بيتنا. هوه احنا عندنا إيه يا حسرة، إنما
النهاردة إيه الحكاية. الباب خطط من ثاني. نفتح مين يا عم،
دول لو طبلوا بالطبل البلدي. وعملوا مولد سيدنا الحسين،

وستنا نفيسه، ورئيسة الديوان السيدة زينب. والله ما هوب
نواحي الباب. أصل الواحد لو قرب من الباب حايكون
لرجليه على الأرضية حس.

الباب يخبط، احنا نتكلم، والولد ولا هوه هنا. باین
عليه عقله يوزن بلد، صحيح هوه عامل زي عقلة الصباع.
إنما الولد باین عليه متوك وتلافيه متلطم من قبل ما بيجي
لنا. وبقى عارف كل حاجة.

ما أقدرش أقول، كام ساعة فانت وصوابع غزاله
بتعد في الورق لخضر وسفافيه بتلعب مع صوابعه. آني كت
قاعدة ظاغرة لغزاله. عمرى ما بصيت ليه كل الوقت ده.
قشت الود يعني شبر شبر، وفصلته حته حته وقلت لنفسى:
إيه الحكاية يا بت يا ترير؟

الكدب على الله خبيه، هوه لا جوزي ولا حاجة، كل
اللي بيبني وبينه، انه م الحين للحين كان يقولي كلمة حلوة.
بيبل بيهار يرقى الناشف. والحكاية ما زدتش ولا قلتash عن
الكلمة الحلوة وخلاص.

أنا كنت مرتحلة له. وكت نفسي ومنى عيني. إن
الفلوس تكون من بخته ومن نصبيه. أول هام. كت حاسة إن

عبد الضار لو اتحكم ع الفلوس دي وعكمها ف إيده.
حايتجوز عليه ويفتح بيت تاني. أنا أصلي بتاعت الشقى
وبس. وما لفعشي غير ف البهدلة.

إنما ليام اللي حاتبقى حرير ف حرير، ولحمة ف
لحمة، وحلويات ف حلويات زي قوالب السكر، ديت تلزمها
مرة تانية. ما تفكروش باللي فات. تاني هام، الواد غزاله. ده
كت حاسة كده.. والله أعلم. إن عينيه مني. وإنه مش
حابفوتني خالص. ما اعرفش إزاي دا يحصل. إنما كت
حاسة إنه ما يقدرش يبعد عنـي.

الشاهد. الفلوس اتعدت، لا جوزي فالـي هـمه يطلعـم
كام، ولا غزالـه قال لنا، هـمه يـبقـمـ كانـ، يـنـكـنـ لوـ ليـهـ لـوـحـديـ.
كانـ غـزالـهـ قالـ. إنـماـ حدـ يـأـمـنـ القـطـ عـلـىـ مـفـتـاحـ الـكـرـارـ؟ـ هـوـ
معـقـولةـ يـقـولـ لـجـوزـيـ عـلـىـ المـبـلـغـ كـامـ؟ـ!

بـاـيـنـ مـنـ شـكـلـهـ إـنـ المـالـيـةـ شـقـلـهـ كـبـيرـةـ قـوـيـ.ـ لوـ قـدـنـاـ
نـصـرـفـ مـنـهـ العـمـرـ كـلـهـ،ـ وـلوـ اـسـتـلـفـ كـلـ وـاحـدـ فـيـهـ عـلـىـ
عـمـرـهـ عـمـرـ تـانـيـ.ـ مـشـ حـانـخـلـصـهـاـ،ـ وـماـ نـقـدـرـشـ نـخـلـصـهـاـ.
الـفـلـوـسـ وـاـتـعـدـتـ.ـ وـبـقـيـنـاـ قـاعـدـيـنـ زـيـ مـاـ كـنـاـ.ـ وـكـأـنـاـ يـاـ
بـدرـ لـاـ رـحـنـاـ وـلـاـ جـيـنـاـ.ـ لوـ حـدـ بـصـ عـلـيـنـاـ مـنـ بـعـيدـ.ـ يـقـولـ عـنـاـ

شوية مجانيين، قاعدين بياخدوا صور لبعض. وبنرسم بعض من بعيد لبعد. كل واحد بيرسم الثاني. وبيرسم ع الثاني.
رجعنا زي ما كنا، حل المبتداً. وفكنا، طيب حانعمل إيه تاني. جوزي عقله بيودي ويجب عايز يعمل مغرز للولد، يلهف منه القرشين اللي وياء، والولد طبعا بيحرص جامد. وحاطط عينيه ف وسط رأسه. دي خبطنة العمر اللي عمرها ما حاترجع تاني، حتى لو شاف حلمة ودنه.

جوزي ابتدأ يدلعني، بعد عد الفلوس طوالى، وهو عمره ما كان بيدلعني. إنما بعد الفلوس ما جت، وبعد ما عرف إن الواد عينه مني. ابتدأ يقولي: يا ترترتي. ونوبة يقول: يا تراتر، ويكلم عن حلوتي اللي تدوش أجدعها راجل. قدام الواد عيانك بيانك، وهو لا يستحي ولا يختشي. الحكاية ديت ما تنقسمش على ثلاثة. الحاجة دي المفروض أنها تكون بيوني وبيني وبس والرجاله والستات بيعملوها جوه أوض النوم، بعد ما يسنكرروا بابها عليهم. وعبد الصار كان يتطمئن دليما ان العيال نامم وشعبوا نوم وبيأكلوا رز مع الملائكة.

قال ان تراير تخطف رجلها، شترى لنا كل الجرانين
وكل المجالات اللي عند بنات الجرائد، شهقت شهقة طالعة من
عزم قلبي. قلت بطلوا دا واسمعوا ده. واللي معاه قرش
ومحيرة يروح يجيب حمام ويظيره.

جرانيين إيه؟ انت طول عمرك يا راجل انت دخلت
علينا بتطوح جرنان ف إيدك، دا احنا عمرنا ما افتكروا
الجرانيين إلا واحنا بنفرض التملية اللي في المطبخ. عشان
الجيран قالوا لي، لزمن تفردي تحت كبابيات الشاي والحلل
والكسرولات والطبقات ورفة جورنا. عشان تحافظ عليهم.

يوميها سألك، قلت لي: منين يا حسرة. وبعد شوية،
قلت لي: نظري على واد أفندي. من اللي بيقرؤم جرانيين،
نبعد له الولد، يستلف منه كام جورنان. يكون قريهم وشاليهم
عشان بيعهم لباتج البتايا بالكيلو وأنا عملت كده.

عبد الصار قالني يا عبيطة. ما هو إن كان صاحب
الملايين دي. عرف إنها ضاعت وبلغ، ولا راح عمل
محضر في القسم. حانعرف منين؟ حانقعد نشم على ضهر
إيدينا، واللا حانفتح له المندل، ونضرب الودع ونشوف

البخت؟ لا الجرائين حانكتب اللي بيحصل. وطبعا دي مش حاجة قليلة. ومبلغ زي ده. مش بيروح كل يوم من واحد. البلد كلها، حانقف على ضافر واحد. من أول ما تكتب الحكاية ف الجرائين، دول ملايين، هوه قال ملايين من هنا، والواد غزاله راح شاخت فيه: وانت ايش عرفك انهم ملايين. انت كت بتعد معايا؟

عبد الضار قاله، انت ماسك لي ع الواحدة ليه؟ انت نقرك من نقري ليه؟ هوه انت نازل من بطん أمك فوق رأسي؟ قال ملايين قال. أهو كلام ابن عم حديث. هوه الكلام عليه جمرك. هوه فيه حاجة سايابها الحكومة لينا غير الكلام، تيجي انت بقى تحط لي مكتنة قدام بقى وتحسب لي الكلمة اللي اتقالت اللي ما اتقالتشي. يا عم وسع. حد واحد منها حاجة.

اني عشان ألم الموضوع والحكاية والرواية، وشايهاهم من سعت المالية. ماجت، وهمه عاملين زي ناقر ونغير. طلعت. وعمري ما كت أعرف فين بنات الجرائين ده، دا احنا إن لاقينا العيش، يبقى المش شبرقة.

الحنة بتاعتنا، تبان متعلقة في السما، ليها مطلع
واقف، وفي أول المطلع غرزة. صاحبها بيقول عنها فهوة.
واللي بيأخذوا مواعيد قدامها. بيقولوا: قدام الكازينو. وهيه يا
دوبك حنة غرزة كحيتي. فيها شاي ومعسل.. عشان الإيد
مش طايله. ويوم ما تطول حاتلاقى البرشم والبودرة والميه
وفتح القزايير والذى منه. وجميع ما يخطر على بالك واللي
ما يخطرشى كمان.

سكت مشوار كعابي معتبر. شوف بقى شايلين
الفلوس، مش عارفين نعدها. وأنا أمشي موتورجل، نزلت من
ع الجبل، عديت ع الغرزة، وكمان موقف العربات اللي
بالنفر. بصيت ع الجبل اللي قدامنا، بيقولوا عليه المحجر،
بيجي منه الجير بعد ما يطفوه.

قلت ليتاع الجرانين. عايزه من كل جورنان واحد.
الراجل ما سدق. كل واحد كان بييجي. يطلب طلبه ويقول له
هات الجورنان الفلانى، وين肯 يقرأه وهو واقف عنده.
ويروح مرجهه ليه من ثاني ويديله عرض أكتافه.

أنا اللي قلت له، من كل صنف واحد. قام وقف ع
الفرشة. واستفتح مرتين، وجاب لي من كل كوم جورنان.

و عمل لي الحسبة، وقالي ع المبلغ. وأول ما دفعت له، مسک
الفلوس حبها، و خبطها ف قورته، قبل ما يحطها ف جبيه،
وقال لي: لو كام زبون زيك يا ست الكل، كنا جبرنا من
الصبح. وكان زماننا مستريحين زي عباد ربنا ف بيوتنا بدل
ما الشمس بتخبط فينا.

رجعت ليهم بالجرانين. نما فربت من بتنا بصيت
ليه. تقولش باشوفه لأول نوبة. دا الكدب على الله خبيه. آل
بيت آل. دا ينفع مصد للريح. ف الشتا تنزل علينا نظرة
السما كلها، ونعني ويا العيال: يا نظرة رخي رخي والسقعة
تدخل جوه عضمنا. وفي الحر الشمس تبخ نارها علينا عدل.
الخشب بيزيق، والجدران بتريح. دي ولا خرابه، بيت كأنه
ملصم.

مسكو الجرانين.. فلوها كلمة كلمة. و عبد الضار
حمد ربنا.. قال الجواب دائمًا بيان من عنوانه. ما فيش ولا
جنس كلمة واحدة عن الموضوع كله. دي حكاية، تلافي البيه
صاحب المالية لسانه نائم في أحطها نومة، أو إن المبلغ ده،
هوه ما تعبس فيه. أو ينكن سارقه ومش حايقدر يبلغ.

غزاله قاله، كلام ليه معنى، يخش الدماغ طوالـي.
قال: هوه فيه واحد يجيب المبلغ ده من عرقـه. دي حاجة يا
تـيجـي مـ الـهـواـ. يا إـماـ مـ الـهـواـ بـرـضـكـ. مـينـ اللـيـ يـجـيبـ منـ
عـرـقـهـ كـوـمـ الـفـلـوـسـ دـهـ.

عبد الضار، ما كانش عاوز الواد يحطـفـ بطـنهـ
بطـيخـهـ صـيفـيـ أـبـداـ، وـيـطـمـنـ وـيـسـتـرـيحـ وـبـالـهـ يـهـدـأـ، فـالـهـ الأـمـانـ
ما جـاشـ لـسـهـ. قـدـامـناـ بـكـرـهـ وـبـعـدـهـ، وـبـرـضـكـ نـجـيبـ الـجـرـانـينـ
زـيـ النـهـارـدـهـ، وـنـفـلـيـهاـ كـلـمـةـ كـلـمـةـ، وـحـرـفـ حـرـفـ وـتـسـوـيرـهـ
تسـوـيرـهـ. عـشـانـ نـفـضـلـ عـارـفـينـ رـاسـنـاـ مـنـ رـجـلـيـنـاـ. وـمـاـ
نـتـاخـدـشـ عـلـىـ مـشـمـنـاـ.

خاطـريـ قـالـيـ: إـنـ عـبـدـ الضـارـ عـاـوـزـ بـيـقـىـ لـهـ فـ
الـحـكاـيـةـ حـتـىـ. كـلـ الـكـلـامـ دـهـ. وـحـكـاـيـةـ الـجـرـانـينـ وـالـتـفـانـينـ. مـشـ
عـشـانـ مـصـلـحةـ الـوـادـ، دـاـ لـوـ طـالـ يـطـيـرـهـ كـانـ جـابـ لـهـ الـرـيحـ،
إـنـمـاـ هـوـ عـايـزـ بـيـقـىـ لـهـ عـيـنـ غـلـيـضـةـ. وـبـيـقـىـ اـسـمـهـ حـافـظـ لـلـوـادـ
عـ الـفـلـوـسـ، وـعـنـدـ الـقـسـمـةـ بـيـقـىـ يـكـلمـ بـلـسـانـ قـوـيـ. وـيـشـخـ
وـيـنـترـ وـيـتـعـنـنـطـ، وـيـطـلـبـ زـيـ مـاـ هـوـ عـاـوـزـ، حـاكـمـ عـبـدـ الضـارـ
دـهـ. أـنـاـ عـاجـنـاهـ وـخـاـبـزـاهـ.

أنا مش عارفة غزاله كان فاهم كده ولا لأه، واللا
عبد الضار قدر يدخل في زواريقه ويفهمه إن بيستغل عشانه.
ابتدا عبد الضار يلف ويدور، ويقول إن الواحد لزمن
يبقى ستر وخطا لخوه. والمليان يكب ع الفاضي، غزاله قاله
قصدك إيه بالضبط؟ بدل اللف والدوران قوللي اللي ف بالك
دوغري قوام. دا احنا أهل واكلين عيش وملح مع بعض.

عبد الضار كأنه كان قاعد على باب شق التعبان،
راح رادد عليه طوالى أديك قلتها بعضمته لسانك. عيش وملح
ويما بعض. يعني اللي يحضر القسمة يكون له نصيب. غزاله
قاله: كله إلا القسمة.

قعدم يتناقرؤا. كلمة من هنا. وكلمة من هناك، قلب
القديم والجديد. والواحد قال لعبد الضار، إن الغلطة غلطته، ما
لوش سبوبة ينزل بها السوق، يقلب رزقه، إنما عايش تباتيش
حتة من هنا وحنة من هناك.

عبد الضار قاله، هوه احنا كده يا ولاد العرب ويما
صاروة. أول ما نشبع نكلم عن الحال والحرام، وطول ما
احنا جعانيين مش لاقين اللضا، عمرها ما تفرق ويانا.

عبد الضار سلم طوالى. قاله بلاش حكاية القسمة، ما
دامت مش لاده عليك، انت معاك فلوس، وأنا معايا اللي
أبيعه، ونا سألت نفسى طوالى: ليه اللي عنده بيعه المجنون
ده؟ هوه حيلته اللضا. دا عامل زي الصبور اللي زن على
خراب عشه. لو إدى الواد الأمان ينكن ياخذ منه اللي عايذه.
عبد الضار لبد له، وعرض عليه يشتري الدار، اللي
وشها عليه كان وش السعد، الولد عمل بأصله. وقاله: وأنتم
تروحوا فين؟ حد بيع داره؟ عبد الضار زعف فيه: نروح
مطرح ما نروح.

عبد الضار قال بلاش الدار. تشتري العيال. بنى
آدمين جاهزين، بدل ما تتجوز وتتط وتحبّل وتولد وتربي
وترضع وتغسل. ويُشخوا على رجليك. غزاله ما خلهش
يكمل. قاله: أعوذ بالله من الشيطان. هوه فيه حد بيع ضناه؟
القيامة فربت تقوم يا ولاد.

عبد الضار قال لنا، الواد حايستغل واعظ بين عليه،
عبد الضار بص له نوبة واحدة، وكلمه وهو بيشاور ليه:
طب اسمع تشتري تراتر حمار وحلوة، بعد ما شتريها مني

حاتعرف آني أنا هديتك هدية تخلي لياليك كلها هنا. مرتبة
من دم ولحم. وحاجة بيضا زي لهطة القشطة.
الواد غزاله المرة دي ما ردىش طوالى، لا قال آي.
ولا قال لأه. ينكن الحكاية حليت ف عينيه، وده يخليني أقف
هنا شويتين.

أنا ما كانشي هاممني غير بتوع الفلوس دولت،
وطبعا بعد كده عرفنا البير وغطاه. والحكالية كلها. بس أنا
هنا. مش حافضل لحد ما أجيب المتمة بتاعت الحكاية: أنا
حائف هنا. عشان أقول حكاية الفلوس اللي لقاها غزاله.
وجابها وجه لحد بتتا بعد كده.

ما هو حاكم لولا الفلوس ديت. كت حياتا فضلت
زي ما هي. من حال المبتدأ لغاية حال المنتهي. إنما الفلوس
شقلبت الوضع. خلت عاليه واطي، وواطيه عالي. هوه فيه
غير الفرش يعمل كده، ودي فروش ما لهاش عدد، قبلها كنا
اللي نبات فيه، نصبح فيه. دلوقتي حاجة تانية، نفسي
مكروش وروحني مسحوبة. ومش عارفه إيه اللي ممكن
يحصل بعد شوية. كنا ف جرة وبقينا بره.

وآهي ديت حكيةة الفلوس وصحابات الفلوس وأدي
البيضا وأدي اللي سلقها، وأدي اللي قشرها، وأدي اللي
أكلها. دي. دي. دي.

تسعة

من حرامي لحرامي

يا قلبي لا تحزن

يرجع مرجوعنا لأصل الحكایة. أنا اللي تعبني موت.
هوه صاحب الفلوس ديت. مين اللي يسيب كوم فلوس كده
وينساه ف شنطة عربية في انصاص الليالي. وبعد ما يعرف
انهم ضاعم. خدهم صاحب القسمة والنصيب. يفضل ساكت.
لا حس ولا خير. وقلبه بيدق جوه سدره. ودمه سارح في
عروقه. بدل ما يطب ساكت ما يديش منطق.
دا لازم عنده ولا مال قارون. اللي بيحكم عنه. حد
ينسى الكنز دا كله. بقى دا معقول يا ناس.
صاحب الفلوس كان أهم واحد عندي. بعد الفلوس
نفسها وكل اللي حاؤله عنه الوقتي. طراطيش كلام. كلمة
من هنا، وكلمة من هناك، والكلمة ع الكلمة، تبقى حكاية زي
ما كانوا بيقولوا. طوبة على طوبة. تبقى العركة منصوبة.

هيه الناس بقت لها شغلانة غير الكلام. في الفاضية
والملانة، يشتعلوا كلام، ويقبضوا حديث، ويأكلوا حكاوي،
ويا ويله وسود ليله. اللي يطب ويقع. عليه إله يسد براسه.
ينتفوا ريشه. لغاية ما ييقلاهوش ولا ريشة واحدة.

أنا سمعت الناس بتقول وتحكي، وأنا حاصل زيهم،
لأن الحكاية دي بالعينة. كت السبب في كل اللي جرالي.
حاكم إحنا فوقنا حنة حلوة زي الجنة، شوارعها واسعة.
اسمها مدينة ناصر، وتحتها حنة الشر بره بعيد. زي النار
اللي في الآخرة اسمها منشية ناصر. قلت في عقل بالي هوه
كله ناصر. الجنة اسمها ناصر والنار برضك اسمها ناصر. دا
لزمن واحد سره باتع. عشان حاطط اسمه طوالى من أول
الجنة لحد النار. دي الدنيا لساتها فيها حاجات كثيرة الواحدة
ما تعرفش عنها حاجة.

ياما سألت على ناصر ده. اللي سمم كل حاجة
باسمه، فاللوا إله جدع شارب من بز أمه. أكل كبده العدانية
ودوخهم السبع دوخات، القصد مدينة ناصر، الجنة اللي
تحتها. كنا نقدر نتفرج على العربيات المعلطة اللي رايحة
نواحيها. ونحلم. ونلعن ونسمح عشان ربنا خلقنا فقرا.

كان في مدينة ناصر دبت، واحد قب وغضس بقى
مليونير نوبة واحدة. بيحصل الكلام ده في الحنت اللي ربنا
راضي عليها. والواحد نما يتغنى الناس تلف حواليه، تعرف
عليه زي الدبان اللي بيحط ع الحاجات الحلوة.

عمركم سمعتم عن واحد غطس وقب، وحالته
تغيرت زي البراح ما بين السما والأرض، أسطس في
نواضري. ولا يبارك لي ربنا في عمري إن كت باكديب. ما
هي برضك حكاية غزاله جت كده بالمضبوط. بس غزاله
لسه مرقد ع الخميره. إنما برضك ده اللي حايحصل وياءه،
ويضرب الضربة اللي هيه والناس العلابة. تضرب تقلب
حوالينه. ولا حد يفهم إيه اللي حصل.

الواد ده. كان بيكمel عشااه نوم. عايش يا مولاي كما
خلقتي. بليوص، كحيتي. الناس نامت وهو كده صحيت افقيت
الأ شيئاً معدن وهو بقى مليونير. مع إن ده بيحصل في السيمما
والحكايات والحواديت وبس.

الناس كت بتعامله زي ما يكون جربان وللا أبرص.
إنما لم الميه جريت ف إيديه. ورجليه طلعت ع المعاش
وركبت عربية. من موتو جبل لموتو أربع فرد كاوتش.

ابتدت الناس تلف حوالبنه. يمسحوا له جوخ. إن عطس الدنبا
كله بيجي لها برد. ويدوبك تو ما يزعل، الحر يملاً البيوت
والتراسينات.

دي بلدنا كده، إن الغني شكته شوكة. بيقى البر كله
فدوكة، والفقير إن قرصه تعان يقولوا له اسكن بقى
بلاش تلقيح جنت.

ما حدش سأل، إيه اللي حصل. كل واحد كان عاوز
بيقى زيه، يعمل اللي عمله، ويمشي وراه. والولية من دول
بقت بتندعى لعيالها. إنهم بيقوم زيه، وربنا يفتح السك في
وشهم زي ما فتحها له. صدق اللي قال: معاك فرش: نساوي
فرش، مععكس ولا مليين. تبقى ما لكش لزمة. تقل جيبك.
تجري الناس وراك، يخف جيبك، يقولوا إن عقلك هو اللي
خف.

الراجل ده كان اسمه علي سعد. ومن يوم ربنا ما
فتح عليه، الناس من نفسها اداته اسم ثاني. بقى اسمه: علي
السعيد. والناس عقولها تنسى زي ما هي عايزة. وتنفك اللي
تحب تفكره. راحم ناسيين حكاية علي وبقى اسمه السعيد،
السعيد جه، السعيد راح، السعيد قال كيت. السعيد عمل هس

هس. السعيد نايم لحسن يصحى. تعظيم سلام يا جدع السعيد
وصل سمع هس السعيد بيغنى. وكل واحد بقى يقول: من
جاور السعيد بسعـد وانـي قلتـ: حـط رـجـلـك مـطـرحـ رـجـلـ
الـسعـيدـ تـسـعـدـ.

الناس سابت حياتها. وقعدوا يكلموا عن طاقة ليلة
القدر اللي افتحت له والفلوس تجيب ويابها حكايات، قالوا
لقى لقيه. وقالوا مخاوي جنبه ساكنة تحت سبع أرض، وكل
ما نطلع له. يكبس ويجيب منها. قالوا نصب نصبه. قالوا
سرق سريقه تناقل بالذهب. قالوا فتح خزنة بنك. قالوا هبر
الهبرة اللي هيـهـ. ماهـياتـ مستـوظـفينـ بـعـادـ. وكلـ واحدـ يـحـلـفـ
ويـتعـزـرـنـ عـ المصـحـفـ الشـرـيفـ. وـإـيمـانـاتـ يـنـهـزـ لهاـ عـرـشـ
الـسـماـفـ عـلاـهـ.

واحدـ جـهـ وـقـالـ إنـ السـعـيدـ اـشـترـىـ حـمـارـ. قالـواـ لهـ،ـ دـاـ
يـبـقـىـ عـايـزـ يـأـكـلـهـ وـيـشـربـهـ. ويـجـبـ لـهـ حـمـارـ يـنـطـ عـلـيـهاـ. وـديـ
كـلـهاـ عـايـزـهـ مـسـارـيفـ. المـهـمـ اـشـتـراـهـ لـيـهـ قالـ لـهـمـ،ـ وـأـنـاـ إـيـشـ
عـرفـنيـ. نـماـ اـعـرـفـ حـائـقـىـ أـقـولـ لـكـمـ. المـهـمـ إـنـ الحـمـارـ دـهـ
عـجـيبـ وـغـرـيبـ وـلـاـ فـيـشـ مـنـهـ. كـلـ ماـ يـقـولـ لـهـ حـاـ،ـ يـشـخـ
فـلوـسـ،ـ يـقـولـ لـهـ شـيـ يـشـخـ فـلوـسـ. يـقـولـ لـهـ هـسـ،ـ يـشـخـ فـلوـسـ.

هوه يكلم ويَا الحمار من هنا، والحمار بتته واقف،
وفاشخ رجليه، رجل يمين، ورجل شمال، ورافع ديله،
ويروح مديها شاخ. وعلى السعيد وراه بيлем. سأله ووالحمر
دا بياكل إيه. قال دي فانتتي، وزلوا سؤالات عليه. وهو ما
اداش منطق.

في يوم من ذات ليام، شاف على السعيد، وهو
بيركن تومبليه، صاحب من صحبات أيام اللضا. سلم عليه
بطرطيف صوابعه. وكلمة من هنا. وكلمة من هناك. وعامله
إيه الدنيا ويَاك. صاحبه شوفي قاله: خذني ويَاك، ضحك
وسأله: على فين؟، شوفي اتمسكن، لحد ما يتمكن، وحلف له:
إنه ما يهموش على فين. أهم حاجة يكون وياه. مش همه
كانوا ع الخير والشر سوا، أشمعنى الجوع كان موحدهم.
واللقة الهنية اللي تكفي ميه، تفرق بناتهم. هوه — وشوفي
— عينيه مليانه. وعمره ما بص لله ف ايدين غيره. ولا
يمكن بيص لله ف ايد أخوه وحبيبه. إنما للضرورة أحکام.
على السعيد قال لشوفي ادبني فرصة أفك، شوفي
قال له: هوه أنا حايشك. فكر زي ما انت عاوز، روحي يا

أيام وتعالي يا أيام، وفي يوم قال علي السعد لشوفي:
مبروك، وقبل ما يسمع منه: الله يبارك فيك.

قال له: من النهاردة ورايح، مش حايقى اسمك:
شوفي الفجرى إنما حايقى اسمك شوفي السعيد.

النكتة حبت. حب ينكت وياد، شوفي قاله: هوه انت
ما تعرفش. راح مطروح كف على كفه، قاله: انا من يوم أمي
ما ولدتي وأنا اسمى: شوفي السعيد طوالى. بابين إن النكتة
كت بايخة. عشان علي السعيد لا مد له كفه عشان تبقى
بصره. ولا ضحك عليها. راح شوفي فاهمها وهيه طايرة،
قاله: دا لزمن يبقى لي اسم تانى. شوفي وش السعد. إيش
جاب لجاب. هيه الميه طول عمرها طلعت في العلاي.

التانى صن شوية، ولقاها حلوة كده. ما هو لو بقى
اسمها: شوفي السعيد. وهو على السعيد. يبقى اللي ما يعرفش
يقول عدس، إنما نما يكون هوه شوفي وش السعد. يبقى فيه
فرق بين لسمين والحكاية ما تسحش على بعضها. ويبقى
بناته وبين شوفي سد يوصل لحد السما. لا ييجي الثاني بعد
شوية، ويقول له: المليان يكب ع الفاضي.

ساعتها بس. علي السعيد، شاف ف شوفي، ولد بيفهم، ويقدر يتصرف. وعرف ساعتها إنه اختار واحد يقدر يسد في العملية الثقيلة اللي همة داخلين عليها. شوفي الفجري، أو شوفي وش السعد كان الكدب بيطرق شرار من عينيه. إنما على السعيد كان عاوز يسدقه.

ضرب علي السعيد إيده ف سياته، طاعت فيها عشرات وخمسات وعشرينات. اداله حفنة فلوس على ما قسم. وقاله، يطلع بزبورت ويتعلم سوافه العربىات من أيها مكتب تعليم. ويقطع رخصة م المرور، لزوم الشغل، وكل حاجة حايعرفها في أوانها ووقتها.

القرشين دول تسليك زور. ضحك شوفي زي الناس العبطا. وقال كل دول قرشينات. أمال الجنيات، والخمسات والعشرات والعشرينات، والملايين والألافات. تبقى ليه. يا سيدنا الملونير؟

قرب منه علي السعيد. وقاله. الكلام ده حلقة ف ودنك. حتى مرانك ما تعرفش حاجة عن النواحي دي. إيدك الشمال ما تعرفش إيدك اليمين خدت ليه مني، كلمه ف

راسك، تعرف خلاصك. شوفي حلف له. إنه هوه ما
حايعرف هوه نفسه إلية اللي حصل وياده.

مشي شوفي يكلم نفسه. إيه يعني اللي خده م العقل،
بزبورت يعني يركب الهوا، ويروح بلاد بره ايشي مرواح،
وائشي مجي، ورخصة سواقه وهيه دي عايزه مفهومية.
حايكون عنده بدل التومبيل بيجي ميه. مش حايعرف عربياته
من كترهم. زي الفقرا ما بيعرفوش ولا دهم أول ما يكتروم،
يعني حايبيقي زي علي السعيد تمام.

علي السعيد؟ بقى ده معقول؟ تلاقيه بيشتغل في
التقايل.. ويرمي له حته عضمه يمصمص فيها. هوه حد
طابل عضمه والا شغته والا حتى حته جلد. كفاية عليه.
بيتمرغ في تراب الميري، والحكاية مش جايده تمن المرمة
والعفار.

بعد الحكاية ديت. شوفي لاحظ إن علي السعيد.
بيعامله من بعيد لبعيد كأنه ولا فيه اتفاق ولا غيره. ولا سأله
عن حكاية البزبورت ولا رخصة السواقه ولا أيها حاجه.
الأول اتوغوش. إنما بعد كده حطف بطنه بطيخه صيفي.
وقال جايز إن دي أصول الشغل اللي داخلين عليه. دي

الحكاية باین علیها أغوط من البحر اللي ما لوش شط تانی.
اللي فوق سكندرية.

هوه من نوايه، فضل يعمل الحاجات اللي عايزة منه
علي السعيد من سكات. ما قالش حتى لنفسه هوه عمل إيه.
والحكاية ما كفتهوش ملين أحمر.

يعني من دقنه وافق له حبل. بيقى فاضل قدامه إيه.
عشان بيقى جاهز للعملية كلها؟! شوفى قال لنفسه: أنا لسه
جديد ف الكار وعشان كده أحسن أسيب الخطوة لولاته لعالي
السعيد. هوه أدرى مني بأصول الشغلانة ديت.

ودا اللي حصل بعد كده. في صباحية يوم من ذات
ليام. قابله على السعيد. وعمل كأنه بيرمى عليه الصباح.
بص حواليه كويس. وقرب منه. وسلم عليه. وكلمه بحس ما
يقدرش يسمعه أقرب واحد ليهم. والغريب إن شوفى سمع كل
كلمة قالها على السعيد.

قاله: ليلة القدر مستنياك. رد عليه شوفى، حاكم هوه
ابن نكتة، ودمه خفيف موت. تقولش سماعين ياسين في
زمانه، وحاول ينكت. ما هو إن ما ضحكتي يطق يموت:

بس رمضان لسه بعد. شاور علي السعيد لمخيه وقال له:
دي ليلة القدر احنا اللي بنعملها. غير ليلة القدر بتاعت ربنا.
بعد كام يوم. قال علي السعيد لشوفي الفجرى: هوه.
قال: هوه. علي السعيد قال: عندك ميعاد مع الرجال الكبير.
سأله شوفي: آني راجل كبير. ما هي البلد مليانه كبرا. دي
ما فيهاش ولا حد ظغير. ضحك وسأله: دا بتاع ليلة القدر.
كل اللي طلبه علي السعيد من شوفي الفجرى إن
يكون معاه شنطة إيد. متينة وجامدة. وأول ما تتقفل على اللي
فيها. عمرها ما تفتح. يعني شنطة من بتوعات اليومين
دولت. اللي بيقولوا عليها. ليها نمر سحرية. واللانمر
سرية. والنبي ماني عارفه.

هوه كت عنده شنطة بيقول عليها ف الحنة. من بتوع
السفراء. شاريها من سوق الكانتو. عشان يتعاجب بيها.
الصيت ولا الغنى. اشتراها بعشرين جنيه. تقولشى مسروقة.
كل واحد كان يسأله عن سعرها. يقوله: افصل انت
وشطارتك. ويبندي الفصال. ميت جنيه. يتتفخ ويقول: زود
شوية. وتوصل لحد تلميذ جنيه.

من يوم ما اشتراها وهو شايلها فاضية. أكثر حاجة
انحطت فيها. البطاقة وكرنيه الشغل. إنما كان حاسس إنه
لزمن ييجي لها يوم، تتملي فيه فلوس، وكان يحلم بيها في
الليل مليانه فلوس. وكان يقعد يحسب. لما تتملى فلوس. تأخذ
قد إيه. كان يختار عشان مش قادر يحسب أي فلوس
حايطها فيها. ورقة عشرة أو من أم ميه، واللا بآلف. كان
يقعد يحسب ملوها نوبة عشرات، ومرة ميات، ونوبة ألفات،
وهو فيه من أصله ورقة بآلف يا ناس.

الناس كلت وشه. وقالوا عليه، أبو شنطة فاضية.
وهو ما زعلش. وقال لهم، مسیر الفاضي يتمنى، هو
الفاضي بيفضل على طول فاضي. الكلام أصله جب.
ضحكوا وقالوا الفاضي يعمل قاضي. شتمهم. وقال لهم يا
نور دي شنطة. هيه بنى آدم.

من يوم ما اشتراها. وهو بيقول عليها. وش السعد.
كان متتأكد إنه في يوم، حاييجي الخير للشنطة دي. وكان
يشيلاها، ويتطيبب عليها وبيص ليها. ويسأل عنها. وينضفها
دائما مرة بالميه. ونوبه بالجاز، ويفرشها من غير ما تتتوسخ.
و عمرها ما راحت عن باله خالص.

على السعيد. نما كلمه. اداله مبعاد سعت المغربية فآخر العمار، من نواحي مدينة ناصر. عند الهو كدا، الفران جرت ف عبه. اتوغوش. سأّل على بيه السعيد الملونير، عن الرجال الكبير. مين هوه؟ عايش فين؟ عايزه ليه؟ وإيه العباره والحكاية؟ عشان يبقى عارف هوه بيخطي ورایح فين.

طبعب على السعيد على كقه وقاله: اللي أوله شرط آخره إيه. رد عليه: نور طبعا. على السعيد. كز على سنانه وهوه بيقوله: وأول شرط ف الحكاية ديت، إنه ما يسألشي أي سؤالات خالص. همه حايعرفوه اللي لزمن يعرفه من غير سؤالات ولا يحزنون.

سؤال واحد يخلي نقبه على شونه. ويعمل م الحبة قبه. كل اللي عليه إنه يحط لسانه في بقه. وما يطلعوشي إلا وقت النزوم. أهل زمان قالوا لنا: لسانك حسانك. إن صنته صانك. وإن سبته بهلك وهانك. النوبة دي. هوه بيسأل أخوه. ما فيش بهله ولا إهانه. النوبة الجايه. رقبته هيه اللي حاتطير.

رجعت الفيران تلعب في عه. إنما النقله في كلام
ابن حنته. خلت كل فieran الغيط. وجميع فieran البيت تطلع
البلا على جته نوبة واحدة. قاله صاحبه إنه لو نجح في
لمتحان عند الناس اللي رايح لهم. فلوسه مش حاتعد.
وحايدعوك معاهم. قاله. يدعوني؟ رد عليه: المهم إنه يوصل
لشط بحر الخوف ويعدي وما يخافشي م الطراطيش.

راح لصاحبه قبل الميعاد بساعة زمن. ما ركبش
تکسي، احتیاط واجب وأي غلطة تخلي رجله والقبر. قعد
يلف في مكان المعاد. لحد رجليه ما ورمته المشي. وصل
والدنيا منوره والشمس طالعه. وفضل يروح ويبيجي لحد
الدنيا ما غشت. بعيدن ليلت.

ابتدا العربيات ترکن حواليه. فيها بنات وعيال
متقصعين. بيجم بعض عيني عينك، خط لرض برجليه.
وشتم الدنيا. وتنف ع لسلفت. دمه انحرق من شكل العيال
اللي راكبين العربيات. وهو عمره ما ركب غير رجليه. نما
السكاك كلت منها راقات. من كتر الرمح عليها.

عمر جزمه من جزمه ما عمرت أكثر من سنة،
ولزمن يعمل ليها نص نعل من نص السنة ديت، إنما اللي
بيركم عربيات. تلاقي عمر الجزمة من عمر صاحبها.
جه صاحبه. كان راكب عربية، عمره ما شافه
راكبها قبل كده. دا تلاقيه بيركب العربية نوبة واحدة. ولو
صورت وراه تلاقيه ينكن بيركب الوليه برضه نوبة واحدة
ما يتتهاشى. وبعد كده تبقى خرج بيت طوالى، العربية كت
العين ما تجبيش آخرها. بيت ماشي على عجل. بتاعلطف زي
المراية. تشوف وشك فيها. وتسرح شعرك، ويقدر الواحد
يأخذ دفنه قدامها.

بحلق في الترمومبيل، بس ما قدرش يعرف كسمه إيه
بالضبط، مع إنه في السنين لآخرانية، اتحزن من السؤال عن
الترمومبيلات واتمانها. اللي كان عقله ما يقدرش يحس بها،
وبعديها كان بيروح من كترة الفلوس. ما هو حاكم كتر
الفلوس يجنن. وقلتها تودي ع السرالية الصفرا. وهو من
يومه عاييز يطلع السما. بس من غير سلام.

أول ما شاف صاحبه. بيتص له من ورا إزار
الترمومبيل. عمل نفسه بي Shawfه صدفه من غير معاد. ولا

ترتيب، ما هو ما حدش ضامن حاجة في الزمن ده. ظغر للعربية. وعينيه حافظ من مكانها. وتعب الوقفة راح نوبة واحدة.

شوفي الفنجري قال لعلي السعيد:
— والنور دا أنا شفته فين قبل كده.
قاله: انت حاشتعن من دلوقتي. الصبر يا بن آدم، لف
واركب.

لف حوالين العربية. كت جديدة لنج، لسه طالعة من الفبريكه، من بلاد بره، مناخيره شمت ريحه البوية اللي لسه طرية ما نشفتش. والكتابة ع الكاوتش كت لسه توك مكتوبه، وهوه بيبل شاف نفسيه ماشي كأنه قدام مرأىة الدولاب الطويلة في أوضة نومه. اللي ببنام مع مراته قدامها وهمه عريانين ملطف. زي سعت أمهم ما ولدتهم.

حلف بالطلاق يمين ثلاثة. شافعي ومالكى وأبو حنيفة، إنه يوم ما يحتم على واحدة زي دي. لزمن يركب مراته جنبها وي Shawfوا نفسهم فيها. أفله ديت مرأىة ملونه. أحسن من مرأىة البيت.

قال لنفسه، أنا شيلت يا زمن الحلم ما كلبت. ولقيت
معاك ما خليت. بس بقى. لحد كده وخلاص، كفاية. لزمن
نلاقى اللي يشيلنا. أنا خلاص انتهيت والطريق لو سلك من
أوله، عمره ما يعرف الميلان. الناس العبطه في الحته.
بيقولوا اللي يشبك مخه في حب الفلوس عمره ما يعرف بنام
الليل. وأنا خت إيه م النوم؟ أنا نمت اللي يكفيني ويكتفي
الناس كلاتهم.

كان فيه سواق راكتب قدام بيسوق التوموبيل. دا على
بقى ولا رئيس الحكومة ذات نفسه. إيدين السوق مغطتهم
بجوانتي أبيض. وراسه عليها كاسكته ولا أكبر ظابط في
البوليس أو الجهادية. وبدلته يشرب من عليها العصفور.
وقميصه أبيض زي الحليب. وشائق نفسه بعليقه. والزاكطة
لونها غامق، على عينيه نضاره. ما اعرفش شمس واللا
نظر، وهو فيه حد يليس نضاره شمس في الليل. تلقيها
نظام عيادة.

صاحبـه على السعيد كان قاعد ع الكتبـة الورائـة،
شاور لشوفي ع الحـة اللي جـنهـهـ، عـشـانـ يـقـعـدـ عـلـيـهـاـ.ـ قـعـدـ
ونـفـسـهـ مـكـروـشـ مـ الخـضـةـ.

اللومبيل من جوه كان مكسي بالقطيفه الكحلي .
والعربيه من بره كان لونها سماوي . والدواسات في الأرضيه
كت من نفس لون القطيفه . وع الكتبه الوراثيه كان فيه مسند
كله قطيف ف قطيفه . وهو بيقعد افتكر إن مراته ريقها
ولسانها نشفم من كتر طلبها فستان قطيفه . وهو سأله لقى
تمنها في السما ، فطنش . عمره ما حسس عليها إلا أما فكرته
بالفستان القطيفه .

استغرب ، قال لنفسه من غير حس ، عشنا وشفنا
العربيه لابسه أحسن من البنـي آدمين . مش بعيد ، تكون الحليه
الـي ف الـباب . دهب اربعـه عـشرـين قـراـطـه . والإـزاـزـ منـ اللي
بيـكـرـ ويـصـغـرـ ، واـحـناـ نـشـوفـ الليـ بـرـهـ . والـليـ بـرـهـ عمرـهـ ما
يـشـوفـناـ . يـاماـ لـسـهـ حـائـشـوفـ .

صاحبـهـ كانـ حـاطـطـ إـيـدهـ الـيمـينـ عـ المسـندـ . وهوـ رـاحـ
حـاطـطـ إـيـدهـ الشـمـالـ كـمانـ عـ المسـندـ . ماـ حـدـشـ أـحـسنـ منـ حدـ.
اـحـناـ كـلـناـ وـلـادـ تـسـعـةـ . ولـزـمـنـ الـوـاحـدـ تـبـقـيـ مـنـاخـيرـهـ فـ السـماـ.
وـرـاسـهـ بـرـأسـ صـاحـبـهـ ، مـنـ دـلـوقـتـيـ ، عـشـانـ لوـ نـخـ وـوـطـىـ مـنـ
دلـوقـتـ . حـايـفضلـ كـدـهـ طـوـالـيـ . صـاحـبـهـ بـصـ لـهـ وـقـالـهـ : رـايـحـينـ
لوـلـيـ النـعـمـ .

قعد، وراح حاطط الشنطة اللي كت ماليانه بالهوا
على أرضية التومبيل اللي كت واسعة. بصل لقى صاحبه
فارد رجليه ع الآخر، راح حاطط الشنطة ع الكرسي
الفاضي، جنب السوق، صاحبه ضحك وقاله أفرع ونرهي.
انت نص كبة، والشنطة كرسى لوحديها، ولسه ياما نشوف
منك.

شوقى الفجرى فرد رجليه، اتضائق، عشان عظم
رجليه طقطق وهوه بيفرده. عضم غشيم. لسه واحد ع الشقا.
تلقي عضم صاحبه طري. ومتربت واحد على كده. قال
لنفسه، دا الفرق بين واحد منعنخ ع الآخر. وواحد شحط ع
الأوآخر. الحالة عندهم جيم طوالى. قال لنفسه: بس هانت يا
ولد.

شوقى عمره ما انبعض كده. وفرد نفسه ع الآخر.
صحيح اللي قال: الفقر حشمة والعز بهلة، وهوه ياما بلع
الفقر زي شربة الدود اللي كان بيأخذها وهوه صغير.
صاحبه قال للسوق: المطار يا اسطى، وكلمة المطار
رنت ف ودانه. فسمع أصوات الطيارات اللي بتكون في
سابع سما، وشاف أنوارها بتضوبي فوق السحاب، حزقه

السؤال، بقى زي المرة اللي جاها الطلاق. كان بده يسأل: هوه
الميعاد في بلاد بره؟

كان عاوز يقول، إنه ما معهوش بزبورت، ولا ورق
يطلع بيه بره، وجماعته في الدار ما يعرفوش حكاية السفرية
دي. وينكن.. يروحن النقطة ويعلموا محضر بغایبه. وتكتشف
الفولة قبل ما يبتدوم.

الكلام ده. طلع على جوه، راح مطمئن نفسه. هوه
ابتدأ سكة عمره ما حايعرف آخرها. وليه بس يتعب نفسه
بالآخر. هوه لسه ابتدأ؟

ف المطار، نزلم قدام لوكاندة كبيرة خالص. العين ما
تجبش آخرها اللي لاحمه مع السما، قدامها طيارة ما فدرش
يعرف هي طيارة لعبه واللا بحق وحقيقة، الطيارة بشرة
خير. بتطير ف العلالي. والعالالي هي الجنة ذات نفسها.
ونما بيحلم بيها. تفسر مراته الحلم، بإنه حايطلع فوق اللي
فوق ايديهم طايلة. شبرقة ونعنعه ونعنشه وحاجة أسلطة.

افكر الغنيوة اللي بتقول: عشان ما نعلا ونعلا لزمن
نطاطي نطاطي. نفح. قال لنفسه: وهوه ده كلام يخش
الدماغ. عشان نعلى، بيقى حانسكن العلالي. ومين اللي جاب

سيرة الواطي بقى. العالى عالى. والواطى واطى وبين ده
وده. زي ما بين سابع أرض وسابع سما.

ته داخل على جوه. صاحبه وقفه. قاله هنا وبس،
شوية وقبل ما ينشف عرقه اللي كان زي مرقه. وقف تومبىل
أقوله إيه واللا أحكي إيه؟ صاحبه أبهه. التومبىل لأولاني ما
يساويش فردة كاوش فى التومبىل الثاني. قال لنفسه: يا سنة
سوخة. هيه إيه الحكاية يا ولد؟

التومبىل اللي وصل، وكان بيزيق في وفته. بمزيكا
حلوة، عشان الشحم لسه زي ما هوه. كان فيه اتنين. نزل
واحد. وفضل الثاني في العربية واللي نزل كان شحط، طول
بعرض، خشبه كثير زي بتوع العصابات اللي بنشوفهم ف
السيما. جسم إيه؟ وعضلات إيه؟ ومقانص إيه؟ ويزاز رجاله
إيه؟ وشعر إيه طالل من ترسينة بدلته؟

حاجة كده زي عبده شلضم، استلم منه الجدع ع
النوتة، كان فاضل بيصم له. فإنه خده صاغ سليم. ما رموش
السلام على بعض زي كل مخالف ربنا ما بيعمل. يا خي دا
السلام الله. كانوا بيتفافون، ويبحقون حوالיהם زي النور
والغجر، تقولشى شايلين سريقة. وفيه حد ماشي وراهم.

أنطس في نصري إن كت باكديب. وما اوعي أكمـل
كلامي. خدم الجدع من صاحبه، وركبوه التومبيل اللي هوه.
وصاحبه مشي لحال سبيله. معقوله. صاحبه ما
يمشيش معاـه غير الخطوة لاولانية ويسيـه حتى من غير ما
يسـلم عليه. مـتشعلق ف حال دايـة مش عارـف الأـلـفـ من
كوز الدرـةـ، ولا عـارـفـ اللي مستـظـرهـ في سـكتـهـ، ويـا عـالـمـ إنـ
كتـ سـكـةـ السـلـامـةـ والـلاـ سـكـةـ النـادـمـةـ، والـلاـ سـكـةـ اللي يـرـوحـ
ما يـرجـعـشـ.

ساعتها، انخلع قـلـبـهـ مـالـعروـقـ، اللي شـايـلـاهـ، دولـتـ
عاملـينـ زـيـ بـتوـعـ المنـسـرـ، يـسـأـلـ ويـخـلـصـ، حـايـفضلـ لـحدـ مـيـتهـ
محـصـورـ بالـسـؤـالـاتـ اللي بتـكـوـيـهـ يـسـأـلـ ويـرـيـحـ نـفـسـهـ وإنـ شـاـلـهـ
تـتـطـرـيقـ عـلـىـ دـمـاغـهـ، وـدـمـغـتـهـ.

كانـ كـافـيـ خـيرـهـ شـرـهـ، وـآـهـيـ ماـشـيـهـ. لـيلـةـ قـافـرـةـ وـلـيلـةـ
عـلـىـ لـحـمـ بـطـنـهـ. إـنـماـ كانـ عـارـفـ رـاسـهـ منـ رـجـلـيـهـ. كانـ هـوـهـ
فيـنـ وـداـ كـلـهـ فيـنـ. الحـكاـيـةـ بـانتـ لـبـتهاـ منـ أـولـهـاـ. يـكـملـ وـالـلاـ
يـرـجـعـ معـ صـاحـبـهـ، وـهـمـهـ لـسـهـ فـيـ أـولـهـاـ.

ماـ حـدـشـ اـدـاهـ فـرـصـةـ، يـهـرـشـ البرـغـوتـ اللي ماـشـيـ
عـلـىـ قـفـاهـ. سـحـبـوـهـ عـلـىـ التـوـمـبـيلـ التـانـيـ. وـسـوقـ يـاـ اـسـطـيـ يـالـلاـ.

وطيران راحت ناطه العربية هجمت ع السكة نوبه واحدة
والعجل حك بالأرضية. وسرعت سرعة تصحي اللي ف
سابع نومه.

وأول ما جرت العربية، الهوا دفع باب اللوكاندة
لجوه، فينك يا امه تشوفي الأمله اللي ابنك فيها. حايديوخ من
ركوب التومبليات اللي ترد الروح آهو داخ م الرمح،
تقولشي كائم بيسابقم الريح.
آهو دا اللي حصل.

عشرة

شيخ المنس

راحوا بيهم على شبرا، شوف بقى م المطار لشبرا
عدل. سفر، لو كان في سكة عدله، ماشي طوالى. كان وصل
سكندرية.

قبل كده كان صحبه بيكلم ويأه، أو يضحك له. إنما
اللي جنبه دلوقتي. أبو الهول ذات نفسه، تقولشي عاملينه من
الحجارة.

ف آخر شبرا. وقدام كنيسة أنوارها مطفيه. وقف
التومبيل، السوق وقف من نفسه. دي المشورة لزمن سيم
معروف بناتهم. نزل الرجل السكيني م التومبيل. راح نازل
هوه كمان من نفسه. ما حدش منعه م النزول. بص لقى نفسه
واقف ع التل طوار. والتومبيل مشي شويه كده يا دوبك.
ووقف قريب منهم.

شوية وجت عربية تاللة. أجيص من الأولانية،
وأحلى م الثانية، عربية تقول للقمر قوم وأنا أقعد مطرحك.

سوق و معاه واحد تاني. استلموه من غير إحم ولا دستور،
ومن غير ولا كلمة انقالت. دي الحكاية واعرة باين عليها.
قال ف عقل باله، دولت عصابة. حلف بالطلاق
ثلاثة. إنهم عصابة، زي عصابات الأمريكان. بعد ما ركب.
كان حايسrix. اللي بيسوق التومبيل المرة دي نتاية، فلقة
قمر. نظام ملين ومهليبة. شعر إيه المسبب. أصفر رباني
وفيها كل حاجة بيحبها، تخينه، زي المرتبة، وبيضه زي
القشطة.

يكونوش عارفين مزاجه، ف موضوع النسوان
والهلس. وهو بطل كلام فاضي. عشان إيده مش طايله وهو
عمال زي البوسطجي، يوصل الماهية م الشغل للبيت، ولا
يستجري عينه تروح على ملين منها.

قلبه زغرت. كان فاضل شوية ويرقص. ما دامت
الحكاية فيها نسوان. بيقى كله تماما. سواء فيها قرشينات
واللا حاييجي نقه على شونه. كفالية الفردة دي. اللي تدفي
الواحد في عز الشتاء، من غير لحاف. من سمعت ما ساب
صاحبه، وهو بيعامل ناس، نسوه الكلام. ما فيش واحد فيهم
جواه لسان.

إلا السٰت دٰي. اضورٰت وبصٰت وراها، ونورٰت
التومبٰيل من جوه من غير كهارب. قالت: "ميه مسا" لو الود
وده، كان نزل على طول، وركب قدام جنبها. وضرب أبو
الهول اللي وياباها، ونزله، وهرب معها. بقى معقول إن
شسطته هيـه اللي تكون جنب الهنـاك والرنـاك. وهوـه بعيد
محروم.

إيه اللي عاجبه في القعدة ورا. أبو الهول هو اللي
اكلم قال: المهندسين يا لسطى، بيقى لزمن ولـي النـعـمـ سـاـكـنـ
في المهندسين، كلام معقول ويخش الدـمـاغـ اللي هـنـاكـ هـمـهـ
المـوعـودـينـ، عـايـشـينـ فـجـنـةـ قـبـلـ جـنـةـ رـبـنـاـ بـتـاعـتـ الآـخـرـةـ.
الـعـرـبـيةـ مشـيـتـ ئـاعـمـةـ. تـقـوـلـشـيـ بـتـحـسـسـ عـ الأـرـضـ.
زيـ النـتـايـةـ الليـ سـايـقاـهاـ. وـالـواـحدـ يـحـسـ عـلـىـ كلـ حـتـةـ فـيـهاـ،
مرـةـ زـيـ قـمـعـ السـكـرـ، بـصـتـ عـلـىـ نـفـسـهاـ فـيـ المـراـيـةـ الليـ
قدـامـهاـ. كانـ عـاـوزـ يـقـولـهاـ، إـنـهـ مـشـ مـحـاجـةـ لـلـحـاجـاتـ دـيـ.
سـكـتـ. قـالـ لـنـفـسـهـ يـاـ وـلـدـ يـنـكـنـ الرـاجـلـ الليـ جـنـبـهاـ جـوزـهاـ.
بيـقـىـ جـهـ يـكـحلـهاـ عـماـهاـ، الصـبـرـ طـبـ، وـالـلـيـ يـصـبـرـ لـزـمـنـ
يـنـوـلـ المـرـادـ، وـهـوـ مـشـ عـاـوزـ غـيرـ إـنـهـ يـرـكـبـ المـرـةـ دـيـ
وـيـفـضـلـ يـدـيـ وـيـشـيـعـ لـحـدـ ماـ يـمـوتـ وـهـوـ وـيـابـاـ.

بلا فلوس بلا غيره. ومين اللي قال إنها بعيدة عن
الورق لحضر أبو مادنـة منورة. الوقت كان زي السبرتو، ولا
حس بـأيها حاجة، غير إن العربية واقفة وهمه نقولشي نزل
عليـهم سـهم الله جـوه التـومـوبـيلـ. الوقت فـاتـ. وهـيـه مـتسـمرة
قادـامـ، وـهـوـهـ مـحـنـطـ عـ الكـبةـ الـورـانـيـةـ. لـغاـيـةـ ماـ وـفـقـتـ عـربـيـةـ
رابـعـةـ جـنبـهـمـ. نـزـلـتـ مـنـهـاـ سـتـ مـتـحـجـبـةـ وـمـعاـهـاـ رـاجـلـ.

يعـنيـ حـايـسـيبـ المـرـةـ اللـيـ لـهـبـتـ قـلـبـهـ وـقـطـعـتـ حـشـاءـ.
حتـىـ منـ غـيرـ ماـ يـعـرـفـ اسمـهـ، أوـ يـعـرـفـ حـايـلـاقـيـهـاـ تـانـيـ
ازـايـ، بـقـىـ دـهـ كـلامـ. منـ دـيـ لـامـ حـجـابـ طـوالـيـ. قـلـيلـ الـبـختـ،
تـسـمـلـهـ الـعـالـيقـةـ، لـلـيـ مـلـفـوـفـةـ مـنـ شـعـرـ رـأـسـهـ، لـضـوـافـرـ رـجـلـهـاـ
فيـ القـماـشـ، ياـ فـرـحةـ ماـ تـمـتـ. خـدـهـاـ الغـرـابـ وـطـارـ، المـتـعـوـسـ
مـتـعـوـسـ، حتـىـ لوـ عـلـقـمـ لـهـ فـانـوسـ: نـقـولـ لـيـهـ فيـ حـظـنـاـ.

الـوليـةـ الـمـتـحـجـبـةـ قـرـبـتـ خـالـصـ مـنـ شـبـاكـ التـومـوبـيلـ.
قالـتـ: "الـسـلـامـ عـلـىـ مـنـ اـتـبـعـ الـهـدـىـ" نـطـقـتـ كـلـمـهـاـ، زـيـ
تمـثـيلـاتـ الـلـغـةـ الـعـرـبـيـةـ. اللـيـ بـتـيـجيـ فـ شـهـرـ رـمـضـانـ، وـزـيـ
إـمامـ الجـامـعـ وـمـدـرـسـ الإـلـزـامـيـ.

خدـهـ الـوليـةـ الـمـتـحـجـبـةـ، وـهـوـ عـيـنـيهـ مـتـعـلـقـةـ بـالـوليـةـ
الـلـيـ كـتـ لـابـسـهـ عـرـيـانـ. سـدـرـ إـيـهـ؟ وـفـخـادـ إـيـهـ؟ نـتـائـيـةـ تـحلـ مـنـ

على حبل المشنقة. قال لنفسه، إن الدنيا قد ماهيـه كبيرة،
كبيرة، فـهيـه ظـغيرـة ظـالـصـ، وـمسـيرـ الحـيـ يـتـلـاقـىـ.
وـهوـ حـايـفـضـلـ حـيـ عـشـانـ يـلاـقـيـ الـجـابـ مـخـصـوصـ.

انـقلـبـتـ الآـيـةـ المـرـةـ دـيـ، فـعـدـ جـنـبـ السـتـ، الـلـيـ مـشـ
باـينـ مـنـهـاـ غـيرـ عـيـنـيـهاـ. وـالـلـهـ ماـ باـينـ عـلـيـهـاـ إـنـهـاـ وـلـيـةـ وـلـاـ
يـحـزـنـونـ. تـقـولـ إـلـيـهـ بـقـىـ؟ يـعـنيـ لـزـمـتـهـ إـلـيـهـ بـسـ الـحـجـابـ دـهـ؟
الـلـيـ طـلـعـواـ لـنـاـ بـيـهـ عـلـىـ آـخـرـ الـزـمـنـ، دـاـ مـدارـيـ تـحـتـهـ حاجـاتـ
وـمـحـاجـاتـ.

الـلـوـلـيـةـ قـالـتـ بـعـدـ شـوـيـةـ "شـيـ اللـهـ يـاـ أـمـ هـاشـمـ"، مـاـ
تـعـرـفـشـيـ إـنـ كـتـ بـتـكـلـمـ نـفـسـهـ زـيـ الـعـبـطـ، وـالـلـاـ بـتـقـولـهـ، وـالـلـاـ
هـيـ عـنـدـهـ لـطـفـ فـيـ عـقـلـهـ، وـالـلـاـ بـتـقـولـ الـكـلـامـ دـهـ لـلـسـوـاقـ،
قالـتـ لـلـسـوـاقـ: سـمـعـنـاـ كـلـامـ اللـهـ يـاـ شـيـخـ أـحـمـدـ.

صـاحـبـنـاـ اـحـتـارـ. فـ الـعـرـبـيـةـ لـأـوـلـانـيـةـ سـمـعـ مـزيـكاـ
افـرنـجيـ، نـحـاسـ فـ نـحـاسـ وـادـيـ، خـبـطـ وـرـزـعـ. جـابـ لـهـ
صـدـاعـ. بـعـدـ كـدـهـ سـمـعـ حـلـقـةـ ذـكـرـ "الـلـهـ حـيـ، اللـهـ حـيـ" وـكـتـ
حـلـوـةـ لـغـاـيـةـ إـنـهـ فـكـرـ يـتـطـوـحـ هـوـ كـمـانـ، وـيـزـعـقـ مـنـ عـزـمـ مـاـ
فـيـهـ: اللـهـ حـيـ اللـهـ حـيـ. وـالـعـرـبـيـةـ التـالـتـةـ كـانـ فـيـهـاـ وـاـحـدـ بـيـغـنـيـ
عـنـ أـمـ حـسـنـ. وـالـطـشـتـ الـلـيـ قـالـلـهـاـ قـومـيـ اـسـتـحـمـيـ، وـسـعـتـ مـاـ

كان بيسمع سأل نفسه: يا هلتري سمعت كلام الطشت،
واستحمنت السُّتْ أم حسن، ويا بخت الطشت، على اللي شافه.
بس لزمن تكون أم حسن ف حلاوة السوافة اللي فاتت،
السوافة؟ ما تفكريش باللي فات. دي ما لهاش غير حنة
واحدة تعيش فيها طول عمرها اسمها: المرتبة.

هيء بتسمع، وهيمانه مع كلام ربنا، وهوه قاعد
بيصيص ليها. والله دي كمان مرة حلوة، رموش عينيها طول
المسطرة اللي الواد بيذكر فيها دلوقتي في البيت. وكسم
جسمها تحت الخيمة اللي لابسها بيقول: هنا نتايه تجنن
الواحد بيضاعتها. حاطة احمر واخضر واصفر وابيض.
وقصة شعرها بانية من تحت هدوتها.

الشيخ كان بيقرأ سورة الرحمن. والدموع شكشك
عينيه، فكرته بصلاة الجمعة. بقى محتر. يلعب حواجه
للنتائية، واللا يسمع السورة اللي بيموت فيها. هيء كوم
والقرآن كله كوم.

الست سالتنه: الأخ مسلم. قال لها: موحد بالله.
عند جامع السيدة زينب نزل من التومبيل. خدته
ومشيته. فكر إنه يطلب منها. إنهم يدخلن الجامع، ويتووضوا

ويصلوا ركعتين لله. بص لقى باب للحريم وباب للرجاله.
خلف لتنوه منه، ويروح تعبه ع الفاضي. مين يعرف، ينكن
يقولوا عليه هربان. بعد ما عرف حاجات عنهم، ويختفوا
ابنه واللا بنته والحكاية تبقى بايخه.

حاول يقرأ الفاتحة لأم العواجز، السست أم هاشم، إنما
نفسه كان مكروش. أجل موضوع الفاتحة لظرف تاني، يادي
النایية ع اللي استلمه المرة دي. كان ماشي كأنه شارب بحر
خمرة بيتمايل ويتطوح تقولشي رجليه يايات وزملائه. قال
لنفسه: جايز هوه بيمثل إنه سكران. ما هم الناس دول بتوع
تفانين ما لهاش آخر.

وهو بيركب العربية، دعا أم هاشم، تكون دي آخر
ركوبه. كان ابتدأ يدوخ ويتعب. عمره ما حصل له كده. كان
زمانه بيأكل رز مع الملائكة في سابع نومة، وعياله بتريل ع
المخدات. ومراته بتتح عشان تقول له إنها صاحية. وانها
عايزاه، وهو عامل نفسه نائم، ومش واحد باله، والنعسان ما
علهوش ملامة.

وعشان الدور يخيل عليها. يروح مدتها شخير م اللي
هوة. الوليمة المتحجبة شاورت له من بعيد، يعني باي

باي. تيجي منك انت الحركة النميسة دي. اللي ما جت من
الولية اللي كت بتحك نفسها في الكرسي وهيه بتسوق.
تقولشي البلد ما بقاش فيها رجاله.

الراجل السكران، هو اللي ساق العربية، عربية
طغنوطة مخدقة، فيها كرسي للسوق وكرسي للجيبيه
بس. ما فيش سواق عشان يقوله: ع الحنة الفلانية يا اسطى،
فيعرف همه رايحين فين.

ابتدأ يisch للسكة، عمره ما عدى من هنا، إلا وهو
محشور ف الأتوبيس أو الترمادي، حايطلع من روحه. شوية
والعربية زعقت. كت طالعة جبل عالي. قال في سره.
معقول إن البيه الكبير يكون ساكن فوق جبل المكتم. أول ما
طلع فوق، هبت عليهم نسمة ترد الروح.
تحت هوا اتشم قبل كده. شايل جواه عرق ومجاري
لدوا الجبل من فوق. وياه ع اللي شافه في اللغة دي. مسخرة
في العربات، بوس وأحضان من اللي هوه. حب من بناء
الناس اللي في العلاي. بال رايق ونسوان تجنن. وفلوس جاية
لوحديها. العربات مرصصة ورا بعضيها ف كل عربية
انتين اتنين، واحد وواحدة. وشغالين على ودنه.

اللي قاعدين ع الكتبة الورانيّة، واللي عاملين
الكرسي القدماي سرير، واديله ف التمام. لا تقول لي صحة
ولا عافية، الحكایة عايزه روڨان البال، بالك ريق نهد جبال.
وتركب عشر نسوان في ليلة واحدة. وكأنك كت بتتفسح.
نزلوا تاني من فوق الجبل، من غير ما يروحوا أيها
حنة، قال السكران إيه ببستبشر بالجنة دي قبل ما يطلع على
باب الله. السكاك قرف، والمشوار اللي يجيئه هنا. تبقى قرفته
عسل، قال لنفسه، بدل ما يسأل عينيه بتقول هو رايح فين.
لقى نفسه ماشي وحاليه كباريهات. قال بيقى شارع
الهرم. اللي عمره ما سهر فيه. من الليلة دي وطالع. مش
حايطى له السهر إلا هنا. ينكن السكران تيجي له البشره من
هنا كمان، والنبي بайн عليه حايدوخ السبع دوخات ويرجع
قفاه يقمر ميت رغيف.

بص ف ساعته، مش عارف إيه اللي جابها على
باله. كان عقرب الدقايق راكب فوق عقرب الساعات. ياه
نص الليل. دايما يقوم ف الساعة دي. عشان بيرد نار العشا
اللي مشعللة ف جوفه بشربة ميه. يشرب ويتكروع ويحمد
ربنا ع الفول والبصل والعيش. هيئ نفس الأكله ف صباحه

وف مساه. دي البهائم بتغير أكلها. وهو البنـي آدم حـصـل
البهـاـيم في ليـام اللي زـيـ الهـبـاب دي؟
زـحـمة ولا زـنـقةـ السـنـاتـ. نـسـوانـ مـلـعـطـةـ، وـرـجـالـهـ
تـعـبـانـةـ. وزـبـاـينـ أـكـتـرـهـمـ مـ العـربـ. وـأـقـلـهـمـ مـ الـحرـاميـةـ وـلـادـ
الـبـلـدـ. وـالـسـهـرـةـ صـبـاحـيـ. أـوـلـ ماـ يـنـامـ النـاسـ. يـصـحـىـ الشـارـعـ
دـهـوـهـ. وـأـوـلـ ماـ يـصـحـىـ النـاسـ يـاـخـدـ الشـارـعـ دـهـ تـعـسـيـلـةـ طـولـ
الـلـلـيلـ لـيـلـ نـهـارـ. وـنـهـارـهـ لـيـلـ. الـبـلـدـ كـلـهـ لـهـ سـلـوـ. وـهـنـاـ سـلـوـ
تـانـيـ.

قبلـ ماـ يـخـلـصـ الشـارـعـ. وـبـيـانـ الـهـرـمـ ذـاتـ نـفـسـهـ.
حوـدتـ الـعـرـبـيـةـ عـلـىـ سـكـةـ جـنـبـهـاـ تـرـعـةـ. صـجـرـ وـنـامـوسـ
وـهـسـ. ماـ فـيـشـ حـسـ وـلـاـ خـبـرـ، كـأـنـكـ قـلـبـتـ صـفـحةـ فـيـ أـلـبـومـ
صـورـ.. صـورـةـ اـنـقـلـبـتـ وـجـتـ وـاحـدـةـ غـيرـهـاـ، مـاـ فـيـهـاـشـ مـ
الـأـوـلـانـيـةـ أـيـهاـ حـاجـةـ. النـورـ دـاـبـ فـ الـضـلـمـةـ. وـالـأـلـوـانـ الـلـيـ
مـالـهـاـشـ عـدـدـ سـلـمـتـ نـفـسـهـاـ لـسـوـادـ الـلـيـلـ الـغـطـيـسـ. نـورـ الـعـرـبـيـةـ
كـانـ فـارـشـ السـكـةـ. وـكـلـ مـاـ يـنـزـلـ عـ الـأـرـضـ. يـلـاقـيـ تـعبـانـ
بـيـرـقـ وـسـحـالـيـ بـتـعـديـ السـكـةـ بـسـرـعـةـ مـنـ نـاحـيـةـ لـنـاحـيـةـ قـبـلـ ماـ
تـدـهـسـهـاـ، الـعـرـبـيـةـ وـقـفـواـ قـدـامـ سـرـايـةـ بـيـضاـ، حـوـالـيـهاـ حـرـاسـ مـنـ

كل النواحي. في أيديهم بنادق ومدافع. وفي وسط كل واحد مسدسات وخناجر وسكاكين. هجموا عليهم الحراس. صاحوا:

— مين اللي جاي؟

قال السكران:

— أنا.

زعموا:

— كلمة سر الليل؟

قال:

— نص أربن.

فتحوا له السكة. وقالوا:

— اظهر وبان. عليك الأمان.

جوه السراية. سكك مسفلةة وإشارات مرور وعساكر مرور لبسهم أضعف من لبس العساكر اللي بحق وحقيقة وإشارات بتضوبي. أحمر وأخضر وأصفر. وعربيات تانية. ماشية وميدان ولا ميدان التحرير فوسطه نافورة شغالة، مش خربانة زي نافورات الحكومة اللي بتتخرب يوم ما تترك.

العربية وقفت قدام طرقه. تشفو أولها، إنما عمرك
ما تجيب آخرها، فوقها تكعيبة عنب. وحواليهام الجنبيين
خلايا نحل بلدي، ووراها جنain فل ويسمين ونرجس وهوا
الليل اشتكي من كتر الريحة اللي شايلها. كان السكران ماشي
قادمه. زي العفريت، ولا سكران ولا حاجة، وف آخر
الطرفة لقى سراية جوه السراية. بس ما فيهاش باب ولا
شباك ولا حتى رزونة. دا ولا القلعة.

كان فيه باب قرب الجدار تمام. أول ما وقفوا قدامه
انفتح من نفسه، من غير ما حد يلمسه. لزمن شغال بالكهرباء.
طب وان انقطعت عنه وهوه جوه، ينفتح إزاي؟ وهو معقوله
الكهرباء تنقطع عن دولت. أول الباب ما انفتح انخض شوفي،
وراح راجع لورا. قاله السكران: اللي ينخض م الباب
حايعلم إيه ف التقائل اللي جوه..

السكران طبطب عليه. يا ابني العمر واحد. والرب
واحد، جمد قلبك. عمر الخوف ما يقدم ولا يآخر، سمعوا
صوت من غير ما يشوفوا ليها حد "سبع الأمانة" قال
السكران: "الأمانة ف السكة" السكران طلع ورقة من جيبه.
قاله فيها خريطة توصله. وأول ما يوصل يحرقها.

مشي ف سكه. فوقه مراييه وتحته مراييه وعلى يمينه
مراييه وعلى شماله مراييه، أورطه ماشيء معااه. ناس فوقه.
ناس تحته. وناس حواليه، من كل ناحية. هجمت عليه الميه.
كان عاوز يضرب مرش ميه. بس فين هنا. ركبه سابت.
كان ماشي بيلحق في اللي ماشيين معااه، يضحك يضحكوا،
يشاور يشاوروها. يقف يقفوا. ينط ينطوا، يخطف رجله
يخطفوا رجليهم.

آه لو ركب المرة السوادة في الحنة دي. دي تبقى
ولا حكايات ألف ليلة وليلة. واللي عمله الملك فاروق ذات
نفسه في زمانه ف نسوان مصر .

"حمد الله ع السلامه" طلع من توهته ع الصوت.
تقولشي كروان بيعني والا مرة بتغنج. وتقول آه ياني. بص
قادمه. لقه مرة أنقح من اللي كت بتسوق. أول ما شافه منها
سدرها. تقولشي شاليه حمولة.

ضحكـت، يـنـكـنـ زـلـزـالـ هـزـ الدـنـيـاـ،ـ وـالـمـنـطـلـونـ الـقطـيفـةـ
الـلـيـ كـتـ لـابـسـاهـ كـانـ فـماـشـهـ تـحـتـ جـلـدـهـاـ.ـ دـلـوقـتـيـ بـسـ،ـ عـرـفـ
إـنـ مـرـاتـهـ وـيـاـهاـ حـقـ.ـ إـنـهاـ عـاـيـزـةـ تـلـبـسـ الـقطـيفـةـ بـسـ دـيـ فـخـادـهـاـ

عمودين ملين. إنما الغفير اللي فاته في البيت مهمًا لبسه
حايفضل غifer.

صحيح بيقولوا. ليس البوصة تبقى عروسة. إنما
وتربة كل اللي ماتوا له. مهمًا لبس أم العيال. وآهي الفلوس
جايها، وحالبسها، والميه تකب العطاس، حاتفضل زي ما
هيه. سأل نفسه دي لابسه جلدها والا هدوم. خاف يبص
لها. عينيه تتعلق بيها لغاية يوم الموقف العظيم. ما يعرفش
يرجع رموش عينيه تاني من عليها.

أول نوبة ف عمره يقابل مرة، ريحتها تشده ليها.
قال لنفسه يا واد بلاش هبل. هوه جاي عشان بيقى فوق لأول
وبعدين يحلها ألف حلال، قالت له، إنه حايقابل الرجال
الثاني. قالها إنها أول واحدة يقابلها تریح بالله. لزمن دي ست
مهمة ف العصابة، ينکن تكون هي ذاتها نفسها الرجال
الأولاني، ياما سمع عن عصابات عاملها نسوان، وكل
الرجاله تمرغ ف ترابها وتحت رجلها، مسيره يعرف كل
حاجة ويبقى واحد من دول.

دخل مكتب تقولشي ميدان ضرب نار. حاجة ما
تجبيشـي آخرها. والراجل الثاني كان قصير خالص. قزعة.

نص واحد تحتاني ما لوش فوق، وإيديه ولا إيد المولود اللي
لسه طالع م اللفة.

أوضه مكتبه كت كبيرة خالص. وهو ظغير خالص،
لو أنا منه، كت قعدت في خن ظغير. زي خن الأنارب.
عشان أملاه. الرجال كت فيه حاجة واحدة طويلة. زي
العصابة. السيجارة اللي كت ف بقه. والرجال راح ع
المكتب وقال: وأدي قعدة.

المرة النتبة، اللي يدخل السجن عشان ليلة معاهـا.

خدته لغاية كرسـي، قدام البيه عـد، الولـية مشـيت بـضـهرـها
على بـرهـ، وـسـابت الـبابـ مـفـتوـحـ. حـطـ الشـنـطةـ عـ الأـرـضـ
وـالـكـرـسـيـ الليـ قـدـ عـلـيـهـ كانـ هـزـازـ. يـطـلـعـهـ وـيـنـزلـهـ فـ غـمـضـهـ
عينـ. قالـ شـوـقـيـ لـنـفـسـهـ، يا وـادـ خـلـيـ حـكـاـيـهـ الـهـزـ بـعـدـينـ. حـطـ
إـيدـيهـ بـيـنـ فـخـادـهـ، فـافـتـكـرـ عـلـىـ طـوـلـ فـخـادـ المـرـةـ الليـ دـخـلتـهـ
المـكـبـ.

دي الناس نعسانـةـ. وـدـولـ بـيـشـتـغـلـواـ. وـفـخـادـ المـرـةـ
خلـاتهـ يـحـلـ لـيـكـمـلـ المـشـوارـ وـالـلـيـ يـحـصـلـ يـحـصـلـ. وـمـطـرحـ
ما تـرـسـيـ دقـ لـهـ. الفـلـوـسـ بـتـجـيـبـ النـسـوانـ. هوـ كانـ مـحـتـارـ.
الفـكـرـ بـيـوـدـيـ وـيـجـيـبـ زيـ مـوجـ الـبـحـرـ. الليـ عمرـهـ ماـ صـيـفـ

فيه. هوه والعيل. ما دامت الحكاية حاترسي في المكتب مع
الراجل ده. كان لزمه إيه وجع الدماغ. واللaf والدوران.
بنكن دي أصول الشغل عندهم.

المرة النتانية أم فخاد دخلت تاني، التوبة دي كت
بتترق قدامها عربية، عليها اللي نفسك تحبه. كأنها عربية
جايـه مـ الجنـة طـوليـ. عـلـب سـجـارـ عمرـه ما شـافـ زـيهـ،
وـشـربـ، وـحـاجـاتـ منـ الليـ بـتـبـلـعـ الشـربـ. هوـ عـرـفـ إـنـهـاـ
نـفـسـ المـرـةـ، عـشـانـ رـيـحـتهاـ كـتـ سـابـقاـهاـ، نـفـسـ الـريـحةـ الليـ
لسـهـ مـعـشـشـةـ فـ مـنـاخـيرـهـ.

شاورت ع العربية:

— حاجة خفيفة لزوم القعدة.

كان عاوز يسألها:

— أمال الحاجة التقليلة تبقى إيه؟!

يا دين النبي. والنبي دا ما كانشي عايش قبل كده.
كان بيجر رجليه ع الأرض. الراجل الفزعـةـ قـامـ منـ عـلـىـ
مـكتـبـهـ. قال:

— خـادـمـ القـومـ سـيـدـهـمـ.

عمل لنفس كاس. وصب لشوفي كاس. واختار أكبر سجارة. عاملة زي الشومة، وقدمها ليه. وقاله يخدّم على نفسه بعد كده، يعتبر نفسه مع بيته، والعزومة ع الضيوف بس، وهو مش ضيف، والراجل الفزع، مسك الكاس ورفعه وقال:

— في صحة الصحبة الجميلة.

وشوفي راح رافع كاسه، وقال نفس الكلام. فكر بسرعة. ما حيش بيان غشيم، لزمن يعرفوا من دلوقت إنه مقطع السمكة وديلها. والسلك واكله من رجليه راقات. ومرقع ويتاع نسوان وابن حرام. اللي بيان أمير هنا ياكلوه أكل، اللي بيأكل على ضرسه ينفع نفسه.

صاحبه اللي جابه فص ملح وداب. وهو حايأخذ منهم على قد ما يكون مفتح وحرك ويفهمها وهيه طايرة. إنما لو غرق ف شبر ميه. عمره ما حايخذ حاجة، لزمن يعرفوا إنه يمشي ع العجين ما يلخطوش.

سأله الراجل النص لبه: "فين الشنطة؟" مد إيده. مسكتها طوالى وقال: "آهي" شاور له ع المكتب يحطها عليه. وقاله: "افتتحها" راح فاتحها. والراجل اتضور وراح فاتح

الدولاب، كان في قلب الحبطة اللي وراه، وفوق باب الدولاب
صورة متعلقة.

طلع رزم فلوس، ورق أخضر محدث مسكه قبل
كده، طالع من الفبريكه طوالى. لزمن دول عندهم فبريكا.
حط الفلوس ف الشنطة بيديه الكريمة. رصها بسرعة، لو
كان شوقي كان تلخبط في رصها وغرق ف شبر ميه.
— أرنب.

اللي حطها ف الشنطة فلوس، يبقى منين جه الأرنب،
قبل ما يستفهم جلوبه الرجال. جايز عندهم مكن مخصوص.
يقول لهم ع اللي بيفكر فيه، وقاله دا سيم. الاستاك يعني ميه،
والألف يعني باكو، الأرنب مليون، عشان الأنارب بتختلف
بسربعة، والمليون بيختلف أسرع من الأنارب والأرنب
حايدي فيه الليلة دي بس، وهو حايمضي لهم دلوقتي وصل
أمانة بأرنب ونص وحايمضي لهم شيك، طبعاً من غير
رصيد، همه عارفين البير وغطاه، بتترين مليون حاجة كده
وكده. عشان يضمنوه، دي أول عملية، وبعد ما يأمنوله. لا
وصل ولا شيك ولا دياولوا.

طيب يسأل دلوقتي والا بنكتم ويسكت. بكره الصبح
حايروح ع البنك، يحط الفلوس فيه. لزمن يسأل واللي
يحصل يحصل: مش حانكون هناك مشاكل؟ قاله: في البنك
حايقابل راجلهم. راح سأله طوالى: واعرفه ازاى؟ قاله: مش
لازم يعرفه. الرجل هوه اللي حايعرفه.

همه دلوقتي يعرفوا عنه كل حاجة ف حياته، حتى
اللي بيفكر فيه عارفينه، البنك اللي حايروحه، السكريترية
حاتديله عنوان البنك بتاعهم. وبعد ما يفتح حساب باسمه
ويحط فيه المبلغ. حايروح بنك أجنبي تاني. بنك خواجاتي،
ويفتح فيه حساب تاني، بالدولار. من غير ما يدفع ولا ملين،
في البنك التاني. ويطلب تحويل الجنيهات اللي حطها في
البنك لاولاني لدولارات. وبعدين يحولها لحسابهم ف بلاد
بره.

كل ده حاي عمله الرجل بتاعهم، وهوه بس بيديله
اسمه. ويمشي معاه، جايز يحتاجه في أي مغرز أو شوكة
تفق لهم ف زور الحكاية. وبعد الفيلم ما يتم. حيأخذ إشعار
تحويل. يجييه هنا بنفس الطريقة. سلم واستلم يسلم الأسعار،
ويسلم وصل الأمانة والشيك اللي من غير رصيد، اللي يحط

الكلبات ف ايديه ف غمضة عين. ويأخذ عمولته. ربع في
الميه.

ان ما غلطش في العمليه دي. حابيتعوا له ف
عمليات تانية، دلوقتي حايرجع بعربيه ظغيرة ١٢٨ نص
عمر علشان ما يلفتشي نظر حد من الناس كله عينيه مفجلة،
وتنم العربية حابيخصم من العمولة بالتقسيط. والمبلغ حايكون
في كل نوبة عن المرة اللي قبليها. وكل حاجة حسب خفة
ايديه في الشغل.

وهوه طالع، السست اللي بره. السكريتيره حاديله
مفاتيح العربية وورقها الرجال خلص كلامه. اللي كان بيقوله
وكأنه حافضه صم، تلاقيه قال الكلام ده ولا ألف نوبة، ينكن
مليون. ما هي كل حاجة هنا بالمليون، أول ما خلص كلامه،
راح ماسك الكاس. شوفي مسک كاسه زيده ومسک بالإيد
التانية سيجارته الطويلة. زيده تمام. شرب شفطة م الكاس،
فسحب زيده. وخد نفس م السيجارة. خد زيده. الرجال قاله:
— دي أموال ربنا.

قال شوفي.

— أنعم وأكرم.

الراجل الفزعة قاله:

— تبارك اللي يباركها.

وراح مشاور ع الشنطة وقال:

— وتبقى لعنه ع اللي يحاول سرقتها. دي فلوس
أرامل ويتمامى، وأولاد سبيل. الناس بقتهم مليم على مليم
لغاية ما بقت ملايين. قاله: شوية شوية، وجبه جبه، تبقى
واحد مننا. زي صاحبك اللي وصالكلينا. قاله إن المكتب
بينصرف على مشروعات الله. سأله: وهو ربنا له
مشروعات؟ قاله: طبعا.

قدامه أربب حاله. نايم جوا الشنطة. وبرة عربية
مستياء عشان يركبها. هوه عاوز يركب نسوان قبل
العربات. إنما العربية هي اللي حاتصيده المرة. الراجل
الفزعة قال العمولة ف الآخر. حاول يحسب عمولته من
دلو قتي عشان يعرف هوه حيأخذ قد إيه من العملية. إنما أجي
حكاية الحساب دي لبعدين. وكل شيء بأوانه.

الخمرة شعشت ف نافوخه. وسرحت ف دمه. راح
سائل عن العمولة قد إيه. الراجل الفزعة راح ضاحك،
ضحكة هزت المكتب والسرير. غريبه إن الراجل الفزعة

تطلع منه الضحكة دي. راح دايس على جرس، الأرض
انشققت وطلعت منها المرة أم ريحه. حاجة تهيج التور.
الراجل القرعة سألهما: تفكري أغرب حاجة عملها
الأخ الجديد، إيه هيء؟ عندها اتسعت، وشفايفها بعدت عن
بعضها، حاجة تجنن. ياخى اركبها دلوقتني وخلص نفسك.
ومناخيرها اتحركت من مكانها. قالت لازم بيسأل عمولته قد
إيه؟

الراجل الفلة شب على رجله، لحد ما حصل شفايفها
وباسها بوسة طويلة وقال لها: برافو يا بت يا جنية انتي. كل
سؤال له عندك رد، قالها الراجل اللي مش باين من الأرض،
إن دورها جه. تاخده عندها وتديله الدرس. درس شفوي من
غير حاجة عملي دلوقتني، لغاية ما تظهر نتيجة لمتحان.
رفع إيده في وش شوفي وقال: المقابلة انتهت.
وشرب شوفي اللي فاضل في الكاس شفطه واحدة وكح. كان
حايرجع اللي ف بطنه. مساك بطنه بيديه، لو رجع اللي ف
بطنه حابنزل بصل أخضر لسه ما انهضمتش وحب فول
مدمس وتبقى فضيحة.

طلع وراها وكان ضهرها عريان. فكر في حاجات،
إنما مسك نفسه، وقال اللهم اخزيك يا شيطان. قالت له الولية:
إن الفلوس مفروض ما تطعشن من شنطة العربية. هي أمن
من بيته. والعربية يوقفها في مكان بعيد عن بيته. مش لازم
يوقفها تحت الشباك. لأن دا يلفت النظر.

قالت له. قبل كده. كان الواحد يشيل الشنطة ويسفر
ببها. إنما مش في كل مرة تسلم الجرة. مطار تطلع منه،
ومطار توصل ليه. إجراءات وتقنيش وناس تبلغ عن ناس،
والولاد أول ما يلاقوا نفسهم في بلد تاني، عينيهم تروح ع
الفلوس، دلوقت أسهل.

بعد حكاية البنوك. كل اللي حايعلمه أربع مشاويير.
منهم ثلاثة عشان التحويل. والرابع مشوار هنا، الحكاية
تضيقه فيه في الميه. ما تخرش منها نقطة دم واحدة.
مستحيل ينكشف المستighbi. كله ماشي تمام حسب ورق من
بناتع الحكومة.

قالت له: إن عينهم مش حاتغفل عنه. وهوه عليه إن
يقول لهم كافة شيء حتى لو حب ياخد الأرنب لفسه. بيجي

يقول لهم. ويشرح الموضوع. وكل شيء يتدبر. ما فيش حاجة اسمها مستحيل عندهم، الصراحة مهمة خالص.

والولية بتتكلم عن الصراحة. وهوه من نوع عليه السؤالات. طيب حايسأل وإن حد فتح بقه. حايقول امال هي الصراحة تبقى إيه بقى. خط لزق سألها عن الرجل الكبير ومنين اللي قابله دلوقتني.

قالت له: إنه ما فيش في الدنيا حاجة سداح مداح. فيه حدود. قالت له: إنه ممكن ياخ الضربة اللي بتموت لو سأ عن الرجل الكبير تاني. حتىك بتتك حايروح ورا الشمس. وعمره ما حايرجع من هناك. اللي قابله الليلة. هوه اللي حايقابله طوالى. قالت له: صدقني تسلم. ضحك ف عبه. يصدق مين ويكتب مين. عمره ما حايصدق نفسه من دلوقتني وطالع. العصابة عايزاه يصدقها. هوه اتجنن واللا إيه.

حسها كان عامل زي مخدة من ريش النعام. حب ينام عليها شوية وحا يمشي من هنا. ويا عالم إن كان مكتوب له يرجع تاني واللا لأه. قال لها، إنه عاوز يشوفها. قالت عمره ما حاييجي هنا إلا نما تقابلة. قبل ما يشوف البيه. قال لها إنه ما يقصدش الشغل إنما الفرفشة والأنس والعنزة.

مش المثل بيقول عيش ساعة لقلبك. وساعة لربك، هوه عمره
دلوقي كام مليون ساعة. باین عليه غلط نما قال مليون؟
والنبي باین عليه حايكون ملويين والناس حانشنف ودانه
بالكلمة الحلوة دي. هوه مش أقل من علي السعيد.

قبل ما ترد على طلب الشوفان برة. جه على باله
خاطر. وعشان المرة تطمئن ليه. قال لها: إنه فريب على
السعيد. الولية فكرت وقالت له: علي السعيد مين؟ قال ليها:
الراجل اللي عرفني بيكم. قالت له. بردون سوري عمرى ما
تقابلت مع واحد بالاسم ده. قلبه سقط ف رجليه م الخوف.
وهي لحقت روحها وقالت: يمكن علي ده اسمه في شهادة
الميلاد. ما هو حاكم كل واحد هنا له اسم تاني وهوه من
النوبة الجاية حايكون له اسم تاني عمال ما ييجي حايكونوا
اختاروا له الاسم الثاني.

سلمته ورق صغير كتير، كل ورقة فيها حاجة لزمن
يعملها وبعد ما يعملها يحرق الورقة طوالى، ورخصة
العربية وتوكيل ليه بسوقتها. ومفاتيح العربية، واداته خرطة
يطلع بيها لحد بره. أول مرة ف حياته يحط ف جييه مفاتيح
عربية. طول عمره بيحط فلوس فكه. ومنديل زي الجلد.

والمرة ألم منظلون وفخاد يا دين النبي. بتقول له مع السلامة.
وتهز ايديها وسدرها اللي زي المحمل. اتخرج. وهو بقى
مجذوب.

الباب اللي طلع منه، غير الباب اللي دخل منه،
والناس اللي قابلهم وهو خارج غير الناس اللي شافهم وهو
جاي. سكة غير السكة.

واحد وداه جراش. فيه عربيات من كل صنف
ونوع، حاجات عمره ما شافها. وقبل ما يحل بالعربية سلموه
عربية صغيرة. كل واحد على قده. والأرنب اللي معاه
يدوبك. ما يساويش غير دي.

ركب العربية. وحط الشنطة جنبه. قال بتاع
العربيات. إن ساب الشنطة جنبه جايز تصبيع، الأحسن إنه
يحطها في شنطة العربية الورائية، نزل، فتح شنطة العربية
بالمفتاح اللي وياه. وحط الشنطة جواها. وطلب منه بتاع
العربيات. إنه يتأكد مرتين من إنه قفل الشنطة بالمفتاح.

رجع وركب العربية. هوه قبل كده عمره ما ركب
عربية وساقها، غير وهو بيتعلم، إنما لازم بيان قدامهم إنه
نازل من بطن أمه بيسوق عربيات. طلع من جوه السراية

من سك غريبة. والباب البراني وداه سكة غير اللي جا
منها. شاوروا له على سكة توديه على شارع الهرم. رفعوا
أيديهم. وعملوا بصواعدهم شكل زي اللي بيشفوه في
التليفزيون. من الناس اللي بيعملوا الثانيين.

ساعة الفجرية قربت. كان عاوز يعطيه ومش عارف
ليه. ليه؟ م الخوف واللام الفرحة، أول مرة في عمره يكون
ف عربية لوحديه. مشي بالراحة. خاف ليخطب العربية.
ويأخذوها منه ويقولوا له: طريق السلامة والقلب داعي لك.
الفجر آهه. والسما بقى لونها يميل نواحي الرمادي.
إنما الشارع كان ع الآخر. أنوار وكهارب وناس ف مطاعم
وقهاوي، شعور غريب حصل له أول ما لقى نفسه. يدوس ع
الدواسة. تجري بيه العربية، وكل حاجة بتجري لورا. وهو
هاجم ع الناس. والبيوت واقفة ع الصفين. تقولشي موكب
معمول له مخصوص.

وهو مبسوط، وع الآخر. افتكر البيت، شقته ومراته
والشارع والجيران ما تعرفش إيه اللي جابهم على باله. قال
كله كوييس. عشان يولف حكاية يقولها للولية اللي ف البيت،
خيرة العكننة، أول مرة بيأت فيها برة البيت. بص ف ساعته

حابر ج ساعه أدان الفجرية البت. المكرفون اللي متركب
قادم بلكونة بيته. بيصحيهم كل يوم ف الوقت ده.
والرجاله أمهاط دقون يطلعوا. ويندهوا على بعض
عشان يصلوا الفجر جماعة. ويفضلو هناك لغاية الصبحية.
وأول ما قال للجماعة بتوع الدقون والجلاليب البيضا والبلغ
السوقى، والسبح اللي بتوصل للأرض، على حكاية الصھيآن
بدرى، والصداع اللي بيمسكه طول النھار، قالوا له: من
اعتراض انظرد.

فهم إن الطرد م البت والحتة وين肯 م الدنيا كلها
فسكت. قال: اصبر ع الجار السو. يا يرحل يا تبيجي له
نصبيه. كان مستتظر اليوم اللي تدب فيه عرکة بينهم وبين
الحكومة. ما فيش غيرها يقدر يوقفهم عند حدودهم، أو خناقة
بينهم وبين بعض.

طبعا هو مش حايقول لمراته إيه اللي حصل
بالضبط، هو عارف إن لسانها فالت، ما تتشاش ف بقها
فولة. فكر في المليون اللي معاه. وابندا يفكر آخر مرة كان
معاه مبلغ كبير كت امته. والمبلغ كان قد إيه. مقدرش يفتكر.

هوه مش فاكر امتى؟ راح فكره وجه. امتى؟ قال لنفسه: يحصل إيه لو خد المبلغ لنفسه. وحيعملوا فيه إيه؟ ولو سلم المبلغ لقسم البوليس. حيأخذ نسبة عشرة في المية يعني قد اللي حياخده. قد العمولة بتاعته عشرين مرة بس العمولة حياخدتها تاني. إنما لو راح حنة تانية بالمبلغ حايقطع بوشه ويعيش متهدد.

أول نوبة يحس إنه وحداني، وقف بالعرببة وركنها في الشارع، خاف إنه الفكر يخليه يعمل حادثة. وقال لنفسه: دلوقتي هوه حايركن العربية فين.. ف مكان بعيد عن بيته، وف نفس الحنة برضك.

حايقول لمراته إنه كان سهران عند زميل وصاحب ليه. كانوا بيشتغلوا في الدول العربية، ورجعوا ومعاهم تحويشة العمر، وحا يعملوا مشروعات، وحايسيب شغلانة الحكومة. ويمسك شغل عندهم بماهية عمرهم ما حيدروا يصرفوها. حتى لو بحتروا يمين وشمال.

طول عمره بيرجع بيته والسمس طالعه. ويكون محشور ف أتوبيس. ينken مرة والا اتنين يفتكر إنه خد تاكسي. النوبة دي إيه العز؟ وايه الفخفة راكب عربية، ولا

أبو زيد الهملاي سلامه. بس أبو زيد كان بيركب حسان.
عشان العربيات ما كانواش عرفوها أيامه.

تعب م الدف. وبعدين وقف بالعربية ف السكة
البيضا. يا ريته ما سمع كلامهم. وخدتها عند بيته. ما كانش
اللي جرنا جرى. إنما دي ابدان مستطلة على ابدان، ودا
نظام مسيره سيدك.

الحنة اللي ركن فيها العربية زي ما هي بعيدة عن
بيته قريبة متنا. قعد بعد الركبة. يفكر في حكاية الشنطة.
ياخدتها والا يسبها بالفلوس اللي فيها، ما هو مش لازم يعمل
اللي همه عاوزينه منه. ميه ميه، هوه كان حابب يحط
الشنطة في حضنه. إنما بصل لقى شنطة العربية أمان،
العربية مش حاجة انجف. شكلها ما يخليش حد يفتكر إن فيها
لقايه وبعدين هوه لو روح ومعاه الشنطة باللي فيها. حاتشوفها
مراته وجايэр تحط مناخيرها ف الموضوع وهوه ما يقدرش
يعرف لو دخلت ف الحكاية ممكن يحصل له إيه.

كان عاوز يخلص م الحكاية. وكان قلبه تعب م الدف
على سدره. وعينيه المفجلة من أول الليل. ابتدت ترميش
غصب عنه. وغضمه بقى مفترقت، راح موقف العربية في

حنة نورها جامد. تحت عمود النور عدل، وما كانتشى
لوحدها. وقفها وحواليها عربيات من كل حنة، آهي العربيات
تونس بضعها، اللي بيبرق. بيسقرد بعربيه لوحديها دايما.
مشي على رجليه. قدامه ييجي عشر محطات
أتوبيس، حايطخها كعابي يعني لو ساب عندهم الفلوس لغاية
الصبية. كت الدنيا حاتهد. إنما برضك همه لزمن يعملوا
ده في الضلمة. حلف لنفسه بالطلاق إن الناس دول بيعملوا
حاجة غلط، ينكن تلبسه الكلبات الحديد ف ايديه من بكره.
الله يلعن الفكر وسنته، دماغه بقى عامل زي خلية
النحل، طيب ليه ما ينمسي ف العربية؟ يا عم الستار موجود.
والمكتوب ما منه مهروب. المهم إن ربنا يسلّمها قد ساعتين
والنهار حايطلع، النصيبة، إن دول بتحصل فيهم كل البلاوي
المسيحة.

رجليه وآيديه نملت. والدم اللي كان ماشي ف عروقه
اتعكر. وقلبه اتخطف منه. دلوقي قدامه سؤالات مراته، إيه
بس اللي كان خلاه اتجوز؟ وخلاه ماشي فوق راسه كوم
لحم، حاتسأله عن الشنطة اللي نزل بيها ورجع من غيرها.

حمد ربنا إن معاه مفتاح الشقة. بدل م الخط
والرزع. والشقة كت ريجتها لأنها منقوعة في النوم من ميت
سنة. مشي على طرارطيف صوابعه وقلع هدومه. وفضل
بالفانلة واللباس. خاف يصور ع الجلابة. تصحي أم قويق
ونبتدى الزن من دلوقي.

عمره ما كان تعبان زي دلوقي كان فاكر نفسه.
يدوبك حايحط راسه ع المخدة. حايروح ف سابع نومة. كان
تعبان موت. إنما عينيه مفجلة. أول مرة يبقى ميت م التعب.
ومش قادر ينفع. حاجات غريبة بتحصل له.

شاف حياته من أول يوم لغاية آخر ليلة قدام عينيه،
بقى قاعد تقولشي بي Shawf عيشة واحد غيره. في ليام
لاخرانية، كان ابتداء ينخ وراسه بقت في الأرض. ما بقاش
 قادر يرد على سؤالات مراته. وابنه عاوز ينتقل مدرسة
خصوصي. بتدي لغات بلاد بره. وبنته حكايتها حكاية.

يا دين النبي ع العيال. همه اتجنعوا. عاوزين يصيفوا
ع البحر زي عيال الجيران. وعايزين يروحوا سيماء،
ويتعشواف مطعم. ويكون عندهم عربية.

لو أيامهم كده. كان بيقول طوالى. إن اللي بيعملوا كده. حرامية. سرقوا البلد، إنما هوه راجل محترم. مدرس تاريخ كان مشغول، بيكتب كلام كثير عن الرشاوى اللي ماليه البلد دلوقتي. وماليه سنينها اللي فاتت.

مش كفاية إن مراته وعياله الخمسة عايشين في علبة ما ت ساعشى اتنين. نفس الشقة اللي كان عايش فيها وهوه تلموز، كل العيال ما يتكلموا يقول لهم كلمة واحدة. الإعارة. وبيتدى يشرح الحكية. يطلع يسافر يستغل هناك في الدول العربية ويشدhem معاه.

هناك الفلوس اكتر م الناس. فلوس مش لاقيه اللي يصرفها، كان بيكلم عياله بأنه حاي Safar Bker، وهوه كان عارف إن الموضوع عاوز واسطه. عضمة كبيرة، وين肯 يدفع رشوة. وهوه ما يعرفش يعمل الحاجات دي. يدوبك الشوية دروس خصوصي اللي بيديهم. لو لاهم كانوا كملوا عشامن نوم. وملوا بطنونهم هوا.

مراته دايما تزن عليه. عامله زي الضبور اللي دايما يزن على خراب عشه. تقول له: اركب تاكسي بعد الضهر، افتح محل، يقول لها، يا ولية أنا أستاذ معتبر، ونما الحالة

نشفت وهو بقى بكلم نفسه زي بتوع السراية الصفرا، طلع
له علي السعيد. من تحت سابع أرض. كل يوم وهو واقف
على محطة الأنوبيس. يروح علي السعيد واقف له بالعربيه،
ومركبه معاه. فرق السما من الأرض. ايش جاب لجاب.
الأنبوبس اللي بينجح قلبه. واللا العربيه للبي لوانتصه
مالها. ولحد ما يوصل مدرسته. يدوخ عاوز يعرف إيه اللي
حصل لصاحبه اللي طول عمره بيحب يطلع لفوق، ويكره
أبيها حاجة تحت.

وفي كل مرة يكون في نيته إنه يقول لعلي السعيد.
إن التاريخ اللي بيحقق عينيه فيه لحد انصاص الليالي. بيقول
له إن كل واحد عنده فلوس كتير. بيقى لازم سارق سريقة،
كلن نفس شوقي وش السعد. إنه تيجي له نوبة رجولية ويقول
له. حتى لو فهم إن الكلام ده فيه اتهام ليه.فين البربخ اللي
بيجيبي لك الفلوس دي كلها.

قبل كده. كانوا كل ما يتقابلو. كت تحصل بناتهم
مناهدة وفرهدة ف الكلام. علي عمره ما انكلم إلا عن
الفلوس. كان يقول إن البلد دولقتي عامله زي أنجر فته كبير

خالص. والجدع اللي يهير أكبر حته، المهم ياخدها ويعدين
يتصرف فيها.

كان شوقي الفجرى يكلم عن التاريخ والعلم وإن اللي
ييجى ببلاش يروح ببلاش. كان شوقي يرجع بيته الضاهرية.
يتعدى ويأخذ تعسيله بعد الظهر، ويصحى ساعة العصاري.
يقعد في الترسينه لابس الجلابية البيتى المرححة، ويبص
لحالة الدنيا. ناس بتموت م الجوع وناس بتموت من كتر
الأكل. إيه اللي شقلاب حالة البلد كده، فاضل بينه وبين العبط
فركة كعب ويشرف في السراية الصفرا، وبعد كده يقول يلف
يدوخ وهو بيدي دروس، يروح للعيال بيوبتهم عشان بيته
معيرة. وكل ما يدخل بيت ولد منهم بييجى له لطف في عقله.
ويكره اليوم اللي جه فيه الدنيا.

كان علي سعيد بيقول له، إن معدة البلد مليانة ع
الآخر. كلت لغاية ما وقفت على ضواfferها. وهى دلوقة
بتھضم ويا ويله اللي حايطب، واحد مش لافي يأكل يفتح
الجورنان، يلافي الملابسين بتتعارك. يروح قافله ويدنه فاتح
التليفزيون، تدخل عليه ملايين أكثر منها جوه بيته، يهرب
يروح فين.

رجع فكره للشطة اللي جوه شنطة العربية، تلافي
واد صايع بيسرقها دلوقتى. معاه كوم مفاتيح. ويفتح شنطة
العربية. يا داهية سوخة.

طمن نفسه. دي أوسخ عرببة في وسط العربيات
الثانية. الساعة دلوقتى خامسة الصبح. هوه سمع خمس دقايق
من ساعة حيطة اشتراها الجيران اللي ساكنين قدامه، وبابينهم
مركبين عليها مكرفون عشان كل الناس تعرف إن عندهم
ساعة حيطة. ياباني.

قدامه ساعة واحدة، وتصحي مراته وتصحي العيال
اللي بيظروا مشوار المدرسة على رجلיהם. وقبل ما نقطر
العيال. حاتتصب له المحكمة بس من غير محامي معاه،
وهيه وليه بالعة راديو. في حنكها ألف لسان بيتحركوا ف
وقت واحد.

ابتدا ضميره بيشتغل له فيها. راح يقول له. هوه
عارف إيه اللي عمله انبارح، دي عصابة بتهرب فلوس أهله
بلاد بره. السهم ونفده والفاس وقعت ف الراس. دلوقتى بس
عرف إن بحور الفكر بتجيب النقطة اللي تشل النفر وتخليه
سطحة هوه لحد دلوقتى ما عملشي حاجة غلط، يقدر يقوم

ويرجع الفلوس والعربية لصاحبها ويَا دار ما دخلك شر.
ويعود أبيض زي ما كان وينضف هدومه م الوساخة، يقدر
يأخذ الفلوس والعربية ويسلمهم للحكومة. وهى تحميه م
العصابة. ويأخذ عملته المعروفة، ويقدر كمان يضرب
عوافي ع المبلغ ويأخذه لنفسه. ويعزل م الحنة. وينقل نفسه
لمدرسة تانية ف آخر الدنيا. ويبتدي صفحة جديد.

مش حايقى محتاج شغل. يحط الفلوس في أيها بنك
ويعيش منهم يلبس جلاية بيضا، ويركب حتة خنزيرة
معتبرة. وفي نص راسه طاقية. وفي طراطيف صوابع
رجلية بلغه سوقى. وف طراطيف صوابع ايده اليمين سبحة.
يقول للناس كلتها إنه لساته يدوبك راجع من بلاد
بره. كان متغرب خمسة وعشرين سنة. بس همه يعني
حaiskتم. تلاقاهم عارفين العيال ومدارسهم. والسوقة اللي
مراته بشترى منها كل حاجة بنص التمن، ومدرسته وبيوت
التلامذة اللي بيداهم دروس.

هوه خرع كده ليه. لازم يصلب طوله. ويبقى راجل،
هوه خطأ خطوة ولا بد يكملاها، ما قدموشي إلا إنه يكمل.
حايتعب نفسه من دلوقي عشان إيه؟ حايتصور ع الهم ليه؟

كل اللي عاوزه عينيه تعفل ولو ربع ساعة. خمستاشر دقيقة
ويقوم مصحح.

مد إيديه يفرك ببها عينيه وقل ما يسحب إيده جاله
صوت مراته. قال لنفسه صبحنا وصبح الخلق الله. يا فتاح يا
عليم، يا رزاق يا كريم. استبينا، الشعنونه ابتدت. إذاعة
إسرائيل اشتغلت ومين بس اللي حابيوفها.

حداشر

الدنيا حلوه على مره

ومرها أكثر

فتقكم ف الكلام. أصل الحكاية وما فيها. إنه نما بيان القرش، حد يستجري يكلم على حاجة غيره. الفلوس اللي جت لغزاله خوتنتي. ونسينتي نفسي، فيه كلام كنت عايزه أقوله عن عيشتنا. والدار اللي إحنا فيها، والناس اللي حوالينا، إنما حدوثه غزاله وفلوسه هي السبب.

الناس في الحنة، نص عيشتهم في الشارع، يأكلوا في الشارع، ويغسلوا في الشارع. وينشروا غسلهم فيه. كت أسمع حكايات، يشيب ليها الشعر. وتاني يوم نما أبص في المرالية، ولاقي شعر راسي لسانه أسود زي ما هوه، أحمد ربنا. إنه ما غسلشي أبيض م اللي باسمعه.

كت أسمع عن ناس، العيلة تكمل خمسة وعشرين نفر، بیناموا في أوضه واحدة. كت أسمع، والعياذ بالله. إن الرجال ينام مع بنته والولية تستلذ من ابنها. والأخ يحبـل

أخته، والشر بره وبعيد. أصل الزنقة ف النومة طول الليل
بتعمل العجب.

آنبي يقول إن دي علامات يوم القيمة. اللي قرب
خالص، الأم إن قلبها ما قلهاش إن دا ابنها، تبقى مش أم.
والأخت إن ما عرفهاش عقل بالها إن دا أخوها. تبقى مش
أخت. هوه الدم بيقى ميه؟ وهيه الدنيا جرى لها إيه يا عالم؟
الحكايات دي ماليه الحنة. وبنسمعها كل يوم. وأقول
يا رب استر. وأسائل نفسي هوه ربنا مستي إيه عشان يحرق
الدنيا باللي فيها؟

الكلام ده، كان بينقال من تحت تحت. أهي الناس
بتتوشوش بيها. إنما ما حدش يقدر يقوله بحس عالي. وأنا
كنت باسمعه وأقول أهو كلام ابن عم حديث. ويابت فوّتي.
الحنّة اللي احنا قاعدين فيها. كلها بيقولوا عليها. إن
دي الناس اللي بيوتهم قيمة، وانهدت. إنما الكلام ده مش
داخل دماغي. هلبت معقوله، إن جوزي كان له بيت قديم
ووضع. ومعقوله إن جوزي له أهل وعزوة وناس. أنا عمري
ما كت مسدقة الكلام ده. وعمره ما يدخل وداني. هوه لازم
مقطوع من صورة زي حالاتي.

أنا ياما سألته. وقلت له، يا عبد الضار، إنت أخذتني
منين؟ إنت اتهمت عليّ من آني سكة؟ مين من أهلي وافق
لك أنك تتجوزني؟ كان يصرين ويرمي الحكاية ورا ضهره.
ويقول لي: يا ترتر. بعدين حاتعرفي، ينبعض ولا الظابط
في النقطة. ويبقى حايطق له عرق وهو بيقول.
— مسير الحي يعرف كل حاجة، واليوم اللي
حايحصل فيه ده مش بعيد.

واليوم ده ما جاش. وما أعرفش حاييجي إمتي. إنما
أنا متأكدة. إنني لزمن ليه أب وليه أم وليه خوات. أمال يعني
طلعت شطاني. مسير الحي يتلاقي. دي حاجة لا بد تحصل.
من يوم ما اتلم عليه عبد الضار وأنا في الحلة دي.
والدار هي نفسها. ما غيرتش العتبة بتاعتي. اسمع عن ناس
كانوا يعزلوا كل شهر ف حته، يقولوا آهو تغيير مطرح
وبديل وشوش وحشت. إنما اليومين دول. اللي يعيش في حته
يبقى كأنها تأبيدة. يفضل فيها لحد ما يترجح م الدنيا والللي
فيها، من داره على قبره. دا إن كان له قبر، والللي ما لوش
زي حالاتها. يبقى قدامه ترب الصدفة. اللي مليانة ناس ما
لهمش صاحب ولا حد عارف همه مين ولا جم منين.

كلمت عبد الضار. أكتر من نوبة، عن حكاية التربة لينا. بص نواحي السما. وقالي، بس ربك بيعت، وأنا مش ممانع. هوه فيه حد يقول لأه للراحة الأخرىانية، بس مش الأول نفكرين يكون لينا بيت حلو ف الدنيا. وبعد كده نكلم ع الآخرة. والبيت بتاعها. دي لسه بعيدة. قلت له: اللي عاوز بيبني. بيقى هناك. عشان دا البيت اللي حانفضل فيه على طول.

وأنا أعده أقول البيت بتاعنا، اللي يسمع كلمة البيت ينحضر. ويفتكره بيت بحق وحقيقي. إنما اللي إحنا عايشين فيه ده. ما يصحش نقول عليه بيت، ولا دار. ولا حتى شقة. دا يا دوبك ف وش العدو حته مطرح واحد. مالوش تاني. وفسحة قدامه. الفسحة ضيقة. زي ضيق خلق اللي شارب لبن حمير.

مع كده جنبنا منها حتىتين. تقولشي من وسعها، آهو دا اللي حصل والسلام، الشاهد. حته كنيف. يعني لا مؤاخذة بيت أدب. أو بيت راحة، وحته ظعيرة فيها بابور الجاز والكام حلة المونيا اللي حيلتنا. اللي بنكدب على نفسها ونقول عليها النحاس بتاعنا.

واحنا من حال المبتدأ، لا كان عندنا كتيف ولا حنة
نقول عليها مطبخ. جنب عفشه الميه. دول احنا قطعنام من
لحم الحي. جنبناهم م الفسحة اللي كت ضغطوطه. من يوم
ربنا ما قسمها لنا.

المفروض حسب ورق الحكومة. إن المطرح عشان
احنا نريح جتننا فيه وبس. يعني ننام سواد الليل. ونحمي
جلدنا من شمس النهار تحت سقفه.
كت فيه عفشه ميه واحدة. لصف طويل م البيوت.

عينك ما تجاش آخره. ندخلها الصبحية بالدور. ودخول بيت
الراحة كان بيعمل احتكاكات ومشكلات وخناقات ما بين
السكان. اللي مستعجل. واللي محاشمه حاتفترتك عشان
محصور ع الآخر، واللي وراه معاد شغل كل واحد متعلق
من عرقوبه. ورا رزق عاليه. الناس مداريها الحيطان والبني
آدمين خلقها بقى ف حلقها.

كل يوم كت لزمن تحصل خناقة وعركة. واتنين
وثلاثة، تخلي الواحد اللي واقف على باب الراحة. بدل ما
يسريح، يتعارك. وتوصل الحكاية للنقطة. وسين وجيم
وورق الحكومة الطويل. وقلامها اللي حبرها ناشف. وإيه

اللي جرى؟ وابه اللي حصل؟ وانت قلت له إيه وهو رد
عليك قالك إيه؟ ومنين مد إيده لأول؟ وانت هات شهودك.
وانتي هاتي شهودك. واللي سبق كل النبض. والجدع اللي
يروح النقطة محضر شهوده وياده قبل ما يسأل العسكري
عليهم.

ما حدش في الزمن ده. بياخد حقه، إلا بدراعاته. لا
تقولي أصول ولا غيره. بعد النقطة. استني نما تروح النيابة،
وفي الآخر نعمل محضر صلح ويا دار ما دخلك شر،
ويرجع بلا دوشة دماغ. ما ينوب اللي اتعاركوا، إلا إن
الواحد يفضل شايل شخته ومحصور بميته، نهار حاله.
وهوه ماسك وسطه ويتلوي. تقولشي ولا حميده شخلع في
زمانها. ينكن هيـه بتهز وسطها وتأخذ م الورق الأحمر أبو
مادنة. إنما هوه بيتلولو م الألم والوجع. ربنا ما يوري حد
زنقة المحصور.

قام جوزي. دورها ف عقل باله. فاضي بقى. هوـه
وراه إيه، غير إنه يلعب البيضة والحجر. من سمعت ما يفتح
عينيه م النوم. لحد ما يغمضها من ثاني. ما ورا هوـش حاجة.
لا عيل شاغله. ولا تيل ناعي همه. ولا شغلانة يروحها كل

يوم الصبح زي كل مخلوق ربنا. اللي رزقهم بيناديهم من بكة
الشمس. لحد الليل ما يصبح الدنيا بسواده الغطيس.
هوه قاعد بيعبى الشمس في قرنيز. من كتر الفضا.
ويتأوب طول النهار. فاضي إنما مش عامل قاضي. هوه
حايعلم قاضي على مين يا حسرة، هوه فاضي وبس.
المهم. جاله فرشين، ما تعرفش منين. عمره ما قالى
القرش ده جه م السكة دي. جالي وقالى يا بت يا ترت. أنا
حرىّك. وحا يبقى لينا الكيف الخصوصي بناعنا. سلطانية
معتبرة بتترق. تشوفي فيها وشك.

يبقى بيت راحة اللي هوه. اللي كتب عنه داود في
كسكرته. والله مانا عارفة بيجيب الكلام ده منين. ما حدش
يدخله غيرنا. والزفارة والوساخة والنجاسة والريحة اللي ولا
ريحة الحسان الميت ولمراض البلاوي. كل دا خلاص
راحت أيامه.

جاب إيشي مواسير. وإيشي بلاط، وإيشي أسمنت.
وإيشي رمل، وإيشي جبس، وإيشي طوب أحمر. تقولاشي
حانبني عماره م اللي بيوقفوا المزن والسحب ف السماء،
ويحوشوا الهوا عن المخلائق.

البنا اللي بنى لنا بيت الراحة. قال لنا، إنه ما فيش
مجاري هنا، يبقى لازم نفتح بير قدام البيت. نصرف فيه.
وتنزحه كل ما يتملئ. ونخلي الحموم بحساب. ودلق الميه
بحساب. عنها وراح فاحت بير قدام الدار لزق. وبقى عندنا
المجاري الخصوصي بتاعتنا كمان. هوه إحنا أقل م الحكومة
واللا إيه؟ دا جوزي عبد الضار راجل وملو هدومه.
نهايته. بقى لنا بيت راحة لوحدينا. كنا أول ناس
نعمل العملة دي. ربك والحق. طلعننا من نقرة وقعننا في
دحيرة. حاكم فيه ناس مكتوب على وشمهم. إنهم لازم يعيشوا
في مشاكل طوالى. اللي بقى يروح على بيت الراحة
العمومي بتاع الحكومة. ويلاقيه زحمة. والطابور قدامه ولا
طابور السمك والبيض والعيش والسكر والزيت والصابون.
بتاع الجمعية.

هوه أنا ما فلتلوكشي. ودا معقول، ما هي الدنيا
دلوقتي كلها طوابير. طوابير. والواحد أول ما بيتص ويلاقني
طابور. يروح واقف فيه. خط لزق. وبعدين يسأل. هوه
الطابور ده عشان إيه. ما هو ما دام طابور تبقى في آخره
حاجة مش موجودة.

في الحنة بتاعتنا طابور. مش موجود في أبها حنة
تانية. طابور على بيت الراحة، واللي يلاقي الطابور طويل.
يروح واخد بعضيه وجاي حداها. يرمي الصباح وهوه لسه
بعماص النوم. ويستأذن. إنه يدخل بيت الراحة بتاعنا
الخصوصي. عشان مستعجل. وهوه مين مش مستعجل
اليومين دولت؟ آهو لزمن يلاقي حجة والسلام.

الرجل الغريبة دهست بتا. بقوا يدخلوا والعيال لسه
نایمين. وحاجتنا متبعثرة ع الأرض. يا ناس دي البيوت
أسرار. والناس يا دوبك مدارياها الحيطان. وكل واحد كافي
خيره شره. وحاطط على وشه ميت ماجور عجين.

عنها. بصينا التقينا الطابور. انتقل من هناك. وبقى
عندنا. ضربت معانا لخمة. تعملـي إيه يا بت؟ تعملـي إيه يا
بت؟ تتصـريـفـي إـزاـيـ؟ تـطفـشـيـ الغـجرـ دولـ إـزاـيـ.

قلـتـ لـلـفـاضـيـ العـاـيقـ بتـاعـيـ. شـوـفـ لكـ صـرـفةـ. زـمانـ
كـنـاـ بـنـرـوـحـ بتـاعـ الحـكـوـمـةـ. وـبـعـدـينـ زـهـقـناـ مـنـهـ. وـالـأـكـادـةـ إـنـ
بتـاعـ الحـكـوـمـةـ جـهـ عـنـدـناـ. وـهـوـ حـاـيـغـلـبـ الدـلـعـدـيـ جـوـزـيـ.
لـقـالـهـاـ تـصـرـيفـةـ. وـسـكـةـ أـبـوـ زـيدـ كلـهـاـ مـسـالـكـ.

تاني يوم، أول الطابور ما انتقل عندينا. راح رامي
عليه يمين الطلاق اتعزرن واتزربن. وخدhem دوكة. هوه ما
حيليهوشي غير الطلاق. والله جاييز أنا عايشة معاه في
الحرام. ينكن أنا متطلقة من زمان ومش واحدة بالي. الطلاق
زي اللبناني في بقه.

حلف جوزي. إن أيها حد من بره العيلة. يدخل
الك EIF سوا في غيابه. واللاف حضوره. بيقى اعتبر نفسي
متطلقة. وأصور أشوف لنفسي جوز تاني، أي جوز، حتى
جوز جزمة.

زعقت ف وشه، هوه ما عندوش غير الطلاق يا
أخي يا تعيش بالمعلوم. يا تفارق من غير ضرب الكفوف.
زغدي في وركي. زغدة جامدة علمت أزرق.
وعنها. ومن يوم الخناقة لامریکاني دي. ولا جنس
مخلوق م الحنة هوب نواحي دارنا. حتى لو عملها على
روحه، أو فاك ميه عيني عينك. قدام اللي رايح واللي جاي.
إحنا عملنا العركة كده وكده. وهمه خدوها جد. والنوبة دي
كان جوزي معاه حق في اللي عمله.

واللي خلى الناس سدقت العركة. إن جوزي عبد
الضار من يومه وهو وشه عكر. ما يضحكش ولا للرغيف
السخن اللي لسه طالع م الفرن. يدخل مكشر. يطلع مكشر.
وينام وهو شايل عبد القادر على كتافه. وش جوزي يقطع
الخميرة من البيت.

نبيجي للسكن بقى. اللي همه جير اننا. والمثل بيقول.
الجار قبل الدار. والنبي وصى على سابع جار. ودول كانوا
شوية لبط. حاجة كده نظام غجر ونور. من اللي بيسرقوا
الكليل م العين. غرابوه. كل شوية جم من حنة شكل.
وعايشين هنا وهمه عاشمنين ياخدوا سكن أحسن. إنما دا
عشم إيليس ف الجنة.

ما فيش حاجة من ديه ما يعرفوه هاشي. نسل ماشي.
فتح شقق ما يضرش. سرقة عربيات ما فيش مانع. يسروحوا
نسوان برضك جايز. ياخدوا أرض بوضع اليد. بيحصل،
نصابين، كدابين، حرامية، إنما والله العظيم كلهم غلابة،
حالتهم تصعب ع الكافر، هوه فيه حد عايز يروح نواحي
الغلط. دا اللي رما الناس دول ع المر اللي أمر منه.

تتاشر

جه بتاجر ف الحنة

كترت لاحزان

عبد الضار جوزي كان قاعد يدش. كلمة فارغة على
كلمة مليانة. ما هو حاكم عمايل جوزي دي. توقف الشعر
المدهون بالزيت. واللي نايم فوق قشرة الراس. من يوم
الواحد ما اتولد. جوزي دماغه بقت زي خلية النحل، بيزن
جوهاها دبور.

جوزي بقت راسه وألف سيف. إنه ياخد الفلوس م
الواد وجوزي معذور. إحنا ما كناشي لاقين اللضا. ودي
فرصة وجت وازاي نسيبها تعدي وتقوت.

ونما جوزي قال للواد غزاله. تشتري تراتر: أنا
افتكرت إن جوزي اتخبل ف عقله. حد يبيع مراته؟ أنا باسمع
إن اليومين دولت. بتحصل فيهم حاجات. ولا اللي حاتحصل
لينا يوم الموقف العظيم.

يوم ما تبقى الجنة على يميننا. ونار جهنم على
شمالنا. واللي عمل كوييس يشيلوه الملائكة ويزفوه ع الجنة
عدل. واللي عمل بطال يروح ع النار حتف.

أو زي عبد الضار ما بيقولي. ف سواعي كده. نما
يبقى البال رايق. إن احنا حانمشي على شعرة زي شعرة
راسك بالضبط. نمشي عليها من هنا لحد بيجي كده السكة
البيضا. يعني بيجي لها كام محطة أتوبيس. نفضل ماشيين،
وبعد كده، اللي عمايله وحشة حايقع ويطلب تحت سابع
أرض. وحا تكون النار مستياه. نار جهنم الحمرا.

واللي عمل طيب في دنياته. حايقدر يعدي عليها
لغاية ما يوصل للجنة. والجنة حايحقق فيها بحر مليان عسل
أبيض بشمعة. وبحر كله عسل أسود مرمل. وبحر متروز
لبن القشطة عايمة على وشه. وبحر مليان ميه سلسيل. من
اللي بترد الروح للميت اللي شبع موت. وبحر مليان خمره
وبيره. وبحر مليان عصير قصب. وبحر كله كولونيا ولواندة
وريحة مسك وريحان.

قلت له، بقى معقوله، الواحد يقدر يمشي على
شعراء زي شعراية راسي. دا الواحد ما يقدرش يشوفها ولا

بالنضاره المعظمه. قالی، دي بقى قدره ربنا. قادر يخلي
الميه تلچ، قبل العين ما ترمش. والحديد بيطير فوق السحاب
وهو محمل ناس سكرانه وويهاها عفشها. وهوه كمان اللي
خلی الھوا تطلع منه تساوير متلونة. والسلوك تتكلم والميه
طلع من تحت الأرض والکھربا تتبعى في سلوك.

حلف لي جوزي، عشان يقرب الحکایة من دماغي،
إن فيه بت في السرك بتمشي على سلك. قلت له: عمری ما
سدفک. خدني بعد کم يوم ورحنا السيرک، يا سلام، دنيا
بتلعلط. عایمة ف النور، والنور ألوان. إیشی أحمر، وإیشی
أصفر، وإیشی أخضر.

كان ويانا لولاد. وهمه كانوا حايتجنوا عشان دي
أول مرة ف حياتهم يدخلوا سرك. واني كمان کت حايتجن
قدھم ألف نوبة، عبد الضار ظعر لي. وقالي: هوه انتي يا
بت ما دخلتیشی سرك وانت ظغيرة؟ قلت له: هوه آنی طول
عمری کت ظغيرة، دا أنا أوعی ع الدنيا وأنا ويماك. ونما
باقول أمي ولا باقول أبويا. باقولها عشان كل الناس بيقولوا
كده. إنما لا فاكره أمي كان شكلها إيه. ولا أبويا ولا بلدنا في
أي ناحية من نواحي الدنيا.

مد إيده على شفافي وسكتي . قالى، عشان العيال ما
يسمعوش يأ عبطة . فيه حاجات كثير ما تتقاشي قدام
العيال ، عبد الضار بعد ما كان يطول إيده، بيقى له سواعي
كده بيقى فيها كويس . بس مش على طول . دي ساعات
تخاريف بين المرة والمرة سنين .

آهو يوم السيرك دا حب يفجر علينا . جاب لنا فشار
ولب وسدوات وأزوزة ساقعة . وصرف علينا جامد .
وشفت بقى وحوش وأسد وتعالب ودبابة . والفيل أبو زلومة .
والنص نصيص اللي كان بيطلع بنات النمر عشان يفرشنا .
حوالينا نسوان لابسة دهب من ساسها لرأسها ، حاجة
كده بتضوبي . تعمي العين اللي تتص نواحيم . وناس نضاف
مستحبين باللواندة ، وناس حلوبين . وناس جايدين السرك
بعربيات . العربية ستة متر ، عبد الضار كان كل همه ، إني
أشوف البت اللي بتتمشي ع السلك ، وهيه وسلك اللي ماشية
عليه متعلقين ف الهوا .

سألته ، إنت جيت هنا قبل كده يا عبد الضار ؟ شوح
وقالى : يوه ما تعديش . كم نوبة ؟ ما رخش عليه . سألته :
لوحدياك ؟ قالى : لأه يا فالحة . حد ييجي سرك لوحدة . انت

عيطة والا شكلك كده. جت ويا صحاباتي. قلت له. يا نمس اطلع من دول صحابات رجاله والا ستات؟ راح ظاغر لي وقالي. يا بت الناس. بلاش نقّب ف الدفاتر القديمة. عشان لو قلبنا حاتخسرى إنتي.

قلت له يا ريت. عايزه أخسر. وحا أخسر إيه يا حسرة. وهوه آني واخده إيه غير لقمني وهدمتي ودار لماني. وأكتر ليام بناكل الجوع. مش عاوز اهم بس أعرف اصلي وفصلي وحكيائي.

الكلام خدني. وهوه راح زاغدني ف جنبي. وقالي:
البت جت. قلت له: بت مين يا بنات البنات؟ قالي: اللي ماشية ع السلك. ودي حاتبقى زيها يوم الموقف العظيم. بس البت دي حظها م السما. عشان ماشية على سلك، واحنا حاتمشي على شرة، والسلك تشو فيه بعينيك، إنما الشرة مين يقدر يشوفها.

اللي عاملين حاجات كويسة في الدنيا همه اللي حايشوفوها. حايكون فيه نور رباني يوريهم الشرة دي فين. ورجلיהם حاتمشي عليها بقدرة ربنا.

البت بناخت السلك كت خف الريشة. فاضل شوية
وتطير ف الجو وليديها فارداهم حواليها زي الجناحات. إنما
احنا حانعمل إيه. واحنا تخان وشاليين لحم ومربربين. والبت
بتمشي ع السلك كل ليلة. يعني مجربة، يعني عمرها ما
حاتقع من ع السلك والا الشعرة في الآخرة. قلت لجوزي:
ما نجيب سلك ونجربه ونمشي عليه. ضحك وقالي، انت إيش
كنياك عشان تضحكني على ربنا.

من يوميها، وأنا كل ما ابص حواليه ألاقي كله بيعمل
عمل ردي، وكله ماشي ف الغلط. وكله واحد السكة البطالة
ف وشه. أبص وأقول. طيب مين اللي حايروح الجنة في
الآخر.

دي الجنة حاتبقى هس هس. حانلاقها فاضية
خالص. ما فيهاشي ولا سريح ابن يومين. ينكن واحد والا
تنين. وجايزة ما يكونتشي فيها غير لنبيا اللي بعثهم ربنا ليها.
والنار حاتبقى متروسة ع الآخر خلق. زي الحنة
اللي ساكتين فيها. ترش الملح ما ينزلشي الأرض من كتر
الناس. من يوميها وأنا ربکوا والحق، باحاول آني أراعي
ربنا في سري. ما اعملتشي حاجة غلط. وأن عملتها غصب

عني. والشيطان شاطر أقعد آخر النهار واستغفر ربنا.
وأحلف آني لزمن أتوب، يعني الواحد خسرانة دنيتها. يبقى
حاتخسر آخرتها كمان دي تبقى الحكاية كده. ما تساويش إن
احنا نبيجي الدنيا من أصله.

أنا بعد ما عرفت عبد الصار بيجيب لنا أكلنا منين.
قلت والله مهما أعمل. هوه احنا عارفين اللقمة اللي بتدخل
بطتنا حلال ولا حرام، كلمت عبد الصار عن الحلال
والحرام. قال لي ما تروحي أحسن الك تحطبي ف الجامع يا
ولية انتي. انت مرة بالك رايق. مش عارفة الواحد بيخلع
القرش منين.

هوه ما فاليش إنه بيوكلنا حرام، بس برضك عمره
ما قال إنه حلال، وعمره ما قال بسم الله قبل الأكل، ولا قال
الحمد لله بعد الأكل. والعيل طلعوا زيه. كل ما أقول ليهم إن
اللقمة اللي تنزل من غير بسم الله تنزل تهري. العيل قالوا
احنا بنعمل زي بابا ما بيعمل.

هوه إيه الحكاية. آني قاعدة أكلم زي اللي بالهم
رايق، والناس بتقول الشبعان هوه اللي يكلم كتير. إنما
الجعان يقدر يحسبها اللي يعيده يزيده، عشان يلاقي لقته،

ويسد جوعه، ويسكت عصافير بطنه اللي يتسرخ من كتر
الجوع.

دلوقتي عاوزه أحكي اللي حصل بالضبط. من بعد
حكاية تشتري ترتير يا غزاله، ما هو إحنا وقنا عند الحنة
ديت. الواد غزاله صن شوية، وإن كت انت رديت. بيقى
هوه رد، غزاله كان والله أعلم بيقلبها ف عقل بالله. بيشوف
غيه الحكاية والرواية. ومش بعيد يكون عبد الضار عاوز
يصيد الواد. بينصب له خية عشان يشنقه بيها. ويأخذ منه
فرشين.

الواد بعد ما فكر شوية. ومد إيده. وهرش بصوابعه
ف عرق الهايفه، اللي ف قفاه قال: هوه حد يطول الست
تراتر. دا ولا يوم المنى ولا في الأحلام. الواحد يطولها.
عبد الضار كان سايب الواد يكلم. ولا كأنه هنا. لا بد
له في الدرة. بيب Burke بسكيته تلمه، وبشويه على نار هاديه،
حاكم عبد الضار دا قتال قتلة. والواد بقى كأنه بيكلم نفسه.
بيخطرف كده. عبد الضار قال لنفسه: الرز طاب واستوى.
جوزي قال لغزاله: انت حاتهرش دماغي ليه. إحنا
دلوقت بنكلم في بيعه وشروعه. يا إمه البيعة توافق مزاجك.

ونبقي استبينا وتحط كفك في كفي ونقرأ الفاتحة. يا إمه يفتح الله ونبقى كسبنا صلاة النبي.. واستبينا ما ترعلشى. ويفتح الله ما ترعلشى ولاد الأصول. شاري ولا بائع، والا بتتكلم خناوة. هوه احنا كده يا أولاد مصر. لسان الواحد يتافع بيه وإيده ما تكلمشي شبر.

الواد قال: آني مش اشتريها بفلوس. دا أنا ادفع فيها عمري. صحيح انها زي أختي. عبد الضار شخط فيه وقاله: انت فاكرني نايم على واداني يا واد انت. دا عيني في وسط راسي. وحاسس بكل اللي بينكوا. بس كت ساكت. وبالع لسانى جوه بقى. وباقول حنة واد كحيان. ومرة مش لاقية اللضا. حايقدروا يعملوا ليه من ورا ضهرى؟ إنما أنا عارف الحكاية والموال كله. وشأيف العينين وزغراتها والوشوشه خلصنا. ما تقدرش تخطب.

غزاله قاله: اشتريها. جوزي دخل ع الخط طوالى. ابتدأ يفاصيل. تقولشى أنا شروة سمك ولا حنة لحمة وقىعة. ولا قفص طماطم شرك. عبد الضار قاله أنا حاليه بالك بميت باكون. الواد رد عليه. دي ست تراتر ما تتفاشي بمال الدنيا كله. ولا بكنوز قارون.

عبد الضار قاله خلاص. هوه كلام في الهوا. وبس.
ادفع شخص. هز هلالك. عد جنيهاتك. غزاله رد عليه: إنما
برضك ميت باكو. قصدي كثير على قدرتي. والواحد على
قد لحافه يمد رجليه.

ضحك في سري، غزاله عين ف الجنة. وعين ف
النار. باین عليه عاوزني. إنما مش عاوز عبد الضار
يضحك عليه، أنا لو كت أنا اللي باشتري نفسي، ما أزووش
ملين واحد عن الخمسة باكو، دولت يجيبوا شقة من العمارات
اللي ساكن فيها ولاد الناس والعز. ويجببوا أتوموبيل.
والواحدة تقدر تصرف منهم لغاية آخر يوم ف عمرها، وما
يخلصوشي. إنما عبد الضار طماع، والطعم أقل ما جمع.

قعدوا بيتفاصلوا. وعبد الضار قعد يكلم عن إيديه
ورجليه وفخادي ووسطي وسدرى وشفافي وخدودي
وعينيه، قال كلام أبيح وقليل الأدب قوي. ما أقدرش أقوله.
كلام ما يعرفهoshi إلا راجل عن السوت بتاعتته. واحد انكشف
على واحدة سوت. وشاف كل حته في جسمها.

الواد غزاله كان وشه زي حته الكبدة، بيك دم
ويحرم م الكسوف، وهو بيسمع عبد الضار بيكلم عنى كده.

كان فاضل شوية وعبد الضار يعمل زي اللي بيعملوه في سوق البهائم، يقوم ويرفع شفافي ويوريه سنانه. ويرفع رجليه ل فوق ويفرجه على صوابعي. ما كانش فاضل إلا ده، يكن كان جوزي بيذكر يقوم ويعربيني بلبوص زي يوم أمي ما ولدتني. وزي ما بيعربيني قبل ما بينام وبياها ويفرجه عليه. آني ما كتش عارفة. أنا فرحانة واللا زعلانة، قلبي كان بيقطع حت عشان عالي. كانوا قاعدين سامعين الكلام ده بعضمه ودانهم. شط فكري، وأنا كت باسأله نفسى يا هلترى همه يفهموا الكلام ده واللامه لسه عيال صغسطين؟ أنا دعيت ربنا في سري. ودعيت بالست زينب والسيدة نفيسة وسيدنا الحسين والإمام الشافعى إن العيال ما ياخدوا بالهم من اللي بيحصل قدامهم.

كام نوبة. حاولت اطفش العيال. واطلعهم يلعبوا في الحارة. جوزي قال لا كلمة تتطور هنا واللا هناك. نلاقى نفينا في سين وجيم. قلت يا بت دخلיהם الأوضة الجوانية. العيال عيطوا. قلبهم يا ضنايا كان حاسس بالنصيبة اللي جايه جوزي شحط فيه، وقالي انتي مالك. بالك مشغول ليه، خلينا في المهم. اللي إحنا فيه.

الكلام خد واده، والفالصال طول وحلفوا أيمانات.

وجوزي قال إنه لو وياه فلوس، عمره ما يفرط فيه، ولا
باتتنين مليون جنية. دا يدفع فيه كل اللي حيلته وكل اللي وراه
وكل اللي قدامه، وهو بيعمل كده عشان الحكاية نشفت
خالص مالص.

وهوه عاوز بي يعني عشان يفك نفسه. هوه خلاص
تعب م الحرام. ومن المشي البطل. وعايز يبقى وياه حصة.
حاجة كده رسمال. يجيب بيه سبوية وينزل يقلب رزقه
حلله. زي بقىت خلق الله، كفاية سرحة وكلام فاضي ما
يجبشى همه.

من هنا لهنا. أنا مش عارفة كام ساعة راحت في
المناهمة والفرهدة. وعلو الحس. الوقت سرقنا. الحكاية بقت
موال. كلام في حديث. والشاي خلاص. وما فيش غير الميه.
ونما ريق واحد ببنفسك من كتر الكلام. يطلب كباية ميه،
ومن الحنفيه على بطونهم عدل في الكباية واديله. ميه بدل
الشاي. الواحد بيزيح، ربنا ما يكتب عليكو نشفان الريق.
الحمد لله إن الميه موجودة، وما بندفعش فيها تمن. أنا مش
عارفة لو الميه انقطعت حايلوا ريقهم، باليه. كت عايزه

أسيبهم وأقوم أملى القلل. إنما ما كتش عاوزه ولا كلمة واحدة
تقوتي من اللي بيقولوه. وأفضل سامعة اللي بيقال كله.
وقلت أول ما تخلص الميه. يبقى لنا كلام ثاني. وفضلت
قاعدة زي ماني.

رسينت الحكایة على غزاله وهو بيقول، همه خمس
تلف لا يقلوا ولا يزيدوا. وإنه ما يقدرش يدفع أكثر منهم
ولا ملين أحمر يوحد ربه. وعبد الضار ما يقدرش يرضي
بأفل من عشرة باكو، والتسعين باكو اللي فاضلين عشان
يكملوا الميه. يبقوا دين ليه في رقبة غزاله، نما يفك كيسه
يبقى يدفعهم. وكمان بعد ما يجرب ويذوق الحلاوة، ويعاين
البضاعة بذات نفسه، ساعتها حايعرف آني أساوي الميت
باكو وجائز أكثر.

جوزي قال الكلام ده. وما كانشى مكسوف من
كلامه، والأكادة إنه قال: إن الواحد نما يشوف البضاعة من
بره تبقى حاجة، ونما يعاينها من جوه، تبقى حاجة تانية.
الفرق كبير خالص.

ما أعرفش أنا انجريت من لسانى وقلت: طيب يا
جماعة نقسم البلد نصين، يبقى سبعة باكو ونص. واللي قلته

معناه آني مشن عاوزه عبد الضار، وعاوزه أخلص منه،
تقولشي حابسني في سجن.

ما اعرفش هوه فهم ليه، واللي قلته كان معناته آني
عاوزه غزاله. وغزاله عمري ما شفته فرحان كده. راح
واقف وقال والله عشان انتي نطقتني وقلت، كلمناك عمرها ما
تنزل الأرض. انا حادفع له عشرة باكو بحالهم ع الجزمة
واكسيك انتي. دا اأني تساوى الدنيا باللي فيها.

كان الليل خش ولحنا ولا داريين ولا حاجة. وكنا
قربنا من نص الليل مسک شنطة الفلوس في يد. ومس肯ى من
إيدي باليده الثانية. وقال لينا: ياللا بينا ع المأدون. عبد الضار
رد عليه: يا للا بيرة. والعیال لا همه فاهمين حاجة ولا
عارفين اللي بيحصل. ينکن فاکرینا بنلعب استعمایة.

العیال أول ما شافونا عاوزين نطلع، افکروننا
حانتقبح ونشم هوا. قالوا رجلنا على رجليکو العیال عملوا
زيطة وزمبليطة وعياط، عاوزين بيجوا ويائنا. عبد الضار
قال دي تبقى ولا زفة العروسة، منعهم شخط فيهم وضربيهم
وخرجنا.

الواد غزاله سألنا: هوه المأذون مش بيشتغل زي
موظفين الميري م الصبح للضهر وخلاص. ويشطب لتناني
يوم. عبد الضار قاله إنه يعرف واحد في مدينة ناصر.
مكتبه هوه بيته، نروح له دلوقتي. ونخبط عليه.

قلت لهم طب ما النهار له عينين، والصباح رباح.
ويأ خبر بفلوس بكره يبقى بيلاش. والواحد فنص هدومه م
الكسوف ولو رحنا للمأذون الوقتي، حايطلب الطاق طاقين
وحا يتشرط.. وين肯 يووسوس وخاطره يروح حاجة كده
واللا كده. ويودينا كلنا في أبو نكلة.

عبد الضار قال: دا محدث بيجهوز اليومين دول.
والمأذون من دول. بتقوت عليه السنة ما يكتبشي كتاب واحد
يوحد ربها، وما حايصدق يلاقينا كأنه استلاقانا م السما.

قبل ما نطلع م الدار، عبد الضار قال لغزاله، افتح
شنطتك، وفك كيسك، وطلع كم حنة معاك لزوم المشي.
حانخذ تكسي واحنا رايحين. وحاندفع للمأذون أتعابه. وما
فيش داعي نفضح نفسها ونفتح الشنطة. المقطعة والمربوطة
قدام مخاليق ربنا، غزاله وقف وقاله: في دي ويالك حق.

فتح الشنطة. وقيل ما يمد إيده سأله عبد الضار: أطلع
كام؟ عبد الضار قاله نص باكتو يعني خمسية. الواد؟ إيديه
انترعشت وهو بيطلع الفلوس. كان بطلع كام ورفة ويقف.
بيص شوية، ويطلع تاني. وحط الفلوس في جيده، والشنطة
ما سكها بإيده الشمال. وإيده اليمين في إيدي الشمال، ومشينا.
واحنا ماشيين. ابتدأ يقبض بإيديه في إيديه. وصوابعه
تحسس على صوابعي ويحك زند دراعه في دراعاتي. وأنا
أغمز له. عايزاه يرسى ويتقل. لا الثاني يعند ويرجع فـ
كلامه، نبقى لا طلنا بلح الشام ولا عنب اليمن. وما ينوبنا
غير إن عبد الضار يفرج علينا مخلائق ربنا. واللي ما
يشتري يتقرج. يزعق ويقول: دي مراتي يا خلق هوه. مش
بعيدة بعد ما يعمل للواد جرسه وفضيحة يودينا النقطة ويعمل
محضر.

إنما الواد غزاله كان فرحان. زي ما يكون انكتب له
عمر جديد.

ثلاث تأشير

المزين بضحك ع الأقمع

بطقطقة المقص

قلنا نروح لواحد مأدون يعرفه جوزي عبد الضار .
غزاله قاله: هوه انت تعرف كل حاجة؟ أنا مسكت الواد
غزاله من إيديه وغمزته، بص لي، بيسفهم، قلت له: بعدين
أعرفك. كت عاوزه أقوله. إن عبد الضار ده ثالثين كلامه
كدب ف كدب. والنبي أنا خايفه لا يطلع اسمه عبد الضار
ولا حاجة، وجايزة برضك اسمى أنا مش ترتر.

أول ما طلعنام الدار. العيال شهقوا وعيطوا. وقالوا
لزمن نيجوا معاكوا، ما هم يا ضنى عيني محبوبين ليل
ونهار. ما بيشفوشي الدنيا إلا من فين لفين جايزة من السنة
للسنة. عبد الضار صمم إن العيال لزمن يفضلوا في البيت
الواد غزاله قلبه حنين. ما هو زي العيال. وعيالي كانوا
عزوتهم وأهله وناسه في دارنا. دا حتى نومته ف وسطتهم.
وفرشتهم هيء فرشتهم.

غزاله قال ناخدهم ويانا. عبد الضار قال لأه يستونا.
ما فيش أي حاجة تحصل، إلا وقلبي يحس بيها قبل ما تيجي،
وعشان كده حسيت إن العيال ماسكين فيه، وبيشدوا في
هدومي، عشان عينيه مش حاتقع عليهم ثاني. عمري ما
حاؤقدر أكحل عينيه بشوافائهم. وإن البيت ده مش حاؤعتبره
بعد كده.

ما أعرفش كان فيه هانق بيهدف ويقولي. يا بت يا
ترتر، انت مش حانشوفي ضناكي من ثاني. وكان ويلي
ويلين، عين ف الجنة وعين ف النار. أنا مش عاوزه أسيب
عيالي. حد يفارق ضناه يا ناس. حد يسيب لحمه يا هوه.
وهوه داخل سكة مضلمة. مش عارف حاتوصل له لفين.
وبرضك كت خايفه أعند مع عبد الضار بروح مدتها عند
ويحزن ويانا ويبيوظ لي الحكاية من أولتها.

قلنا للعيال، دا مشوار بسيط وراجعين لكم من ثاني.
حانرجع شايلين ومحملين. حلويات ولعب وطعمية سخنة
وعيش فينوا من اللي بيدوب ف الحنك، عبد الضار هوش
العيال. سفح دا قلم وشخط ف ده، وسب ليهم الدين، وسب
اليوم اللي شاف فيه وشوشهم. وقال من ثاني إنه ما كانشي

عاوز لا عيل ولا تيل. وان أنا السبب اللي خلته يخلف
ويربي ويصرف ويلبس هدوم وجزم وشرابات. ويروح
للكائنات ويا عالم التعليم لسه جاي ف السكة. مدارس وشنت
وكتب وكرايس وجائز دروس خصوصية، وهوه عمره ما
فك ف العيال من أصله.

العيال اترع يوم منه، حاكم هوه دايمـا ينزل فيهم
تلطيش طوالـي من الباب للطاـق. سـكتـمـ. وأـنا قـلبـي بيـنـقطعـ.
عبد الضـار فـتحـ الـبـابـ. وـقـالـ يـالـلا بـيرـةـ. جـتـ طـالـعـةـ. غـزـ الـلـةـ
قالـيـ: معـقولـ يا سـتـ الـكـلـ. حـانـطـلـعـيـ بهـدـومـ الـبـيـتـ كـدهـ. مشـ
تدـخـلـيـ تـلـبـسـيـ.

قلـتـ يـقطـعنيـ فـكـرـتـنيـ. دـاـ أناـ نـسيـتـ حـتـىـ نـفـسـيـ، مـنـ
الـلـيـ اـحـناـ فـيهـ، قـعـدواـ فـالـفـسـحةـ، وـدـخـلتـ أـوـضـةـ النـومـ عـشـانـ
أـلـبـسـ وـوـدـانـيـ كـتـ مـلـيـانـةـ بـنـهـنـهـ عـيـاطـ وـلـادـيـ. الـعيـالـ مـشـ
قادـرـينـ عـعـاـيـاطـ. نـازـلـينـ عـيـاطـ كـتـيمـيـ. عـيـاطـ عـلـىـ جـوـهـ. هـمـهـ
عارـفـينـ إـنـهـ لـوـ طـلـعـ مـنـهـ حـسـ. الضـرـبـ يـنـزلـ عـلـيـهـمـ. وـأـولـ
إـيدـيـنـ عبدـ الضـارـ ماـ تـوـجـعـهـ مـ الضـرـبـ، يـبـتـدـيـ يـضـرـبـ
بـالـحـاجـةـ الـلـيـ تـطـولـهـاـ إـيدـيـهـ، بـلـغـةـ وـالـاـ بـرـادـ شـايـ. وـالـاـ بـابـورـ

جاز. اللي بيجي ف إيده يضرب بي، أصل الرحمة عمرها
ما دخلت قلبه. والعیال دموعهم نازلة تسح.

أصل الحکایة جت على خوانة. كت عاوزه أعمل
حلوة، عشان أبقى ناعمة زي الزبدة. والبس من تحت
الساتان اللميع، هدوم بتضوی. وفوقها فسائين بتبرق. ومنديل
بأويه ينور ف الضلمة. هدوم شفتشي تبين اللي تحتيها مش
تداريه.

طلعت أحلاها فستان عندي، لبسته، ياه. داني ناسية.
إن دي يكن تبقى ليلة دخلتي. قلعته وجبت أحلاها قميص
نوم عندي، جبت الكمبيلزون اللي ياما هنا وياما هناك. اللي
كت بالبسه لعبد الضار ف ليالي المزاج. وعبد الضار كان
بيقولي، إن جتنى بيضا وملظللة. وإنه ما بيبنشي حلوتها
إلا قميص نوم أسود، أو بني محروق أو أحمر دم الغزال.
همه الثلاثة عندي. جاييهم ليه عبد الضار. فردتهم
الثلاثة جنب بعضهم ع السرير. وقعدت أقول. يا بت يا ترتر
تبسي انهوه فيهم. احترت وبعدين قلت. هوه أنا ناقصة
حيرة. واحد لليلة الدخلة. وواحد لليلة اللي بعديهما. وواحد

لليلة اللي بعد بعديها. وبعد كده غزاله يكلف بقى، يقولي نامي
يا جاريه أقول له لبس يا سيدى.

لبست الكمبيلزون اللي بلون دم الغزال. وتحته
سنتيان من اللي يخللي سدر الواحدة طالع ع السما عدل.
ووجبت فستان بشركه. ما اتحطش على جسمى قبل كده
وشراب وجزمة بکعب.

وقفت أسرح شعري، وارسم حواجي، وألوان
خدودي بشوية أبيض وشويتين أحمر. وألين شفافي، حطيت
فشعري توكة م اليمين وتوكة م الشمال. ولميته بكام بنسة.
وبقيت ولا كأني طالعة من أحسنها حلاق من بتوع الستات.
في أحسن حته في مصر كلها. الحنت اللي بنسمع عنها. اللي
كلها سرايات. اللي أصحابها عندهم خدامين وسفرجية
وبوابين وغفر. البيت اللي بيقى نصه خدامين. ونصه سكان
البيت. آهو آني كده. كأني طالعة من واحدة م السرايات
دولت.

صنيت شوية. عبد الضار استعجلاني قال: عايزه تبقى
السفيرة عزيزة، ما هو أصل المثل بيقول، لبس البوصة تبقى
عروسة. غزاله قاله: ما تتكدشى عليها ف ليلة... قطع

الكلمة.. جائز عياط العيال خلاه ما بقدرشي يكملها. ويقول
الكلمة اللي تشعل الدنيا.

طلعت عليهم الواد غرالة قال: يا ارض احرصي ما
عليك. عبد الصار وقف. ونفض هدومه وهو بيقول: رفيتك
واستر رفيتك. بيقولها وهو بيضحك. نقرة. دا تلاقيه عاوز
يرش على وشي مية نار.

طلعنا احنا الثلاثة. آخر حاجة جت ف وداني هي
سريخ العيال، وعياط العيال. وكلام العيال. ما هو حاكم.
العيال دول مكشوف عنهم الحجاب. بيعرفوا اللي احنا ما
بنشو فهوشي.

الولاد كت قلوبهم حاسة، كانوا حاسين إن أبوهم،
حايرجع لهم آخر الليل لوحده من غيري. وطب أنا اعمل
إيه؟ واسوي إيه؟ واخلي إيه؟ أهو دا اللي حصل.

وانني طالعة م الدار. بصيت للعزال القديم. وقلت يا
ربى تخلي بيني وبينه بلاد وبحور. ويكون دا آخر يوم أبص
ألاقيه قدام عينيه. البريق والقلة. والبابور الجاز والطباية
وحل الغسيل والطشت شاللوني ف وقت عوزة بصحيف. إنما
دلوقتي همه من سكة وانني من سكة. دا حرام إن الواحدة

تاخت الدنبا مقوله شقا. أنا ياما تعبت ولزمن أشم نفسي
شوية. بالسلامة بقى يا حبايبي والقلب داعي لكم.
أنا من بكره حايكون عندي تلاجة م الأرض للسما.
جوهاها أزاييز ميه التلخ ديرن داير حواليها. من كل ناحية
التلخ مخدات ليها. وبوتاجاز أربعة عين وأربع شعلات وليه
فرن كمان. ومن يوم ورایح حاشرب الميه ف كباية دهب
والشاي ف كباية فضة. وحاقلع القباب الخشب أبو وردة
الأصلي، وحالمشي بزحافة بلستك. وحتى المطرح اللي قد
الحق دا بالسلامة من غير مطرود.

البيت الواسع اللي حاعيش فيه، حاييقى حاجة تانية
خالص ويبيقى عندي أوتومبيل وسوق وطباخ وسفرجي
بريري لابس أبيض ف أبيض. وكلمة مني تقطع عisce، من
كتر ما كت بالحلم. جتي الكحة وسعلت نما انكرش نفسي.
طبعا مسارييفنا من دلوقي لحد ما نقول لعبد الضار
انت من سكة واحنا من سكة، على غزاله، عshan كده وقف
عبد الضار يصور على تكسي. أنا فلت هوه المأذون اللي
احنا رايحين له، مش فيه أتوبيس بيودي عنده فالى أتوبيس

إيه يا جاهلة دا احنا رايحين مدينة ناصر. ما فيش أتوبيس
ببروح هناك.

قلت له، ولا عربية من بتوع النفر قاللي وهو بيتفقر
عليه ف كلامه، ولا عربية من بتوعات الفر دول. وقنا
لغاية ما لقى تاكسي. ركناه. هوه قعد جنب السوق. وأنا
ركبت جنب غزاله ع الكتبة الوراثية. النطع ابتدأ يأخذ جنب
عني ويسلمني لغزاله. وعامل نفسه ناسي إن أنا لسه على
ذمته.

ومراته ف شرع ربنا. وما نيش مرات غزاله. إنما
تعمل إيه للندل الخسيس؟ يعمل أيها حاجة ما دام حايقبض
منها في الآخر.

ما كتش قادره أصدق اللي بيحصل احنا دلوقتي ابتدينا
المشوار. وكأن جوزي، سبعي، راجلي، بيقولي، روحي
انتشر مطي. وهاتي لي آكل. بس الشرطة دي بورفة مأدون
بكتب كتاب وشهادة شهود. اللي همه حايكونوا شهود زور.
الكلاب كت ماليه الحنة كت أقول لعبد الضار، دول
الظاهر، بيوتهم وقعت زي حالات بقيت السكان، والحكومة

اداتهم مطارح ويابا. وينكن ليهم عقود إيجار زيبينا. أكثر من البنـي آدمـين.

النوبة دي الكلب هبيـت، عبد الضـار شاور عليهـم
وقـالي دول بيقولوا لك حـاتـوشـينا. عـينـيه رـغـرـغـت بالـدـمـوعـ
وـقـلتـ لهـ: وـهـمـهـ الكلـبـ كـمـانـ عـارـفـينـ الحـكـاـيـةـ. بـسـ دـاـ
الـظـاهـرـ إنـ الـواـحـدـةـ مـنـاـ بـرـضـكـ تعـيـطـ عـلـىـ جـهـنـمـ وـهـيـهـ سـاـيـاـهاـ
وـمـاشـيـةـ مـنـهـاـ.

ما عليناـ. عبدـ الضـارـ قالـ لـسوـاقـ التـاكـسيـ عـ العنـوانـ
الـلـيـ اـحـناـ رـايـحـينـ لـهـ، وـأـتـصـورـ بـوـشـهـ. وـقـالـ لـغـزـالـةـ: فـكـ
كـيـسـكـ يـاـ عـمـ بـقـيـ. عـشـانـ تـدـفـعـ أـجـرـةـ التـاكـسيـ. هـوـهـ أـنـاـ حـادـيـهـاـ
لـكـ وـأـدـفـعـ كـمـانـ. اـنـتـ اللـيـ حـانـدـفـعـ مـنـ دـلـوقـتـيـ وـطـالـعـ.

ردـ غـزـالـةـ وـقـالـهـ: مـفـهـومـ يـاـ عـمـيـ. أـنـاـ حـادـفـعـ كـلـ
حـاجـةـ. غـزـالـةـ كـانـ مـتـحـرـوسـ مـنـ كـتـرـ فـرـحـهـ. مـاـ هـوـ حـاـكـمـ
غـلـبـانـ وـيـغـرـقـ فـ شـبـرـ مـيـهـ، وـتـلـقـيـهـ مـاـ فـرـحـشـيـ قـبـلـ كـدـهـ.
تـلـقـيـهـاـ فـرـحـتـهـ لـوـلـانـيـهـ. عبدـ الضـارـ أـتـمـدـدـعـ الـكـرـسـيـ الـقـدـمـانـيـ.
وـحـطـ رـجـلـ عـلـىـ رـجـلـ. وـقـالـ: سـوقـ يـاـ أـسـطـىـ.

داـ الـواـحـدـ، لوـ دـيـقـ المـالـيـةـ اللـيـ مـعـ غـزـالـةـ طـولـ
عـمـرـ، وـعـمـرـ أـبـوـهـ وـعـمـرـ جـدـهـ، وـجـدـودـ جـدـودـهـ. ماـ يـقـدـرـشـيـ

يعلمها. إنما نعمل إيه؟ وقعناف إيد اللي ما يرحمشى. فلت
لعبد الضار. ما هية الرحمة واجبة يا جوزي. ارحمه يرحمنا
ربنا كلنا.

اندار عليه، وقالي وفري كلامك لنفسك. انتي داخلة
على أيام محتاجة فيها كلام كتير قوي، تقوليه يا ادلاعى أنا
مش عاوز اسمع كلام منك. قعدت أتعجب. وأقول ف بالي.
زي السنت اللي بتغنى موأويل: عجبي عليك يا زمان ليه دايما
تخلي الأصيل مغلوب والعوبل غالب.

قلت الكلام ده لنفسي. ما هو أنا ما أقدرشي أقوله
قدام عبد الضار. لا أنا قده. ولا غزاله يقدر عليه ولا أجعنص
جيص ولا أتخن تخين يقدروا يقولوا لعبد الضار بم. وصلنا
للحنة اللي احنا رايحينها. وقبل ما نوصلها. قعد يقول
للسوق. شمالك يا أسطى. يمينك يا أسطى. حود هنا. حود
هناك. لغاية ما قاله على إيدك يا أسطى.

هوه عمره ما ركب تكسي قبل كده. ولا حايركب
تاكسي بعد كده. طول عمره بيأخذها كعابي. أو زي ما
بيقولوم دايما موتورجل. أول ما وقف الأسطى هيلا هوب
نزلنا. لقنا نفسينا قدام عمارة عالية. أولها في الأرض

وآخرها في السما. عمارة من العمارات اللي عمرى ما شفتها
إلا في أفلام السيمَا.

مشي عبد الضار قدامنا، واحنا مشينا وراه، إيدى
خبطت ف إيد الواد غزاله. سألت نفسي. هوه سايق الهيل ع
الشيطنة والا عاملها كده بالعينة بصيت وقلت له: صبرك
شوية. بص لي وقال: غصب عنى يا سرت الناس. أنا صابر
وحا أفضل صابر أكثر من كده.

وقتنا قدام العلبة اللي الناس بيدخلوا جواها. ويدوسوم
على ظرار، تروح العلبة بالناس اللي فيها طالعين لفوق. لحد
السما بتاعت ربنا. والنبي ومن النبي خايفه تفكرونني
باكتب. وحياة مقام السيدة زينب آنني بأقول
الحق. دي أول نوبية أركب فيها البتاع ده. اللي لسه ما
اعرفش اسمه إيه. ونما يندهوا عليه. يقولوا يا إيه.

داس عبد الضار على ظرار في الجيحة اللي جبه
لزق. والنبي تلاقيه شغال مع الرجال اللي احنا رايحين له.
ما هو يعمل أيها حاجة. شوية ونزل، شفت النور بتاعه.
وقف قدامنا والباب بتاعه افتح لوحديه. دخلنا فيه إحنا الثلاثة
بربطة المعلم. وبرضك الباب قفل لوحديه.

عبد الضار داس من تاني على ظرار. بس جوه
العلبة اللي احنا فيها. أنا كت حاسورق. وحا أرفع بالصوت
الحياني. لقيت حاجة بشدنى وطالعة لفوق طالعه طوالى.
زرع بصل. ينكن المرجحة بتاف وتدور نوبه الناحية دي.
ونوبه الناحية الثانية، والواحدة ف المرجحة بتكون شايفه
اللي حواليها.

إنما العلبة دي. محشورة بنات أربع حيطان. حاجة
كده ولا زنقة القبر. انسندت على غزاله. عبد الضار شخط
فيه. ما تمسكي نفسك شوية. اصبرى كلها شويتين وتبقى يا
ختي تسخسي عليه زي ما انتي عاوزه. وتعلموا ده بعيد
عن عيون الناس. لغاية ما يقرف منك. طويلة وهبلة
ومسکوها طبلة. لأه، دي طويلة وهبلة ومسکوها واد. والواد
عاكم على مليون أهيف. ياللا، ما هي الفلوس كده، تبجي
للي ما يعرفش يصرفها. إزاي يا ربى. دا اللي انت خلقتهم
عشان يصرفوا الفلوس. ما يلقوش اللضا.

وقفنا ف دور م لضوار. أول ما وقفنا الباب انفتح
لوحديه. دي الدنيا فيها حاجات كتيرة وإننا ما كناش
عارفين أي حاجة من اللي فيها. طلعننا. لقينا سطر شقق ع

اليمين. وسطر شقق ع الشمال. طيب حاتعرف شقة المأذون
إزاي. عبد الضار كان عارف. راح حدف على شقة منهم
عليها يافطة. ف نص الباب، كان فيه برواز إزار، والإزار
كان مضملاً والحصة كت متاخرة.

هوه فيه حد بيتجوز الساعة دي؟ ياكسوفي ياني.
كت لسه حاكلم سكت. سبته يتصرف. هوه مد طرطوفة
صوباعه الطويل. وراح ضارب الجرس. سمعنا من جوه
حس عصفورة بتتصوصو. وكل ما ينكمي ع الجرس تصوصو
من تاني. تبقى دي مش عصفورة، متربية ف قفص عصافير
متعلق ف الفسحة. دي حاجة تانية.

أنا استغربت وسألته. قاللي. الجرسات القديمة بتاعت
ترن ترن، خلاص، راحت عليها وطلعت معاش. فيه
جرسات دلوقتي بتعمل العجب. وفيه جرسات بتبوس وتطلع
وتحسس. قلت له عيب اختشي. قاللي: أهل الخشا ماقو. وإن
طلع العيب من أهل العيب ما ييقاش عيب. يا بت الناس
سبيني أفضفض وأفرفط.

شوية كده، وحنة الإزار اللي ف وسط الباب، بان
فيها نور. وعلى ضي النور شفنا حديد مركب ورا الإزار

من جوه. وبعد شوية سمعنا حس من الشقة بيقول: مين؟ رد عبد الضار وقاله: أنا. سأله من ورا الباب: انت مين؟ عبد الضار علا حسه. وقال: أنا زيون آخر الليل اللي السلك ضاربه، قلت لروحني يكن دا سيم بناتهم.

الراجل فتح الحنة الإزار. طلعت شراعة، بقفتح على جوه، وبص اتلقانا راح فافلها من تالني ومصوجرها من جوه، وفتح أفقال الباب، واحد ورا الثاني، وبعدين فتح الباب ذات نفسه. وقال: اتفضلو. اتفضنا. دخلنا، لقينا ورا الباب فسحة فيها ترابizza ومكتب، وطقم كده تعبان، قعدنا.

الراجل استأذن ودخل جوه الشقة، الظاهر كده والله أعلم. إنه حايلبس هدومه. عشان هوه نما فتح لينا الباب كان لابس جلبيه ع اللحم.

شوبيتين، وجه المأذون، ما هو عبد الضار قال لنا وهو جوه إن ده هو المأذون. راجل تخين وكرشه قدامه مترين ولابس جلبيه بيضا وطاقيه بيضا وبلغة بيضاف رجليه. سلم علينا وفعد. وبدل ما يعزم علينا بأزوزة واللا شاي واللا فهوة، دخل في الموضوع عدل. وقال: جواز واللا طلاق؟

عبد الضار رفع صوانيه لتنين قدامه وحركهم. طلع
صياع لقدم، ورجع الصياع الثاني لورا. وقاله: لتنين يا
مولانا. المأذون سأله: لتنين إزاي؟ دي تبقى حكاية ورواية
ولزمتها شرح.

عبد الضار، شاور على نفسه وقاله: أنا، وراح
مشاور عليه وكمل: حائلق الست دي. وشاور على غزاله
وقاله: والأخ حايجوزها. المأذون سأله: معاكوا ورفقك، عبد
الضار رد عليه: هوه احنا جايبيں نتوظف. ورق إيه؟ المأذون
قاله: بالراحة عليه يا خويا، هي هلضمة، أول هام كل واحد
لزمن تبقى وياد بطاقة شخصية، وشهادة ميلاد. ثاني هام.
يكون وياك عقد جوازك منها. تالت هام: لزمن اتنين شهود
يكونوا وياكوا. والشهود يكون ويادهم بطاقاتهم.

عبد الضار قاله: الشهود مش مشكلة. أنا أجيبهم لك
بكرة، أنا معليا ورقى وورق مراتي. وهوه وياده ورقه. هوه
فيه حد بيتعن اليومين دول من داره إلا ومعاه ورقه.

المأذون رجع من ثانوي. هرش ف عرق الهيافة.
وسأل عبد الضار، انتي قلت لي إيه؟ جواز وطلاق حنة
واحدة؟ عبد الضار قاله: أيوه. المأذون رد عليه طوالى: ما

كاش بتعز، ما بنفعشي. عبد الصار سأله. وإيه اللي حايقل
نفعه المأذون قاله: ما هو انت لزمن نطلقها، وتمر فترة
العدة. وبعد كده تتجوز.

عبد الصار اترفز، خبط إيده اليمين ف إيده الشمال.
وعلا حسه وقال: يا مولانا يا بخت من نفع واستفعت. هوه
انت لازم تحط العقدة ف المشار. طيب ما هو حالك كده
حايقف. سهل ربنا يسهلك.

المأذون ما سابوشي يكمel كلامه. وفقه بعلو الحس.
وقاله: هوه أنجر فته يا واد انت. والجدع اللي ياخذ أكثر دي
أصول. مش جايز هيhe حامل منك، لا بد يكون بين الجواز
والطلاق فترة العدة. على داير اليوم. أنا أطلقها دلوقتي،
وأحسب لكو مدة العدة، وترجعوا لي بعدها. وليه ترجعوا؟
هيhe ترجع بعد كده مع الرجال اللي هيhe عاوزه تتجوزه
برضاها. أقوم أعقد لها عليه. إن كان لدينا عمر على وش
الدنيا. إنما تسيب ده. وتمساك ده في نفس الساعة، أنا ما
أقدرشي أعمل كده. وما يقدرشي ع الفدر إلا ربنا.

عبد الصار حرك صوابعه كأنه بيعد فلوس لمولانا.
الثاني ما فهمشي. أو عمل إنه مش فاهم. خده ودخل جوه

وأتوشوشو. وأنا سمعتش ولا كلمة م الوشوشة إنما الشيخ
برضك ما رضاشي، لأنه كان بيقول لأه، يعني لأه، هيه لأه
وخلاص. ولسانه ربط على كلمة لأه، وبقى ما عندوش
غيرها.

رجعوا والشيخ بيقول: دا احنا كلينا نروح ف حديد
لو عملناها. الطيب أحسن. بالصبر يا ابن آدم تعمل كل اللي
ف نفسك. عبد الضار وهو بيقعد مطرحة تاني قاله: ده الأخ
بيحبها وبيموت ف دباديبها وحا يدفع، دا الأخ دفيان، المأذون
قفل الكلام وهو بيقو له: والنبي لو دفع مال قارون ما
اعملها.

عبد الضار خبط دماغه باليده وقاله: تاهت ولقينها يا
مولانا. نعمل كله ع الورق. ونسب التواريخت على بياض.
وانت تملهاها بعد كده. حسب الأصول اللي بتقول عليها. قاله:
برضك ما أقدرش أبدا. الدفتر اللي معايا صفحاته متمرة.
وكل صفحة مختومة. دا سجل رسمي. بيقى أقدم وأخر فيه
إزاي افرض جت جوازات بكرة أحطها ف عبي.

عبد الضار قاله: ولا بباكون؟ المأذون رد عليه ولا
بمليون يا جدع أنت.

عبد الضار حبكت معاه النكتة وقاله: الله هوه انت
عارف اللي معانا بالضبط دا بيقى مكشوف عنده الحجاب.
عبد الضار شاور لينا. نقرب من بعضينا. عشان
نتكلم في السر، وشوشه يعني. المأذون قال لينا. تقدروا
تتكلموا في أيها حنة تانية غير بيتي. أنا باجوز وأطلق وبس.
إنما شغل التلات ورفقات اللي انتوا جايين تعملوه في أنصاص
الليالي. أنا ما أقدرشي أعمله. اتقضلوا من غير مطرود.
عبد الضار فضل مطرحه واحنا فريحة.. الرجل
قال: وروني عرض كتافكم. فضل عبد الضار زي ما تقول:
كرسي قاعد فوق كرسي. واحنا برضاك زيه. ما احنا ماشيين
وراه لحد ما نخلص منه، عبد الضار كان عامل زي اللزقة
اللي بعرا. ينكن هوه بيعمل كده عشان يضمن حقه ويأخذ
فلوس أكثر.

المأذون قام على حيله. وراح فاتح باب البيت. وقال
الباب يفوت جمل فتحه الباب سمعت العمارة كليها جايز
جيرانه، حتى اللي نايمين في أوضهم، سمعونا، جتنى نملت.
كت خايفة إن إحنا لو بلطنا ف الخط أكثر من كده. جايز
تحصل لينا جرسه وفضيحة.

حت غزاله وخرجنا.. ووقفنا قدام باب البيت وعبد
الضار فضل واقف يتحايل ع المأذون وهو بيزقه نواحي
الباب، والمأذون راسه وألف سيف إنه ما يقدرشي يعمل اللي
احنا عايزيته منه.

عبد الضار يقوله يهديك يرضيك، وهو يقول: ولو
على جتني. وعبد الضار يعدله الفلوس اللي حايادها والثاني
ولا هو هنا. عبد الضار وصل للباب والمأذون قاله: دا انت
باین عليك شيخ منسر. عبد الضار اتمسكن وقاله: دا احنا
غلابة يا بيه وف ظروف صعبة.

مشينا من قدام باب المأذون وهو بيقول. باین
عليكون ناس زلقطية بط.

في الشارع قلت لعبد الضار. إزاي فاتتك دي يا
فالح؟ قال دا أصله راجل خرع، مأذون خواف. ياما فيه
غيره بيعمل أكثر من كده. غزاله سأله يعني كت عارف
حكاية العدة دي؟ عبد الضار قاله: هوه أنا كت اشتغلت
مأذون قبل كده؟

عبد الضار قال لزمن نشوف حته نقعد فيها. وتفكير
في الموضوع برواقه، لأنه مش حاييجي قفش كده. عبد

الضار قال إن عصافير بطنه بتصوصو وانه عاوز يأكل ولا
حايعرف يشغل المخيخ كوييس إلا بعد ما يفول التاك لحد
آخره.

غزاله بص لي. وقالي: "رأيك إيه يا سرت الكل؟" قلت
له: "اللي تشووفه"، وهوه قالي: "لأ، اللي تشووفه انتي". والثاني
خط الأرض برجليه وكان حايطلع من هدومه. وقال: هو
انتوا حاتتعازموا. ما تحبوا بعض بعد ما أخلص منكوا انتوا
لتدين. وتروحوا فستين داهية.

الواد غزاله بص لي. وقالي: "الرأي رأيك. والشورة
شورتك" عبد الضار شخط فيه. بطل تعمل لها طقم مراوح
على قلبها. وتبلعها بالحبة الكداية. دي هاتبقى مراتك على
سنة الله ورسوله. دي حاتتمام ف حضنك وحابقى مرتبتك
وفرشك وغضاك. وتقول ليها يا سرت ترتر. إيه شغل الشبوره
د.ه.

قلت لغزاله: اللي تشووفه. حاكم أنا باعمل مع غزاله
اللي باسمع عنه م البنات. واللي ما عملتوش ف شبابي مع
الجو بتاعي. هوه كان ليه جوز ولا غيره. ولا كان ليه شباب
من أصله.

غزاله حس من كلامي إن أنا موافقه ع اللي بيقوله
جوري.

أربعناشر

طول ما انت زمار وأنا طبال

يا ما راح نشوف م الليالي الطوال

الشاهد، من هنا لها، رحنا على مطعم عshan
نتعشى، مطعم كان عبد الضار عارفه، واللي بيخدمو فيه
كانوا همه كمان عارفينه. هوه قعد على ناحية م الطرابيزه
لوحده. وأنا وغزاله قعدنا جنب بعضينا ع الناحية الثانية.
فعدت أظغر حواليه. كت الناس شبعانة. ينحط الأكل
قادمهم أصناف محمر ومشمر يسد عين الشمس، حكمة ربنا،
ما يمدوش إيديهم ع الأكل يشبعوا منه بعنיהם. دولت عمرهم
ما جاعوا. ولا نفسهم راحت لحاجة كده ولا كده. إنما إحنا،
ما يملاشي عنينا إلا التراب. عمرنا ما نشعع إلا نما الأكل
يملا بطن الواحد مننا ع الآخر.

عبد الضار اتمطع وطلب أكل لنفسه. وسألنا إن كنا
جعانيين. يطلب لينا. ونما فلنا له الحال من بعضه. راح
منادي ع السفرجي وقاله: اتنين شرحه، إحنا كنا عاملين زي

لعمش ف الضلمة. بنطس ف بعض. وعشان كده سبناه بعمل
اللي هوه عاوز يعمله.

كان عبد الضار عامل زي المفجوع. طلب كباب
وكفتة وسائل على حمام، ونما لقى فيه حمام طلب حمام وسائل
على فراخ ما التقاش فزعل. وسائل على رز بالكلاوي ورز
بالخلطة ورز بالصلصة. ونما ما التقاش كان حاي عملها
عركة. وطلب سلطات. طبق من كل سلطة. حاجة عمياني.
الطرابيزة ما كانتشي ساعية الطلبات. تقولشي بيأكل ف آخر
زاده.

أني كت محatarة. إزاي عرف الحاجات دي كلها.
تلقيه بيأخذ بحقه حلفه، هوه عليه يأكل. إنما اللي حايكلع
الفلوس الغلبان غزاله. المطرح كان بتاع أكل وبس. إنما عبد
الضار بلف العيال الخدامين وخلاتهم يزرووالينا شاي من
ورا صهر صاحب المحل.

عبد الضار خد من غزاله فلوس. وبيعت جاب علبتين
سجاير وعلبة كبريت ووصى ع الشاي. أربع كبايات ف وش
العدو. كبيتين ليه. وكباية ليه، وكباية لغزاله. وقال إنه بعد
الأكلة ديه الواحد لازم يحبس بجردل شاي.

سعت الحساب، بقى غزاله ببعد الفلوس، وعبني كت
وياه، أنا عديت وياه بشفافي لحد ميت جنيه، وبعد كده
انضيقت وتعبت، وما بقتش شايفه اللي قدامي من اللي بيعمله
عبد الضار، اللي عاوز يخسر الواد الجلد والسقط، بده يأكل
لحمه ويمصمص عضمه ويقوله: أملك في العش واللا
طارت، ويضحك عليه. ويطلعه بليوص. أنا لحد دلوقتي، ما
أعرفشي غزاله دفع منه وكام.

فضلنا قاعدين بعد الأكل. وأنا كت فاكره، إن الواحد
بعد الأكل يغسل إيديه. ويمضمض بقة، ويتكل يتمنى، عشان
يهضم، عبد الضار قال نقدر نشووف لينا فكيرة. وبعد شوية
طلب دور شاي تاني. وفضلنا قاعدين لغاية صحابات
المطرح ما طفوا النور علينا، زي ما يكونوا بيقولوا لنا
بالسلامة بقى.

في الوقت ده، عبد الضار قال لغزاله ع اللي
حان عمله، قاله: يا سيدى تاها ولقينها. بلاش حكاية الطلاق
والجواز، نخليها بعدين، اللي بيجي لك منه الريح سده
واستريح. من نواحي الطلاق، أنا أطلقها. وبعد ما أطلقها

أَجْرُهَا لَكَ، أَعْمَلُكَ عَدْ إِيجَارٍ بِبَهَا لِمَدَّةِ سَنَةٍ، وَآخِذُ الإِيجَار
مِنْكَ بِالشَّهْرِ.

صَنْ عَبْدُ الضَّارِ شُوَيْهٌ وَقَالَهُ: لَا وَأَنَا أَطْلَقُهَا لِيَهُ؟
لَأَنِّي لَوْ طَلَقْتُهَا حَاتَّبَقِي حَرَةٌ نَفْسُهَا، هِيَهُ اللَّيْ تَأْجُرُ نَفْسَهَا:
لَا.. لَا.. الْطَّلاقُ بَعْدِيْنِ. بَعْدُ مَا نَأْجُرُهَا نَشُوفُ حَكَايَةَ
الْطَّلاقِ، أَوْ أَكُونُ أَنَا شَفْتُ مَأْذُونَ يَقْبَلُ يَعْمَلُ الْطَّلاقَ وَالْجَوَازَ
فِيْ يَوْمٍ وَاحِدٍ. وَفِيهِ نَاسٌ كَثِيرَةٌ بَتَعْمَلُ كَدَهُ. دَا الرَّاجِلُ اللَّيْ
وَقَعَنَا فِيْ قَرَابِيْزِهِ نَمْكِيْ، بِيَخَافُ مِنْ خَيَالِهِ، مَتَعْقَدٌ، رَاجِلٌ
جَبَانٌ، أَنَا عَارِفُهُ، قَلْتُ إِيَهُ فِيْ إِيجَارِ؟

أَنَا مُعْجِبُنِيْشُ الْكَلَامِ. الرَّاجِلُ عَايِزٌ يَنْتَفُ رِيشَ الْوَادِ
بِسَبِّيْ، وَأَنَا مَا أَقْبَلُشِيْ، أَنَا قَلْتُ: هُوَهُ أَنَا شَقَّةُ وَالْلَا كَشَّاَكِ
سَجَائِيرُ وَالْلَا تَلَاجِهُ حَاجَةُ سَاقِعَةٍ أَوْ أَوْضَةُ شَرَكُ وَالْلَا تَرْبَةُ
حَاتَّأْجُرْنِيْ؟ كَتَّ مَحْمُومَةٌ وَأَنَا بِاَقْوَلِهِ: مَا هُوَ يَا نَعِيشُ
بِالْمَعْرُوفِ يَا نَفَارِقُ بِالْمَعْرُوفِ؟

فَالِّي عَبْدُ الضَّارِ، اسْكَتِي انتِي. وَمَدِيدَهُ عَلَى وَرْكِيِّ
وَرَاحَ قَارِصَنِيْ قَرَصَهُ، فَكَرِتَتِيْ بِالْلَّيْ فَاتَّ كَلَهُ. الْقَرَصَهُ بَكَتْ
بِالْدَمِ. شَدِيتْ هَدُومِيْ مِنْ عَلَى روْكِيِّ. شَلْحَتَهُ وَبَصَيَّتْ عَلَيْهِ،
لَقِيتْ صَوَابِعَهُ مَعْلَمَهُ وَبَتَقَحَّدَ دَمَهُ. كَتَّ حَأْسُورَقَ وَأَرْقَعَ

بالصوت، إنما سكت. استحملت. ما هو هو بيقول كتر م
الفضائح عشان أنا رايح.

شال إيده وشد هدومي غطى بيها فخادي. وبص
لغزالة، وقاله: لا مؤاخذة يا أخ. هيئ السبب. الوداد غزالة
قاله، إن إحنا نرجع البيت. ونفكّر فالموضوع على روافقة.
عبد الضار قاله، لا يا حبيبي. إحنا لزمن نقول الكلام ده بعيد
عن ودان العيال. غزالة قاله طيب تأجرها لي بكام ف
الشهر.

عبد الضار قاله، مش حانختلف، وراح طالب ألفين
جنيه ف الشهير إيجار. وأنا قلت، دا بيقى كتير قبل غزالة ما
ينطق. غزالة قاله إنه لو أجر عمارة بسكنها، نسوانها على
رجالتها، على عيالها، على بناتها البنوت، شروة واحدة،
عمره ما يدفع ولا ميت جنيه في الشهير. غزالة اتدردح
وانتقط وهو بيقوله: يا راجل اقعد عوج واكلم عدل.

من هنا لها، رسيت الحكالية على ألف جنيه في
الشهر. وعبد الضار كان عاوز شهر إيجار وشهرين تأمين.
يعني عايز ثلاثة باكو دلوقي. مش جائز تحصل لي حاجة

برضك، جايز برجعني ناقصة إيد والارجل واللا عورة
مش بعيد يأكل مني حته.

كان قلبي بيقطّع، حسيت آني حائفي سبب خراب
جipp غزاله. والواد حايكرهni. عشان أنا كت السبب اللي
خسره اللي وراه. واللي قدامه: عبد الصار طلب التلاتة
باكو، والواد قاله لا. نكتب الشرطية لأول. واستلمها ونمسي
من عندك ويادار ما دخلك شر.

بصينا لقينا قدامنا مشكلة تانية: أهو احنا كده نطلع
من بلوة نطب في نصبيه. مين اللي حايكتبلينا الشرطية
الوقتي. عبد الصار بيفك الخط طشاش. يستقرأ أحسن ما
يكتب. عبد الصار قال نبعث نشتري عرضحال وقلم. واكتب
أنا الشرطية. غزاله قاله، دا بعدك. دا يبقوا سلموا القطب مفتاح
الكرار. واللا حرّصوا الديب ع الغنم. غزاله كان رأيه إن
حد تاني يكتب الشرطية. ويأخذ أجرة إيده، عبد الصار قاله:
دا اللي ينكشف على سرنا يودينا ع القسم طوالى دي الحكاية
من حال المبتدأ غلط ف غلط.

واحد من اللي شغالين ف المطعم، كان بيتمحس
لطرابيزتنا، ويمسح لينا جوخ، ويتمحك فينا. احنا اتوغوشنا م

الواد اللي ودانه ويانا طوالى. عبد الضار عامل أبو العريف.
قال لينا. دا بيعمل الشوية بتوعه عشان البقشيش.

الواد ده انحشر ف الكلام زي البدونس. وقال ما هو
فيه عقود إيجار مطبوعة، بتتابع جاهزة عند البقالين، مكتوب
فيها كل حاجة. يدوبك الإمضا وبس. الحشري جالنا الفرج
على لسانه. نزلنا جري نصور على دكان بقاله م الكبار.
المحل منها قد بلد لوحديها، والبضاييع مرصوصة ع
التالوار. متنلةة. زي الجبال، كلهم أول ما نسألهم على عقد
إيجار. يبصوالينا، ويضرروا كف ف كف "هوه فيه حد
بيأجر دلوقي. دا كله تملياك؟"

واحد كان قلبه رحيم. دلنا على بقال ف حته كليها
عشش وبيوت هفتانة زي الحنة اللي احنا قاعدين فيها. خدنا
تكس ورحنا ليها. والناس ف الحنة متهرجين من أيام حرب
الكنال. الحرب خلصت والناس رجعت إنما دولت صحتهم
جي على هو مصر.

رحنا ع البقال ده عدل. لقينا عنده العقودات أشكال.
عقودات بيضة، وعقودات صفراء، وعقودات خضرا. أغلاهم
وأحلاهم كان العقد لخضر. أنا استبشرت خير بلخضر. وقلت

لغز الله "عايزاه أخضر عشان تبقى بشرة خير، وتبقي أيامنا
ويا بعضينا خضرة يا حبيبي".

دي كت أول نوبه أقول الكلام ده فيها لغز الله، وعبد
الضار اداها طناش. وعمل ودن من طين وودن من عجين،
وكأنه مش واحد بالله. وغزاله أول ما سمع كلمة يا حبيبي
أترجف رجفة واتهز هزة. باين عليه أول مرة يسمع فيها
الكلمة دي من واحدة حرمة، مسكين يا غزاله. واني برضك
مسكينة.

والله لو الود ودي، لحط دماغي على سدرك وأعطيت
من النهاردة لآخر يوم لينا ف الدنيا، يادي الندامة يا غزاله،
تعالي نحط همي على همك. ونبني منهم بيت، المونه بتاعته
تبقى دموعنا، والطوب من عضمنا، وسقفه لحمنا، ونقدر
نعطي جواه. وأحط دموعك على دموعي، ويبيقى بيت العياط.
خدنا ورقة الشرطية، فرخ ورق واقف على حيله.
ومشينا كام خطوة. وراح عبد الضار واقف، كأنه افتكر
حاجة كمان نسيها. وقال لأه. نشتري عقد ثانٍ. بيفي معيَا
واحد، ومعاكوا واحد، لا تعملوا فيه ملعوب. هوه عاوز ينهب
الواد وبس، اللي بييجي منه أحسن من عينه.

عبد الضار أول ما تجوزني، في يوم الصبحية.
صبح وقال إنه حلم في الليل إنه راح سوق المكن، واشتري
مكنه تدخل فيها الورق من هنا، يطلع م الناحية الثانية فلوس
وانتهي وشطارتك. ورقة قد الداعة تطلع شلن. ورقة أكبر
نص جنيه. أكبر جنيه. حنة بخمسة، ببريزة دي ف لغوطه
يعني عشرة جنيه. هوه فاكر دلوقتي إن الواد غزاله دا مكنة
يحط ورق فيها من هنا، تطلع فلوس م الناحية الثانية.

كل خطوة عبد الضار عاوز غزاله يضرب إيده ف
جييه يطلع فلوس. أنا حمدت ربنا إن المبلغ اللي غزاله طلعة
من الشنطة من البيت لسانه ما خلصشي. معقوله يخلص؟ دا
مفروض يكفيانا سنة. إنما عبد الضار عاوز يخلصه. والواد
يطلع فلوس تاني ف الشارع قدام الناس، ونضيع كلينا في
شربة ميه.

جينا الكونتراتو الثاني. وقف عبد الضار وقال
"تتس" ما فهمناشي الكلمة. قال ناخذ تكسي يا بهائم. هو
انتوا كتوأ عايشين قبل كده. دا انتوا كماله عدد. نروح هناك
ونقعد ع القهوة اللي على راس حتنا ونكتب الحجة.

اني المرة دي اللي ردت. قلت نصور على قهوة
هنا. ونبعد بسRNA عن الحنة واللي فيها. غزاله وافقني وقالي
براؤة عليك يا سرتراثر. بصيت له بصمة تجمد الدم ف
العروق، قالي "آسف: براؤة عليك يا ترتر"، كت عاوزه
أقوله. إمتنى اسمع منه يا تراث يا حبيبي. إمتنى اسمع منه
كلام الحنية اللي يعمل شبورة قدام عينيه. الكلام اللي عمرى
ما سمعته من عبد الضار. دا عمره ما نطق ولا بكلمة واحدة
عني وعن حلاوتي. إلا وهو بيعيني لغزاله.

قبل كده. كان الكف ورا الكف. تقولشى إنه
متجوزنى عشان يضربني ويدوبك ف الليل، انصاص الليالي.
ما يعرفش ينام من الحر والعرق والنفس وزحمة العيال يقوم
ينط، عشان يتعب وينهمد وينام.

صورنا على قهوة. لقينا غرزة ظعنططه. مشغلاتها
مرة لابسة منديل بأويه وجلاحية شرقاوي. الحقيقة الله. مرة
حلوة. من أول ما قعدنا وعبد الضار ابتدأ يلاغيها ويشاغلها
قلت أنا مالي. أنا أخلص منه. وهو يعمل ما بدهاله. بعد كده
افتكر إنه ما معهوش قلم. سألنا كل القاعدين مترصدin

على قلم. ما لقيناشي. كلهم فواعلية وصعايدة. قصعة المونة
واكله من كفافاتهم راقات.

خد فلوس تاني من غزاله. تلاقيه معاه قلمين ف
جيبيه. إنما هوه عاوز يخلص فلوس الواد بأيتها طريقة. راح
المحل اشتري قلم ورجع. طبعا كل شروة ياخذ فلوس
صحيحة إنما عمره ما رجع الباقي. بعد الشر.

قعد فرد الورق ع الطرابيزه، كنا متمطنين نص
نص، ومتوعوشين نص نص برضك. لأن ما حدش يأمن
لعبد الضار على أيها حاجة. شاورت لغزاله إنه يكتب ويأه.
ما يسبوشي لوحديه يستفرد بالورق والكتابة.

قبل الكتابة سقف عبد الضار بإيده. طلب له اتنين
شاي، ولغزاله واحد شاي، وليه حاجة ساعقة. وطلب لنفسه
بورى وويأه أربع حجرة. طبعا ما هو الصريف بيصرف،
والبنديرة بترمي، والخزينة بابها مفتوح، هوه حايدفع حاجة.
دا عبد الضار بيقول دايما. البلاش كتر منه، ياخذ له كمان
ربع ساعة ع الصرمة القديمة، وبروح في ستين داهية.

فردنا الكونتراتو ع الطرابيزه. وقعدوا يكتبم. غزاله
كتب ترتر في الورقة، وسأل عبد الضار عن بقية اسمى،

جوزي شخط فيه وقال: "هيه مش اسمها ترتر. ومنن قالك
كده؟" دا ترتر اسم الدلع. دي اسمها للي.

غزاله سأله: وللي دي تكتب إزاي يا فالح. عبد
الضار رد عليه: تكونشي شايف الشهادات متعلقة على
كتافي، إيشي يمين وإيشي شمال. هات أوريك ورسم له الاسم
والثاني رسم واحد زيه.

أنا بقitet تاييهه. للي. أنا للي معقوله. وهوه قاعد
يقولي يا ترتر طول المدة دي كلبيها. دا ياما لسه حانعرف،
وينكن يطلع للي ده مش اسمي. سابوني مستغربة. ترتر هو
اسمي اللي وعيت ع الدنيا ولقيته مستيني، إنما للي دي ما
تدخلشي دماغي خالص.

سألته مين اللي قاله إن اسمي للي؟ راح سألني، بدل
ما يرد عليه، ومين اللي قال إن اسمك ترتر؟ قاللي إنه هوه
اللي عارف كل حاجة عنني. وورقي عنده. غزاله قاله: طيب
للي وعرفناها. أبوها بيقى مين. اسمه إيه، ونقبها إيه، اسم
عياتها إيه. قاله: اكتب اللي وبس وسيب الباقي فاضي وأنا
حاكمله. نما أرجع للورق.

قالت له: انت ناسي اسم مراتك، وأم عيالك يا عبد
الضار، والله تلاقي دا كله تقانين من دماغك؟ ومن يوميهـا،
وأنا لا يمكن تخـش دماغي حـكاية للـي ديـ. ولو آنـي سمـيت
نفسـيـ، مش حـايـكون غير نـزـاهـةـ، ومن يوم ما حـائـقـيـ، أناـ
والـلـودـ غـرـزـالـهـ لـوـحـديـناـ. حـاؤـخـلـيـهـ يـقـولـيـ يا نـزـاهـةــ. حدـ فيـكـوـ سـمعـ
عنـ وـاحـدـةـ اسمـهاـ للـيـ حدـ شـافـ وـاحـدـةـ النـاسـ بـيـقـولـواـ لهاـ ياـ
للـيــ.

كتبـ وـبعـدـينـ مضـىـ. وـغـرـالـهـ مضـىـ وـراـهـ. وـطـلبـ
فلـوسـ ماـ أـعـرـفـشـ تـانـيـ، وـالـلـاـ تـالـتـ وـالـلـاـ رـابـعـ وـالـلـاـ خـامـسـ.
وـالـلـهـ ماـ نـاـ فـاكـرـةـ. قـالـ يـشـتـريـ قـلـمـ كـوـبـيـاـ ماـ لـقـاشـيـ. اـشـتـرـىـ
ختـامـةـ عـشـانـ أـبـصـمـ عـ العـقـدـ أـنـاـ كـمـانــ.

بعدـ ماـ خـلـصـنـاـ. إـدـىـ الـحـاجـاتـ وـالـمـحـاجـاتـ دـيـ كـلـهاـ
لـلـسـتـ بـتـاعـتـ الـقـهـوةـ. بـعـدـ ماـ قـالـهـ اـسـمـ الـكـرـيمـ إـيـهـ. وـشـعـرـ
رـاسـيـ طـقـطـقـ وـهـيـ بـتـقـولـهـ اـسـمـ الـحـكـومـةـ للـيـ وـاسـمـ الدـلـعـ
نـرـنـرـ. وـقـالـتـ لـهـ: وـالـكـرـيمـ اـسـمـهـ إـيـهـ؟ أـنـاـ فـاكـرـةـ إـنـهـ قـالـهـ اـسـمـ
تـانـيـ. عـبـدـ الـحـلـيمـ حـافظـ. قـالـتـ لـهـ: اللـيـ بـيـغـنـيـ فـيـ الرـادـيوـنـ
وـبـيـمـثـلـ فـ التـلـيـفـزيـونـ. قـالـهـ لـأـهـ. بـسـ أـنـاـ أـحـلـىـ مـنـهـ. وـغـمـزـ
لـيـهـ بـرـمـشـ عـيـنـيـهـ الشـمـالـ غـمـزةـ أـنـاـ فـاهـمـاـهــ.

فاضل التسلیم، هوه كان عايز التسلیم ده ع القهوة،
عاوز ياخد البواكي عند الولية. اللي ليها نفس أساميه، واللي
الحكایة دي بین فيها ملعوب، فاجر ويعملها. ياخد أجرتى
ويروح بیات عند الولية بتاعت القهوة. واللي جه بلاش يروح
بلاش، وهاتي يا سدرة، وعفري يا مدره، أنا قلت لأ، وغزاله
قال لأ. وقلنا نمشي لأي حته، تحت عمود نور، وسلمني
أسلمك ف الشارع.

غزاله دفع الحساب. وقعدنا نتمشى. وبعد رجلينا ما
اكتسرت م المشي. التقينا عمود نور، غزاله قعد ع التل
طوار، وحط الشنطة على رجله ووارب خطاه، من غير ما
يفتحه، وابتدا بعد سكريتي. لغاية ما خلص ثلت ربط. بتلت
بكاوي وإداهم له. عبد الضار كان مستعد م لأول. كان
جاي卜 وياده منديل محلوي. رصهم فيه وربط المنديل وغزاله
قاله: كل واحد من سكه يا حبيبي.

عبد الضار قال لأه. لزمن ييجي ويانا. ويعرف إحنا
فين دا إيجار الشهر، والشهر غمضة عين ويخلص يا إما
يدفع حالا بالا إيجار سنة. غزاله قاله أنا حأخذها وأرروح
سیدنا الحسين. ونزل هناك ف لوكاندة.

من هنا لها. جه وياما. ركينا تكسي من تاني وغزاله
هوه اللي اكلم النوبة دي. قاله: الحسين يا اسطى.
قرينا الفاتحة في سيدنا الحسين لأول، الناس كت
بتصلی الفجرية، غزاله وقفني برة الجامع، وخد شنطة
الفلوس وياده. وعبد الضار وقف معايا، قالها إيه عشان هوه
مش متوضي، آهي حجة. إنما هوه خايف يدخل الجامع.
سيدنا الحسين يسخطه قرد. ما هو مكشوف عنه الحجاب.
غزاله فالى إنه حايقرأ الفاتحة تلت مرات. مرة ليه،
ونوبة ليه، وتالت مرة لينا إحنا لتنين مع بعضينا، خفت إن
غزاله ما يطلعش من جوه. واللا ينسى ويطلع من باب
تاني. واللا جنّية جوه تسحره وتاخده ويابها لسابع أرض أو
لسابع سما. روحي انسرت مني. لحد ما شفت طلعته هالة
عليه من جوه نور الجامع اتشاهدت على روحي.
رحسا اللوكاندة، حاجة بتلعلط. كت فاكرة إن فسم
البولييس بس هوه اللي شغال ليل ونهار. وإن اللوكاندات
بتقفل ف الليل. عشان اللي ساكنين فيها بيجي لهم نوم.
وينعسوم. لقينها ولا عز الضهر. الموظفين اللي لا بسين

انضف م الضابط ف نقطة البوليس، سلموا علينا، وجابوا لنا
كاروزة ساقعة.

غزاله حجز. وبص عبد الضار وقاله: أديك عرفت
مكاننا. ورينا عرض كنافك. فرجنا على مشيتك. عبد الضار
قبل ما يمشي قال إنه كل يوم حايطمن علينا هنا. وحسكوا
عينكوا تغيروا اللوكاندة. حايقلب الدنيا علينا عبد الضار
خدني على جنب، وقالي أوعى أنسى آني مراته، على ذمته،
على سنة الله ورسوله، واني عايشة مع واحد تاني. لساته
غريب عليه. زي أخويا. والكلام ده أعمله حلقة ف ودانى.
سابني وراح على غزاله، فكره بحكاية الشنطة والفلوس اللي
مدفياها. وبكرة الصباح رباح، صحابات الفلوس حايطهروا
وبيانوا. وتبقى حكاية. قاله إنه كمان فيه موضوع ما يحبش
إنه ينساه. هوه هربان م الجهادية. وان زوغ منه هنا وإلا
هناك، حايروح المعسمر بتاعه، ويرسيهم ع البير وغضاه.
قال لينا احنا لتنين إنه مكتفنا بآلف كتف. ضحك وقال: باكوا
كتفه، عبد الضار قال: تصبحوا على خير ومشي. غزاله
قاله: وأنت من أهله، وأنا قلت ف سري: ربنا لا يرجعك ولا
يعيدك من ثاني، يا عبد الضار يا ابن حوا وآدم.

النهار شقشق وأنا ما كنتش عايزه أطلع الأوضة.
وغزاله اللي أنا عايزاه بيقى على قلبه زي الشهد. كت عاوزه
أشوف سيدنا الحسين، وابل مقامه بدموعي. أنا ما كنتش
مسدقة إن عبد الصار اطرق. وأنا أنا بقىت حرة نفسي
خلاص.

غزاله خدني ولفينا، وقعدنا ف مطعم بيقص على
جامع سيدنا الحسين. عدل. وشرينا حليب من بنات الصبحية.
وكلنا فطير، كان فيه فطير دلع. وفطير حادق، وفطير حلو.
قلت لغزاله هوه بيقى فطير إن ما كانش حلو؟

قعدنا على قهوة من تاني. دا أنا كت في جرة،
وطلعت لبرة، كت فين وبقيت فين. إيش جاب لجاب؟ رجعنا
اللوكاندة. غزاله حط الشنطة، وقالي بعد إنك حارروح لحد
الجامع أسأل سؤال وارجع لك تاني.

أول ما مشي وساب لي الجمل بما حمل. يعني
الشنطة باللي فيها. كبر ف عينيه. هيـه دي اللحظة اللي
حسـبت فيها إن غزاله بـيـحبـني مـوتـ.

عبد الصار كان نـما يـرجعـ، وقبل ما يـنـامـ يـحطـ
المحفظـةـ الفاضـيةـ تحتـ رـاسـهـ كانـ دـايـماـ مـحرـسـ منـيـ، عـشـانـ

كان مخوتنى طوالى. وكت كل ما آخد هدومه عشان أغسلها.
كان يسألنى: فتشتى الهدوم؟ كان فيها فلوس؟ وهوه كان فى
كل هدمة من هدومه جيب. حتى اللباس كان فيه جيب. إنما
ربك والحق الجيوب طول عمرها كت فاضية. أنصف م
الصيني بعد غسله.

الولد ساب معايا رسماله. وكل اللي حيلته. وما
وصانيش عليه. أنا ما أعرفشي هوه حايصل على إيه وأنا ما
سألتوشى. بعد ما نزل، لقيت دموعي نازلة على خودي كت
فرحانة. فيه واحد مستأمنى على مال الدنيا اللي معاه كلاته.
مسكت الشنطة بيديه، وحطتها على فخادي وقعد مستياه.
قلت لروحى لزمن يرجع يلاقيها زايدة.

سعت ما ساب الشنطة معايا ومشي، وما رجعشى
عشان يقولي خالي بالك منها. وما عاودشى من تاني عشان
يعايرنى ويقولى أنا مأمنك آهوه. زي عبد الضار ما كان
بيعمل معايا ف الفاضية والمليانة. حسيت إن ده. هوه اللي
كان لزمن يكون جوزي. وإن كل يوم ضاع من عمري من
غير غزاله ما لوش طعم، وما لوش اسم، وصعب يكون من
العمر.

قعدت أفكر، والفكر عكتني، أنا أكبر من غزالة في
العمر، أيامي رايحة، وهوه أيامه جايه، ومسيره يكبر ويعرف
كل ده، ويصور له على واحدة من كسمه. لعنت الظروف
اللي خلته جاني متاخر. ليه النك ده. تقولشي أنا في سن
أمه. الفرق بيبني وبينه مش كثير. غزاله كذا وعشرين، وأنا
كذا وتلاتين، يعني قدامي لسه سنين طويلة لحد شعر راسي
ما ببيض، وجسمي يفرغ ووشي يكرمش، والخطوط تملئ
جلد رقبتي، وسنانى تخلخ. وخلفنى ما انقطعتشى. والعادة
عمرها ما خلفت ميعاد ليها.

إنما يا ريت كت أنا أطغر منه، الحاجات الحلوة دي
عمرى ما حسيت بيها مع عبد الصار، كنت أخاف منه،
و كنت أتعزرن طول ما هوه ف البيت. وأتمنى إنه يوريني
عرض أكتافه، لأنه كان بيملأ البيت عكتنة، حياته كلها كت
خميرة عكتنة، وما كانشى يهدأ إلا بعد ما يعمل عركة جامدة
معايا. واللا ينزل ضرب ف العيال. والا يهرب ف الجيران.
ونما ما يلاقيش حد يتعارك وياه. يروح متعارك مع دبان
وشه. المهم إنه كان يتعارك وبس.

غزاله يكلم كأنه بيوشوش نفسه. أطأطاً ودانى عshan
أسمع هوه بيقول إيه. ينكن لو عشت وشي ف وشه ميت سنة
جايزة مش حانتخانق مع بعض نوبة واحدة.

شوية وشويتين ورجع غزاله. نقر ع الباب من بره
لأول، قلت اتفصل خش. أول ما دخل رحت حاطة الشنطة
جنبي وواخداه في حضني، وهات يا عياط، عيطة كل
العياط المتحوش جوايه من يوم ما شفت عبد الضار، عيطة
على كل الضرب اللي ضربوهولي. جميع الليالي اللي
صحاني ف نصاصها عshan يهمد وويجي له نوم. عمره ما
قاللي عايزك. كان دايما يقولي أنا عايز حاجة تهدنى. كت
عاوزه أحكي كل ده لغزاله، وهوه إدانى أول الكلام.

قال كان فيه يا مكان، يا سادة يا إكرام، ما يحلى
الكلام إلا بذكر النبي. وأنا خدت منه الحدوته وقلت: عليه
أفضل الصلاة وأشرف السلام، غزاله قال: كان فيه ملك، ولا
ملك إلا الله سبحانه وتعالى. خلف بت وحدانية. والبت دي
كت حلوتها نجن. غرفنت حتى البهائم الخرسة. كت سبحان
من صور. والبت كت اسمها تراتر. وف يوم من ذات ليام.

غفل عنها الحراس ف قصر أبوها. السلطان. قام خطفها
شيطان اسمه عبد الضار، وهو كان ضار بحق وحقيقة.
سكت واداني خيط الكلام، عشان أكمل، وأنا كملت
وحكيت وقلت. كت بانتقض وأنا بأحكي زي طير لساته
مدبوح دلوقتي، والسكنينة لسه نازلة من على رقبته ومفرفر
ودمه سخن وجنتي كت دفيانه.

كلمة من هنا، ودمعة من هناك، استفتح بالكلمة،
وأبلغ بالدمعة، أكلم شوية وأبكي شويتين، قلت وترتر عاوزه
ترروح لبوها. مش مهم يكون ملك، أو سلطان، دالو حتى
بيكمل عشان نوم، أو شوية عضم ف قه، يا ناس دا اللي
مالوش أب بيشرى له أب. أفله عشان أبقى متأكده إن أنا
ترتر. وأن أبويا يبقى فلان الفلاني بالعينة.

غزاله كمل: إنه أول ما نخلص من شر عبد الضار،
ويبعد عننا، حاتكون أول حاجة نعملها، نصور ع العيلة مش
أبوايا وبس لأه. أبويا وأمي وخواتي كمان. ويعيشوا ويانا، أو
نعيش معاهم. قلت له: وحانقدر. دا احنا تبقى عاملين زي
اللي بيصور على إبره ف كوم قشن. طمني: اللي وياده فرش
اليومين دول عمره ما ينضام ولزمن حانلاقي أبويا وأهلي. دا

المثل بيقول: مسير الحي بتلافي. والدنب قد ما هي كبرة.
 فهي ظغيرة قد الكف.

نرجع مرجوعنا للمسوار اللي نزله، غزاله قالى،
اسمعي يا ترتر أنا رحت لواحد شيخ جنب سيدنا الحسين،
شاييل كلام ربنا ف سدرة. سأله عن الجواز من غير ماذون.
الراجل الشيخ الصالح قالى: شوف يابني، كفاية أنك تقولها،
تقبليني جوزك. ويهه تقولك إنها قابلاك. انت تسألها تلات
مرات. وهي تجاوبك تلت مرات. وتشهدوا اتنين على كده،
وناس الجيئه اللي انوا عايشين فيها. يعرفوا إن هيه بقيت
مراتك، وأنت جوزها. بيقى دا جواز بصحيح.

الشيخ مسک الكتاب ف يمينه. والتقت لغزاله وقاله:
بس يا حلو لو جم عيال. بيقى لازم العقد وكتب الكتاب،
عشان الجواز البقيقى ده ما ينفعنى في الحاله دي.

غزاله قالى، المشكله إني مش عاوزك ف الحرام.
عشان الحرام ده. حابيعدنا عن بعضينا. عايزك حلاي. قلت
إنه هوه كدب ع الشيخ اللي راح له. ما عرفهوشى إني على
ذمة واحد تاني. خبط إيده ف راسه. وقالى: فانتنی.

قام غزاله، عاوز يروح يقول له، قلت له: ودا كلام
ينقال، دا لو سمع منك كده، وهو راجل بناتع ربنا يرد عليك
طوالى، إن هيه مرة زانية، تحذف بالطوب لحد ما تموت.
قلت لغزاله: اقعد وحانلاني للعقدة عند الكريم حلال.

حسبت إن كل نقطة دم جوه الواد غزاله عايزاني. إنما
تنى عينيه رايدي. وكل حنة ف جسمه عايزاني. إنما
عايزاني بالحلال، لأنه مش بناتع حرام.

قلت له يا غزاله: إحنا ف مكان غريب. الأوضة ليها
مفاتيح تانية ويها صحابات المطرح. عشان كده. واحد متنا
ينام والثاني بيقى زي الدبدان حواليه. يحرسه وي حاجي عليه،
طبعاً احنا لزمن نحط عينينا ف وسط راسنا. مش جائز عبد
الضار، وهو عارف مكاننا يروح لواحد من الصيع يوزه
عشان يسرقنا وإن غيرنا مطرحنا تبقى يا داهية دقي.

قعدنا نتعازم، مين ينام الأول. هوه حلف. وأنا قلت
له تعدمني. إن ما نمش انت الأول. غزاله قبل ما ينام قعد
يحلم وعينيه مفتحة. قال إنه كان غيتة إنه ياخذني ونروح
راس البر. وأنا قلت له: أنا عايزه سكندرية. ندمت بعد ما

فلتها. قلت يا بت حاببتي بالمخلاف. دا كده كل واحد
حاببى من سكة.

غزاله غلبي وقالى تبقى سكندرية. أول ما نخلص
حكيتنا، وننجوز، ونكتب، نزرق عجلنا على سكندرية طوالى.
ويبقى شهر عسل ف أحسنها لوكاندة. ونرجع بعد كده على
بيتنا اللي ف مصر.

قلت له. الكلام ده، ما يدخلشى دماغي. لازم بيقى لك
كار والا شغلانة. او تفتح لك محل او سبوبة تسرح بيها. لو
فضلنا ناخد من الفلوس دي حابيجي يوم نلاقيها بح خلاص.
ونقعد نبص لبعض. والفرق يولد الأسيبة في النفوس. قالى: إن
شاء الله حانعمل كده.

كمان افتكر إنه ما يقدرش يسافر ويابا. علشان هوه
لسه في العسكرية، ولا بد يروح يثبت نفسه ف وحدته. لو
أخذوه غياب حايتهاكم، ولو اتحاكم حايتهايس، قبل كده، ما
كانتشي الحكاية تفرق وياد. بس دلوقتي أصعب حاجة ف
حياته إنه يبعد عنى. دا ولا طلوع الروح م الجسم، ولا خلع
الضفر م اللحم.

غزاله قالي إنه من يوم ما شافي، حتى وأنا على
ذمة عبد الضار، ضحكت وقلت له: ما نا لسه على ذمته.
قالي إنه من يوم ما عينيه وقعت عليه. وهوه نما كان بيات
في المعسكر. غصب عنه. كان يبقى على نن عينيه. لأنه نما
كان بيشفوني. كان يحس إن الدنيا مش سايهاه.

قعدنا نكلم. والشمس ملت الدنيا. قالي، إيه رأيك
تنزل نديها فطار تاني. النوبة دي فول وفلافل وعجة وسلطة
طحينة؟ قلت وجب. لبستنا هدومنا من تاني وخدنا الشنطة،
وشبكنا صوابعنا فصوابع بعضينا ونزلنا. وقعدنا ع المطعم
وطلبنا وأكلنا أقل من نص الأكل اللي طلبناه. بس عرفنا إن
إحنا كان ممكن نطلب الأكل ده في الأوضة بتاعتانا فوق.
عشان اللوكائدة بتاعتانا نص نص مش حاجة أبهة ميه ميه.
نعمل إيه ما إحنا مش عارفين راسنا من رجلينا. ما إحنا
جداد ع العز ده.

رجعنا اللوكائدة. وغزاله كان بيتأوب، وقعدنا نتعازم
من تاني، مين بنام لأول، وأنا كلمتي هيـه اللي مشيت،
ورميـت نفسـي ف حضـنه وعيـطـتـ منـ أولـ وجـيدـ. كـتـ
فرـحانـةـ. وماـ كانـشـيـ قدـاميـ غـيرـ العـيـاطـ، وـدـمـوعـيـ بلـتـ

هدومه، والبل وصل لجسمه تحت الهدم. وأنا متفرهدة من العياط. وحاسة إن حاجة زي قوالب السكر بتنزل من عينيه وأنا بأعيط.

ويا ريته ما نام، جم عيالي. افتكرتهم وعيطت من تاني بس عياط عن عياط يفرق، بقيت أعيط سكتي. أكز على سناني لحد ما كت حأجرح نفسي. ما كتش عايزة بحس بعياطي. معقوله أنك عليه يوم صبحيته. دي صبحية ناشفة، صبحية من غير حضن ولا بوس، من غير آه وأوه. مسكين غزاله، جايز أدي له خمسة وعشرين سنة. بيرحل بالليلة دي، ونمّا حصلت جه نقبه على شونه. الواد غزاله كويس، إنما مشيه مع عبد الضار خلاني أبص له على إنه واحد بطال، ماشي في الغلط، أنا ظلمته وياما في الحبس مظالم.

شفت عيالي الثالثة بيعطيوا على غيابي. وشفت أبوهم ما رجعاهمشي تاني. رجع للمرة بتاعت الغرزة، وكتب كتابه عليها، عند نفس المأذون اللي ما رضيش يعقد لينا. وراح ويابها على بيتها وشال فلوسه، اللي واخدتها من غزاله تحت المخدة. وهيء شالت فلوسها في سدرها. والعيل قاعدين

يعطوا، على لحم بطنه من غير أكل ومن غير شرب،
يعطوا مرة عليه ويعطوا نوبة على أبوهم. الجران جم.
وخطوا عليهم، ولقوهم لوحدهم، وراحوا بلغوا البوليس، إن
أنا وجوزي، والضيف اللي عندنا، طفنا وسنا العيال
وحديهم.

الدنيا بقت تضرب تقلب. سؤالات وجوابات والعيال
انقحروا من العياط والله أنا مجرمة، قاعدة ف حصن راجل
غريب، وعيالي انتيموا، وأنا وأبوهم على وشن الدنيا.

احترت أعمل إيه. جتنى هنا، وقلبي مع اللي نايم ع
السرير. إنما روحي هناك. مع عيالي. دا العيال ضنا،
والضنا غالى. أعمل إيه. أسيب غزاله وأروح أجيبهم،
وأجيب العيال إزاي، لو جبتهم حافتح الهم من تاني، دا
أبوهم يطلب فلوس من غزاله وجائز يعمل مشكلة، وين肯
المرة بتاعت القهوة لهفت منه الياكى، ويطلب فلوس من
غزاله.

ياه، دا أنا مكتوب على وشي التعب والشقا وعمرى
ما حارتاح. العيال جم وما طلعوشى من نافوخى تانى. فضل

سرىخهم ف وداني، ودموعهم قدام عينيه، وجوعهم ملا الدنيا
عليه وعطشهم عطشنى معاهم.
يا هلترى.

مين اللي صاحهم من النوم؟ وشال فرشتهم؟ لو كانوا
عملوها على نفسهم من هو الليل الطري، مين جاب لهم
الفطار، وعمل لهم الشاي؟ وهو لهم المطرح من كتمة نفس
الليل.

يا هلترى..

خمسة أشعار

أعمى بحر أعمى ويقوله:

ليلة سعيدة اللي اجتمعنا

ومكسح بحر مكسح ويقوله:

يا الله نتنفس

أول يوم لينا ف الغربة. النهار قرب يروح. كت
 شمس العصارى الهاقتانة اللي لونها زي الكركم. عايزه تروح
 وجه غزاله وقد جنبي. ربك والحق كت سرحانه، طبطب
 عليه بيديه طبطبة كلتها حنية. والطبطبة قلبت تحسيس. ما
 اعرفشي إزاي. ابنتا من صوابع رجليه. دخل صوابع إيديه
 بناتهم، وابندا يطلع لفوق وأنا حاسة حاجة لديدة مسكرة.
 وجتني قشعرت من صوابعه اللي حسيت أنها ولا صوابع
 واحد أفندي نواعمي عمره ما شقا ولا اشتغل بيهم.

شوية وراح فارد كف إيده، وحسس بيه كلبيه. ونما
صوابعه وصلت فخادي، كركرت بضحكه عمرى ف حياتي
ما ضحكتها قبل الساعة دي. كت جتي كلها بتضحك. ومن
كتر الضحك شرفت، رحت قايله: اللهم اجعله خير يارب.
وغرالة جري، جا بشوية ميه ف كباية بتلمع من كتر
النضافة.

بضربة واحدة، سبت الحنة الـ كلها تراب في تراب،
وحطيت رجلي على سجادة، دوست عليها ما شفتش رجي.
نزلت ف السجادة ما طلعتشى تانى. بيته، اللي الله لا يعيـد
أيامه، فيه كليم قدـيم، من كـتر غـسلـه ونشرـه بـقـى عـامل زـيـ
ورقة السيـجـارـة الـبـفرـة.

في اللوكـانـدة، سـجـادـ، كل حـنـة فيـها سـجـادـ، أول ما
قفـلت الأـوضـة عـلـيـه. نـزـلت المـخـدة وـنـمـت عـلـيـه، تـسـدقـونـي وـلا
تكـدبـونـي؟ دـا السـجـادـ اللي بـنـدوـسـ عـلـيـه بـرـجـلـينـ، أـحلـى مـنـ
مرـتبـة السـرـيرـ اللي اـتـجـوزـتـ عـلـيـه، وـالـلـي لـسـه بـيـوـدـ رـبـه فـ
بيـتـيـ. هـوـه أـنـا كـتـ عـاـيشـهـ؟

خلاص العجلة دارت، وداس على ليام اللي فاتت.
أـيـامـ اللـضـاـ وـالـجـوعـ، بـسـ وـالـنـبـيـ آـنـيـ خـاـيفـةـ. دـيـ العـوـزـةـ ماـ

قدرتشي تكسرني وتحبب مناخبي لرض. آني فدرت ع اللي
عدى. الوقتي بأقول يا خوفي م اللي جاي. أصل إحنا عايزين
بلح الشام بعد ما ضمنا عنب اليمن، عشان الحلو يكمل. دا
الناس بيقولم، إن الحلو عمره ما يكمل والطبع غلاب.

عايزه أعيط، ما إحنا ولدinin الدنيا مقاولة شقا،
وتعب. البكا هو اللي حايريني من تعب الفرح، إنما آني ما
ليش نقل من يومي على وجع القلب والعياط، ومهمما كان اللي
حايحصل، عبد الضار كان زمان وجبر، بكره ينصلح الحال،
ونبقى الأشيا معدن. وأروح آني وغزاله سكندرية. ونقف
على شط الملاح، ونقول البحر بحرنا والهوا هوانا، خش بقى
بيبا على بحر الأبهة، وارجع ببنا على بر المنجهة.

والنبي ومن نبى النبي نبى. لاوفي للحسين ندرى،
وأسقي البلد الشهد، وافرق الفلوس ع الغلابة اللي كت واحدة
منهم. بصيت من الترسينة. السما هنا حلوة. النور مالي كل
حته. في أيها مكان تبص تلاقي نور، وف آخر الليل تتعب
كوبيات النور من ضي الليل، وتهسّهس. وتبدتني تنعس.
أبص طوالى للسما، ألاقي باسم الله الخالق، عنقود من
النجوم زي عنقود العنب أبو بز، بيلعلط، أقعد أبص له،

وأفضل أص لحد ما بتهأ لي، إنه حايق على الأرض، يمت
الخلائق السهريانين، وينكسر ويتبعتر النور اللي جواه ع
الأرض.

أصحى من حلمي. والآقي النجوم بتضحك عليه.
انكسف من نفسي. وأخش جوا عبي. وأسأل روحي. هوه
أوان عنب الديب لسه ما جاشي، واللا إيه؟ أحسس على
بطني. أكونشي يتوجه. عايزه أحبل واللا إيه. ما هو لازم
أدي غزاله الخلفة المتشعلقة ف حبابي عينيه.

قعدت أحسب عمري، وأعد على صوابعي اللي
فاضل لي ف الخلفة. وأقول هوة مستني إيه بس يا ربى. نما
كت مش عايزه الخلفة وارمح ع الحبوب واللوالب، وعبد
الضار يجري على بتوع الوصفات الرخيبة. كت سنين
عمري بتتسكب وحالفه ما تمشي. ولوقتي وأنا بااغني مع
كارم محمود. أمانة يا ليل يا ليل طول. وهات العمر من
لاؤل. أبص ألاقي ليام بترحم زي الراهوان.

مش عاوزه أقول على روحي، وأقول قلة البخت.
مسيرنا يكون لينا بيت شرح وبرح، الخيال يجري فيه بخيله.
والجنينة تلف حواليه من كل ناحية. بس امته؟ يا ترى هلبت

دا بحصل قريب، واللا يفضل بعيد عننا؟ وكل ما نقرب منه
يبعد عننا. البيت ده. فيه حمام أفرنجي. والحمام فيه ميه
سخنة وميه ساقعة. والذهب ف دراعاتي يبقى م الكف للزند.
واللي بيص ف سدرى يزغل الذهب عينيه. وما يقدرشى
يشوف حته واحدة من سدرى من كتر الذهب.

ف اللوكاندة قعدت أعد ليام، ونعد الليالي، غزاله كان
مشغول بعد فلوسه صرفنا كام، وبافي كام، واللي بافي يكفينا
قد إيه. غزاله كان متشعلق بيه وأول ما ابتدت الحكاية دي،
قلت لنفسي دا حظي أسود من هباب الفرن.

بختي لولاني. راجل ف سن أبويا، وبختي الثاني، مع
ولد في سن عيالي واللي ف سن عيالي لو انكتبت ليه لقمة
عيش وياه ف الحال، تبقى أيامى رايحة، وأيامه هوه جايه.
شعرى يتغسل أبيض، وهوه لسه دقنه بتخضر، ولزمن وحتما
ولا بد، إنه بيص لواحدة غيري، لأنه في ليام اللي حا يتملك
فيها من رجولته. حاكون أنا كركوبة، وألا ينكن جده. يعني
كده حاجة يقول لها يا خاله أو يا نينه.

كنت قاعدة أغزل ضي النهار بضلمة الليل. وأعمل
منها حبال حرير عشان أربط غزاله بيها. ضي النهار

موجود. بس هبه فين ضلعة الليل، دي كل حته فيها كهارب، وفيها أنوار، وف ميدان سيدنا الحسين شفت لاول نوبه فحياتي نور خضر، ونور حمر، ونور صفر، النور ألوان، ألوان، وال محلات بناتها سبق ف النور. قلت تلاقاهم سارقين الكهربا من الحكومة.

كنا بنعد ليام، اللي نخلص فيها من عبد الضار، إنما نما قعدنا وفكينا، اكتشفنا إحنا لتنين، إن عبد الضار باع لينا الترمائي. هوه عمل صحيح عقد إيجار إنما ما طلقشني. وهوه كان لزمن يطلقني، ويعمل عقد الإيجار عشان بعد ما تقوت مدة العدة، أكتب على غزاله.

غزاله قال أول ما بيجيبني آدم ده. أو الشيطان ده أو الضار ده، أنا ليه كلام وياه حائلية يطلقك. دا زي اللي دق مسمار جحا ف حيطتنا وازاي ضحك علينا واحدنا تنين وهوه واحد؟ ومع كده شربنا المقلب المعتمر قعدنا نشوف إزاي شربنا المقلب، تاني يوم ف اللوكاندة غزاله قالى: عاليزين نعرف ونحسب فاضل كام يوم ع الوضع ده. قلت له: ما هو من يوم الطلاق نعد بقى.

بص لي وسائلني : هوه انتي اتطلاقتي ؟ خبطت راسي
بإيدي، وخطت راسه بإيديه لتنين، قال أما ابن الكلب خوزفنا
حنة خذوق مغربي، يدخل من تحت يطلع من فوق. غزاله كز
على سنانه. وقال: ما هو اللي زي عبد الصبار ده. عمره ما
يمشي صح. وعمره ما يتصرف دوغربي، ولا بد تكون وراه
حاجة غلط، والواحد لزمن وهوه بيسلم عليه بعد صوابع
إيديه، نوبتين، نوبة قبل السلام، ونوبة بعديه، لأنه بيسرق
الكحل م العين، ويخلع الصوابع من غير الواحد ما يحس
سعت السلام.

الحكاية وغوشت غزاله. قال واحد حانقعد نستناه
لغاية ما بيجي. انتي تقضلي هنا ويا الشنطة. وأنا أروح له،
أكلم وياه. آني مسكت ف غزاله، ما هو كله كوم وهو يمشي
يروح مشوار وما يرجعشி منه كوم تاني. دول عيالي. اللي
من لحمي، يا حبة نضرى قلت لهم مشوار ظعنطوط وراجعة
تاني، وما شافوشي وشي من بعدها.

مين يدربيني إن غزاله يمشي برضك، ما يرجعشى
تاني. دا عبد الصبار يتاويه ف بطن الجبل هناك، ويهددى
وييجي يأخذ مني الفلوس. ما هو عارف البير وغضاه.

مسكت غزاله وقلت له: رجلي على رجلك. منين ما تروح،
وبعدين مسيره بيجي لينا تاني هنا. هوه إحنا حانقدر نخلص
منه. المحتاجة غناجة. وهوه خد قرشين حايفرنكم في يومين
بليلتين وينط لنا هنا من تاني.

قلت لغزاله، هوه ما علشي حكایة الطلاق دي.
عشان نما نطلبها منه، يروح فايل. طب تدفعوا كام؟ ما هو
مش حايطلق بالسهل دي حاييقى فيها حاجات ومحتجاجات
غزاله كان عاوز يروح. وأنا صممت إنه ما يروحشى،
وبيستي ومسير عبد الصار رجليه تجييه.

فضلنا قاعدين زي ما احنا. نطلع م اللوكاندة عشان
نتغدى، ونطلع عشان نتعشى، ونطلع نتنفس. ونطلع نروح
سيما. ونلف على أولية ربنا اللي بركتهم مالية البر كله.
وحامية البلد م الخطرات اللي بتيجي عليها من وقت للثاني.
ما خلتشيولي منهم إلا نما زرته وحبيت على شباكه.
ودعيت من عزم ما بيه، إن ربنا يوصلنا لبر السلامه. واكتبه
على غزاله، ويحبيب لينا العيال من عبد الصار ونتلهم، دي
البركة ف اللمة. ونعيش. هوه احنا كنا عايشين قبل كده.

كل ما اسمع عن شيخ سره باائع أقول لغزاله. نروح
له، وغزاله عمره ما تالي كلمة ما سمعتش منه لأه خالص.
لحد ما كت مش مسدقة نفسي.

هوه أنا كت فين وبقيت فين؟ عبد الضار ما كانش
عنه غير لأه. وأجيب منين. ما فيش غير الضرب والكسر
والزعيق والعنكبوت جبوهه مخرومة، مكتوب عليها: اللي يدخل
عمره ما يطلع. ولسانه ما فيش عليه غير كلمة: ما فيش. إنما
دلوقتي أسمع حاضر. طيب، من عينيه، وتومرني يا است
الكل.

كلام غزاله الحلو عمره ما خالص، وفلوسه عمرها
ما قالت بح. أما كنا بتمشي نروح أي مشوار. كنا بنسيب
خبر ف اللوكاندة لعبد الضار، إن احنا بره، ولازم يستانا،
عشان احنا عايزينه ف موضوع مهم خالص.

قلت لغزاله، إن عبد الضار عمره ما حاييجي إلا فـ
الليل، حاكم هوه عامل زي الخفافش. يلبد ف البيت طول
النهار. وما يطلعشي إلا في الليل. طول عمره هوه ويابا
كدة. النهار يفوت وهو قاعد في البيت. زي النسوان. وقاعد
لي مشرف في البيت بالفانلة واللباس.

وأول الدنيا ما تليل، يلس الحنة اللي ع الحبل،
ويركب الجزمة أم استاك، ويحبيب الشراب المغسول م المنشر
على رجليه عدل، ويروح طالع على سنجة عشرة ياما هنا
ويما ما هناك. يصور على رزقه. ويرجعلينا قرب نصاص
الليالي، واللا وشن الفجرية.

في ليلة من ذات الليالي، بصينا لقينا بباب الأوضه
بيخبط علينا، طلع الخدام بتاع اللوكاندة قال لينا، فيه راجل
تحت وياه أطفال ظغيرين وعاوزكم. قال إنه هوه نفس
الراجل اللي جه ويأكلم أول يوم.

أنا سمعت كلمة عيال وخلاص. روحي بقت فـ
مناخيري. يا روحي ما بعدك روح. العيال اللي كانوا بينقحوا
عليا طول ليام اللي فانت. واللي حسهم ما فارقشـي ودانـي،
وصورـتهمـ ما بعدـتشـي عن عـينـيهـ، وريـحـتهمـ ما بعدـتشـي عنـ
مناخـيريـ، وأـكلـهمـ وـعـياـطـهمـ وـطـلـبـاتـهمـ، كلـ دـهـ، ويـاـياـ حتىـ وـأـناـ
فـأـحلـلـهاـ نـوـمةـ.

دي حتى ليلة امبارح. أول ما غمضت عينيهـ. جوليـ
فـالـمنـامـ. عـيـطـواـ وـمـسـكـواـ فـيهـ. ما تـسـبـنـاشـيـ ياـ مـهـ. دـاـ عـملـ

فيما كيت وكبت، ومن كتر شدهم ف الجلابة بتاعتي قطعوها
وبأن جسمى قدام اللي يسوا واللي ما يسواشي.

طلعت جري. خت السكة جري، نطتين كت ع السلم،
وبقى آخد ينكن خمس سلمات ف نطة واحدة. حمدت ربنا
آنى ما تكعبتش. غزاله كان ينده على. وأنا ولا هنا، ولا
حاسة بآيها حاجة ف الدنيا، غير آنى عاوزه عبالي، هوه أنا
كت مسدقة إني حاقدا لهم تاني؟ وعينيه ما كانتشى عايزه
تشوف حد في الدنيا كلتها غير العيال دولت. دا أنا ولا كان
انكتب لي عمر جديد.

غزاله جاب الشنطة ف إيده. وقف الأوضة.
وحصلني على تحت، أنا وصلت عند العيال، اللي اتعشلق ف
رقبي. اللي مسك ف إيديه. اللي شد رجليه. وأنا اعيط،
وهمه هات يا عياط. وأنا أبوسهم وهمه يحبوا فيه والعياط
يبقى صحك. والضحك يبقى بكا. ونا ولا عارفة باعمل إيه،
ولا بسوبي إيه.

حد فيكو سمع إن قلبه داخ من كتر الدق على قفص
سدره، دا اللي حصل. وأنا باسلم ع العيال. كان قلبي دايخت.
كت خايفه عليه ليخبط خبطه ويحرن ويحف ما هو دافق من

تاني. خوفي أكتر كان على تعب قلوب العيال الظغيرة. طب
أنا قلبى حديد. ياما شاف. إنما همه يا حبة عيني قلوبهم لسه
وراور. نبت أخضر ظغير زى قلوب الزغاليل.

دا احنا غلابة بشكل، لا قادرین على الفراق.
وخيافين على قلوبنا. وعلى عينينا من اللقاء. دا الظاهر كده،
إن احنا اتخلفنا في الدنيا دي عشان نخاف. نطلع من خوف
عشان نخش ف خوف من تاني. فكرت أتكلم، صورت على
حسى، وتعبت لحد ما لقيته.

كل واحد من بتوع اللوكاندة، ساب اللي ف إيده،
وقد يترج علينا، وبيص يشوف اللي بيحصل قدامه، لكن
أكيد همه فهموا الحكاية وما فيها. لزمن عرفوا إن العيال
دول يبقوا ولادي. إنما بقىت الحكاية عمرها ما تخطر على
بال حد.

تعينا م العياط، واستريحنا ورجعنا نعيط من تاني. أنا
لحد دلوقتي، مش عارفة الدموع دي جت منين. فين وفيين نما
عرفت إن أنا نازلة بقميص النوم. وا، دا ما يصحش. خبطة
سدرى، وقلت يا ندامى. دي حاجة عيب. غزاله نزل

والشنطة ف إيده. وقالي : اطلعى البسي هدومك. ويعدين
تعالي.

خت العيال ويابا. وطلعت عشان أليس. وسؤالات
العيال ما لهاش نهاية. همه شافوا الأوضة. وحسوا بالدنيا
اللي ما شافوهاشي قبل كده. وقعدوا يسألوا. هوه أنا حائعش
هنا طوالى؟ وليه سبتهم ويا أبوهم؟ وليه ما ييقاشي أبوهم
هنا؟ ونعيش كلنا ويا بعض؟ وليه أنا عايشة هنا مع غزاله،
وهمه ويا أبوهم؟ ما كنا كلنا ويا بعض تحت سقف واحد ف
بيتنا؟ دي الحنة هنا أحسن بكثير م الحنة الثانية. دي كلها
 محلات وسهرانة ليلها نهار. دا اليوم هناك بيفوت بسنة من
غيري. الهدوم انوسخت والبيت بقى حاجة تعرف. دول ما
كلوش طبیخ نوبه واحدة من سمعت ما سبت الدار .

الحكاية دخلت ف الغويط. دي حاجات ما تقالاشي
للايال، لبست ونزلت بسرعة، وقلت آهو ف الحصة اللي
لبست فيها، يكون غزاله كلمه ف حكاية الطلاق اللي ما
حصلشي، نزلت، خذني على جنب بعيد عن العيال. وقبل ما
أسأله إن كان كلمه ف موضوع الطلاق. قالي. دا البيه جاي،
وهازز طوله، عايز يسيب العياللينا وعاوز فلوس نظير

كده. وبيقول بعد كده، بقى نكلم ف حكاية الطلاق. يعني
بالمفترض كده، عاوز يرمي علينا الجمل بما حمل.

سمعت الكلام ده من غزاله، وإن كنت البعيد عننا
ردت. أكون أنا نطقت بجنس الكلمة. سمعت الكلام وسهمت،
أنا ما كتتش هنا. كنت لسه ويا العيال. وسرحانة فيهم. ربكم
والحق. أول ما شفت العيال ويا عبد الضار، ردت فيه
الروح. اللي قالوا، إن الضنا غالى، ما عرفوشى البنى آدمين
ولا حسوا بقلوب الناس. دي قلوب الناس دي مش حنة لحمة
ولا شوية دم وعروق. زي القلوب اللي بنشترىها من عند
الجزار عشان نطبخها ونأكلها.

عن نفسي، دا قلبى معمول من عبالي دول، أنا قلت
لنفسى، معقوله عبد الضار جواه الحنية دي؟؟ بقى كان جواه
كل ده وأنا مش عارفة؟ دا أنا ابقي حماره. والا ينكن رجع
ف البيعة وعاوز يقول يفتح الله. وجاب العيال عشان حوانه
ف سلوانه يرجع ف كلامه.

أنا كنت فرحانة وبس، وكنت حائطير م الفرح. بس
عقلى كان بيودي ويجيب. أعمل لهم إيه؟ أوكلهم وأشربهم
إيه؟ وأفرجهم على إيه؟ دا أنا من يوم ما سبتمهم، وأنا آجي

أكل أقول فينكو يا عيالي. أشرب شربه تنزل نقطع في
صاريني. عشان عيالي مش معاليا. حتى وأنا باولع نور
الأوضة. وأنا بابص على سيدنا الحسين. أي حاجة أعملها
بيجوا على بالي طوالى. وأزعل وأقول. طيب يا ربى، العيال
يقاسموني اللضا. ونما ربنا يفتحها على أحد اللقمة الهنية
لوحدي.

غزاله عمل الواجب، قام نده ع السفرجي بتاع مطعم
اللوكاندة، وجه السفرجي. وهز دماغه كده لترت. كأنه
حاصلليلينا، وقال إنه من نوع يجيب طبات هنا، فمنا، دخلنا
على حنة طغيرة، مزنونة. فيها طبات، كل اللي قاعدين فيها
صبيان وبنات، زي الحبيبة، قاعدين اتنين اتنين. ربنا
يحرسهم ويحميهم من اللي زي عبد الصبار، ويكيفهم شر أيام
وسواد الليالي. وما يحصلشي لواحدة فيهم اللي حصل لي يا
رب.

قعدنا، غزاله سأل العيال، تشربوا إيه، والعيال قعدوا
بيهزوا رجلיהם تقولشى الكراسي اللي قاعدين عليها مراجيح.
ويمسكونا ف الكراس. ويحسسوا عليها، ويشدوا المفرش اللي

ع الترابيزه، معظورين. أول نوبه بقعدوا بعد عن الأرضية.
الكراسي والطرابيزات ما كانشي فيه منها عندنا.

همه يا حبه عيني. مثش مسدفين نفسهم الحنة والللي
فيها لهتهم عن أمهم. أول غزاله ما قالهم. تاخدوا إيه يا
حبابيبي، الدمعة فرت من عيني، وقلت ليه يا ربى ما كانشي
ده أبو عالي، بدل السقيل اللي خلفهم. هيه الدنيا كده. اللي
عايز ما تدولoshi. والللي ما يستاهلش تديله باليمين مرة،
 وبالشمال مرات، دي حكمة ربنا. هوه أنا حاكلفر ع الأواخر.
كل اللي يجييه ربنا كوييس ولازم نرضي بيته. العيال ما
عرفوش يشربوا إيه، ينكن دي أول نوبه ف حياتهم يدخلوا
لوكاندة. وحد يقول لهم تشربوا إيه. عبد الصار قال أمهم
تطلب لهم بقى. هيه قاعدة هنا وعارفة البير وغطاوه. وعارفة
إيه اللي ينشرب، وعارفة إيه اللي يتاكل. همه العيال،
حايسوموا، يصوموا ويفطروا على كباية شاي.
رحت فاتحة كفي ف وشه. وقلت له، اطلع انت منها.
أنا عارفة همه عاوزين إيه. طلبت ليهم جلاته، حاجة عمرنا
ما شفناها ف البيت القديم. اللي ربنا لا يرجعه ولا تعود أيامه
من تاني. كان واحد يزق قدامه عربية الدبان مغطي وشها.

وبيخبط بسکينة ف إيده. وينادي عليها من ظماره ف إيده
الثانية، ويزرع بحس عالي. يصحي النايم من أحلاها نومة،
ويبيع حاجة ما لهاشى طعم إنما ساقعة زي النلح.

قلت لهم، إن اللي هنا جلاته بحق وحقيقة. كاس كبير
ومعاها. معلقة، عبد الصبار قال: ما هي الجلاته دي بيأخذوها
الناس اللي فوق. يا إما يحبسوها بيهما بعد الأكل. أو عشان
تفتح نفسهم ع الأكل.

هوه بيلف ويدور ع الأكل. تفتكر هوه بيعمل كده
عشان العيال. دا كل همه على بطنه. وعامل العيال حجة.
عشان يأكل على حسهم. أنا عارفاه طول عمره مفجوع.
تلقيه من يوم المطعم اللي كعينا فيه اكتر من ميت جنيه نوبة
واحدة. وخسرنا الجلد والسقط. ما كالشي لحد النهاردة.
وعايش ع الأكلة دي. وجاي دلوقتي عشان يأكل. برضاك
كتير خيره، إنه فكر يوربني عيالي. ما هو حاسس وعارف
إن العيال دول أهم حاجة ف دنيتي كلها.

هوه طلب شاي. وقال إنه حاج طلب فهوة بعدها.
وسأل إن كان فيه شيشة ولا لأه. قالوا له، إن اللوكاندة ما
فيهاشى شيشة. ولا كلام من ده، ولو كان المزاج حبك عليه

خالص، بفضل الفهاوي أكثر م الهم ع القلب. قلت ناقص
شوية ويطلب حاجات عمرنا ما سمعنا عنها.

جي قعدتي جنب العيال. واد خدته على رجليه، وواد
قعدته على يميني، وواد حطيته على شمالي. وقدمنا قعد
غزاله بيعاكس ف العيال ويلاعبها ويلاغيها. وعبد الضار
قاله: الله، الله ع الجد، والجد إيه؟! غزاله كمل: الله، الله
عليه.

عبد الضار قاله: اللي ياخذ النعجة لزمن ياخذ عيالها
معاها، هيء النعجة من غير عيال تنفع، والعيال من غير
نعجة يعملا مولد ما لوشي صاحب؟ الواد غزاله مسک قوته
بأيديه، وقال مش فاهم: عبد الضار قاله: هيء دي عايزه
مفهومية. ترتر من غير العيال، ما تسواشي، والعيال من
غير أم عايشة على وش الدنيا بيقى حرام، دا احنا كده بنينتم
العيال.

غزاله كان دوغرى وعلى نياته، وعشان كده قال
لعبد الضار: ما هو إن شاء الله لما ربنا يحل عقدتنا، حانخلف
احنا كمان عيالنا. عبد الضار قاله: هيء الحكاية بالساهل، دا

تلافي السن اللي تقدر ترتر تحبل فيه فات خلاص. همه
الستات بيحبلوا طول عمرهم.

آنی قلت له: فال الله ولا فالك، نف من بقاك. لسه
قدامي بيجي عشر سنين أخلف فيهم. عبد الضار قال: آنی
مش فاضي للمناهمة معاكو كفاية إني سايبكم في العز والوز
وأنا ف اللضا. وبلاش ثبقي ما شافوه همشي وهمه بيسرقوا،
سمعوهم وهمه بيتحاسبو ويتخانقو ع السرقة. فيأخذوا منهم
الهبرة جباررة، وترجعوا من ثاني على البلطة. آنی باقول يا
تاخذ ترتر بعيالها. يا أرجع أنا ومعايا ترتر والعيل. ولنلغي
حكایة الإيجار دي.

غزاله نخ، وقاله: والعيل دولت يبقى نظامهم إيه؟
عبد الضار يا فرحته، رد طوالى، ما هو كان محضر الكلام
على طرف لسانه: زي نظام أمهم. تاخدهم همه كمان، غزاله
صحصح وقاله: بس آنی عاوز أمهم، أعمل بيهم إيه؟ عبد
الضار قاله: ما هو الشيء لزوم الشيء، وعشان الورد ينسقي
العليق.

آنی سكت، ما قدرتش أنطق، ولا أقول أي حاجة، ما
أقدرشي أقول، مش عايزة عيالي. وما أقدرشن أخلاقي عبد

الضار يحط سكينته على رقبة غزاله بحکایة الولاد دي.
غزاله بص لي من تحت لتحت. قلت لعبد الضار: الرحمة
فين؟ شحط فيّه من عزم ما بييه: هوه انتي فاكرة فلوسنه بقينت
فلوسك يا عبيطة، دا انشاء الله حايديكى البحر ويرجعك
عطشانة يا هلبلة.

الواد غزاله اتضائق، وعشان كده قاله: قصره يا عبد
الضار عايزة كام؟

— شوف انت تلت ولاد وأمهم؟

— أمهم خلاص، الإيجار واندفع وهيئه قاعدة معايا.

— تلت ولاد زى القمر يطلعوا بكم؟

وابتدت عملية فصال، لا دا عاوز يقول. ولا دا
عاوز يقر، وخفت انكلم أفع ف الغلط، من غير ما آخذ باللي.
وحسيت إن غزاله عايزة يخلص م الرجال ده بأي شكل، كل
واحد عاوز الثاني بيتدى، ويقول عايزة كام.

غزاله سأله: "إيجار طبعاً؟"

— البيع والشرا حاييقى له كلام ثانى.

— مش اللي ياجر حاجة يكون عاوزها؟

— حائديه من ثانى يا ابن الناس.

— يعني الشبلة هيلابلا على بعضها.

من تاني سأله غزاله:

— وعايز كام؟

عبد الضار فرد صوابعه الخمسة. اللي في إيده
اليمني.

— الواد بخمسة باكتو.

بلغ غزاله ريقه، وقبل ما يأخذ نفسه.

— همه ثلاثة. يبقى عايز خمستأشر باكتو.

من هنا لها. ومناهدة وفرهدة وكلام وحديت، ثلاثة
قلة أدب، قبل إنه يكون همه الثلاثة بخمسة باكتو.

غزاله كان حايفتح الشنطة، عشان يطلع منها
الفلوس، آني قلت له لأه. اطلع فوق عد الفلوس. وبعدين
تعالى، وعبد الضار واتقور علينا:

— ليوه يا عم، خايفه على فلوشك. أكثر ما هي خايفه
على نفسها.

غزاله طلع عد الفلوس، ورجع من تاني، واداهم له
وهوه ساب العيال ويانا.

وبعد ما خد الفلوس ومشي. اكتشفنا إن حكاية
الطلاق، ما افتكرنهاشي، وآهو مشي. خدنا ف دوكة. وحاني
على بال ما ييجي لينا من ثانى. ضرب غزاله كف بکف
وهوه حايتجن.

أني كت طايرة من الفرح، عشان العيال ويانا، إنما
نما جينا نتعشى عرفت إن احنا بقينا بدل الحنكين خمسة، وأنا
وهوه ما كناشي بنطلب حاجة، لكن العيال طلباتهم كثيرة، وما
كانوش بيخافوا من غزاله، كانوا بيحبوه. واللي يحب واحد،
ياخذ عليه، ويطلب منه طوالى. والعيال كانوا مرعوبين طول
عمرهم من أبوهم. إنما غزاله، كانوا بيعاملوه كأنه واحد
منهم.

عديت على صوابعي بالليل، وقلت يا ترى ليام
بتخبي لي إيه. ويا هلتري غزاله حايصبر لحد إمتنى، وحا
يزهق إمتنى؟ وحماره حايغلب إمتنى؟ وحا يقولي بطل حماري
آنى يوم والا آنى ليله؟ هيء الحكالية بانت لبتها.. هوه المخفى
جوزي بابن عليه. حالف ع المصحف إنه. يا فيها يا يخفيها.
قد فرحتي بعيالي، إنما بابن إن الحكالية مش حاتفوت
بالساحل. غزاله كان يقدر يقولي: يا سلام يا ترتر لو إن عبد

الضار ما عرفناش طريق جره، الغلطة الوحيدة اللي
خلطناها، إن احنا عرفناه مكاننا، هوه عاوز نصيه. إنما إيه
اللي عمله عشان يكون له نصيب.

غزاله كان ينام يحلم بعد الضار بيخط وجاي
يطلق، كان الباب يخط ببط ويقول آهوه عبد الضار جه آهه،
يفرح لزمن عبد الضار خاله الطيب حضر وجاي يخلص.
كان عفريته اسمه عبد الضار. وغزاله كان حاسس إن عمرنا
ما حاتوصل لبر أمان أبدا. إلا إنما نفك من عبد الضار لأول.

ستاشر

إن كانوا نسيتوا اللي جرى

هاتوا الدفاتر تتقرا

مشي عبد الضار ، وخد الفلوس ، وساب لينا العيال .
وزي ما قلت قبل كده ، كنا انتين . زورين وبس . دلوقتي بقينا
ف وش العدو خمسة ، والثلاثة اللي زادوا علينا ، عيال . يعني
طلباتهم ما لهاش آخر . عيال عايشوا ع اللضا طول عمرهم .
يطلبوها أيها طلب من أبوهم . يلاقوه سافخهم فلم طوالى .
طلعوا على وش الدنيا ، طلعوا في المقدر جديد .
وغرالة ما يقدرش يقول لأيها حد فيهم لأه . لأنه كان فاكر يا
نصرى إن ده بيزي علنى .

يا ريته كان بيقول حاضر وبس . دا كان بيحبب ليهم
من نفسه ، عمره ما دخل علينا بإيديه فاضية ، المعدول اللي
قبليه كان دائمًا يرجع إيد ورا . وإيد قدام . إنما غرالة أول ما
عيال يطلب منه حاجة ، يروح مشمع الفتلة ورایح جايب ليه
اللي هوه عاوزه . وإن ما لفاهوشى . يفضل يضور عليه .

يأخذ السكة قياسة لحد ما يلاقه. دا ولا اللي بيضور على
حاجة لواحدة بتتوحم.

أول هام: موال السرائر

كنا ولخدن أوضة بسريرين. مع إن فرشة سرير
منهم. ما حدش جه نواحبيها. ودي حكاية تانية حاكلم عنها
بعدين. حسبتها في بالي، الأوضة تساعدنا كلنا. والليالي الحر
فرشتها واسعة. الواحد ينعش في أيها حته. يرمي جنته يجبله
النوم طوالي.

واحنا يا حسراً كنا عايشين في إيه قبل كده؟ كت أنا
وهمه وأبوهם. ف أوضة واحدة. قدامها فسحة، هوه لاحنا
حانعده من تاني. يعني من حلوة اللي فات. يغور في ستين
داهية، وتغور أيامه وليلاته. البيت كلاته كان أصيق من جيب
العوiel، الأوضة بتاعت اللوكاندة. بالبلكونة بتاعتتها، والطرفة
اللي قدامها. أوسع م البيت اللي كنا عايشين فيه قبل كده.
كت أنا وعبد الضار. بتنام ف أوضة. والعيل ف
الفسحة اللي قدامها، هنا أنام أنا وغزاله على سرير، والعيل
على.. لا.. لا يا نداشتني يا عيب الشوم. دا ما يصحش
برضك ولا يكون. دا أنا أمهم اللي شالتهم ف بطنها تسع

تشهير، دا لو شافم حاجة كده واللا كده. بقولوم انهم ولاد
حرام. حبت فيهم في السكك.

أنام أنا والعيلين الطغirين على سرير، والواد
البكري مع غزاله ع السرير الثاني، والسرير اللي هنا أوسع
مليون نوبة من اللي كنا بنسميه سرير وسبناه ف بيت اللصا
اللي هناك.

حتى لو السريرين مكتفواش. فيه كتبة ف الأوضة.
محطوظة. بنات السريرين. والكتببة تأخذ واحد بالراحة، يبقى
أنا وعييل على سرير. وغازالة وعييل على سرير. والواد
البكري يبقى يفرد حيله ع الكتبة اللي في وسطينا. ونما نفسي
تروح على غزاله. أو هوه يكون عازبني. يبقى لها ميت
حل.

ولو السريرين والكتببة مكتفواش، الأرضية واسعة،
والأرضية مفروشة بسجاد أحلى م المرتبة اللي كنا بنتمام
عليها ف بيتنا القديم. يعني الأوضة دي ممكن تسد من غير
ما تبعزق الفلوس شوية هنا. وشويتين هناك.

كمان، فيه حكاية إن إحنا نطلب سرير زيادة ف
الأوضة وندفع له فرق بسيط، يبقى فيه تلت سرائر. إنما

تقول إيه بقى لغزاله؟ راسه وألف سيف فالى لأه. وهوه دا
كلام برضاك يا سرت ترتر. إحنا ناخذ أوضتنين يكونوا جنب
بعضهم. فاتحين على بعض. أوضه لينا وأوضه للعيال.

قلت له: بس إحنا لسه ما كتبناشي. وال حاجات دي
قدام العيال عية، أودي وشى ومنهم فين بعد كده. أو أبقى
أقول ليهم إيه نما يسألونى. دا الواد الكبير فيهم، برضاك
مسيره يعرف ف يوم من ذات ليام. اللي كان بيحصل ويبقى
يلعنتي في سره، ويلعنتي ف وشى. وحا أبقى أقول له ساعتها
إيه؟!

غزاله فالى، مش مشكلة، أيام أنا ف أوضة، وأنتي
مع الولاد ف الأوضة الثانية، إنما لزمن آخذ ليهم أوضه.
هيـهـ الـحـكـاـيـةـ حـاـتـكـوـنـ ضـيـقةـ عـلـيـهـمـ فـ الـأـوـلـ.ـ وـاحـناـ حـانـضـيقـهاـ
عـلـيـهـمـ فـ الـآـخـرـ.ـ الفـلوـسـ مـوـجـودـهـ عـاـوـزـهـ الليـ يـصـرـفـهاـ.

غزاله ما استاشي عشان أوافق على كده، راح
منادي على بتاع اللوكاندة. وقال له: إحنا عاززين أوضتنين
جنب بعض. يفتحوا على بعضهم. ويا سلام لو ليهم باب
واحد يقل عليهم من برة. بتاع اللوكاندة اتمحك وقاله: يبقى
تاخدوا جناح. وخد من ده بقى عندك.

ربك والحق. إني ما اعرفشي يعني إيه جناح، إنما
نما شانا حاجتنا وهدومنا وشنطة الفلوس، ورحنـا الناحية
الثانية من اللوكاندة. لقيت كأننا خدنا شقة من بابها. فيه بـاب
براني بيـقفل علينا. تدخل من الـباب البرـانـي، تلـاقـي قـعـدة.
الـوـادـ بـتـاعـ اللوكـانـدةـ. قالـ عـلـيـهـ صـالـونـ. وهـوـ بـيـفـرجـناـ عـ
المـطـرحـ الجـديـدـ. وبعدـ الصـالـةـ. تـدـخـلـ تـلـاقـيـ فـسـحةـ. وـالفـسـحةـ
بـتوـصـلـ لأـوـضـتـينـ.

الـعيـالـ كانـواـ فـرـحـانـينـ. بـيـتـطـطـومـ يـدـخـلـ منـ هـنـاـ
يـطـلـعـومـ منـ هـنـاكـ. يـرـزـعواـ الـبـابـ وـيـخـبـطـواـ الشـبـاكـ، وـهـمـهـ
مشـ مـسـدقـينـ نـفـسـهـمـ، وـغـزـالـةـ نـزـلـ عـشـانـ يـمـضـيـ عـلـىـ وـرـقـ
وـيـدـفـعـ فـلـوـسـ. وـأـنـاـ قـعـدـتـ وـالـحـكـاـيـةـ تـضـرـبـ تـقـلـبـ فـيـ دـمـاغـيـ،
محـتـارـةـ الشـقـةـ دـيـ تـبـقـىـ بـكـامـ، دـيـ لـزـمـنـ بـالـشـيءـ الفـلـانـيـ.
أـنـاـ قـبـلـ كـدـهـ، مـاـ سـأـلـتـشـ غـزـالـةـ عـلـىـ أـجـرـةـ أـوـضـتـاـ
بـكـامـ، إنـماـ دـلـوقـتـيـ تـلـاقـيـ الأـجـرـةـ قدـ الأـوـضـةـ مـرـتـينـ وـالـلاـ
تـلـانـةـ. وـالـهـ مـاـ حـدـ عـارـفـ. الـحـكـاـيـةـ حـاـتـوـصـلـ لـكـامـ. اـحـنـاـ قـعـدـنـاـ
نـقـسـ التـرـكـةـ. وـالـعيـالـ قـعـدـواـ يـتـعـارـكـواـ عـلـىـ السـرـيرـ الليـ جـنـبـ
الـشـبـاكـ عـايـزـينـ الأـوـضـةـ الليـ عـ الشـارـعـ وـهـاتـ بـقـىـ مـنـ شـغـلـ
الـعيـالـ دـهـ. لـغاـيـةـ غـزـالـةـ مـاـ رـجـعـ.

سألته ع الأوضة اللي فاتت كت بкам، والشقة دي
بкам. قالي: دا اسمه جناح. ونطقها زي الواد بناء اللوكاندة،
والعيال فالولي، اتجري يا أمه، وراح حالف براس سيدنا
الحسين ف تربته إنه عمره، ما حايقولي لا بкам ولا بكامه،
وغزاله طبطب عليه، وقالي: اطمئني الفلوس لسه يامه.
ومهما ناخد منها حاتفضل زي ما هي. دا احنا لسه بنصرف
ف الفكة. وما خرجناشي التقاييل. والفلوس المجمدة.
قلت بعدين هوه لزمن حايقولي من نفسه. دا غزاله
وأنا عاجناه وخابزاه هوه ما لوش سر بعيد عنى. وما
يقدرشي يخبي عنى أيها حاجة.

تاني هام: غناوي العلاي

صحيح ده مثل بيتنا. ودي حياله لو كاندة، ساكنين
فيها كام يوم، إنما دي أول مرة أسكن فيها في العلاي. طول
عمرى ما سكنت ف كاط عالي. من لدورار اللي الواحد نما
بيص منها ع الأرض، تيجي له دوخة، زي دوخة أيام الحبل
لولانية.

كت عايزه أشوف الدنيا كليتها، وهى حتى وأنا
فوقها. ما نا طول عمرى وأنا تحت. اتبشنقت بمنديل بأويه
حلو، شارياد من الحنة دي بالعينة. وطلعت الترسينة بتاعت
الأوضة على طراطير صوابعي. وسبت بباب الترسينة
موارب. وقعدت أبص للناس من فوق.

عايز الحق والا ابن عمه؟ طبعا هوه فيه حد يعوز
غير الحق. كان نفسي يكون ليه حمى. أقول له يا سيدى
نوبة. وبابه نوبة تانية. واحب على إيده الصبح. واحب على
إيده ف الليل. واستبارك بييه. ويكون ليه أم جوز، حما يعني،
أقول ليها يا ستي نوبة، ويا نينه نوبة تانية. وأحب على إيدها
كل ما أشوفها. وأناقرها وتناقرنى. ويكون ليه اخت جوز

أقول ليها يا عمتى. و تكون عازبة وكل ما تشو فني تقرصنى
في فخادى. وتقولي: قرصناك ف ركبتك أحصاك ف جمعتك.
ويكون ليه أخو جوز، ويكون عازب، أغسل له هدمته وأعمل
له لقمنه وأقول له يا سلفى. وأنا اللي اختار له مراته بنفسى.
وأنا طغيرة انحرمت من كلمة يا أمه، ومن كلمة يابا،
ونما كبرت ما كانليش أخ ولا أخت. وأنا مش عارفة ليه اللي
جاب الحكايات دي لبالي، دانا واقفة في الترسينة ينكن عشان
شفت الناس تحت طفف ماشيين مع بعض. وما فيشي حد
لوحده. والله كل شيء جايز.

الليل هس هس، والبلد زي الفرن الكبير وما بقاشى
قادمنا غير إن احنا ننام. ومين بيجي له نوم، وهوه وباه من
الفلوس كوم، قلت لغزاله، دلوقتي عشان ننام عايزيين دادابان
ي حاجي علينا ويحرس ما لنا. قالى إنه عينه غفلت شوية وأنا
قاعدة جنبه. بس لقي نفسه واقف قدام صجرة الملوك.
صجرة ليه دي بقى؟ دي صجرة ياما هنا وياما
هناك. تطرح كل يوم برتقانة. قلت له: وليه يعني. تقولاشي
لمونة ف بلد قرفانة؟ قالى لأه. ده كت برتقانة دهب قد راس
العيل اللي لساته نازل من بطن أمه. بس عمرها ما تطرح

انتين مع بعض. أول ما تنزل البرقانة تبت واحد تانية
مكانها. ولزمن الواحد يفضل مزروع جنبها لغاية ما ترمي
طرحها.

قلت له: دا غلب إيه ده. حتى الذهب الواحد ما
ينولoshi إلا بالتعب واللص؟ قلت له: وجب، هوه النوم كان
بيحوم حواليه من كل ناحية، قالى: في عرض النبي. عاوز
أغمض عينيه شوية، قلت له، أنا اللي ف عرضك وف
طوالك. اتفضل انت نام. وأنا صاحبة وأول ما أنم أنا تصحي
أنت. قالى: هيه النبطشيات ورايا ورايا. قلت له: دي نبطشية
على مالك وحريمك.

نما عشنا لوحدين، كان عزالة عاوز يجيب الدنيا كلها
لئه. عشان اشبع بيها. كان بيظغطني من فوق. كت خايفة
ليكون بيسمني عشان ييجي يوم يضور عليا ويأكلاني زي
الغول ما بيعمل مع ولاد الناس اللي بيلهمم م السك.

بعد كام يوم. بقيت واحدة تانية. أقف قدام المرابطة
وأبص لنفسي، وأحلى حاجة ف اللوكاندة هي المرايات.
إيشي بالطول، وإيشي بالعرض. كل حته فيها مرايات.

عمری ما شفت مرایات كبيرة كده. تخلی الواحدة تيان من
ضواهر رجليها لغاية شعر راسها.

بقيت أبص لنفسي واقول، ودي تبقى مين يا بت يا
ترتر؟ الخود ورد أحمر. والمناخير تبقين. النهود: رمان.
والرموش: زي سكة التعبان ما لهمش آخر. والشافيف:
فراولتين. قلت لغزاله: انت فرشك حلال. وربنا حايبارك لك
ف مالك.

قلت له، يا هلتري يا غزاله، العز ده حايفضل قد
إيه؟ كت خايفه موت من اليوم اللي بيجي يخلي اللي أكلناه
بط بط، ننزله وز وز. قالي متعديش. قلت له: أيام العز
بتجري، وأيام الضيق تقف زي اللقمة ف الزور. ولزمن
اعرف قدامي قد إيه ف الجنة دي؟

غزاله ضحك، وبص لي وقالي: ألف يوم مش كفاية؟
سألته: طبعاً ألف يوم وألف ليلة؟ رد عليه: تمام قلت ف
عقلني بالي، يا خوفي يجرم ف غمضة عين وأقعد أقول: جه
الفقير يفرح، هربت منه أيام الفرح. فكرت آني أجيب فول.
مش عشان أدمسه ونقدر نأكل منه تلت طقات ف اليوم، إنما
فول، حصى. اشتري منه كام كيلو، وأعد حبه حبه لغاية ما

يبقى العدد ألف حباية، وبعد كده أشيل الحب فحنة. وأقعد
أرمي حباية واحدة كل يوم الصبحية، وبعدين أقعد أعد الحب
اللي فاضل ويايا، أقوم أعرف راسي من رجليه.

بصيت لقيت الحكاية حاتبقي زي حسبة بrama. اللي
بيحكوا عنها. قلت يبقى الهم حايركبني وبحور الفكر
حتاخذني لآخر الدنيا وترجعني للحنة اللي كت قاعدة فيها.
قلت يا باسط، وغزاله فالى: خلي لبساط أحمردي. مالك شالية
الدنيا على قرونك. هوه انتي زرعتها تفاح طلعت لفت. يا
ولية قولى معايا: أحبنى النهاردة وموتنى بكره.

قالى غزاله، دا يوم فرحنا، أنتف ريشي، ريشة
ريشه، أجد لك بييه مرتبة، وأقص شعرى أعمل بييه مخده
ليكى، ورموش عينيه أجد بيها لحافك. وليلة الدخلة. أصفي
دمى نقطة نقطة، أقرش بييه دايرن دايرن أوضة النوم
والمندبة والترسينية. وترسمى غزال البر اللي كان شارد
ولقى وليفه. واليمام اللي حط ع الأرض وارتاح بعد ما ظار
سبع نيات وسبع ليال. فوق بحار ما لهاشى شطوط تانية.

قالت له، انت بتخطرف بتقول إيه، انت واكل لك لقمة
زيادة، والا شامم لك شمة، والا شربان قصعة بوظة والا
ينكن معفر سجارة محسية. خلت عقلك بيته.

هوه رد عليه. وقالي، لحد ما ننول المراد من رب
العباد. حاتفضل الميه ف البحر عكرة، والسمك ف قعره
فلقان، وورق الصجر ببلان، وجناحات الطيور اللي طايرة
ف السما مكسرة، منتف ريشها. قلت له: والله ناقصك ربابة
تشعر بيها وتلف ع الخلايق.

كنت أقعد ف اللوكاندة بالليل، الواد غزاله بينام
بدرى، ما هو واحد ع الصحيان من نجمة الفجرية، واحنا ف
اللوكاندة كان ينزل كل يوم الفجرية، بعد أدان الفجر طوالى،
عشان يروح وحنته. واحنا حظنا كويس، ما كناشى محتاجين
حد يصحينا، عشان المكروفون اللي فوق الجامع. كان على
الblkونة بتاعنا طس عدل، أول ما يخروش نروح صالحين،
ما هي المكروفونات دي وراك وراك.

غزاله خاف. ما يروحشى وحنته. يبقى غياب،
وينمسك، والخيط يكر ويوصلوا للفلوس والحكاية والرواية،
يقوم من النوم، يغير ريقه بسرعة ويطلع جري على وحنته،

يروح بغير هدومه عند المكوجي اللي كان بيغير عنده قبل ما
يعرفنا، وييجي عند الضهرية كده.

اليوم اللي عند نبطشية فيه يدفع فلوس لواحد من
زماته اللي جايين م الفلاحين يمسك بداله، ومهمما غلوا عليه
يقدر يدفع دلوقتي. دا الجيب عمران. والأشيا معدن. ويحط
ديله ف سنانه وطيران عليه. بيجي جري، والفرحة مش
سايعاه. ما كانشي عاوز يفتح عينيه إلا ويلاقيني قدامه.

آنى كت فرحانة وقلقانة. فرحانة عشان لقيت الراجل
اللي عايزني ورأيني، وقلقانة لأنى باسأل نفسي وأقول كل
اللي له أول لزمن يكون له آخر، والإمتنى حايفضل غزاله
مش شايف غيري، هوه ما فيش نسوان غيري في الدنيا؟ كت
أعري شعر راسي. وادعى من عزم ما بييه. وأقول.. يا رب
يفضل كده على طول.

بالليل كان غزاله، يروح في النوم أول ما يحط راسه
ع المخدة النصيفة واللينة بتاعت اللوكائنة، واني يخاصمني
النوم، أفعد ع الكرسي. البنى آدم متنا، حاجة غريبة، زمان
كت تعبانة وزهقانة وروحى ف مناخيري من كتر الشغل.

و دلوقتي حاصلع من هدومي عشان مفبיש لا شغلة ولا مشغلة.

كت عاوزه أجيبي خضار ولحمة ورز ومكرونة
وسمنة وزيت وبصل وأطبخ ف اللوكاندة، وحشني أكل
إيديه، فاللوا لي إن ده ما يحصلاشي إلا ف لوكاندات كلوت
بيه، إنما هنا. دي لوكاندة محترمة، لازم نفع مطعم اللوكاندة
ولو كنا عاوزين غير، نطلع ونروح مطاعم من اللي بره.
قبل كده. كت زي أم العروسة. حتى وأنا فاضية
أبقى مشغولة. كت أجيبي هدوم العيال الوسخة. عشان
أغسلها، وان اتغسلت عشان أكونيها. وقبل ما أكونيها أقعد
أرفي الفتق اللي هنا. وأخيط الحنة المقطوعة اللي هناك.
وأداوي وأطبب ف الهدمة عشان تكمل ويانا. عشان احنا ما
نقدرش نجيبي هدوم جديدة.

كت دائمًا مشغولة. واني دلوقتي فاضية. والإيد
البطالة نجسة، الفضا وحش. وما عرفتش كده، غير اليومين
دولت. إني زهفت، وزهقي دا مخلية جوايه، وغزاله خد
باله. بيفهمها وهيئه طايرة. قالى مالك. وأنا قلت له ولا
حاجة. هوه أنا أقدر أقول ولا كلمة. دا أنا زي الغراب اللي

زن على خراب عشه. وإيه كمان، قبل العش ما يتعمل. يعني
كده موت وخراب ديار.

تالت هام:

طعامة الفسح

زي ما الأوضة بقت شقة. ابتدينا الفسح اللي رحناها من تاني. بقينا اللي نعبده نزيده. غزاله قالى: نما كنا بناف كتي متحسرة ع العيال. أهم العيال بقوا ف حضنك. تعالى تنفسح من تاني. اليومين دولت مثل حايتحسبوا من العمر. كل حته رحناها. رجعنا لها تاني. رحنا حلوان. رحنا الهرم. رحنا القناطر الخيرية. ولفينا ولفيننا لحد ما دخنا من اللف. في التوبه لولانية كت بالف ع المشايخ والأولية وأقرأ الفاتحة. وأوفي بالندور اللي عليه. المرة دي، قعدنا نلف م الأول. ع الفسح الحلوة اللي ترد الروح وكل يوم واحدنا راجعين حيلنا مهدود من الجري. لزمن نروح السيماء، ونخش المطاعم. تقولشي بنأكل ف آخر زادنا. واللا بنأكل ف فته محلولة. كل مشاويerna كت ركوب تكاسي، ما حطناش رجلينا نوبه واحدة ف أتوبيس. والمشاويern كت طويلة وبعيدة، وغزاله كان ينزل ويكيح الفلوس من غير ما خد بالي هوه

بيدفع كام. ويا هلتري كان بيدفع الأجرة المظبوطة واللا
كانوا بيضحكوا عليه.

كت حاسة إن عنقود الفلوس قرب ينفرط، والأسانك
اللي مaskaة الفلوس لبعضيها قربت تترمي، والربط اللي كت
كتيرة زي الرز وحب الرمل. قربت تبقى ربطنة واحدة
كبيرة، والمثل بيقول خدم الثل يختل، ودا ما كانشي تل
فلوس. دي حياله شنطة لا هنا ولا هناك. دا احنا عشان
محروميين. فلنا دي حاجة كتيرة خالص.

ومهما غزاله يقول إن الفلوس اللي معاه أكثر من ليام
اللي فاضلةلينا على وش الدنيا. آني كت خايفه وكـت
مرعوبه.

رابع هام:

حوالات الفرفشة والنعنعة

يرجع مرجعنا لحكايتها آني وغزاله، أول ما قعدنا
ويا بعضينا. غزاله حلف ما يهوب ناحيتها ولا يقرب مني إلا
في الحال. وأنا نفسي قلت يا بت زي ما هوه عاوز، لا
يفتكرني مرة سالبة وعلى حل شعري، وكل واحد يقدر
يطولها بالسهل، حاكم العيال دول فيهم أصناف تقول إن
الولية اللي تسلم نفسها بعد كلمتين وتحسيستين. تبقى ما
تعمرشي ومش بتاعت عشرة. حاجة كده طياري. ويبقى أي
واحد يقدر يطولها.

إنما عشيتا مع بعضينا خلت اللي حصل حصل.
والله ما نا عارفة إزاي حصل؟ ولا إمتي ولا ففين؟ ابتدينا
نمسك إيدين بعضينا، ونحسس على بعض. وما اعرفشي إلا
واحنا ف حضن بعض، زي الرجل ومراته تمام.

أني ما كانشي عندي مانع، عمري ما حسيت بالحنية
اللي حسيتها مع غزاله. وهوه أول راجل ف حياتي كلها.
صحيح إني مخلفة من واحد تاني ثلت تبطن.

الشاهد، لقينا نفسينا في حضن بعض. ما اعرفشني
مين اللي خد الثاني ف حضنه لاول. وخد عندك بوس
وأحضان. كت عايزاه يعمل كل اللي ف نفسه، كان شكله كده
أول مرة يخش دنيا وينكشف على حريم.

كت عايزه ألم الفرح اللي ف الدنيا كلها وأخيه جوه
سدرى. وأقول عليه وأقعد أحمرسه. نمت مبسوطة، على يميني
ملاك، وعلى شمالي ملاك. ما كنت عايزه أنعس. عشان
عينيه مش حانتشوف العز اللي أنا فيه من تاني.

م الفرح، كت أركب على صهر غزاله، واحنا
عريانين ملط، وأهز فخادي اللي زي الملبن على جسمه اللي
كل عضمه فيه باینة. وأقول له شي يا حمار. وهو يمشي
وينهق حا، حا، وهو يقول: هاء هاء. بس بدل ما اضربه.
كت احسس عليه بحنية. وأول ما يتعب موت آخده ف
حضني وأغنى له.

دا أنا يا ولاد ما كنتش عايشة قبل كده. وعمري ما
عرفت إن الدنيا فيها حاجات زي قوالب السكر، ينكن أكثر
من قمع السكر ذات نفسه. فعلا، غزاله راجلي لولاني

وبادعي ربنا ف انصاص الليالي. وسعت الفجرية. إله تكون
آخرتي على إيديه، وإن يومي بيجي قبل يومه. قادر يا كريم.
بعد ما كان بنخلص، غزاله كان بيموت ف جده.
حكاية الحال والحرام كت بتتفتح عليه قوي. وأنا أقول له:
نبقى نعمل كفاره، نبقي نصرف على أهل الله، ونکفر عن
ذنوينا، بلدنا تلتين اللي عايشين فيها من أهل الله، من الغلابة
اللي تجوز فيهم الحسنة. وربنا مسامح أكثر من الخليق اللي
ربنا ذات نفسه هوه اللي خالقهم.

أنا عمري ما عرفت راجل بالطعامة دي قبل كده.
وكت باسمع كتير عن شهر العسل. اللي بيقولوا عليه. ولیام
اللي عشتها ويا غزاله. قبل العيال ما بييجوا ويانا. كت شهر
عسل بحق وحقيقة.

كت أستنى الليل، وما كتش باصبر لحد الليل ما
بيجي. أول ما نلاقي نفسينا لوحدين، نروح فالعين، وهات يا
فرفشه، وهات يا أحضان. وهات يا بوس، لغاية ما نتفرهد
ونتعجب يروح طالب أكل ويأكل.

هوه كان يحب الحكاية دي ف الليل. أهو كده ف
الليل وبس، ما اعرفش ليه، مع إله غشيم وعمره ما عملها

قبل كده. واني اللي علمته كل حاجة، واني كت مطمئنة. هوه
ما يقدرشي يشك فيه. عشان متجوزة قبله. وف أول مرة. لا
قال محرمة ولا ديالو، ما هو أصله واخدني من حضن
راجل تاني. وعارف البير وغطاه.

هوه ف الأول، كان يحب الليل. إنما أول ما خدنا
على بعض، كان أول ما يلاقينا مع بعض ينسى حدوثه الليل.
جوزي عبد الصار كان يأكل قبلها، وبعدها يروح مشخر
عدل.

بس اللي كان مزعوني من غزاله، إنه كان يكلم كثير
عن المحرمة والدم، ومرة قلت له: دا دم حمامه من عند
الفرارجي يحل الموضوع. ورحت ضاحكة، إنما هوه رجع
من تاني اكتر من نوبة للموضوع. خلا الفار لعب ف عبي.
وقلت له: هوه أنا كت ضحكت عليك يا ابن الناس. ما انت
عارف آني سيب. وشأيف ولا دي بعيتك. ولا عب معاهم.
ونأيم ف حضنهم.

كت فرحانة، إن غزاله ما عرفشي واحدة قبل مني.
بس كت باكر على سناني وأقول يا ترى. حايعرف واحدة
بعدي. وأقول لنفسي وشفافي بتوجعني من كز سناني، لزمن

ما ييقاشي فيه بعدي. عشان ما يعرفشي واحدة تانية، دي
النسوان أكثر م الهم ع القلب. نهايته. غمضت عينيه وقلت
لنفسى: ادينى بنطة لحام. كور المحبة اتخرم.

ونما كان الكلام ده يعكرني موت. كت أطربه من
خاطري. وأقول يا بت ما تبقيشى خميره عكزنة، خلينا ف
الوقت الحلو اللي احنا عايشين فيه دلوقتي هوه أنا زرعتها
سمسم طلعت صبار؟

بعد العيال ما جم. أوض اللوكاندة ما لهاشى مفاتيح.
وأول العيال ما كت ن GAM. يا إمه هوه يندهنى. يا إمه آنى
أروح له. وكت أشوف ف عينيه فرحة ما أعرفشي إزاي
أوصفها. نما كت أروح له من نفسى. من غير ما يطلبنى.
وانى كمان نما كان ينده عليه، كان جسمى يقشعر ويبقى
عامل زي الغريبة، مش ماسك بعضه، وانه عايزنى، وما
شبعشى مني لسه. بقىت ادعى ربنا..، وأقول يا رب ما ييجي
عليه يوم من ليام يسبع مني.

أول العيال ما يناموا. اروح متسحبة. أمشي على
طراطيف صوابيعي، ابقى سامعة حس النفس اللي داخل جوه
مني. وخارج بره مني. أبقى خايفة وانى ماشية ف الضلمة.

ما هو حاكم النور يصحي العيال. إني أخط في أيها حاجة،
تعمل حس، يرروحوا العيال صاحبين من أحلاها نومة وخد
عندك لحد ما أقدر أخليهم يناموا من ثاني. وبعد ما نخلص
أرجع أنام ويا العيال. عشان أول ما يفتحوا عينهم يلاقوني
ووسطيهم. زي ما كت قبل ما ييجي لهم النوم ويغمضوا
عينهم.

ما كانشي فيه حاجة بتحوشنا عن بعضنا إلا الشديد
القوي. إن السكة عندي تكون مسدودة. النسوان عندا ف
الحنة بيقولوا عليها انفلونزا تحاتي. وكت أعد ليام على
صوابعي لغاية ما تروح. واطهر نفسي منها. وأقول له.
وهوه كان بيحسبها أحسن مني. يعرف قبل مني، جت إمتي،
وحاتروح إمتي. وبعدها يبقى نتشوق، وع الآخر أكثر مني.

خامس هام: غزالة هنا

بس عبد الضار هناك

الواد الكبير سألي عن أبوه. مش سؤال محبة: إنما عشان عايزين يعرفوا حاييجي امته. دول بيخافوا منه موت. والعيل كانوا خايفين لحسن يبجي ياخدهم وياه. هوه كده من يومه: عامل زي البويع اللي بيخلوفوا بيهم لولاد الظعيرين. قلت لهم: هوه حايعيش هناك. واحنا حانعيش هنا. وبعد شويتين احنا حانسيب اللوكاندة. ويبقى ليانا بيت خصوصي ف حلة حلوة زي دي تمام. سألي الواد الوسطاني عن أبوه. إنه مش حايعيش ف البيت ده؟ قلت له: تف من بقاك. فال الله ولا فالك. سألي الواد الظعنطوط: وليه غزالة ما ييقاشي أبونا؟ قلت له: يا ريت.

العيال ما كانواش قادرین يوصلن للحكایة بالظبط. إنما العيال ما كانواشی وآخدين بالهم من اللي بناتنا. واني وغزاله اتفقنا إن احنا قدام العيال نتحشم شوية. ونتأدب شويتين. ونراعي الأصول زي ولاد الناس. هوه حد خاربها غير ولاد الناس دولت. وما فيش داعي إن العيال ياخدوا بالهم من

حاجة كده ولا كده. لأنهم مسيرهم حايكروم وتكبر وياهم
 كل الحاجات ديت اللي احنا بنقول إنهم عمرهم ما حايأخذوا
 بالهم منها.

من قبل ما يحصل اللي حصل مع غزاله، واني
 فكرت ف حكاية الحبل. خفت أشيل منه في الوقت ده. لأن
 اللي حاييجي حاييجي ابن حرام. أحسن لي أرميه وهوه ضنايا
 وحنة مني. قدام أليها ملجاً وأهرب وأسيبه. أحبل إزاي؟ واني
 لا اتكلقت من اللي ما يتسماشي الشر بره وبعيد، ولا أنا
 اتجوزت غزاله.

سألت غزاله نعمل إيه؟ قاللي، في دي أنا بلاطة. ما
 أعرفش الستات بيتصرفوا إزاي. نزلت واشتريت من
 الأجزخنجي حبوب و حاجات تانية. كت باص ورايا وقدامي
 وحاليه. زي اللي عاملة عمله ولا اللي سارقة سريقة.
 والناس كلها عارفاهما. ويتشارع عليها. آني ما كنتش مستريحة
 للحاجات دي. إنما قلت لحد ما تنفك عقدتنا الحرير. ونبقى
 على راحتنا.

الحبوب مش جديدة عليه. كت باخذها وأنا مع اللي
 ما يتسماشي. إنما من ورا ضهره. عشان هوه كان عاوز

میت عبل يشغلهم ويحط رجل على رجل. وينجعنص ويأكل
من وراهم. واني كت خايفه إن كتر الحبل والولادة. واحد
البز يهدوا حيلي ويكروني ويسرقوا عمرى مني.
مش كفایة هوه سرق من عينيه نورهم. ومن خودي
حمارهم. ومن شعرى سببته ومن وشي فرحته وركبه الهم
بدري. قبل ميعاده بسنين كتيرة. آني باسمع كتير عن الحال
والحرام. إنما ما حستشى بيهم وكت مبسوطة عشان غزاله
فرحان. بس كت بأقول يا ريت عقدتنا تتحل. وننجوز وأول
ما يحصل كده بيقى كله في السليم.

سألت غزاله حانعمل ليه؟ حانفضل كده. متعلقين من
عرفوبنا وعينينا مكسورة لعبد الضار. قالى: الجعان تجييه
بطنه. وهوه أول ما يخلص الفلوس ولزمن يخلصها قريب
حاييجي ينط. والتوبة دي عمرى ما حأدبله مليين أحمر إلا
نما يطلق لول.. ورقة الطلاق قبل السلام عليكو. يا كده يا
حاييقى ليه معاه تصريف تانى.

فلت له: وإن ما طلتشي يعني حانعمل له ليه. دا
فاجر وداعر. ولا حد يقدر عليه. غزاله كان رأيه إنه يروح
البيت هناك. يقدر يأخذ ويدى وياد ف الكلام. والحس يعلى

زي ما همه عايزين. ف اللوكاندة نبقي خايفين لحسن حد
يسمعنا. أو محد يتصنت علينا. أيها واحد ابن حرام يعرف
حكايتنا قلت له لأه. ما تروحش، هوه مسيره بيجي من ثاني.
قبل ما بيجي عبد الضار. كت اتكلمت ف الموضوع
مع غزاله. وقلت له: الحل إن احنا نمشي من هنا. ونفارق
مصر كلها، هوه غزاله مش بيحب سكندرية طيب. نروح
سكندرية، ونأجر شقة. وهوه ينقل نفسه من وحدته من الجيش
من هنا لهناك. وبعد ما يسيب العسكرية. يشوف له شغلانة.
ونعيش هناك وابقى حلني. نما عبد الضار ده. يقدر يتلم علينا
أو يوصللينا.

غزاله ما عجبهوشي الكلام ده مني، ما حبس يسمعه
لآخره، ليه يا عم غزاله؟ قالى، إن هوه يحب يمشي في
السليم. الظاهر والله أعلم إن أيام العسكرية ديت، علمته إنه
مش يمشي في السليم، إنما يمشي جنب الحيط. كان دائماً
يقول: اللي يمشي عدل يختار عدوه فيه. وعدونا عبد الضار.
ومش حايسيينا. فلازمن نمشي صح. الصح كمان عشان دا
عارف سرنا. ويقدر يمسكنا منين بالظبط.

غزاله قالى : إن الدنيا دي زي ماهيه واسعة فهيه
ديقة . ومسير الحى يتلاقي . ومهمما نروح حايوصل لينا . ينكن
لو رحنا مرسي مطروح ، أو حتى لو هجينا وطفشنا ورحنا
السودان ، وجايزة والله أعلم ، إنه جايب شوية عيال صيع ،
مقددهم . حوالين اللوكاندة . يمشوا ورانا . لأي حته بنروحها .
وان حاولنا نهرب تبقى يا داهية دفي . مش بعيد يضربيوا ف
المليان .

أحسن حاجة لو نقدر نراضيه ونديله حاجة ونلمه .
ونبتدى حياتا ويا بعض ف السليم . وعلى ميه بيضا . وما
حدش ماسكلينا ذلة . وما حدش كاسر عنينا . غزاله كان
باصص لحكاية الولاد . كان بيقول إنهم لزمن ليهم ورق ، فين
هوه ؟ شهادات ميلاد . والذى منه . وآخر المتمة . قالى غزاله .
إنه لو خلف مني . حايثبت العيال ازاي وهو مش متجوزنى
في السليم . زي كل مخاليق ربنا .

وإن اتجوزني دلوقتي ف بلد تانية ، على سنة الله
ورسوله . حايقى اسمى متجوزة راجلين ف وقت واحد .
ويقدر عبد الصار لو شافنا ف أيها حته يشدنا على أقرب قسم
طوالى . ويعمل قضية من مافيش . وسين وجيم ، وكلبشات

وحبس. وحكاية ببقى ليها أول. إنما من غير آخر. هو دخول الكركون زي الطلوع منه. دا الداخل مفقود والخارج مولود.

يوميها آني سكت. إنما بالليل. بعد العيال ما نامت. بدل ما روح له. ونعمل زي كل يوم. آني قعدت أعيط. والله باين إن أيام العياط حاترجع من ثاني. وساعتها. قلت ف عقل باللي. الواد ده لو لقى الفلوس وخدتها ومشي وسابنا، كان ربنا كتب له هنا. أنا اللي بوطت عيشة الولد ومستقبله. بالفلوس دي. كان يقدر ياخذ بنت بنوت. قمر أربعناشر. بت أجعلصها واحد في البلد. بت ياخذ وشها بإيديه. وي Shawf دمها بنفسه مطرّش على المحرمة. ويعلقها على السرير بدمها زي الراية، مش خد واحدة خرج بيت. ويأخذها من تحت واحد ثاني.

والله أنا مهما أعمل. مش حاؤقدر أرد له التعب اللي تعبه عشاني. مع إني الست. والست مفروض تريّح جوزها آخر راحه. الواد كبر ف نصري. وبقى حاجة كبيرة فدام عينيه.

في يوم سعت المغربية جه عبد الضار. من أول ما
شفت عبد الضار. السلاك كان ضاربه، و ساعتها احترت
وسألت نفسي: هيء الفلوس اللي بياخدنا ببوديها فدين؟ ده
عمره ما يعرف يحوش مليين يوحد ربه. دا جيئه مخروم
وبينه وبين الفلوس عداوة؟

وعشان كل فلوسه بتيجي م الحرام، عمره ما يعرف
قيمتها. القرش بيجي باليمين وينصرف بالشمال. يضربه
بميت عفريت. قلت بيقى ماشي ف الهلس. مع النسوان.
أول ما جه عبد الضار. وسأل علينا. قلنا الفرج جه.
غزاله قالى: ما تقرحيش بالقوى كده. ما حدش عارف هوه
جاي بيريكي والا جاي عشان يطلب فلوس من تاني. قلنا
نطلعه فوق عشان ناخد راحتنا ف الكلام. احنا دلوقتي
ساكنين ف شقة كاملة. كافيين خيرنا شرنا. سرنا بقى ف شقة
بعد ما كان ف حنة أوضة. وفي الشقة ناخد براحتنا ف
الكلام. وأول ما يطلع نحبس العيال ف الأوضة، ونقدر وياده
في الصالون نتكلم زي ما احنا عاززين. وإن طمع في أيها
حاجة. شرب أو أكل. نطلبها له ويطفحها هنا في الأوضة
بالسم الهاري.

عبد الضار شاف الشقة الجديدة. وهو كان قبل كده
شاف الأوضة بناعنتا. وطعم فينا أكثر، طلع عارف اسم اللي
احنا فيه. ضرب كف بكف. ومصمص شفافي. وقال دا انتوا
ولا الملوك. دي الجنحات دي. ما ينزلشي فيها غير الناس
اللي فوق السحاب. وقعد يفاصل. ومن تحبينا، كان المحل
اللي بيبيع الشرايط، مصور شريط بحس عالي. بيقول
المغنواتي فيه: جرحوني وقلوا الأجزاخانات، لا قالوا ازيك
ولا سلامات.

طلب عبد الضار فلوس. غزاله قاله. الشهر لسه ما
هلاش. طلب فلوس مقدم. كان عاوز أجرة ست شهر مقدم.
وإن خدهم الوقتي ما حدش حايشوف وشه، إلا بعد ست
شهر بحالهم. غزاله قاله: نجوم السما أقرب لك. طلق وأنا
أدفع لك. عبد الضار رد عليه: تبقي هيلا بيلا ونتفق بيعنة
وشروة.

من هنا لها. قال ع اللي هو عاوزه. طلب من
غزاله ينصص الفلوس بالنص. نص لينا ونص ليه. غزاله
سأله: الفلوس الأصلية. واللا اللي فاضل منهم؟ عبد الضار
قال له: يعني طمعت ف جمل. اللي فاضل، نعده دلوقتي

ونقسمه النص بالنص. وأول ما آخذ النص بتاعي. أتنازل لك عن العيال. وأطلق لك الولية، وكل واحد بيقى من سكة، وما نتقابلاشى تانى إلا ف يوم الموقف العظيم.

الواد غزاله ما داشي منطق. قعد يفكر. واني زعقت ف عبد الضار، وقلت له: هيء عضمة بتمصمص فيها. وما ترميهاشي، إلا وهيه ما فيهاشي حاجة خالص. يا أخي حرام عليك. منك الله.

من هنا لها. ما اتفقاش. غزاله خدني ع الأوضة اللي جوه، عشان نتشاور ويا بعض بعيد عنه. ومن غير كلام. قلت له: هيء لأه. يعني لأه. أوعى تنتيها وياه النص بالنص. دا بيقى حرام.

غزاله فالى: آني رأى من رأيك. لأنه برضاك لو حتى خد النص عمره ما حايسيينا ولا حايطلق. إحنا نفاصله، والفصال نص الشطاره. لازم نخلص منه. لأنه طول ما هو قاعدلينا. عمرنا ما حانعرف نتهنى حاجة. لا بيومنا ولا بليلنا ولا بفلوسنا.

قعدنا بعد نص الليل. ونما لقى دماغنا ناشفة. هوه اللي جاب ورا، قال نتلتها. نقسمها على ثلاثة. كوم

لغزالة. وكوم ليه. وكوم لترتر. وارجع من تاني آخذ نص
كوم ترتر منها. التلت كمان عشان احنا دافنيه سوا، ونص
كوم ترتر عشان أسيبها لحال سبليها. وارمي عليها يمين
الطلاق تلت مرات. يعني عمرها ما ترجع لي إلا بمحل.
غزاله شخط فيه. علا حسه عليه. قاله: دا انت كده.
كأنك بتقول العة كوم والتبن كوم. وعاوز تأخذ الغلة. واحنا
يفضل لينا التبن. يا أخي حرام عليك. قول كلام معقول.
عشان نقدر نتفاهم. عبد الضار صور على لسانه فبقيه
عشان يقول بيه: دا اللي عنده. وبعد كده خلاص بح.
هوه كان جاي مستعد وعامل حسابه على كل حاجة
قعدنا نحسبها. بقت الحكاية عاملة زي حسبة برما. عشان
احنا ما كناشي عارفين الفلوس اللي كت فاضلة ويانا كام.
بعد البعثرة اللي عاملها غزاله ف الفاضية والمليانة.
عبد الضار سابنا. وقال هيه دي آخر حاجة. أقدر
أقول عليها. وقال إنه حايسيننا ويرجع لينا بكرة المغربية.
عشان ناخذ وندي ف الكلام. قبل ما يمشي طلب فلوس ع
النوتة. حاجة كده ع الحساب. يمشي بيها روحه. الحكاية
مشحطة ع الآخر. وأنا شاورت لغزاله انه ما يديلوشي. لما

يُحصل إيه. عشان طول ما هوه محتاج تتكلم وياده. ونما ياخ
قرش. بيقى حلني. وحا يطلع ديننا ويورينا النجوم في عز
الضهرية، دي المحتاجة غناجة.

هوه مشي من هنا. وأنا بقىت متوجوشة خالص.
وبقىت ماسكة قلبي بيادي هوه مش ناقص. عبد الضار خاين
بطبعه ويعمل ليها حاجة.

ساتت هام:

منهم الله اللي كانوا السبب

في الأيام دي. كنا نسينا صاحب الشنطة والفلوس.
 ويا ترى كت جاية منين. وآهي راحت فين. عبد الضار
 وهوه ماشي فكرنا. وقال، أوعاكو تنسوا إن الفلوس دي ليها
 أصحابات. وحکایة الفلوس الجرانيت بتكتب عليها كل يوم.
 والبلد كلها حواديت. وصحابات الفلوس ناس تخاين. مش
 بعيد يكونوا بلغوا بنمرها. يعني احنا لازم نتصرف. ونغير
 الفلوس ونفكها ونقسمها وكل واحد يروح لحال سبيله. بدل ما
 تتاخد منتنا كلنا غصب. وييجي نقينا على شونة. غزالة سأله:
 دا تهديد والا ليه بقى؟ رد عليه: أهددك إزاي. ونا ليه في
 اللي ويالك. زي اللي لك فيه واكتر؟

عبد الضار انطلق زي البربندي، قال لغزالة إنه مش
 دريان والسكنية سارقا، ولا بد ف حضن الست. ولو كت
 فخاد ترتر دامت لغيرك. ما كانتشى وصلت تحتك، افهموها
 بقى يا خلائق. شاور عليه. وقال إني ويا اللي معاه فلوس
 وبس. وأول الميه ما تشف حانقولك. ما اعطيكشى يا حبيب

القلب. وتروح مع واحد تاني. غزاله كان عايز برد عليه. أنا
قلت نقلل ع الموضوع ده. وما فيش داعي نكلم فيه.
نوبه واحدة. افتكرت صحابات الفلوس. دي الحكاية
تقولشي فلت عليها سنين بحالها. يا ترى همه مين بالظبط.
وحصل لهم إيه بعد ضيungan الشنطة، لو كت الفلوس بتاعتھم،
تلافي جت لهم النقطة. وعيوا بالعيا البطل. اللي بيأخذ العمر
وياه. بس هوه معقوله. حد يكون عنده الفلوس دي كلها. وإن
كت الفلوس بتاعت الحكومة تلaciھم في الحديد. وحا ياخدوا
فيها مش أقل من تأبیدة. عشان الفلوس جامدة.

أنا ما اعرفشي دول يطلعوا مين، أصل الفلوس ما
بيكونشي مكتوب عليها اسم صاحبها. أنا كت مستغربة عشان
الناس دول ما بلغوشي عن الفلوس اللي ضاعت. كفوا ع
الخبر ماجور. والله تلaciھم سارقين الفلوس، من ناس
سارقينها همه كمان.

الشاهد؟ لو الفلوس جابت. لينا نصيبه. حاصلح
هدومي وأفك شعري وادعي عليهم سعٰت صلاة الجمعة. وإن
جت الفلوس وبقت وش السعد لينا. لزمن أدعى لهم في كل
وقت يترفع فيه الأدان لابوخيمة زرقا. وإن انحبسم حابعـت

لبيهم من بعيد لبعيد عيش وحلوة ودخان. وإن كت وراهم
عيله برضاك نصرف عليها ونشيل زنقتها بس من غير ما
يحسوا بأيها حاجة.

سابع هام:

البحر واحد والسمك ألوان

عبد الضار نما ما لا فاشي فيه فاپدة. مشي. بس قبل
ما يمشي قال: والله أنا عاوز أحل المشكلة. وانتوا اللي
عاوزين ترجعوا للفرح وستينه. ندھت على عبد الضار وهو
ماشي، وغزاله قال: سيببيه. مش عارفه لو عبد الضار رجع
تاني، وسألني أقدر أعمل إيه. حاؤقول له: الفلوس فلوس،
والشورة شورته، هوه راجلي، حاليولي. لسه ما بقاشي
راجلوك. انت معاه في الحرام.

أول عبد الضار ما انکشح حسيت، إن العيال كانوا
واقفين ورا الباب بيتصنعوا علينا. قلت لغزاله: ما بدھاشي
لزمن نھرب. وغزاله كان مبلط ف الخط. منه الله هوه
السبب. ما أقدر شي أقول عليه غبي. وما أحبس أقول إنه
راجل خيخة وخرع وعده طري. ما أقدر شي أقول عليه
مش ابن ليل. دي الحاجات اللي خلاتي أحبه موت. بس
برضك دي الحاجات اللي وداتنا في نصبيه بعد كده.

دي كت ليلة ولا كل الليالي. بكره حلينط لنا أبو النطيط. وشكله ناوي ع الشر. رحت صحيت غزاله. بعد العيال ما ناموا وشخروا وبقوا بيأكلوا رز مع الملائكة. وقبل ما يقولي، إنه ما لوش مزاج. والحكاية ديت عايزه راحه البال، قلت له، أنا مش جايه لك عshan كده. فيه حاجة تانية أهم.

قلت له: ما تيجي نشيل الفلوس في أيها حته. ونخلي شوية قليلة في الشنطة. ونقول هوه ده بس اللي فاضل. ونما عبد الضار بيجي ويقسم. نبقى إحنا اللي ضحكتنا عليه. ويبقى جه يصيدك. صدته أنت.

غزاله ما رضيشي. هز دماغه وإيديه لتنين. وقال: ودا مش حايخش دماغ عبد الضار: حايقول دي سرقة عيني عيناك. خبطته ف سدره. وقلت له: هوه فيه حد بيسرق نفسه يا ادلادي. إحنا بنحمي نفسها منه. قالى غزاله: إن عبد الضار مش عبيط. تلاقيه حاسبها بالورقة والقلم. وعارف اللي انصرف على داير الملين واللي فاضل قد إيه.

قلت له: هوه إحنا قبل ما نحمي نفسينا بنخاف منه. قالى: معلهشي يا بت الناس أنا أحب أمسي في السليم. رحت

سابه له دين السليم اللي حاشره زي القدونس في كل كلمة.
راح رافع إيده عليه، وكت أول نوبة نشاحن، وكان
حايضربني. وشفت في إيده المرفوعة عليه. إيد عبد الضار.
ودا عمري ما فكرت إنه يحصل من غزاله. استهينا بالله
وقلنا الشيطان شاطر. وهدينا نفسينا.

وقدعنا نفرهد نفسينا. ونلف وندور حوالين بعض،
كان الود ودي، نخبي الفلوس بعيد ونخلي شوية فكة، حتى لو
أخدتهم كلهم تبقى التعويزة بسيطة. وهوه يقولي واحدنا قاعدين
على سرير واحد من غير جواز نمشي في السليم أحسن.
سليم ليه يا سي غزاله؟ هوه فين السليم من أصله؟
هوه يعني كان أخذ الشنطة من العربية سليم؟ هيhe عيشته
معايا تحت سقف واحد سليمة؟ هيhe نومته معايا كل ليلة
سليمة؟ هوه أخده العيال سليم؟ هوه عاوز ييجي في الهایفة
ويتصدر. احنا كلنا بنعوم ف الغلط. بنخوض ف ميه الغلط
اللي واصله لغالية رجلينا. لأه. دي لحد رقابينا. ومتش باين
مننا بعيد عن الغلط غير عينينا. وبقنا وشفايفنا اللي عايمين
في الغلط. قاعدين نعني بيهم. ونقول السليم. الصحيح. العدل.

دا انت يا سي غزاله ولا دريان بنفسك. دا احنا بناكل
غلط. وبنشرب غلط. وبننام غلط، ونقسح غلط، ونستأذ
غلط. وكل حاجة بنعملها غلط في غلط. وعيينينا بتغمض ع
الغلط. وتفتح على الغلط، وتتجي انت تهز طولك وتقول لي
السليم كويس. دا احنا جينا في أيام هيئ نفسها غلط.

تعالي يا سي غزاله نرمح في الشارع ونشوف.
حانلاقي ولا واحد ماشي سليم. هوه السليم يعرف يمشي
اليومين دولت. منك الله يا غزاله. ضيعت مننا آخر فرصة
عشان تنفذ بجلدنا. ونهرب ونتم على بعض. ونفوت لعبد
الضار بلاد وبحور.

في الليلة دي. قلت له. ونجوم الليل شاهدة على
كلامي، إيك مهما تدي عبد الضار حايفضل فاتح ضب في
السما. وضب في الأرض. ويقول: كمان شا الله تديله الشنطة
كلها. مش حايسيينا. ما قدمناشي غير إن احنا نهرب منه
ونشتري حياتنا. شا الله نشتري بزابوريات ونهج بلاد الله.
خلق الله. نسيب مصر كلها ونخلع بدل ما احنا عايشين كده.
على كف الرحمن. يوم بيوم، وعبد الضار عمره ما
حايسيينا. إنما مين يقرأ ومين يسمع، اللي حصل لينا كان

مكتوب، والمكتوب ما منه مهروب. مهما حاولنا نبعد نلاقي
رجلينا بتغرز في الطين. ومين فبنا غرز في الطين وقدر
يطلع منه؟

تامن هام:

من منام لكابوس يا قلبي لا تحزن

همه أهل زمان كانوا بيلعيم. دول أهل زمان همه
اللي شربوا كبابيات السمنة السايحة. وكلوا الحلاوة الطحينية
كيلو كيلو، وسفوا السلطة السوداني حفان حفان. والواحد منهم
كان يقوم بدياك رومي لوحديه، والا فخد ضاني من غير ما
يشاركه فيها حد.

أهل زمان همه اللي قالوا إن الحلو ما يكملاشي.
وغزاله حلو موت. غزاله أحلى واحد عرفته في حياتي. بس
يا خسارة عمره ما حا يكمل.

ليلة غريبة، كلها كت كوابيس، وما كنتش عارفة إنها
حاتكون الليلة الأخرىانية. وزى ما كت فيه ليه أولاته في
جنة اللوكادنة، حاتكون ليها ليلة أخرىانية، ما هم أهل زمان
برضك همه اللي قالوا، إن اللي ليه أول. لزمن يكون ليه
آخر.

أول عيني ما غمضت، شفت عبد الضار مشرّف.
وجايب شوية عيال من بتوع المنسر معاه. عيال من صيع

الحنة اللي كنا عايشين فيها. عشان العبال يهجموا ع الأوضة
ويأخذوا الشنطة بالفلوس اللي فيها. قول يا فكك. فريرة.
وأنا انتي أسرخ وانتي أصوات. لحد ما أقوم م النوم عرقانة
وعطشانة وعايزه أشرب ميه.

دخل الكبنيه وأفسر جواه الحلم. عشان أفك شره،
وأبطل بلاويه، أنام من تاني. يطلع اللي جنبي عبد الضار
وغرالة مش موجود. وأصور على غرالة سلط في ملقط.
ولا هوه هنا. أرمي وراه، أجري في الشوارع والحواري.
اتقيني من غير رجالين. ومش عارفه باجرى إزاي، حد
يجرى من غير رجالين. دي باین عليهما خطفة. ارجع
للسريخ والصوات من تاني. واصحى واشرب شوية ميه.
أول عينيه ما تغمض تيجي الكوابيس طوالى.
كابوس يطلع من كابوس. منامت ترعب وتخوف. دي ليلة
ولا كل الليالي. وأخونا كان هادي. ونام من بدرى. عشان
يقوم مدر. يروح وحدته ويرجع لي الظهرية ونشوف
حانعمل إيه.

صحبته م النوم. قرب الفجرية. الفجر كان بيشقشق.
وأدان الفجر بيلعلع على جامع سيدنا الحسين. قلت له: وحـا
نعمل إيه؟ اتاوب ونام تاني وقالـي: بكره يحلها ألف حـلـلـ.
رحت حـالـفة بالـطـلاقـ تـلـاتـةـ. شـافـعـيـ وـمـالـكـيـ وـأـبـوـ
خـيـفـةـ، ماـ هوـ حـاكـمـ جـوزـيـ عـدـ الضـارـ كـانـ بـيـحـلـفـ عـلـيـهـ كـدهـ.
إنـ الـوـادـ غـزـالـةـ. حـاجـةـ مـنـ اـتـتـينـ. إـمـاـ إـنـهـ مـرـتـبـ تـرـتـيبـ تـانـيـ.
وـادـ حـويـطـ حـاميـ نـفـسـهـ بـسـ مـشـ عـاـوزـ يـكـلمـ. ماـ هوـ الليـ كـتـيرـ
الـكـلامـ. فـعـلـهـ ضـعـيفـ. ياـ اـمـهـ جـالـهـ خـابـطـ فـيـ نـافـوـخـهـ وـعـنـدـهـ
لـطـفـ. وـمـشـ عـارـفـ النـصـيـبـةـ اللـيـ مـسـتـيـانـاـ عـنـدـ أـولـ عـطـفـةـ.
ماـ هوـ لـسـهـ عـودـهـ طـرـيـ. لـسـاتـهـ أـخـضـرـ ماـ صـلـبـشـ حـيـلـهـ. دـاـ
حـظـ إـيهـ دـهـ ياـ رـبـيـ. بـقـىـ أـسـيـبـ الـفـاجـرـ. أـقـعـ فـيـ الـخـيـخـةـ
طـوالـيـ؟

تـانـيـ يـوـمـ الصـبـحـيـةـ، أـولـ مـاـ فـتـحـ التـلـيـفـزـيـونـ، بـتـاعـ
الـلوـكـانـدـةـ، كـتـ لـلـيـ مـرـادـ، بـتـقـولـ إـنـهـ حـاسـةـ بـنـصـيـبـهـ جـايـهـ لـهـ،
وـكـانـ نـجـيـبـ الرـيحـانـيـ. بـيـقـولـ لـيـهـ ياـ لـطـيفـ ياـ لـطـيفـ. وـتـكـملـ
هـيـهـ، إـنـ النـصـيـبـةـ مـاـ كـانـتـشـيـ عـلـىـ بـالـهـاـ. وـهـوـ يـوـلـوـلـ: ياـ
لـطـيفـ ياـ لـطـيفـ. رـحـتـ سـاـكـةـ التـلـيـفـزـيـونـ عـلـىـ طـولـ.

آه. ياني. لو كت عارفة إن دي الليلة الآخرانية ليه
هنا. ما أعرفشي كت أعمل إيه. كت آخذ غزاله ف حضني
واللا أجيـب العيـال وـأقـعـدـ أـبـصـ لـهـمـ طـولـ اللـيلـ. والـلاـ أـعـبـيـ
شـوـيـةـ ضـيـ منـ الليـ مـالـيـ الشـوـارـعـ. والـلاـ هـوـاـ منـ الليـ فـيـ
الـلـوـكـانـدـةـ. والـلاـ انـزـلـ آـكـلـ آـكـلـ. لـعـاـيـةـ مـاـ أـبـقـىـ زـيـ كـيـسـ
الـقطـنـ. أـهـوـ أـخـزـنـ مـنـ الـيـوـمـيـنـ دـوـلـتـ. لـلـيـوـمـيـنـ الليـ جـايـينـ.

ما اعرفشي انـهاـ آخرـ لـيـلـةـ. ديـ فـاتـتـ كـوـابـيسـ كـلـهـاـ.
وـإـنـ كـتـ اـنـتـ عـيـنـيـكـ غـفـلـتـ. والـلاـ هـوـبـ نـواـحـيـاـ النـومـ يـكـونـ
الـنـومـ جـهـ نـاحـيـتـيـ فـيـ اللـيـلـةـ دـيـتـ. الصـبـحـيـةـ غـزـالـةـ غـيرـ رـيقـهـ،
وـنـزـلـ بـدـرـيـ قـبـلـ الشـمـسـ ماـ تـطـلـعـ زـيـ عـوـاـيدـهـ، قـالـيـ: عـيـنـيـكـ
فـيـ وـسـطـ رـاسـكـ. عـبـ الضـارـ دـهـ مـاـ حـدـشـ يـأـمـنـ لـهـ. وـأـنـاـ قـلـتـ
لـهـ: يـنـكـنـ لـآـخـرـ مـرـةـ: يـالـاـ بـيـنـاـ نـهـرـبـ يـاـ اـبـنـ النـاسـ. وـهـوـهـ
قـالـيـ: اـنـشـاءـ اللهـ حـاـتـلـصـ الـحـكـاـيـةـ فـيـ السـلـيمـ.

أـنـاـ عـمـريـ ماـ كـرـهـتـ كـلـمـةـ السـلـيمـ إـلـاـ عـشـانـ غـزالـةـ،
كـانـ مـاسـكـ فـيـهـاـ وـطـالـعـ بـيـهـاـ السـماـ. الـعيـالـ صـحـيـوـاـ، هـمـهـ فـطـرـمـ
وـأـنـاـ مـاـ فـيـشـ لـقـمـةـ جـرـحـتـ زـورـيـ وـلـاـ شـفـطـةـ شـايـ بـلـتـ رـيقـيـ
الـنـاـشـفـ. فـضـلـاتـ قـاـعـدـةـ وـلـاـ كـأـنـ اللـيـلـ لـسـهـ مـاـ مـشـاشـيـ.

الضهرية، جه غزاله ف مبعاده. اتعدى. بصيت له.
وسألت نفسي: هوه متظمن منين؟ نفسه هانية كده ليه؟ مين
اللي مهديه كده؟ ومطمئنه كده؟ سرخت فيه، يا للانهرب.
أهي دي المرة اللي بعد الأخرى، يا للا يا ابن الناس
نطفش. تنفذ بشنطتنا. وهوه قالى: أول الدنيا ما تليل. عبد
الضار حاييجي. والنهاerde لزمن يكون فيه حل، قلت له: وإن
ما جاشي عبد الضار قالى: يبقى حارروح لحد عنده. قلت له:
وإن حصل زي كل نوبة، رحت زي ما جيت من غير حل
ولا غيره. قالى: كل عقده وليها عند الكريم حلال.
رديت عليه بعلو حسي. وبعزم ما بيءه. كل عقدة ليها
عند الكريم آي. إنما عند عبد الضار لأه. وألف لأه، دا عبد
الضار والأجر على الله. وغزاله طبطب على كتفي وقالي
نصحي شوية. عشان نخلص من الموال اللي ما لوش نهاية
ده. وكل واحد يروح لحال سبيله.
اتحايل عليه عشان آكل. إنما أجياب بطون منين؟
ونفسي تقبل الأكل منين كت حاسة إن فيه نصبيه حاتحصل
لينا النهاerde. وبالكتير الليلة دي. وإن عبد الضار عمره ما

حايجبها البر. و عمرها ما حتبقى سليمة و ياه. دا عبد الضار
و أنا عاجناه وخابزاه وعارفه هوه بيعمل إيه؟
الليل جه. والضلعة نزلت م السما. فتل فتل، حسيت
والضلعة نازلة. إن فيه حاجة بتتكلبش ف قلبي. و تتكى عليه.
وإن فيه عنكبوت بياف حوالين روحي. وإن خفاش لبد فيه
مع إني طول عمري ما شفت الخفاش ده إنما أسمع عليه.
بقيت متضايقة من ضلعة الليل و أنا كت عاملة نفسى
أبو العريف. وبأقول أنا عارفة عبد الضار حايجمل إيه. إنما
اللي عمله عبد الضار ولا جه في بالي. ولا يقدر يعمله جنس
مخلوق.

جالنا عبد الضار في الميعاد تاني يوم. كت عينيه
منفحة و زي كاسات الدم م الحمار. بين عليه ما نمشي من
سعد ما كان عندنا. أنا خفت منه، دا فيه كل العبر اللي
خلقها ربنا.

المرة دي لا طلب شرب ولا أكل. ولا سأل عن
كشك ببيع دخان. ولا طلب فلوس. كان واحد تاني هوه اللي
جه. سأله وهو واقف زي المطالب: "شاورتوا نفسكموا؟"
غزاله قاله: بس اقعد الأول. عبد الضار رد عليه: دي لا فيها

فعد ولا كلام. أنا حتى مش مستعد أديكو مهلة تانية، هبّه
كلمة ورد غطهاها: أي والا لأه؟

غزاله قاله. انت امبراح ما عملتش حساب العيال
ومصاريفهم. مين اللي حايشيلهم من دلوقي لحد ما كل واحد
منهم يمسك شغلانة. ودي حصة كبيرة.

عبد الضار قال له: انت غاوي كلام. واللي تقلبه
تعيده. أنا قلت اللي ياخد الولية يشيل عيالها. عبد الضار
سأل: الخلاصه. استبينا والا يفتح الله؟ لو استبينا حاسمعوا
صلاة النبي. ولو يفتح الله يبقى كل واحد بنام ع الجنب اللي
يريحه: غزاله قاله: لأه موافقين أنا وترتر والعيال. بس هز
المبلغ شوية، عبد الضار اتعزرن وحلف بالطلاق إله ما
حابنزل ملين أحمر يوحد ربه.

مشي عبد الضار وهو بيقول: ذنبو على جنبك.
وقد أذر من أذر. أنا خدت الحكاية جد. ومت في نص
هدومي. وغزاله قال عليه مراع. بياع كلام وحا يمشي
ويرجع ثاني. وتالت ورابع. هوه ما لوشي غير هنا.

هوه مشي من هنا. وأنا مسكت في هدوم غزاله.
اطلب منه نهرب نمشي. نطفش. نبات في أيها حة تانية.

والعيال قالوا لأه مع غزاله. همه عارفين أيها حاجة. غزاله
قال إن العيال مكشوف عنهم الحجاب، لو كت فيه حاجة
كانوم حسم.

سكت. وفي وداني حسيت بصوات الكلاب. ساعتها
كان عبد الضار يقول إن الكلاب ماسكة. عشان شافت
عزرائيل وهوه نازل عشان يقبض على روحبني آدم جه
أجله. وعمره كلامه ما نزل الأرض أبداً. الصوت ده ملا
وداني. وفضل لحد ما مديت صوابعي في وداني عشان
أسدتهم. وصوابعي خلت الصفير يكتر. ربنا ما يوري حد
اللي شفته.

تاسع هام:

يا ناس يا عسل. البوليس وصل

بعد ما مشي عبد الضار . فاتت حصة ظغيرة . حاجة
 كده يدوبك كباية الشاي اللي قدامك تبرد من سخونيتها . ينكن
 تقدر تخلص سندوتش . واللا تدخن سيجارة . واللا تحمس
 ليك كرسي معسل . وكان اللي كان . وجرى اللي جرى .
 بعد صلاة العشاء بشويتين . البوليس هجم ع
 اللوكاندة . والناس في الشارع زعقت :
 — كبسة .

سألوا على غزاله . وسألوا عنى . وخدوا من صحابات
 اللوكاندة نمرة الشقة اللي متاويانا . وطلعوا خطروا علينا . أنا
 طلعت ع الباب . والباب كان فيه عين الواحدة تبص منها
 تشفوف اللي بره . وهوه عمره ما يشوفك . ياما قالوا عليها .
 بس عمري ما عرفت أبص فيها .

قلت مين ، رد عليه حس جامد :
 — بوليس ، افتحي .

سرخت، وصوتت، وحيطت على سدرى من عزم ما
فيه، وقلت يا حوسنی، جه غزاله أول حاجة فكر فيها إنه ينط
من البلكونة ويهرب، أول ما سمع كلمة بوليس. هوه احنا عا
نعيده من تاني. ما هو بيطلع من وحنته جدunque. سلاكي.
هربان يعني. بيقولوا عليها في الجهادية "كانت"، لا معاه
تصريح مبيت، عشان مش متجوز، ولا همه يقدروا يدوه
تصريح مبيت كل يوم، وان خد تصريح يوم الخميس أو
لتدين، يبقى لحد الساعة عشرة بالليل. وبرضك بيأت هناك.
وهوه لساته في العسكرية لحد دلوقي. يعني أول ما
يسمع كلمة بوليس من بتاعتني يقول يا فككك. وأول ما يشوف
البوليس. اللي واقفين لابسين على راسهم طواقي حمرا ولفين
على كتفاتهم شرطي حمرا. اللي يدبّحه ساعتها ما يلاقيش
فيه نقطة دم توحد ربها. ويفضل كده لغاية ما يبعد عنهم.
يُخاف يمسكوه.

جيـت أـنـكـلـم وـيـاهـ. إـنـماـ اللـيـ بـرـهـ ماـ كـانـوـشـيـ صـابـرـينـ،
فـالـلـوـاـ لـنـاـ: يـاـ تـفـتحـواـ الـبـابـ يـاـ حـانـكـسـرـهـ. غـزالـهـ خـبـىـ الشـنـطةـ
تحـتـ مرـتـبةـ فـيـ الأـوـضـةـ الـجـوـانـيـةـ، وـفـتـحـنـاـ الـبـابـ، أـولـ الـبـابـ
ماـ انـفـتـحـ استـغـرـبتـ. بـولـيـسـ إـيـهـ اللـيـ لـابـسـ زـيـنـاـ. دولـ لـيـهـ

ليس مخصوص وبيكونوا شايلين سلاح. والواحد بطلع النفر
منهم من وسط ميت ألف. والله جاييز يكونوا عصابة باعهها
عبد الضار.

قبل ما نقول ليها حاجة، كان الكبير بتاعهم. وعرفته
عشان هوه اللي كان بيشخط ويتنز. واللي دخلوا قبله كانوا
بيوسعوا له السكة، ويقولوا اتفصل يا سعادة البيه. واتفصل يا
باشا. الكبير راح راقع غزاله قلمين.. كل قلم منهم طق شرار
نور الأوضة، اللي كت لسانها مضلمة.

واحد منهم حس ع الحيطة لغاية ما لقى زرار
النور راح مولع. والظابط، ما هو لازم يكون ظابط، أمال
حايكون إيه؟ سأله: انت غزاله، وغزاله رد عليه: أيوه يا
باشا. وراح غزاله معظمه. وخبط رجله في الأرض. إنما ما
عملتش الخليفة حس، عشان كان وقف حافي، ما هم خدونا
خوانة. وغزاله عسكري. والثاني ظابط. وما تقرشي بقى
مع غزاله، إن كان ظابط بوليس واللا ظابط جيش. أهم
كلاتهم ظباط في بعضيهم.

بص لي الظابط. رحت رافعة إيديه طوالي. مدارية
وشي. قلت لا يكون عليه عفريت اسمه: اضرب، يروح

رافقوني فلم زي غزاله. قبل ما يقول أيها حاجة. كان العيال
ابتدوا يسرحم ويعيطم. سبت بتوع الكبسة عشان اسكن
العيال.

الظابط بصل للعيال. وسألني: دول عيال عبد الضار?
وساعتها عرفت ان همه جايين عارفين كل حاجة عننا. مش
من أول حكاية الفلوس. إنما من أول ما نزلنا من بطن أمهاتنا
بلابيص.

وعشان كده أول ما قالوا فين الشنطة، طلّع الشنطة
منك له ليها. راح الواد غزاله يا حبة عيني من سكات، جايب
ليهم الشنطة. ومديها لهم، وراحوا واحدينا زي ما كنا. آني
بقميص النوم، وغزاله بالفانلة واللباس. والعيال اللي من غير
شبشب. واللي ما علهوشي جلابة، خدونا زي ما لاقيونا.
وهمه بيضوروا ع الحاجات في الشقة. قعدوا يسألونا
عليزین يفتحوا محضر، وسؤالات والذى منه. طلع صاحب
اللوكاندة. لتعزرن وعروق رقبته انتخت ولعن اليوم اللي
نزل فيه ناس زينا عنده. وسأل الظابط إن كان معاه ورقة
من النيابة والا لأه. والظابط طلع له الورقة وورهاله.

ساعتها صاحب اللوكاندة كبر في نظري، وبصيت
لغزالة على إنه نعجة وخيخة. وساعتها افتكرت إن الراجل
اللي مخالف مني أونطجي. وان اللي معايا بيختلف من خياله.
وبصيت للراجل بتاع اللوكاندة. اللي كت رجله والقبر،
وعرفت يعني إيه كلمة راجل.

عرفتها متاخر قوي. مع العلم أنا كت فاكرة بتاع
اللوكاندة يهودي. زي المنشار طالع واكل. نازل واكل عاوز
فلوس وبس في الطالعة والنازلة. لكنني فرحت، إنه مش هامه
البوليس والظابط. دي أول نوبية ف حياتي. أشوف واحد
يسأل ظابط. الظابط دول همه اللي بيسألو الناس. المرة دي
بس، واحد بيسأل ظابط. والظابط بيرد عليه، وبيطلع له
الورق بتاعه يوريه له.

ربنا ما يكتب على حد الفضيحة. نزلنا ف فضيحة.
أنا ما اعرفشي أوصفها. كت ساعتها ميته ف جلدي. قدامنا
عساكر أولنا غزاله. شايل الشنطة بتاعت الهدوم، إنما الشنطة
اللي بالي بالك. كت ويأهم. شايلها عسكري منهم. وبعد
غزاله العيال وانا في الآخر. في الأول عساكر. وفي الآخر
عساكر وع الجنبيين عساكر. والظابط ماشي ورا خالص.

واللوكاندة. اللي كل واحد فيها في حال سبile. ما حدش ليه دعوة بحد تاني لقيتها مدروزة ناس بيترجوا علينا، وقادم اللوكاندة كت الناس أمام أمم. ترش الملح ما ينزلشي. واقفين حوالين عربيات البوليس. اللي شحنونا فيها. وهيلا بيلا بقينا في القسم. وفي القسم انفرقتا. حطوني لوحدي والعيل لوحديهم. وغزاله لوحده. وعدوا الفلوس اللي في الشنطة. مع إن العد يقل البركة في الفلوس.

كلها شوية. والدنيا كلها جت. الحباب اتجمعوا ما تعرفش إزاي. الرجل صاحب الفلوس جه. كان نايم في العسل نوم. وعبد الضار شرف. وطلع هوه اللي بلغ علينا. الظاهر والله أعلم. إنه بعد مالقاهاشي نافعة. وما فيش منها فائدة. راح مبلغ علينا. وكان دايما يقولي. إن اللي بيلغ الحكومة على فلوس يبقى له ربها. وهوه تلقيه حسبها بالليل ما دام ما خدش مننا يبقى يخلينا ع الحديدة. ويأخذ هوه الربع. هوه دايما كان يقول. إنه أحسن واحد. في أيها قضية. اللي يبقى شاهد ملك. يشهد ويطلع زي الشعرة م العجين. يعمل كل اللي هوه عاوزه. ويروح بيلغ الأول. المهم إن بلاغه يوصل قبل البوليس ما يشم خبر. ويبقى بـكـده شاهد

ملك. وشاهد الملك في أيها قضية، لازم يطلع في الآخر
براءة.

عبد الضار بعد ما وصل. وكت في إيه شنطة
بلاستيك متطبقة. وطلعونا م الحجز عشان يحققوا ويابا
ويسمعوا كلامنا أول ما شفت عبد الضار رحت مزرغته.
كان الظابط واقف بيقول له: انت كمان الغلط فوقك وتحنك.
اديته مرانك. وانتشرت عليه لغاية ما صرف جزء كبير من
الفلوس وقسمت وياه.

عبد الضار اتمس肯. ما هو حاكم دحlab. قال
للظابط ما نا مقدم بلاغين يا سعادة البيه. بلاغ عن مراتي
وعيشتها معاه في الحرام. وسرقة عالي مني. وبلاغ تاني
عن الفلوس.

مش عارفة أقول إيه واللا إيه؟ دخلنا ف تحقيقات،
ودونا النيابة، وإيشي حجز وكراكونات. ولا بقيت عارفة
أولي من آخرى.

والظابط وبتوع النيابة البهوات. رحت لهم. وكل
واحد. قالى وقلت له، وجاني ورحت له. وهات ياسين وخد
يا جيم، ورديت في السليم ببؤين كلام عسل ع الفرازة،

أصلهم قال إيه حبو بتوهوني في حكاية الفلوس. رحت أنا
توهنهم في الجهجون. والمعرصين ضربوا الشراميط وقعوا
لهم صف سنان.

كنا عاملين زي اللي بيلاعبوا استغامية. يروحي من
هنا، آجي له من هناك. هوه يكلم عن الواجب الوطني.
وحكاية الفلوس ميشنقة في تلوفة مخه الجوانية ولادعة
الأبلاتينية. عايز يتلائم مع القروش. يتقشروا. ويتسأسأو.
ويتوزعوا. وتنقى آدي البيضا وآدي اللي شواها. وآدي اللي
قشرها. وآدي اللي أكلها. هم يا جمل هم.

اللي يسألني أرد عليه بالعياط. والعيلان خرسم.
كانوا دايماً دمعتهم قريبة. تحت رموشم طوالى. بس يوم ما
طلبهم البيه وكيل النيابة. لقيتهم هاديين وساكتين. وعمرى ما
افتكرت ولا خطر على بالي. إنه حاييجي يوم عيالى
الظغيرين. حايقفوا قدام الطابط ويسألهم سؤالات وبفتح ليهم
محضر.

دخلت وجابولي لمون بسكر. أول البيه بتاع النيابة ما
سأل ولاد بطني، أنا كت بانام في نفس أوضة غزاله، واللا
لوحدى. وكت حأموت ف جتني. أول ابني البكري ما قال:

ان أنا أول الليل كت أبقى معاهم. ولكن في نص الليل. لما واحد منهم يصحى عشان يفك ميه كان يلاقيني مع غزاله في أوضنه، أول ما يصحوا الصبحية يلاقوني رجعت تاني معاهم زي ما كت.

وفين يوجعك. والضرب نازل. زي النطرة. سورقت وشممني كلونيا. وأول ما ففت شمت الظباط وبتوعات النيابة والعسكر. وقلت لهم بعدوا ضنايا وضي عنيا عن الوساخة ديت. عمرهم ما سمعوا كلام من ده.

مش عايزه أقول، إن الحدوتة خلصت. عشان الباقي كثير. أكثر م الهم ع القلب. أكثر م اللي فلت. كت باسمع أمي تقول: "جي الحزينة تفرح ملتقهاشي مطرح". وآهو ده اللي حصل لي بالظبط.

أول ما ودونا للبيه وكيل النيابة. سألني عن ورقي.
قلت له:

— دا مع عبد الضار.

— وعبد الضار دا بيقى مين؟

— جوزي وأبو عالي.

— أمال اللي كان معاكي. وعايشه معاه بيقى مين؟

— كان حايتجوزني.

وابتديت اكر زي حبل الصوف. احكي وهوه يسمع.
وبعدين يملّى على واحد قاعد جنبه. في ايده قلم. وقدامه دفتر
كبير. بقیت ولا كأني عريانة ملط. مفضوحة مكسوفة من
نفسی. كت بآقول يا أرض انشقى والبعيني.

كل ده كان مكتوب لي فين؟ فعدوني ع الطرابیزة
برة، في وسط المخبرين. ونادوا على غزاله. كان خس، كش
بيجي نصه، وهو كان قلة حتى في أيام العز.

أول سؤال ليه كان:

— فين ورفك؟

أول ما ادى الليه وكيل النيابة ورفة. قال إنه
مفروض يوديه النيابة العسكرية، هيه اللي تحقق ويأه. وطلع
غزاله على جنب. وآهو حتى القضية فرقـت بيننا.

حسـيت إن كل ده مكتوب لينا من قبل ما نتولد ونطلع
على وش الدنيا. ومهمـا نعمل. حايحصل حايحصل. يعني
حانهرب ونروح فين من المقدر والمكتوب؟

أنا كـت عايزـة إن عبد الصـار يروح في ستـين داهـية.
وعـشـان كـده، قـلتـ للـليـه بـتـاعـ الـنيـابةـ. وـرـحتـ مـحـودـةـ عـلـىـ عبدـ

الضار هوه اللي نصب المعمانه، هوه اللي رسم الرسمة
وفتحتلينا الفتحة. وعمل فينا الملعوب كله. إنما غزاله دا
واد كمل. زي البفته البيضا. غلبان ما يعرفشي أيها حاجة.
وعبد الضار هوه اللي نصب المولد. هو اللي كان بيقول
لغزاله كل ليلة: شخص يا أبو النوم. يروح الواد
مدبله طولي. عبد الضار هوه اللي لهط اللهطة الكبيرة. واحنا
يا دوب نابنا لحسة، ودا مش مهم. نابنا لحسة والا ما
نبناشى. هوه احنا حنام من غير عشا. قال بطلوا ده.
واسمعوا ده. المهم إنه لو لا بعد الضار ما كناشى عملنا أي
حاجة من دي.

بعد شوية رحلوني. وقالوا لي سجن النسوان، أنا
استنى فيه لغاية ما أروح المحكمة، ويتحكم عليه، عشان من
دلوقي وطالع، بقى ليه قضية.

ولا بقى عرفه العيال فين ولا غزاله فين أراضيه.
والفلوس اللي خدوها. وقالوا إنها أمانات. ما شفتش منها
جنس ملين. هي الحكومة بترجع فلوس. تاني يا ناس. حد
فيكو سمع إن الحكومة رجعت فلوس لحد خدتتها منه قبل كده.

قعدت أقول يا ربي ما عملت ولا سويت، وهب
كلمة يا ربي عمرها عمرت بيت.

عاشر هام:

آخر المتمة

آنی واحدة ست غلبة مسکینة. جرحي البخت
مسکینة تلمة، وعشان السکینة کت تلمة. الجرح فضل جرح.
ما نزلتشي منه نقطة دم واحدة. ويا ريت السکینة بحاتي بدل
ما کت جرحتي.

أنا دلوقتني عايزه واحدة منجمة شاطرة، تقاك العمل
المرمي ف سكتي، وتبطل العكوسات المعمولة ليه. وربنا
يدى كل واحد على أد نيته.

سعت أدان الفجرية. کت أصحى من أحلاها نومة.
واللي حواليه. محبوسين معاليا. نازلين شخير. وادعى وأقول:
— يا رب، حفتك بالحسين وأم هاشم والسيدة نفيسة
والإمام الشافعي. ساقطة عليك حبيبك سيدنا محمد. تتجيني، أنا
وعالي وغزاله. إنما عبد الضار عمرى ما ادعى ليه. عشان
هوه السبب في اللي احنا فيه دلوقتني. وكل اللي حابيجي بعد
كده.

يعني لو كت يا عبد الضار. يا للي عامل زي هباب الفرن، لو كت جبت شوية امشاط، على فلايات. على جلد بطاقات. على نفطالبين بليه. على إيره فيه بابور الجاز، ومسكتهم في إيديك. اللي صوابعها تتلف ف حرير. ولفيت بيهم ف الأتوبيسات. مش كان أحسن من الشدة اللي إحنا فيها. إنما ما يجيش منه.

إنما جايز اللي حصللينا مقدر ومكتوب. والمكتوب ع الجبين لزمن تشووفه العين. إنما هوه قلة عالم. وقلة نباهة مننا. خلانا مبلطين ف الخط. مصهينين على كل حاجة. ما إحنا كان عندنا شيء وشيوارات. ينعنغ البر كله. خده الغراب وطار. واديني قفایا يقمر ميت رغيف. وأنا دلوقتني ما معاييشي اللي أحبب بيته كوزين درة مشوي. ينفعوا المعدة بكوزين ميه. وبنام على لحم بطني من غير عشا. وأصبح ما أغیرشي ريقی. بعد ما كت أحتم على شنطة فيها التقاليل.

سألوني إن كان ويابا محامي. قلت ما كانشي يتعز. وهيه عورة عورة. آل محامي. آل. دا كل الكلام من دلوقتني وطالع فاك مجالس. حاجة كده جبر الخواطر على الله. وأنا

من دلو قتي. متنوفة الريش. وكل كليلة بقت زي الطين.
صحيح إن غزالة كان أمير الأمرا. إنما ما عرفشي يتصرف.
فضوها سيرة بقى.

كلشي إن كان عال العال. وكنا مزأططين. وكلشي
إن كان بقى أسود من قرون الخروب وأمر من الصبار.
وهوه ده كل اللي أقدر أقوله. عن نفسي في الأول
وفي الآخر. أنا بقىت واحدة مشيها بطاطل. وديلها نجس عاملة
زي مية الغسيل الوسخة، مخبية تحتها ياما. وياما. وفوق
وشها شوية رغاوي صابون.

أصل الحكایة وما فيها. وزى ما قلت في حال
المبتدأ. وارجع وأقول في الأواخر. لما الناس تتعود ع
الوحش تنسى طعم الحلو.
آهو دا اللي حصل. ودا اللي جرى. واللي كان.
واعمل إيه؟ والله ما نا عارفة.

- ٢ نبذة عن الكاتب
- ٤ هذه رواية
- "لين العصور".
- ٥ الله واحد
- ٦ الله واحد
- ١٢ مألوش تاني
- ٢٧ والتاللة تابتة
- ٢٧ زرعت صبرة هلبت
- ٢٧ وسقيتها بميه يا ريت
- ٢٧ طرحت ما يجيشه منه
- ٥٧ خمسة وخميسة
- ٥٧ ايش يعمل الترقيع في التوب الدايب؟!

٦٥	ست الستات
٦٥	التي سترها في الأول يسترها لحد الآخر
٧٧	سبعة
٧٧	الظاهرلينا
٧٧	والخافي على الله
٨٩	تمنيه
٨٩	كل شيء دواه الصبر
٨٩	لكن قلة الصبر مالهاش دوا
١٠٩	تسعة
١٠٩	من حرام لحرامي
١٠٩	يا قلبي لا تحزن
١٣٢	عشرة
١٣٢	شيخ المنسر

١٧٠	حداشر
١٧٠	الدنيا حلوة على مرة
١٧٠	ومرها أكثر
١٨١	تنasher
١٨١	جه يتاجر ف الحنة
١٨١	كترت لاحزان
١٩٧	تلات تasher
١٩٧	المزين يضحك ع الأقرع
١٩٧	بطقطقة المقص
٢١٨	أربعتاشر
٢١٨	طول ما انت زمار وأنا طبال
٢١٨	يا ما راح نشوف م الليالي الطوال
٢٤٦	خمسة تasher

- | | |
|-----|--------------------------|
| ٢٤٦ | أعمى يجر أعمى ويقوله: |
| ٢٤٦ | - ليلة سعيدة اللي اجتمعا |
| ٢٤٦ | ومكسح يجر مكسح ويقوله: |
| ٢٤٦ | - يا الله نتنفسح |
| ٢٦٩ | ستاشن |
| ٢٦٩ | إن كتووا نسيتوا اللي جرى |
| ٢٦٩ | هاتوا الدفاتر تنقرا |
| ٢٧١ | أول هام: موال السراير |
| ٢٧٦ | ثاني هام: غناوي العلالي |
| ٢٨٥ | ثالث هام: |
| ٢٨٥ | طعامة الفسح |
| ٢٨٧ | رابع هام: |
| ٢٨٧ | حواديت الفرفشة والنعنعة |

- ٢٩٣ خامس هام: غزالة هنا.
- ٢٩٣ بس عبد الصار هناك
- ٣٠٤ ساتت هام:
- ٣٠٤ منهم الله الذي كانوا السبب
- ٣٠٧ سابع هام:
- ٣٠٧ البحر واحد والسمك ألوان
- ٣١٢ تامن هام:
- ٣١٢ من منام لكابوس يا قلبي لا تحزن
- ٣٢٠ تاسع هام:
- ٣٢٠ يا ناس يا عسل. البوليس وصل
- ٣٣٢ عاشر هام:
- ٣٣٢ آخر المتمة